

**JOSEPHI PASCHALIS CYRILLI**

**IN REGIA NEAPOLITANA ACADEMIA**  
Juris Civilis Ordinarii Professoris

*AD LIBRUM QUARTUM*

**INSTITUTIONUM CIVILIU**

**COMMENTARIUS PERPETUUS**

*VIRO AMPLISSIMO*

**BERNARDO TANUCIO**

**CAROLI BORBONII**

**Regis Neapolitani a Secretis**  
**dictus.**



**Excudebat NEAPOLI ex publica auctoritate MDCCXXXVIII.**  
**Felix Carolus Musca,**

THE NEW YORK PUBLIC LIBRARY

ASTOR LENOX TILDEN FOUNDATION  
455 FIFTH AVENUE, NEW YORK, N. Y.

THE NEW YORK PUBLIC LIBRARY

ASTOR LENOX TILDEN FOUNDATION

455 FIFTH AVENUE, NEW YORK, N. Y.

NEW YORK, N. Y.

THE NEW YORK PUBLIC LIBRARY

ASTOR LENOX TILDEN FOUNDATION

455 FIFTH AVENUE, NEW YORK, N. Y.



THE NEW YORK PUBLIC LIBRARY

VIRO AMPLISSIMO  
BERNARDO TANUCIO  
CAROLI BORBONII

Regis Neapolitani a Secretis

JOSEPHUS PASCHALIS CYRILLUS,

S.



*Ilod serius , quam putabas ,  
meus hic ad quartum In-  
stitutionum Justiniani librum Commentarius  
prodierit , id nova , quæ te auctore suscepi  
Studia , fecere . Quum enim in revolvendis  
Pragmaticorum libris multum operæ ponam  
meæ ad causas in foro agendas animum pa-  
ratu.*

raturus , multum mibi temporis dilabatur ,  
neceſſe eſt . Ego quidem graviter & acerbe  
ferebam , quod nonliceret mibi qualecum-  
que hoc Opus meum tibi citius offerre ; ve-  
rum ut offerrem citius , facultas mea non  
tulit . Nunc , quoniam licet , illud tibi , Vir  
Ampliſſime , do , dico . Si quid ab Rep.  
ocii , ut in manus aliquando ſumas , oro  
quaefoque . Erit id certe tanti apud me , ut  
eo vel uno operam meam bene mibi ac feli-  
citer ceſſiſſe dicam . Bene vale .





# INSTITUTIONUM

seu Elementorum

## D. JUSTINIANI,

Sacratissimi Principis

LIBER QUARTUS:

### DE OBLIGATIONIBUS,

Quæ ex delicto nascuntur. (a)

TITULUS I.

47. ff. 2. 6. C. 1.



Unum sic expositum superiore libro de obligationibus ex contractu, & quasi ex contractu (b), sequitur, ut de obligationibus ex maleficio, (& quasi ex maleficio) dispiciamus. Sed illæ quidem (ut suo loco tradidimus) in quatuor genera dividuntur: hæc vero unius generis sunt; nam omnes ex re nascuntur, idest, ex ipso maleficio; veluti ex furto, rapina, damno, injuria.

1 Furtum est contrectatio fraudulosa, lucri facienda gratia (c), vel ipsius rei, vel etiam usus ejus, possessionisve, quod lege naturali prohibitum est admittere.

2 Furtum autem vel a furvo, idest, nigro, dictum est, quod clam, & obscure fiat, & plerumque nocte; vel a fraude; vel a ferendo (d); vel

a Græc.

---

(a) Quidam Charonda, De obligationibus ex delicto.

(b) Desunt alibi verba & quasi ex contractu, nam contractus, & maleficio, quasi contractus & quasi maleficio comprehendunt.

(c) Verba, lucri facienda gratia contra Theophilum, & veteres nonnullos Codices retinui, nam & sunt in l. 1. §. 3. ff. de h. & necessariam furti proprietatem designant. V. Comm.

(d) V. Comm. nostr.

Lib. IV,

a Græco sermone, qui (e) *φύρες* appellant fures. Imo & Græci *δρῖ τὸ φῦρε* *φύρες* dixerunt.

3 Furtorum autem duo sunt genera: manifestum, & nec manifestum. Nam conceptum, & oblatum; species potius actionis sunt furto coherentes, quam genera furtorum, sicut inferius apparebit. Manifestus fur est, quem Græci *ἑστῶς* appellant: nec solum is, qui in ipso furto deprehenditur, sed etiam is, qui in eo loco deprehenditur, quo fit: veluti qui in domo furtum fecit, & nondum egressus januam, deprehensus fuerit, & qui in oliveto olivarium, aut in vineo uvarum furtum fecit, quamdiu in eo oliveto, aut vineo deprehensus fuerit. Imo ulterius factum manifestum est extendendum, quamdiu eam rem fur tenens visus, vel deprehensus fuerit, si ve in publico, si ve in privato, vel a domino, vel ab alio, antequam eo pervenerit, quo deferre, vel deponere rem destinasset. Sed si petulit, quo destitavit, tamen deprehendatur cum re furtiva, non est manifestus fur. Nec manifestum furtum quid sit, ex his, quæ diximus, intelligitur: nam quod manifestum non est, id scilicet nec manifestum est.

4 Conceptum furtum dicitur, quum apud aliquem testibus presentibus furtiva res quæsitæ, & inventa sit: nam in eum propria actio constituta est, quamvis fur non sit, quæ appellatur concepti. Oblatum furtum dicitur, quum res furtiva ab aliquo tibi oblata sit, eaque apud te concepta sit: utique si ea mente tibi data fuerit, ut apud te potius, quam apud eum, qui dedit, conciperetur; nam tibi, apud quem concepta sit, propria adversus eum, qui obtulit, quamvis fur non sit, constituta est actio, quæ appellatur oblato. Est etiam prohibiti furti actio adversus eum, qui furtum querere testibus presentibus volentem prohibuerit. Præterea poena constituitur edicto Prætoris per actionem furti non exhibiti adversus eum, qui furtivam rem apud se quæsitam, & inventam non exhibuit. Sed hæ actiones, scilicet concepti, & oblato, & furti prohibiti, nec non furti non exhibiti, in desuetudinem abierunt. Quum enim requisitio rei furtivæ hodie secundum veterem observationem non fiat: merito ex consequentia etiam prælatæ actiones ab usu communi recesserunt: quum manifestum sit, quod omnes, qui scientes rem furtivam susceperint, & celaverint, furti nec manifesti obnoxii sunt.

5 Poena manifesti furti, quadrupli est, tam ex servi, quam ex liberi persona: nec manifesti, dupli.

6 Furtum autem sit, non solum quum quis intercipiendi causa rem alienam amoveret: sed generaliter, quum quis alienam rem invito domino contrahat. Itaque si ve creditor pignore, si ve is, apud quem res deposita est, ea re utatur, si ve is, qui rem utendam accepit, in alium usum eam transferat, quam cuius gratia ei data est, furtum committit: veluti si quis argentum utendum accepit, quasi amicos ad cœnam invitaturus, & id peregre secum tulerit: aut si quis equum gestandi causa commodatum sibi longius aliquo duxerit: quod veteres scripserunt de eo, qui in aciem (f) equum perduxisset.

7 Placuit tamen, eos, qui rebus commodatis aliter uterentur, quam utendas acceperint, ita furtum committere, si se intelligant id invito domino

(e) V. Comm. nostr.

(f) Hanc lectionem confirmant Theophilus, & Ulp. l. 3. §. 7. ff. commod. At Cuiacius in Not. post. mavult, in Aricium, ex Val. Max. l. 6. §. 2. n. 4. & Symmacho l. 7. ep. 9. Ego nihil muto.

mino facere, eumque, si intellexisset, non permisurum: at si permisurum, credant, extra crimen videri, optima sane distinctione: quia furtum sine, affectu furandi non committatur. (g)

8 Sed & si credat aliquis iuvio domino se rem commodatam sibi contrahere, domino autem volente id fiat, dicitur furtum non fieri. Unde illud quaesitum est, quum Titius servum Mævii sollicitaverit, ut quasdam res domino subriperet, & ad eum perferret, & servus id ad Mævium pertrulerit; Mævius dum vult Titium in ipso delicto deprehendere, permisit servo quasdam res ad eum perferre: utrum furti, an servi corrupti iudicio teneatur Titius, an neutro? Et quum nobis super hac dubitatione suggestum est, & antiquorum prudentium super hoc altercationes perspeximus, quibusdam, neque furti, neque servi corrupti actionem præstantibus, quibusdam furti tantummodo: vos huiusmodi calliditati obviam euntes, per nostram decisionem sancimus, non solum furti actionem, sed & servi corrupti contra eum dari. Licet enim is servus deterior a sollicitatore minime factus est, & ideo non concurrant regulæ, quæ servi corrupti actionem introducunt: tamen, consilium corruptoris ad perniciem probitatis servi introductum est, ut sit ei poenalis actio imposita, tanquam si re ipsa fuisset servus corruptus: ne ex huiusmodi impunitate, & in alium servum, qui facile posset corrumpi, tale facinus a quibusdam perpetretur.

9 Interdum etiam liberorum hominum furtum fit, veluti si quis liberorum nostrorum, qui in potestate nostra sunt, subreptus fuerit.

10 Aliquando & suæ rei furtum quis committit: veluti si debitor rem, quam creditori pignoris causa dedit, suberaxerit.

11 Interdum furti tenetur, qui ipse furtum non fecit: qualis est is, cujus ope consilio furtum factum est. In quo numero est, qui tibi numos excussit, ut alius eos raperet: aut tibi obstitit, ut alius rem tuam exciperet: aut oves tuas, vel boves fugaverit, ut alius eas acciperet. Et hoc veteres scripserunt de eo, qui panno rubro fugavit armentum. Sed si quid eorum per laqueum, & non data opera, ut furtum admitteretur, factum est, in factum actio dari debet. At ubi ope Mævii Titius furtum fecerit, ambo furti tenentur. Ope consilio ejus quoque furtum admitti videtur, qui scalas forte fenestris supponit: aut ipsas fenestras, vel ostium effringit, ut alius furtum faceret: quive ferramenta ad effringendum, aut scalas, ut fenestris supponerentur, commodaverit, scieus, cujus gratia commodaverit.

12 Certe qui nullam opem ad furtum faciendum adhibuit, sed tantum consilium dedit, atque hortatus est ad furtum faciendum, non tenetur furti.

13 Hi, qui in parentum, vel dominorum potestate sunt, si rem eis subripiunt, furtum quidem faciunt, & res in furtivam causam cadit: nec ob id ab ullo ulucapi potest, antequam in domini potestatem revertatur: sed furti actio non nascitur, quia nec ex alia ulla causa potest inter eos actio nasci.

14 Si vero ope consilio alterius furtum factum fuerit, quia utique furtum committitur, conveniatur ille furti tenetur, quia verum est, ope consilio ejus furtum factum esse.

15 Furti autem actio ei competit, cujus interest rem salvam esse, licet dominus

(g) In libris Charondæ est, committitur, & initio 5. seg. sed si.

minus non sit. Itaque nec domino aliter competit, quam si ejus intersit rem non perire.

16 Unde constat, creditorem de pignore subrepto furti actione agere posse, etiam si idoneum debitorem habeat, quia expedit ei pignori potius incumbere, quam in personam agere: adeo quidem, ut quamvis ipse debitor eam rem subripuerit, nihilominus creditori competat actio furti.

17 Item si fullo polienda, curandave, aut sarcinator sarcienda vestimenta mercede certa acceperit, eaque furro amiserit, ipse furti habet actionem, non dominus, quia domini nihil interest eam rem non perire, quam judicio locati a fullone, aut sarcinatore rem suam persequi possit. Sed & bonæ fidei emptori subrepta re, quam emerit, quamvis dominus non sit, omnino competit furti actio, quemadmodum & creditori. Fulloni vero, & sarcinatori non aliter furti actionem competere placuit, quam si solvendo fuerint: hoc est, si domino rei estimationem solvere possint. Nam si solvendo non sint: tunc quia ab eis suum dominus consequi non possit, ipsi domino furti competit actio, quia hoc casu ipsius interest rem salvam esse. Idem est & si in parte solvendo fuerit fullo, aut sarcinator.

18 Quæ de fullone, & sarcinatore diximus, eadem & ad eum, cui commodata res est, transferenda veteres existimabant. Nam ut ille fullo mercedem accipiendo custodiam præstat, ita is quoque, qui commodatum utendi causa accepit, (h) similiter necesse habet custodiam præstare. Sed nostra providentia etiam hoc in nostris decisionibus emendavit, ut in domini voluntate sit, siue commodati actionem adversus eum, qui rem commodatam accepit, movere desiderat, siue furti adversus eum, qui rem subripuit: & alterutra earum electa, dominum non posse ex prænitentia ad alteram venire actionem. Sed si quidem furem elegerit: illum, qui rem utendam accepit, penitus liberari: sin autem commodator veniat adversus eum, qui rem utendam accepit: ipsi quidem nullo modo competere posse adversus furem furti actionem; eum autem, qui pro re commodata convenitur, posse adversus furem furti habere actionem: ita tamen, si dominus sciens rem esse subreptam, adversus eum, cui res commodata fuerit, pervenit: sin autem nescius, & dubitans rem esse subreptam apud eum, commodati actionem instituerit, postea autem re comperta voluerit remittere quidem commodati actionem, ad furti autem actionem pervenire: tunc licentia ei conceditur & adversus furem venire, obstaculo nullo ei opponendo, quoniam incertus constitutus movit adversus eum, qui rem utendam accepit, commodati actionem: nisi domino ab eo satisfactum fuerit; tunc etenim omnino furem a domino quidem furti actione liberari, suppositum autem esse ei, qui pro re sibi commodata domino satisfecit, quum manifestissimum sit, etiam si ab initio dominus actionem commodati instituerit, ignarus rem esse subreptam, postea autem hoc ei cognito, adversus furem transierit, omnino liberari eum, qui rem commodatam acceperit, quemcumque causæ exitum dominus adversus furem habuerint: eadem definitione obtinente, siue in parte, siue in solidum solvendo sit is, qui rem commodatam acceperit.

19 Sed is, apud quem res deposita est, custodiam non præstat: sed tantum in eo obnoxius est, si quid ipse dolo malo fecerit: qua de causâ si res ei sub-

---

(h) *Aliibi*, utendum acceperit, *alibi*, utendi acceperit, *alibi*, utendum percipit.

# DE OBLIG. QUÆ EX DELICTO NASCUNTUR.

subrepta fuerit : quia restituendæ ejus rei nomine depositi non tenetur, nec ob id ejus interest rem salvam esse, furti agere non potest, sed furti actio domino competit.

20 In summa sciendum est, quæsitum esse, an impubes rem alienam amovendo furtum faciat? Et placuit, quia furtum ex affectu consistit, ita domum obligari eo crimine impuberem, si proximus pubertati sit, & ob id intelligat se delinquere.

21 Furti actio five dupli, five quadrupli, tantum ad pœnæ persequutionem pertinet. Nam ipsius rei persequutionem extrinsecus habet dominus, quam aut vindicando, aut condicendo potest anferre. Sed rei vindicatio quidem adversus possessorem est, five fur ipse possidet, five alius quilibet: conditio autem adversus furem ipsam, heredemve ejus, licet non possideat, competit.

## COMMENTARIUS.

**P**R.Tit. Omnia judicia, scribit Cic. pro Cæcin. c.2., aut distrabendarum controversiarum, aut malefactorum puniendorum causa reperta sunt. Quum igitur actum sit meo quidem judicio satis de obligationibus, quæ ex contractu vel quasi nascuntur, superest, ut de obligationibus ex delicto (a) differamus. Omnes hæ obligationes ex re, id est, ex ipso maleficio nascuntur, inquit hic Trib., quæque verbis sit injuria, re etiam fieri intelligitur, hoc est, facto aliquo externo; quod tantum lege punitur, unde obligationes ex delicto dicuntur: quæque obligationes ex facto, l. adlionum, §. ex facto de O. & A., nam cogitationis pœnam non esse, scriptum est l.18. fide pœn. (b) Maleficia, seu Delicta vel privata sunt, quia privatas hominum res præcipue spectant, vel publica, de quibus in tit.1.b.infr. Privatorum genera sunt quatuor, Furtum, Rapina, Damnum, Injuria.

§.I. VI. VII. Furtum est contravertatio rei fraudulosa lucrifaciendi gratia vel ipsius rei, vel etiam usus possessionisve, h. §. & l.1. §.3. de furt. Contravertere Latinis est tangere: fures autem res alienas per fraudem tangunt, unde Pacuvius apud Festum, & Laberius apud Gellium lib.16.c.7. fures dixere tangentes, & manuvios. Non est opus, rem auferre: satis est, eam fraudulento animo contravertere; sed necesse est tamen contravertere. Qui rem furtivam celat: qui re deposita, aut pignore utitur; qui re commodata aliter utitur, quam conveniret, non auferit, & fur est, quia contravertat l. qui vas 43. §.1. h.t. l.14.C. eod. §.6. & 7. h. tit. Contra fur non est, qui rem depositam vel commodatam apud se esse inficiatur, si eam dolo malo non dum contravertavit, l. inficiando 67. h. tit. Contravertat esse debet fraudulosa, nam crimina pensantur animo, l.46. §. verbe, & §. per contrarium, & d.l.48. §. qui ex voluntate h.t. Adjicitur illud, lucrifaciendi gratia: nisi enim quis rem alienam non lucrandi animo contravertat, is aut jocos facit, aut injuriam, l.39. & §.5. ad L. Aquil. Proinde quod Ulpianus tradit l.27. §. uti. h. t. Si quis non amovit, sed interloquit, non tantum furti actio locum habet, verum etiam legis Aquilia, nam rupisse videtur, qui corruptus acci-

(a) Delictum Aristoteli dicitur ἐνδίκον ἀδίκητον, contractus involuntarius, §. Ethic. Nicom. c.2. & malus contractus Triphonino, l.52. de re judic. V. Grot. lib.2.c.30. §.2. n.3. & Pufendorf lib.2.c.3. §.5.

(b) Rem hæc elegantissime pertrahit Cl. Bynkershoek 3, Obs.10.

accipi de eo debet, qui interluendo lucri causam habuit, alioqui de damno iniuria dato tenetur *l. 1. §. 1. & l. 42. ad L. Aquil.* Additur & illud, *vel ipse rei, vel etiam usus &c.* nam possessionis quoque usus furtum fit, §. 6. & 7. Demum ait Tribonianus, *Quod iure naturali prohibitum est admittere, hoc est, ut quidam explicant, iure gentium, quo iure distincta inter homines dominiis fuerunt.* Ego malim id ad jus naturæ primævum referre, nam in prima illa rerum communione domini loco erat possessio, unde domini ipsa coepisse aiebat Labeo *l. 1. de adq. poss.*; possessionis autem furtum fieri, nemo est, qui neget. Confirmat id Ulpianus *l. probrum 42. de V. S.*, *Probra quadam natura turpia sunt, quedam civiliter, & quasi more civitatis: ut puta furtum, adulterium natura turpe est. Enimvero tutela damnari, hoc non natura turpe est, sed more civitatis.* Neq. probō Alciati interpretationem, qui ait, hanc esse Ulpiani mentem, furtum non natura, sed more civitatis turpe esse. Quis enim non videt, Ulpiani initio duo probrorum genera facere, unum eorum, quæ natura, alterum eorum, quæ iure civili sunt turpia; tum utriusque generis exempla afferre; & prioris quidem generis exempla furti & adulterii: posterioris exemplum ejus, qui tutelæ damnatur? Quod si quis furtum more civitatis turpe dicat, quod ajunt nonnulli, is idem dicat oportet de adulterio, quod tamen natura est vitium. Non me movet, quod apud Aegyptios & Lacedæmones furti impune olim exercerentur; nam perversa nonnullarum gentium consuetudo communi omnium juri non obest, ut dictum *lib. 2. tit. 2. V. Ant. Aug. 4. Emend. 4.*

§. II. Furtum autem vel a furvo, id est nigro dictum est, quod clam & obscure (c) fiat, & plerumque nocte vel a fraude, vel a ferendo (d), vel a Græco sermone, qui (e) *οὐραν* appellantur fines. Imo & Græci *αὐτὸ τοῦ φέρειν*, *οὐραν* dixerunt. Ita Paulus *act. 1. de furi.* & Trib. *h. §.* Ultimam etymologiam præter: & bene Gellius *lib. 1. c. 10.*, *Sed in posteriore, inquit, ejus libri particula, (Varro) furem ex eo dictum, quod veteres Romani furvum autem appellaverunt, & furem pro noctem, quæ atra sit, facilius furem, Nonne sic videtur Varro de fure errasse, tanquam Aelius de lepore. Nam quod a Græcis nunc dicitur dicitur, antiquius Græca lingua φέρει Græce, Latine sur est. Sed ea res fugerit tunc Varronis memoriam, an contra apud & coharentius putarit, furem a furvo, id est, nigro, appellari, in hac re de viro tam excellentis doctrina non meum judicium est. V. Menag. Anacrit. 39.*

§. III. Furtorum duo (f) sunt genera, manifestum & nec manifestum. Ma-

(c) In *l. 1. pr. h. §.* est, quod clam & obscuro.

(d) In *l. 1. §. 1.* est, vel a ferendo & auferendo. *Libri Accursianorum habent, id est, auferendo, quam lectionem probat quoque Menag. Anacrit. 39. V. rrum id, & recte potest explicari, id est, nec rara est hac ejus particula significatio. Stev. quæstus Veget. l. 6. c. 10. & ad Arnob. lib. 2.*

(e) Accursiani malunt, quo, id est, quo sermone. At præstat legere, qui ut in Florentinis libris, & Codice Alciati 1. Dispens. 10. Non me movet putidi quidam Grammatista, qui supra Donatum non adfuerunt: nam hac l. quærit ratio, ut rara sit, habet tamen auctores suos, & quidem locupletissimos. Cajus *l. qui venenum 236. §. 1. de V. S. Glandis, inquit, appellatione omnis siuctus continetur, ut Javolenus ait, exemplo Græci sermonis, apud quos omnes arborum Species αἰσθητὰ appellantur. V. Ant. Aug. 4. Emend. 4. Auson. Popp. de usu antiqu. loquunt. l. 2. c. 2. & Gerard. Noct. 1. Obs. 4.*

(f) Cajus *2. Inst. l. 10. §. 2.* quatuor facit furtorum genera, manifesti, nec manifesti.

DE OBLIG. QUÆ EX DELICTO NASCUNTUR.

*Manifestus fur est*, ait Trib., *quem Græci αὐτοφθόῳ* appellant, (2) nec scilicet *is, qui in furto deprehenditur*, sed etiam *is, qui in eo loco deprehenditur, quo fit*, ut qui non dum est domum egressus. Imo ulterius *furtum manifestum*, extendendum est, *quandiu eam rem fur tenens visus, vel deprehensus fuerit, sive in publico, sive in privato, vel a domino, vel ab alio, antequam eo pervenerit, quo perferre, ac deponere rem destinasset*, l.3. §. 5. ff. h. t. Ex quibus patet, plus fuisse, quam scripsisse Cajum 2. Inst. 10. §. 2., ubi ait, manifestum furtum dici, si quando fur, cuiusvisque rem tollit, in ipso furto deprehenditur. Quoniam vero inquit Trib., *fur tenens visus, vel deprehensus fuerit*, opportune hic in dubium venit, num sola visio furem faciat manifestum. Affirmare videtur Servius ad illud Virg. Eclog. 3. v. 17. *Non ego te vidi?* ubi Servius, *Manifesti cum furti arguit, dicendo, vidi?* & sane Latinis manifesta dicuntur illa, quæ oculis cernuntur. Verum bene Cujac. 11. Obs. 38. ex ipso Virgilio infert, visum furem non aliter pro manifesto haberi, quam si ei fuerit a domino adclamatum, *Quo te proripis? Tene Tene. Teneto furem. Prehendo furem*, aut alia simili formula. Petron. c. 129. Plane subdit Virg.,

*Et quum clamarem, quo nunc se proripit ille,*

*Tityre togo pecus &c.*

Hoc sensu explicandum illud Tribonianum, *fur tenens visus*. V. d. 7. ff. h. t. Addit Trib., *Sed si per tulis, quo destinavit, tamen si deprehendatur cum re furtiva, non est manifestus fur*. Quod si nihil horum contigerit, fur erit nec manifestus, h. §.

§. IV. Conceptum furtum dicitur, ait Trib., *quum apud aliquem custodibus presentibus furtiva rei quæstia & inventa est*. Ad eundem prope modum Cajus 2. Inst. 10. §. 3. & Paul. 1. sent. 31. §. 3. Ejus mentio erat in leg. 12. Tab., quam ex Gellio lib. 12. c. 8. sic restituit Jac. Gothofredus, *Si furtum hunc licioque conceptum esset, atque uti manifestum vindicator*. Quid est autem lance & licio furtum concipere? Festus v. lance sic scribit, *Lance & licio dicebatur apud antiquos, quia qui furtum ibi quæreret in domo aliena, licio cinctus intrabat, lancemque ante oculos retinebat propter matrum familias, aut virginum presentiam*. Ex hoc Festi loco, & Inculentius ex ipsis Tribonianis verbis liquet, errare Alexandrum ab Alex. lib. 6. c. 10. Marcellum Interp. 12. Tab., & Baldinum ad h. §., qui idem esse ajunt furtum concipere, ac furtum admittere. Liqueet etiam errare Abr. Wielingium Diatrib. de furto per lancem & licium conceptum, ubi furtum concipere interpretatur vindicare. Quoniam vero furtum certo quodam

nifesti, concepti & oblati. Ita etiam Paulus 1. sent. 31. §. 2. Sed Trib. h. §. addit, *conceptum & oblatum species potius allionis esse furto coherentes, quam generis furtorum*. Id etiam probat Cajus ipse lib. 13. ad Edict. l. 2. h. t. ubi duo recenset furtorum genera.

(g) Sic Florentinus Liber in l. 3. de furt. Ita etiam Tribonianus §. 3. h. t. ac Theophilus, quam lectionem sequitur Cuius Rhodii lib. 10. c. 10. At Budæus legit, *ut receptum*. Utraque lectio bene habet, Græci enim αὐτοφθόῳ dicunt non modo fures manifestos, sed omnes, qui in crimine deprehendantur, a verbo φθό, deprehendo. Tu tamen Florentinum Codicem sequere. Alciatum, qui lib. Præternis. sic eum locum emendat, *aliam omnem, nihil moror, nam quid causa est, cur is a Florentina lectione tam longe abscedat?* Apud Aristophanem in Plut. v. 455. & Plutarchum in Lysandro, & apud alios Græcorum lectionissimos occurrit formula, *αὐτοφθόῳ*. V. Ferand. Adduens. lib. 1. Explicat. c. 43. Fur manifestus Plautus dicitur manifestarius in Trinum. act. 4. sc. 2. v. 50.

dam ritu conceptum fuisse; inquit hic Tribonianus, quoniam ille fuerit, videamus. Alciatus 3. *Parerg.* 8. Rævard. ad *Leg. 12. Tab.* 16. Turneb. 30. *Adv.* 13. Alexander ab Alex. loc. cit., & alii complures rem explicant ex Felso; nempe, quum quis apud aliquem furtum vellet querere, domum intrare & scrutari solum nudum, licio cinctum, & lancem ante oculos tenentem, juratumque Deos legum custodes, se se rependi spe furtum querere. Quærenti autem tibi, quomodo concipi furtum posset, quum lanx oculis opposita videretur, ne in rem furtivam inquireretur, respondent nonnulli, fuisse lancem duobus foraminibus terebratam; quod etiam ait Corasius *lib. 7. Mife. cap. 3.* sed ad alium finem, ut mox. Verum quis non videt, potuisse eos, qui terebratam lancem oculis obtendebant, non visos liberius videre, matrumque familias & virginum præsentiam tutius lædere? Quidquid autem sit de usu lancis, certe quod illi de corporis nuditate, & licio tradunt, id ex Græco ritu repetunt. Apud Aristophanem, ajunt, in *Nub.* v. 498. inquit Socrates, *Abi, depo-ne tunicam; qui Strepsiades, An deliqui quidquam?* tum Socrates, *Minime, sed nudos nos incedere fas est, ad quæ Strepsiades, Atqui non furtum conceptum est.* Ad hunc locum ita Scholiastes, *Moris erat, ut qui res furtivas quæsitum aedes cuiusdam ingrederentur, intrarent nudi, ne quid subreptibus occultentes clam-ferrent, neve ex inimicitia, quod quævere se simulabant, sub tunica oculatam inferrent;* domoque falsum crimen calumnie obiectarent. *Itaque ob causam ingreßuri aedes etiam ad inspicendas querendasque res publicas, nudi ingrediebantur, ne quid occultaretur.* Utuntur etiam verbis Platonis de *Leg. 12.* *Furtum equisiturus alicubi, nudus & licio cinctus, cetera discinctus, Deosque legum custodes adjurans, se inveniendi spe id facere, ita demum requirit.* Dominus vero sum exhibeto domum, & in omnibus, sive obsequatis, sive minus obsequatis locis liberam furti inveniendi potestatem facito. Corasius loc. cit. scribit, fures alienas ædes expilatores licium perferre solitos, quo se ad perturbandas occurrentium mentes præcingerent, nam licii ad magicas superstitiones magnavis fuit, ut constat ex Virg. *Ecl.* 8. & Plin. *lib. 28. Hist.* 4. 4; lancem vero eos oculis opposuisse duobus terebratam foraminibus, ne dignoscerentur. Idem de lance opinantur Alexander ab Alex. & Marcellius: at licium fuisse autumant, telam, quæ fures rem furtivam adligabant. Franciscus Balduinus conceptam furtæ explicat, quæ sub specie religionis impostores quidam licio, tanquam sacrificiis, succincti, & lancem ad colligendam stirpem circumferentes admittebant. Sed omnes hæc interpretationes in eo peccant, quod concipere furtum idem esse, atque admittere furtum, supponunt. Ego verosimilius arbitror, quod censet Cl. Vir. Johannes Vande Water 2. *Obs.* 1. Ait is, rei furtivæ dominum in perferutandis ædibus ejus, apud quem latere furtum resciverat, securum tulisse, aut ferri iussisse lancem, in qua certa pecunie summa reposita erat in præmium ei, qui rem furtivam indicaret. Licium vero erat singulum diversæ coloris, quo transverso liæores & quicumque Magistratibus præmissi erant, vincti erant. Illud licium transversum etiam lictum appellabatur, hinc enim liæores licti sunt. Gell. *lib. 12. c. 3.* Quoniam igitur domus cuique tutissimum erat refugium, hinc rei dominus alienas ædes ingressurus comitem sibi lictorem a Magistratu precebat: & lictor lancem præferens, & licio cinctus in signum publicæ auctoritatis domum intrabat: quæ omnia etiam tradiderat Petrus Pichæus *lib. 1. Advers. subsec. cap. 1.* Ad rem expendit Water locum Perronii de ritu perquirendi servi, qui in fuga est, *Sæyr.* c. 97. *Nec longe a præcone Aleydos stabat amictus veste discoloria, (licio) atque in lance argentea indicium, & fidem præfererat;* ubi *vestem discoloriam* interpretatur licium, fidem vero, quam Petrus Burmannus esse ait diploma a Magistratu lictori datum, ut sic publicis lictis

mu-



# DE OBLIGAT. QUÆ EX DELICTO NASCUNTUR.

munitus libere posset alienam domum ingredi, exponit is *premiu inventionis*, quod ideo *fides* dicitur, quia in lance argentea prælatum fidem facit inventori, sibi non auctores, ut ajunt, montes promitti, sed præsentem pecuniam offerri. Quoniam vero Petronius inquit, *iudicium & fidem*, addit is, particulam & accipiendam esse pro *seu*, tanquam, sicque *iudicium* per *fidem* explicari. V. plurā apud laudatum Water. Hunc ritum, ut colligere licet ex Gellio lib. 16. c. 10., sustulit lex Æbutia, quæ nec certum auctorem, nec certum tempus habet. Ludovicus tamen Charondas hoc nobis fragmentum dedit, LUCIUS ÆBUTIUS TR. PL. VIR POPULARIS LEGEM TULIT AD POPULUM, UT XII. TAB. CAPITA, QUÆ INUTILIA ESSENT REIP., TOLLERENTUR, QUÆ BEX MULTIS CONTRADICENTIBUS TANDEM ROGATA EST. V. Pitiscum in Lexic. Advertendum hic est, quod Gellius ibidem monet, furtum per lancem & licium conceptum, fuisse, tanquam manifestum, a Decemviris vindictarum; quod sic intelligit Jauus a Colta, modo is, apud quem conceptum fuerat, rem esse furtivam novisset. Tum Prætor concepti furti poenam statuit triplum, ac postremo duplum, quæ erat poena furti nec manifesti. V. Gell. lib. 11. c. 18. Sublato autem lancis & licii usu, aliam inquirendi furti rationem Prætor induxit, nempe quam deferibit h. 9. Tribonianus, ubi *conceptum* furtum dicitur, quod apud aliquem testibus præsentibus quæsitum est & inventum. Quousque vero mos ille vetus invaluit, erat & actio furti oblata. Solebant enim quandoque fures rem furtivam alteri offerre, ut apud eum potius furtum conciperetur: quo casu oblatus agebat is, penes quem res concepta & inventa erat, eaque actio adversus eum, qui obtulerat, etiamsi is fur non esset, tripli erat poena, & ipsius rei repetitio. Paul. 2. sent. 31. Gell. lib. 11. c. 18. Erant quoque olim actiones furti prohibiti, & furti non exhibiti, non ex jure 12. Tab., sed ex Edicto Prætoris profectæ, quarum hæc adversus eum erat, qui furtum jam conceptum non exhibuerat: illa adversus eum, qui concipere furtum volentem prohibuerat. Actio furti non exhibiti erat in duplum, quo spectat illud Plauti Pœn. act. 3. sc. 1. v. 60.

*Ille negabit, Milphionem queri consabit suum,*

*Id DUPLICABIT omne FURTUM.*

De furti prohibiti poena nihil constat. Omnes hæ actiones, inquit Trib., in desertudinem abiierunt.

S. V. Potissima igitur furcorum divisio hæc est, ut quædam manifesta sint, quædam nec manifesta. Poena manifesti furti, ait Trib., quadrupli est, tam ex servi, quam ex liberi persona: nec manifesti, dupli. Quadruplum est ex Edicto (h) Prætoris, l. 34. de furt., quod totum poena est, nec rei æstimationem

con-

(h) Quid autem juris fuit ante Prætorum? Id enarrat Gell. lib. 11. c. 18., Decemviri nostri furem, qui manifesto furto prehensus esset, tum dum occidi permiserunt, si aut, quum faceret furtum, nox esset, aut interdiu se telo, quum prehenderetur, defenderet. Ex ceteris manifestis furtibus liberos verberari, addidique iusserunt ei, cui factum furtum esset, si modo id luci fecissent, neque se telo defendissent: servos item furti manifesti prehensos verberibus affici, & de saxo præcipitari: sed pueros impuberes Prætoris arbitratu verberari voluerunt, noxamque ab his factam sarciri. Quæ fere omnia in fragmentis 12. Tab. exstant Tab. 2., ad quam v. Gethesfredum, Marcellum, & alios. Prætor vero quadruplum substituit post latam a C. Patetio, & L. Papirio Consulibus an. 427. legem Patetio Papirio de nexu, quæ vetustum, ne civium

Lib. IV.

B

Ro.

continet. *Paul. sent. 3. §. 13.* (i) Duplum vero non ex Edicto Prætoris, ut visum Eguinario Baroni, sed ex legibus 12. Tab., sic enim scriptum erat Tab. 3., SI ADORAT FURTO, QUOD NEC MANIFESTUM ESCIT, DUPLIONE DECIDITO. Verum quid illud est, *adorat furto*? Marcellius legit, *adulat*, vel, *adulat*, hoc est *fallit*. Satius est cum Jac. Gothofredo Festum sequi v. *adorare*, ubi, *Adorare*, inquit, *apud antiquos significabat agere*. Unde & *legati oratores dicuntur, quia mandata populi agunt*. Igitur *adorare furto* est *furti agere*. Deinde furum inopia fecit, ut criminaliter contra eos extra ordinem ageretur, *Lult. de furt.*, ac tandem Justinianus poenam fecit arbitriariam, *Nov. 134. c. ult.*

§. VIII. Volenti domino furtum non facimus, licet furandi animum habeamus, hoc est, putemus, rem invito domino adretractari, *h. §.*, vel potius furtum quidem facimus, sed furti actio non datur, ut scribit Pomponius *l. 46. §. penult. de furt.*, quod cum Christiana Theologia, & naturali Philosophia consentit, peccata enim animo æstimantur. Apposite Cicero *lib. 3. de Off.*, *Aliter Leges, aliter Philosophi tollunt astutias: Leges, quatenus manu res tenere possunt: Philosophi, quatenus ratione & intelligentia*. Interdum tamen jure civilis actione furti tenetur is, qui rem volente domino contrectavit. Fing., Titius servo Mævii auctor fuit, ut rem domino subriperet, & ad se perferret. Servus domino consilium aperuit. Mævius, quo posset furtum apud Titium concipere, permisit servo, ut rem ad illum deferret. In hac specie a veteribus disputatum est, nam alii Mævio dabant adversus Titium solam furti actionem: alii solam actionem servi corrupti: alii neutram: alii utramque, *h. §. & l. 20. C. de furt.*, ad quam vide Merillium. Justinianus in *d. l. 20.*, quæ una est ex quinquaginta ejus Decisionibus, ultimam opinionem probavit. Et quamquam re vera nec furtum admissum sit, quia res non invito domino contrectata est, nec ser-  
vus deterior factus, quia is & rem domino parefecit, & voluntate domini rem ad Titium pertulit: dedit tamen Justinianus & furti actionem propter dolum, & actionem servi corrupti, quia Titius, quantum in eo situm erat, jam servi fidem conatu suo attentaverat, neque una actio alteram tollit, quia non ex eodem facto utraque nascitur, *l. 2. de priv. delict.* Duo hic habes exempla, alterum doli boni in Mævio, *l. 1. §. 3. de del. mal.*, alterum, ejus, quod vulgo traditum est, quandoque solum conatum sine effectu puniri. Servius ad *Virg. 6. Æneid. v. 624.* *Dielt secundum Romanorum ritum, in quo non tantum exitus puniunt, sed & voluntas*.

§. IX. Interdum etiam liberorum hominum furtum sit, veluti si quis liberorum nostrorum, qui in potestate nostra sit, subreptus fuerit, *h. §.*, quo casu palam esse ait Ulp. *l. 14. §. 14. de furt.*, *patrem habere furti actionem*. Quid autem continet hæc actio? Cujacius 21. *Obs. 20.* ait, non competere patri actionem furti, quasi jure domini, si nihil ejus interfit: competere vero, si patris interfit ob lucra acquisitionum, quæ patribus per filios obveniunt, hæque accipit, *l. 14. §. 13. de furt.* Quæ est communis prope interpretum,

opt.

Romanorum corpora addicerentur. *Liv. lib. 8. c. 28.* & post legem Persiam a Persio Lata Tribuno Pl. lata an. 454., qua pro tergo civium lata dicitur *Livio lib. 10. c. 9.*, quod virgas ab omnium civium Romanorum corpore amovit, ut loquitur Cic. pro Rabir. c. 4. De pena furum apud diversas gentes vide *Ferardum Aduenfem lib. 2. Explic. c. 34.*

(i) De Quadruple v. Paganin. Gaudent. lib. 1. Juridic. Exposit. c. 20.

opinio, cuius ea est ratio, quod liber homo nullam recipit æstimationem; l. 1. §. 5. de his, qui effud. l. 3. si quadrup. paup., ut proinde, si qua lucra filio subrepto intercepta sint, ea dumtaxat multiplicentur. Verum Hotomanus furti actionem dari patri, etiam si nihil interfuerit, dummodo potuerit interesse: quod ego verum puto, nam Ulpianus generaliter inquit d. l. 14. §. 13., *Si filiusfam. subreptus sit, patrem habere furti actionem, palam est.* Arbitratur autem Hotomanus, hanc actionem esse ex numero earum, quæ quum ex delicto vel quasi delicto proficiantur, certam tamen ac definitam summam non continent, sed id demum postulant, quod iudex æquum bonum censuerit: sicque in specie subrepti filii patrem permisso iudicis hanc injuriarum pecuniariam æstimatione, ita tamen, ut liberum sit iudici, summam ex bono & æquo moderari, juxta ea, quæ de actione injuriarum dicenda sunt suo loco. De publico iudicio legis Fabiæ dicemus infra. (1)

§. X. Aliquando & suæ rei furtum quisque committit: veluti si debitor rem, quam creditoris pignoris causa dedit, subtraxerit, h. §. & l. 19. §. 5. h. Verum quid rei est hoc? Nemo suam ipsius uxorem adulterat, neque suum patrem perdit, neque res suas furatur, inquit Arist. Eth. ad Nicom. c. 85. Certe minus proprie dicitur, debitorem, qui creditori pignus subtrahit, rei suæ furtum facere, nam proprio is furtum facit possessionis, si hæc sit in creditorem translata; quod si non sit, furtum is facit ejus juris, quod in re pignoriata creditor habebat, l. 19. §. ult. l. 66. pr. cod. l. 6. C. pro emt.

§. XI. & XII. Interdum furti tenetur, qui ipso furtum non fecit: qualis est, cuius ope consilio furtum factum est, puta si quis tibi numos excussit, ut alius eos raperet: aut tibi obstitit, ut alius rem tuam exciperet. Idemque veteres scripserunt de eo, qui panno rubro fugavit armentum, taurus enim, ferre pannum rubrum non potest. Ovid. 12. Met.

*Haud secus exarcti, quam circæ taurus aperto,  
Quum sua terribili posuit irritamina cornu,  
Phanicear vestes.*

Pertinet huc præclarus Tullii locus de Div. 2. de tauro Immolato, cuius cor non est inventum, *Tu vero quid habes, quare putes, si paullo ante cor fuerit in taure optimo, subite id in ipsa immolatione interisse? an, quod adspexit vestitu purpureæ excordem Cesarem, ipse corde privatus est?* Quem Tullii locum ex hoc Triboniani loco intellexisse se, inquit Hotomanus. Si quid autem eorum non ut furtum fieret, sed per lasciviam factum sit, in factum actio dari debet, quæ famosa non est, quum furti actio famosa sit, tit. ff. de his, qui not. inf. Utrum vero ea verba, ope consilio, conjunctim accipienda sint, an separatim, quaesitum est: Sabinus ea conjunctim accipiebat, l. 36. §. 2. de furi. Sed Labeo, ut erat ingenio libero, ita hæc verba contra veterum sententiam accipit.

(1) Sed an potest pater subreptum filium vindicare? Nihil esse ea de re dubitandum videtur, nam jure Romano filiisfamilias servi loco sunt parenti, aiebat Servius ad 12. Æneid.; unde & poterant occidi, *lin suis de lib. & post. & noxa dari* Gult. infr. de noxal. & tanquam servi alapiti, & vertigine manumittebantur, ut dictum lib. 1. tit. 22. §. 6. V. Meril. 1. Obs. 40. Ulpianus autem l. 1. §. 2. de rei vind. scribit, *liberos, qui sunt in potestate non vindicari, nisi forte adjecta causa vindicentur, hoc est addito eo, ex lege Quiritium, vel, ex jure Romano.* Quid ita? Si via filius non natura, sed ex sola juris civilis subtilitate sub dominio est patris.

cipiebat, satisque esse arbitrabatur, alterutrum dedisse, sive consilium, sive opem, hinc in multis Pandectarum locis est, *ope consilio*, l. 6. de cond. furt. l. 50. §. pen. l. 12. pr. de furt. Hanc opinionem probare videtur Paulus 2. sent. 31. §. 10., ubi, *Non tantum, inquit, qui furtum fecerit, sed etiam is, cujus ope* (male nonnulli Cod. habent, *opera*) *aut consilio furtum factum fuerit, furti actione tenetur*. At in l. 53. §. 1. de V. S. ait, *post veterum auctoritatem eo pervenimus esse, ut nemo ope videatur fecisse, nisi & consilium malignum habuerint nec consilium habuisse noceat, nisi & factum sequuntur fuerit*. Tu sic habe. Qui consilium tantum furandi dedit, puta, qui hortatus est ad furtum faciendum, is furti non tenetur, §. 12. h. t. Qui ad furandum impellit, atque instruit viam, certamque rationem designat, is tenetur furti, nam hoc non simplex consilium est, licet quandoque etiam consilium dicatur, quia factio ipso opponitur; unde Ulpianus l. in furti 50. §. pen. de furt. ait, *consilium dare videri, qui persuadet, & impellit, atque instruit consilio ad furtum faciendum*. Si consilium hoc sensu accipias, verum est, alterutrum sufficere, sive opem, sive consilium tantum, modo factum ipsum sequutum sit, ubi enim nulla est correctio, ibi nullum furtum intelligitur. V. Viu. hic.

§. XIII. & XIV. Contra nonnuquam sit, ut furti actio in eum non detur, qui re vera furtum admisit; qui enim sub potestate sunt patrum vel dominorum, correctando furtum faciunt, actione tamen furti non tenentur, §. 13. h. t., cujus rei rationem tradit Paulus l. 16. de furt., *Ne cum filios familias pater furti agere possit, non juris consulto, sed natura rei impedimento est: quod non magis cum his, quos in potestate habemus, quam nobiscum ipsi agere possumus*. Sed si hæc ratio locum habet, non video, quomodo possit pater agere actione rerum amotarum, *Isi quia uxori, sed si filius, de furt.* Quod nonnulli ajunt, ideo actionem cessare, quia filiam. nihil proprium habent, unde pater duplum consequatur, est sane ridiculum; potest enim pater ex castrensi, vel quasi castrensi peculio rem deducere, quæ sibi abest, l. 52. §. 5. ff. h. t. Præstat dicere, actionem contra servos non dari, quia possunt domini in eos domi animadvertere: pro filiis familias autem est peculiaris illa ratio, quod turpe sit, filium a patre tanquam furem conveniri. Licet autem nec filius nec servus furti teneantur, recte tamen tenentur ii, quorum ope consilio furtum factum est. §. 14. h. t. ubi vides, furem furti non teneri, ac teneri tamen non furem.

§. XV. XVI. XVII. XVIII. Regula juris est, *Cujus intersuit non subripi, is actionem furti habet*, l. 10. de furt. Est & altera juris regula, *Tum is, cujus intersit, furti habet actionem, si honesta causa intersit*, l. 11. eod. Hinc bonæ tantum fidei possessor furti agit, *Litæque sullo* 12. §. 1. h. t. Competit igitur furti actio creditoribus, si subreptum sit pignus, etiam si idoneum debitorum habeat, adeo ut quamvis ipse debitor eam rem subripierit, tamen creditori detur actio, §. 16. h. t. & l. 12. §. 1. h. t., quum quia pignore amisso potest is a debitore conveniri; tum quoniam expedit ei, pignori potius incumbere, quam in personam agere, *Is plus cautionis 25. de R. J. Lepide Martialis lib. 15. Epigr.*

*Quum rogo te numas sine pignore, non habeo, inquit,*

*Idem, si pro me spondet agellus, habeo.*

*Quod mihi non credis veteri, Thelphine, sedali,*

*Credis colliculis, arboribusque meis.*

Agit etiam furti conductor, ut ecce, si fulloni vel sarcinatori polienda curandave, aut sarienda vestimenta dedi certa mercede, eaque furto amittantur, sullo ipse vel sarcinator actionem habet, non ego; quum enim uterque custodiam præstare debeat, d. l. 12., possum ego actione locati agere, §. 17. h. t. sicque fullonis, vel sarcinatoris intersit, rem non fuisse sublatam. Quod tamen

ita

Ita procedit, quum fullo, aut farcinator solvendo est. Si enim tanta fit inopia, ut frustra vestimentorum æstimatio expectetur; tunc mea interest, rem salvam esse, quia *qui nihil habet, quod perdat; ejus periculo nihil est*; ac proinde ad me redit actio, *d. l. 12. pr. h.* Idemque dicendum, si fullo, vel farcinator pro parte sit solvendo, *d. §. 17.*, nam solvendo esse nemo intelligitur, nisi qui solidum potest solvere, *l. 114. de V. S.* Datur præterea furti actio emtori bonæ fidei, si res, quam bona fide possidet, subripiatur, licet non sit dominus, *d. §. 17.*, modo res sit tradita, nam si adhuc penes venditorem erat, quum subripta est furto, venditor ager, quia emtor nec dominus est, nec possessor, *l. 1. cum, qui 14. de furt.* Quæ de fullone & farcinatore dicta sunt, eadem de commodatario dicenda esse Veteres existimabant. Nam ut fullo mercedem accipiendo custodiam præstat, ira & is, qui utendum accipit, *§. 18. h.* Atque hæc fuisse jam pene communem veterum sententiam, liquet ex *l. 3. in fin. l. 6. & l. 7. ff. commod. d. l. 14. §. 14. & seqq. ff. de furt. l. si uxori 28. ff. ver. am.*, modo & is esset solvendo, *arg. d. l. 12. pr.* Sed multa erant, quæ olim in diversas partes differebantur. Et primam quidem illud, an; si commodatarius tempore furti solvendo erat, tum vero, antequam furti ageretur, cœpit esse non solvendo; an, inquam, actio ad dominum rediret. Deinde etiam illud, an commodatarius, qui duplum aut quadruplum, remque ipsam a fure recepit, omnem condemnationem deberet domino restituere. Qua in re non sibi consuevit Papinianus, primum enim omne lucrum domino dedit, cui sententiæ subscriptum est in Basilic. *lib. 60. tit. 6.*, tum in contrariam Sabini sententiam abiit. Hæc late persequitur Merillius ad *l. ult. C. de furt.*, quæ una est ex 50. Decisionibus Justiniani & quoniam multa veteris controversiæ extant vestigia in libris juris, ea Cl. Vir detegit omnia, & colligit *c. 13.* Justiniani autem Decisio hæc est. Is furti actionem non commodatario dat, sed domino; neque enim eodem jure censi debere opinatur eum, qui aut mercedem præstat, aut operam, & commodatarium, qui rem gratuito utendam accipit; æque ita actionem furti dat domino, ut nihilominus possit is, si id malit, contra commodatarium agere iudicio commodati. Sed facta tandem actionis optione, nullus est reliquus poenitentiae locus, nisi dominus ignorans, rem esse subreptam, contra commodatarium egit: nam in hac specie, nisi ei sit a commodatario satisfactum, poterit, actione commodati remissa, ad actionem furti redire. Jam fure electo commodatarius omnino liberatur, at electo commodatario, fur etiam non teneatur domino, tenetur tamen commodatario, qui satisfecit, *d. l. ult. C. de furt.* Quod ad depositarium facit, quoniam is custodiam non præstat, sed dolum; si res forte et subrepta sit, quia restituendæ ejus rei onus non habet, nec ob id ejus interest rem salvam esse, furti agere non potest, sed ager dominus, *§. 18. h.* Nonne commoveret Quintilianus *declam. 361.* ubi depositarius contra furem agit in quadruplum, nam præterquam quod declamationes sunt ficta quædam themata, quibus adolescentes veris causis præludunt, forsitan loquitur de eo depositario, qui vel omnem culpam suscepit, vel pretium depositi; ut in *§. 2. tit. seq. C. l. 2. §. 24. de vi bon. rapt.* Ex his consuevit, Regulam juris, eum furti agere, cujus interest, rem salvam esse, licet dominus non sit; non ad eos omnia pertinere, quorum interest, quocumque tandem modo interfic; rem non subripi, nam emtoris interest, rem venditam nec dum traditam non auferri, & tamen non agit, *§. 3. supra de em. l. 14. pr. C. l. 20. h. s.*; sed ad eos tantum, qui rem suo periculo jussu dominorum tenebant, ut proinde ab iis possent culpæ nomine conveniri: quod laudata exempla confirmant.

§. XIX. Illud quæsitum esse, ait hic Trib., an impubes rem alienam amovendo furtum faciat, Et *impuberes furtum facere posse, si jam doli capax sit, Julia;*

*Julianus libro vicefimo fecundo Digestarum fcripfit, l. 23. ff. de. Doli autem capax dicitur impubes, quum proximus pubertati est, qui ætate plerumque impuberes intelligunt se delinquere, h. s., furtum enim ex affectu confistit, & in delictis non factum quaeritur, sed causa faciendi, l. 39. ff. de od. Causa vero faciendi fur, quæ lucrum, & avaritia est, in impuberem non dum pubertati proximum cadere non solet. Lege 12. tab. impuberes, qui furtum fecissent, arbitrari Prætoris cœdebantur, sique noxam sarciebant. Plin. lib. 18. c. 3. Gell. lib. 11. c. ult.*

§. XX. & XXI. Denique ait Trib., furti actionem siue dupli, siue quadrupli tantum ad pœnæ persequutionem pertinere, Quod idem scriptum est in *l. si pignore §. 4. §. 3. h. t. & l. 7. §. 1. de cond. furt.* Nam ipfius rei persequutionem extrinsecus habet dominus, quam aut vindicando, aut condicendo potest auferre. Cujus rei consectaneum est, alteram altera non consumi, quia una pœnam, altera rem ipsam persequitur, *d. l. 7. §. 1.* Sed vindicatio quidem adversus possessorem est, siue fur ipse possidet, siue alius quilibet, regula enim juris est, *in rem actionem semper adversus eum esse, qui rem possidet, l. adionum 25. de o. & d.* Condictio autem adversus furem ipsum, heredemve ejus, licet non possideat, *l. 5. de cond. furt.* Dixi, *adversus furem ipsum*, hoc est, adversus eum, qui contractavit, proinde & si opo consiliove alicujus furtum factum sit, conditione non tenetur, & si furti tenetur, Ulp. *l. 6. de cond. furt.* Sed quid causæ est, cur furti actio in heredem non detur, nisi contestata lite cum defuncto, §. 1. *infr. de perp. & temp. act.*; condictio autem competit etiam in heredem, quum utraque ex maleficio descendat, *l. 2. §. 3. & 9. de cond. furt. l. 10. §. 2. de compens. l. 3. §. pen. de pecul. l. 21. §. pen. rer. amot. l. 36. de o. & d.* Discrimen in eo est positum, quod hæc, etiamsi ex maleficio descendat, rei tamen habet persequutionem, ut ait Ulp. *l. 7. de cond. furt.*, illa vero & ex maleficio descendit, & pœnalis est, §. 1. *infr. de perp. & temp. act.* De eodispunt Interpretes, num furtiva condictio adversus heredem detur in solidum, an pro ea tantum parte, quæ ad eum pervenit? Dari in solidum apertissime scribit Ulp. *l. 9. de cond. furt.*, *In condictione ex causa furtiva non pro parte, quæ pervenit, sed in solidum tenemur.* Miror sane, qui fieri potuerit, ut post hæc Ulpiani verba res in dubitationem adducta sit. At vero Cujacius 7. obs. 37. contendit, conditionem furtivam contra heredem in solidum non dari, de Ulpiano autem sic addit, *hic sane ad tempus subsistere libet.* Verum quis dedit Cujacio subsistere, ubi apertissima est juris definitio, neque alius obstat locus juris? Certe is non Jurisconsultum Jurisconsulto opponit, sed argumenta quædam a simili ducta, quæ, ut plerumque sunt argumentationes a simili, levia esse ostendit Merillius 7. obs. 5. Ait Cujacius, si filius furtum fecerit, patrem non in solidum de peculio teneri, sed quatenus ad eum pervenit, *l. 3. §. pen. de pecul.* pater autem per omnia eodem jure cum herede censetur. Respondet Merillius, non eandem esse patris causam & heredis: hic succedit in odium furis, ut in jus universum: ille nec in odium filii, nec in jus universum succedit. Ait Cujacius, heredem mulieris teneri ex conditione rerum amotarum, sicut conditionis nomine ex causa furtiva, ut loquitur Paulus *l. 6. §. 4. de act. rer. amot.*; heredem vero mulieris pro ea parte teneri, quæ ad eum pervenit, *l. ult. de od.* Respondet Merillius, conditionem furtivam ex peculiari causa, hoc est, odio furum introductam fuisse, ut dicitur in *§. si itaque, infr. de act.*; unde locum habet etiam re extincta, perinde ac si extaret: at conditionem rerum amotarum ex naturali æquitate competere, ne mulier cum damno viri locupletetur, *l. rerum 25. de act. rer. amot.*, quare, si res non extet, adversus heredem mulieris non datur, nec naturalis æquitas patitur, ut ultra id teneatur,

quod

quod ad eum pervenit. *Tō* igitur, *ſicut*, quod eſt apud Paulum, non ex omni parte ſimilem facit conditionem rerum amotarum conditioni furtivæ. V. etiam Cujac. l. 3. obſ. 37. & Merill. Variat. ex Cujac. lib. 1. c. 21.

## DE VI BONORUM RAPTORUM. (a)

## TITULUS II.

47. ff. 8.

9. C. 33.

**Q**UI vi res alienas rapit, tenetur quidem etiam furti, (quis enim magis alienam rem invito domino contrectat, quam qui vi rapit? ideoque recte dictum est, eum improbum furem esse) sed tamen propriam actionem ejus delicti nomine Prætor introduxit, quæ appellatur vi bonorum raptorum: & est intra annum quadrupli, post annum simpli: quæ actio utilis est, etiam si quis unam rem, licet minimam, rapuerit. Quadruplum autem non totum poena est, (b) sicut in actione furti manifesti diximus, sed in quadruplo inest & rei persequutio, ut poena tripli sit, sive comprehensus raptor in ipso delicto, sive non. Ridiculum enim esset levioris conditionis esse eum, qui vi rapit, quam qui clam amoverit.

(c) Ita tamen competit hæc actio, si dolo malo quis rapuerit. Nam qui aliquo errore ductus, rem suam esse existimans, & imprudens juris, co-  
aumo rapuerit, quasi domino liceat etiam per vim rem suam auferre a possessoribus, absolvi debet. Cui scilicet conveniens est, nec furti teneri eum, qui eodem hoc animo rapuit. Sed ne, dum talia excogitantur, inveniatur via, per quam raptores impune suam exerceant avaritiam: melius Divilibus constitutionibus pro hac parte prospectum est, ut nemini liceat vi rapere, vel rem mobilem, vel se moventem, licet suam eandem rem existimet. Sed si quis contra statuta principum fecerit, rei quidem suæ dominio cadere; si autem aliena sit, post restitutionem ejus, etiam estimationem ejusdem rei præstare. Quod non solum in mobilibus rebus, quæ rapi possunt, constitutiones obtinere censuerunt sed etiam in invasionibus, quæ circa res soli sunt, ut ex hac causa ab omni rapina homines abstineant.

2 In hac actione non utique expectatur (d), rem in bonis actoris esse: nam sive in bonis sit, sive non, si tamen ex bonis sit, locum hæc actio habet. Quare sive locata, sive commodata, sive etiam pignoratæ, sive depoli-

(a) *Alibi est, de bonis vi raptis.*

(b) *Apud Theophilum, & in omnibus Charenda adduntur hæc, & extra poenam rei persequutio.*

(c) *Primum hujus §. comma in manuscripto A. Comiti sic est, Quis tamen ita competit actio, si dolo malo quisque rapuit, qui aliquo &c. Testatur etiam Cujacius, pro his verbis, quibus comma clauditur, absolvi debet, reperisse in vetustissimo suo Codice, absolvi de poena rapti, non de re debet. Sed certæ sunt alicuius interpretamentum, inque textum per incuriam irrepserunt.*

(d) *Quidam manuscripti Charenda, & editi habent, spectatur: Vlp. in §. 2. de speculamus.*

ea sit apud Titium, sic, ut intersit ejus eam rem (e) non auferri, (veluti si in deposita re culpam quoque promiserit;) siue bona fide possideat, siue usumfructum quis habeat in ea, vel quid aliud juris, ut intersit ejus non rapi, dicendum est, ei competere hanc actionem, non ut dominium accipiat; (f) sed illud solum, quod ex bonis ejus, qui rapinam passus est, idest, quod ex substantia ejus sublatum esse proponatur. Et generaliter dicendum est, ex quibus causis furti actio competit in re clam facta, ex eisdem causis omnes habere hanc actionem,

(e) Elegantijs deesse negationem in quodam MS. ait Comius. Certe deest in Dionysiano Charonde. Vulgo additur, per vim: sed obstat Theophilus. veteres libri, & Pandectæ.

(f) Theophilus videtur legisse, rapta, ut etiam habent nonnulli Codices.

## COMMENTARIUS.

**P**R.Tit. Furatur, qui rem domino ignoranti clam aufert: rapit, qui per vim, & palam aufert scienti & invito, l. 3. §. 3. de incend. ruin. naufrag. Hinc Plaut. Epidic. ad. 1. sc. 1.

TH. Minus jam furtificus sum, quam antehac.

EP. Quid ita? TH. Rapio propalam.

Qui res alienas rapit, tenetur etiam furti, quis enim magis alienam rem invito domino contrectat, quam qui vi rapit? Ideo recte scriptum est, eum, furem esse improbiorem, h. pr. & l. 2. §. 10. ff. de d. l. 1. 4. §. 12. quod met. ca. (a) Hinc olim raptor actione furti conveniebatur, donec Prætor peculiare iudicium dedit Edicto illo, SI CUI DOLO MALO HOMINIBUS COACTIS DAMNI QUID FACTUM ESSE DICTUR, SIVE CUJUS BONA RAPTA ESSE DICTENTUR: IN EUM, QUI ID FECISSE DICTUR, EI INTRA ANNUM, QUO PRIMUM DE EA RE EXPERIUNDI POTESTAS FUERIT, IN QUADRUPLUM, POST ANNUM IN SIMPLUM JUDICIUM DABO. ITEM SI SERVUS FECISSE DICTUR, IN DOMINUM JUDICIUM NOXALE DABO. Ulp. l. 2. pr. ff. h. t. Sed peculiaris hæc actio actionem furti non sustulit, nam Trib. h. pr. i. quib. tenet etiam furti eum, qui res alienas vi rapit: furti, inquam, siue manifesti, siue nec manifesti, quum neque Tribonianus hic, neque Ulpianus l. 2. §. rerum raptarum, ff. de d. inter manifestum, & nec manifestum furtum distinguat: Non obstat Paulus l. 1. h. t., ubi, Qui rem rapuit, & furti nec manifesti tenetur in duplum, & vi bonorum raptorum in quadruplum. Intelligendus est enim de eo, qui in ipso delicto non deprehenditur. Ne tamen putes, cogi eum, cui res per vim est erepta, furti agere, nam in ejus arbitrio est, utra potius velit actione experiri, furti ne, an bonorum raptorum, l. 52. §. fin. de furt. Sed si ante annum sit vi bonorum raptorum, deneganda est furti actio: si ante annum

(a) Contrarium placuisse video Aristoteli in Rheto. ad Alex. c. 12., ubi, Pejo-  
ta, inquit, mihi videntur fures, quam raptores admittere. Nam fures clam,  
raptores aperte rem auferunt. V. Græc. in st. spars. ad h. t.



actum sit, non est illa deneganda, ut tantum id, quod amplius in ea est, consequatur, Paulus ibidem. Est hæc actio annua, nepote Prætoris, etque post annum in simplum, infra annum in quadruplum, quod tamen non totum est poena, sicut quadruplum furti manifesti, sed in quadruplo ipsius rei persequitur includitur, *pr. b. & d. l. 1. pr.* Hinc vero perperam colligunt nonnulli, raptorem mitius puniri fure manifesto, nam Prætor optionem vim passio dedit, cum vellet adversus raptorem deprehensum furti manifesti actionem institueret, an eo non deprehenso in triplum agere, vel post annum in duplum, quasi adversus furem, *l. 52. Syn. de furt. (b)*.

§. I. Dedit Prætor hoc iudicium in eum, qui dolo malo rapuit, *l. 2. h. t.* quoniam autem dolo in animo consistit, perspicuis insidiis probandus est, *l. dolum, C. de dol. mal.*, ita enim ibi legendum putat Borcholten, non, ut vulgo legitur, *indiciis* quod patet ex *l. si voluntate, C. de rescind. vend.* Mala quidem fides, ait is, probatur indicibus, *l. pen. C. de vii. f.*, at dolo perspicuis insidiis probatur. Quo respectu videtur Florentinus in *l. ea qua, de epur. emi.*, ubi dolum malum in eo esse ait, qui insidiosè dissimulat. Eoque sensu insidias accipiunt Imp. in *l. 2. C. de advers. vend.*, & Donatus in *Phorm. Terent.* Si quis igitur suam esse rem existimans, & imprudens juris ea mente rapuit, quasi domino liceat etiam per vim rem suam auferre, absolvi debet, nec furti tenetur, *h. §.* Sed quia pessimi res est exempli sibi ipsi jus dicere, & nil adeo inimicum juri, quam vis, *l. 176. de R. J. l. 14. C. de juda.*, hinc qui eo ductus errore vi rapit rem mobilem, vel se moventem, quæ sua est; ejus dominio cadit: quod si aliena sit, eam reddit, & præterea æstimationem præstat: quod Divalibus Constitutionibus cautum ait Tribonianus *l. 13. ff. quod met. caus. l. 7. C. unde vi*; idque etiam obtinet in rebus soli, licet rei tantum mobilis rapina fiat, *l. 1. C. h. t.*, Actio vi bonorum raptorum potius ad mobilia, quam ad fundos pertinet, ubi *re potius* non comparative accipitur, immobilia enim non rapimus, sed invadimus, *l. 7. C. unde vi*. Verum cui cedit dominium rei a domino per vim raptæ? Non Fisco, quod putant Cujac. & Hotom. *arg. l. 3. C. Th. ad l. Jul. de vi*, nam sine certa lege non est pro Fisco decidendum: sed cedit vim passio in solatium injuriæ per *l. ult. C. de litig. V. Giph. ad l. 7. Cod. unde vi*.

§. II. Datur hæc actio iis omnibus, qui vel in bonis, vel ex bonis rem raptam habebant, *h. §. l. 1. §. 22. cod.*, quod sic explicat Theophilus, *sive in bonis ejus sit, id est in dominio ejus, sive non quidem in dominio, sed tamen ex bonis ejus sit*. Et hujusmodi quidem sunt, quorum ipsi domini non sumus, sed quæ in substantia nostra sunt, veluti, utendum ab aliquo accepti, aut conducti servorum, aut, quum mutuum dedissem, pignus accepti, sic ut mea intersit, eam rem mihi non auferri. Unde, quid sit in bonis esse, quidve ex bonis, jam vides. Generaliter autem dicendum esse ait Tribonianus, ex quibus causis furti actio competit in re etiam facta, ex iisdem causis omnes habere hanc actionem. Cujus regulæ consectaneum est, quæ de commodatario vim passio dici possunt, ea esse supplenda ex §. 18. præced. tit.

DE

(b) Alia opinantur alii. V. Ferand. *Adducens lib. 2. cap. 33.* & Water. *lib. 1. Obs. 5.* Ed vero ratio, quam nonnullis placere video, atrocius agi cum rapitore, quod is de bonis vi rapitis tenetur etiam pro re minima; quum tamen pro re minima nulla sit poena furti actio; mihi quidem non arridet; ego enim sic sentio, pro re etiam minima furti actionem dari: quod late persequar peculiari Dissertatione de furto rei minimæ contra Bynkershoekium *lib. 3. Obs. 5. 16.* *lib. IV.*

## DE LEGE AQUILIA.

## TITULUS III.

9. ff. 1. 3. C. 35.

**D** Amni injuriæ (a) actio constituitur per legem Aquiliam: cujus primo capite tantum est; ut si quis alienum hominem, alienamve quadrupedem, quæ pecudum numero sit, injuria occiderit: quanti ea res in eo anno plurimi fuerit, tantum domino dare damnetur.

1 Quod autem non præcisè de quadrupede, sed de ea tantum, quæ pecudum numero est, cavetur: eo pertinet, ut neque de suis bestiis, neque de canibus cautum esse intelligamus: sed de his tantum, quæ (b) propriè pasci dicuntur, quales sunt equi, muli, asini, oves, boves, capræ. De sub-  
bus quoque idem placuit: nam & fues pecudum appellatione continentur: quia & hi gregatim pascuntur. Sic denique & Homerus in Odyssea ait, sicut Aelius Martianus in suis Institutionibus refert,

Δῆες τῶς εὐθείας παρήλυτον, οἱ δὲ νέμον  
Ἰὰρ Κόρακος πέρη, ἐπὶ τε κλύῳ Ἀρεθυσῆ.

*Sequantem videas, qui errant per pascua, porcos,  
Ad Coracis saxum, juxta fontemque Arethusam.*

2 Injuria autem occidere intelligitur, qui nullo jure occidit. Itaque qui latronem (c) occiderit, non tenetur; utique, si aliter periculum effugeret non potest.

3 Ac ne is quidem hac lege tenetur, qui casu occidit, si modo culpa ejus nulla invenitur. Nam alioqui non minus ex dolo; (d) quam ex culpa quisque hac lege tenetur.

4 Itaque si quis dum jaculis ludit, vel exercitatur, transeuntem servum tuum traheret, distinguitur. Nam si id a milite in eo campo, ubi solitum est exercitari, admisit: est, nulla culpa ejus intelligitur: si alius tale quid admi-

(a) Habes hic Archaismum, dicitur enim damni injuriæ pro damni injuria, ut est in l. 27. §. 10. h. t., quemadmodum etiam dicitur super pecuniæ, l. 5. de V. S. l. 3. ad L. Corn. de sic. Genitivus pro ablativo. V. Vossium in Gramm.

(b) Vulgo, quæ gregatim propriè pasci dicuntur: sed gregatim est apud Theophilum, & l. 65. §. 4. de leg. 3. & l. 2. §. 2. h. t. sed omnes Charonda tam vocem ignorant.

(c) Sic Theophilus, & omnes Charonda. Vulgo, latronem insidiatorem. Cujus l. 4. pr. h. t., latronem insidiantem.

(d) Sic vulgata, & libri Charonda. Cujus ex Theophilo reponis, potius quam ex dolo; ex culpa &c.

admiserit, culpæ reus est. Idem juris est de milite, si in alio loco, quam qui ad exercitandum millicibus destinatus est, id admiserit.

5. Item si putator ex arboris dejecto ramo servum tuum transeuntem occiderit; si prope viam publicam, aut vicinalem id factum est, neque proclamavit, ut calus evitari posset, culpæ reus est. Si proclamavit, (e) nec ille curavit præcavere, extra culpam est putator. Æque extra culpam esse intelligitur, si seorsum a via forte, vel in medio fundo cædebat, licet non proclamaverit: quia in eo loco nulli extraneo jus fuerat versandi.

6. Præterea si Medicus, qui servum tuum secuit, dereliquerit curationem, & ob id mortuus fuerit servus, culpæ reus erit.

7. Imperitia quoque culpæ adnumeratur: veluti si medicus ideo servum tuum occiderit, quia male eum secuerit; aut perperam ei medicamentum dederit.

8. Imperiti quoque mulierum, quas nullo propter imperitiam retinere non potuit, si servus tuus oppressus fuerit: culpæ reus est mulier. Sed si & propter infirmitatem eas retinere non poterit, quum alius firmior eas retinere potuisset, æque culpæ tenetur. Eadem placuerunt de eo quoque, qui quum equo veheretur, impetum ejus aut propter infirmitatem, aut propter imperitiam suam retinere non potuerit.

9. His autem verbis legis, *quanti id eo in anno plurimi fuerit*, illa sententia exprimitur, ut si quis hominem tuum, qui hodie claudus, aut mancus, aut luscus erit, occiderit, qui in eo anno integer, aut pretiosus fuerit: non tanti tenetur, quanti hodie erit, sed quanti in eo anno plurimi fuerit. Quæ ratione creditum est, pernalem esse huius legis actionem: quia non solum tanti quisque obligatur, quantum damni dederit, sed aliquando longe pluris. Ideoque constat, in heredem eam actionem non transire: quæ transitura fuisset, si ultra damnum nunquam lis æstimaretur.

10. Illud non ex verbis legis, sed ex interpretatione placuit, non solum perempti corporis æstimacionem habendam esse, secundum ea, quæ diximus: sed eo amplius, quidquid præterea, perempto eo corpore, damni nobis illatum fuerit, veluti si servum tuum heredem ab aliquo institutum ante quis occiderit, quam is jussu tuo hereditatem adierit: nam hereditatis quoque amissæ rationem esse habendam constat. Item si ex pari mularum unam, vel ex quadriga equorum unum quis occiderit, vel ex comedis unus servus occisus fuerit, non solum occisi sit æstimatio, sed eo amplius id quoque computatur, quanti depretiati sunt, qui supersunt.

11. Liberum autem est ei, cujus servus occisus fuerit, & ex judicio privato legis Aquilæ damnum persequi, & capitalis criminis eum reum facere.

12. Caput secundum legis Aquilæ in usu non est.

13. Capite tertio de omni cetero damno cavetur. Itaque si quis servum, vel eam quadrupedem, quæ pecudum numero est, vulneraverit: sive eam quadrupedem, quæ pecudum numero non est, veluti canem, aut feram bestiam, vulneraverit, aut occiderit: hoc capite actio constituitur. In ceteris quoque omnibus animalibus, item in omnibus rebus, quæ anima carent, damnum per injuriam datum hæc parte vindicatur. Si quid enim ictum, aut ruptum, aut fractum fuerit: actio ex hoc capite constituitur, quanquam poterat sola

(e) Multi Charonda habent, proclamavit.

rupti appellatio in omnes istas causas sufficere: ruptum enim intelligitur, quod quoquo modo corruptum est. Unde non solum fracta, aut ulla, sed etiam icisa, & collisa, & effusa, & quoquo modo perempta, atque deteriora facta, hoc verbo continentur. Denique responsum est, si quis in alienum vinum, aut oleum id miscuerit, quo naturalis bonitas vini, aut olei corrumpetur; ex hac parte legis eum teneri.

14 Illud palam est, sicut ex primo capite ita demum quisque tenetur, si dolo, aut culpa ejus homo, aut quadrupes occisus, occisusque fuerit: ita ex hoc capite, de dolo, aut culpa, & de cetero damno quemque teneri. Ex hoc tamen capite non quanti in eo anno, sed quanti in diebus triginta proximis res fuerit, obligatur is, qui damnum dederit.

15 At nec *plurimi* quidem verbum adjicitur. Sed Sabino recte placuit, perinde habendam estimationem, ac si etiam hac parte *plurimi* verbum adjectum fuisset; nam plebem Romanam, quæ Aquilio tribuno interrogante, hanc legem tulit (f), contentam fuisse, quod prima parte eo verbo usæ esset.

16 Ceterum placuit, ita demum directam ex hac lege actionem esse, si quis præcipue corpore suo damnum dederit. Ideoque in eum, qui alio modo damnum dederit, utiles actiones dari solent: veluti si quis hominem alienum, aut pecus ita incluserit, ut fame necaretur: aut inmeum ita vehementer egerit, ut rumpetur, aut pecus in tantum exagitaverit, ut præcipitaretur: aut si quis alieno servo persuaserit, ut in arborem adideret, vel in purem descenderet, & is ascendendo, vel descendendo aut mortuus, aut aliqua parte corporis læsus fuerit, utilis actio in eum datur. (g) Sed si quis alienum servum de ponte, aut de ripa in flumen dejecerit: & is suffocatus fuerit: eo, quod projecit, corpore suo damnum dedisse, non diffucile intelligi potest: Ideoque ipsa lege Aquilia tenetur. Sed si non corpore damnum fuerit datum, neque corpus læsum fuerit, sed alio modo alicui damnum contigerit, quum non sufficiat neque directæ, neque utilis legis Aquiliæ actio, placuit, eum, qui obnoxius fuerit, in factum actione teneri: veluti si quis misericordia ductus alienum servum compeditum solverit, ut fugeret.

(f) Non video, quomodo possit Tribonianus Hotomani notam effugere, quod legem a plebe ferri dixerit, quum ferre legem proprie dicatur Magistratus Senatorius, aut Plebejus, jubere autem Populus, aut Plebs, unde Populi jussa & Plebis scia. Hinc formula illa rogationis, velitis jubeatis &c.

(g) Unus Charonda habet, accommodatur. Utiles autem actiones proprie dicuntur accommodari.

## COMMENTARIUS:

**P**R.TIT. Viadicatur hac lege damnum injuria datum, de quo alias fuisse leges ante Aquiliam testatur Ulp. l. 1. cod. Lex Aquilia omnibus legibus, quæ ante se de damno injuria loquuta sunt, derogavit, sive 12. Tab. sive qua alia, lex fuit. De legibus 12. Tab. nihil certi liquet. Jac. Gothi. Fragm. 12. Tab. tab. 7. distinxit ait Decemviros damnum injuria datum, & damnum casu datum; ac proinde ita caput 12. Tab. concipit.

Si injuria RUPITLAS . . .

*Ad §. casu. SARCITO.*

Verum neq; hujus distinctionis vestigium extat apud idoneum autorem; nec probabile est; pro fortuito etiam calu quemquam generi. Id constat ex Festo, *Rupitias* in 12. Tab. significasse, *damnum dederis*, etsi Scaliger in Annot. pro *Rupitias*, reponat, *Rupis*. Fest. v. *Rupitias*. Idem Festus in voce *Sarcito*, inquit, *Sarcito* in duodecim *Servius Sulpicius* ait significare, *damnum solvito, praestato*. Hinc colligi potest, lege 12. Tab. cautum esse, ut qui damnum dedit, damnum resciret; & forsan his verbis caput conceptum fuit, *Qui rupitias, sarcito*. Vide Jacobum Rævard. ad 11. 12. Tab. cap. xxiv. Aquiliam legem Plebiscitum fuisse ab Aquilio Tribuno Prorogatum, testis est Ulp. l. 1. h. s. Sed quis hic Aquilius fuerit, ejusve ætatis, in obscuro est. Certe non est Aquilius ille Gallus, qui Aquilianæ stipulationis auctor laudatur, ut dictum ad §. 2. *supr. quib. mod. obl. toll.* Probabilis est suspicio Steph. Vin. Pighii, qui in *Annal. Rom. rom. 2. p. 330.* hujus legis auctorem facit L. Aquilium P. F. L. N. Gallum, qui an. ab U. C. 622. Tribunus Pl., au. 627. Prætor Siciliæ fuit. (a) Trium fuisse ejus legis capita, quorum duo tantum supersunt, opinari videtur Theophilus, quæ communis fuit opinio. Sed Balduinus plura fuisse suspicatur, ejusque suspitionem multis argumentis adstruit Ger. Noodt ad L. Aquil. c. 1. Ait enim, addidisse Tribonianum §. 4. *infr. de nox. obl.* caput de damni injuria noxali: Cajum l. 2. §. 2. h. s. prodidisse caput de infanticione, eoque respicere Ulpiani inscriptionem apud Auct. Collat. tit. 2. Ulpianus lib. 19. (Pithæus restituit, lib. 18.) ad Edictum sub tit., *Si faciebatur injuria occisum esse in simplum.* ad hæc meminisse Ulpianum l. 5. §. 2. *de serv. corrupti.* capitis ex eadem lege de judicio servi corrupti. Primum hujus legis Caput his verbis concipitur in Edicto, QUI SERVUM SERVAMVE, ALIENUM ALIENAMVE, (b) QUADRUPEDEM VEL PECUDEM (c) INJURIA OCCIDIT, QUAN-

(a) Meminis Cicero in Brut. c. 34. legis Aquilia. Atque eodem tempore accusator de plebe L. Cæfuleus fuit, quem ego audivi jam senem, quum ab L. Sabellio multam lege Aquilia de justitia petivisset. Hanc eandem esse cum hac nostra suspicatur Balduinus ad L. Aquil., & alii non pauci, qui proinde pro justitia legem injuria. Sed omnes prope Codices obstant, & forsan alia fuit nostra hæc ab illa.

(b) Barbarum esse ait Antonius Matthæus in Colleg. Inst. disp. 18. th. 16., eandem penam multari eum, qui pecudem, atque eum, qui alienum hominem, puta servum, occidis. Id quidem verum est, si naturalis ea ratio spectetur, quæ omnes æque homines, & liberi sumus: at jure civili servos respicimus, non ut homines, sed ut res mancipi; quo factum, ut in commercio sint, & in Adilitio Edicto non honoratioris jumentis, l. 32. §. 2. de Edilit. Edict. Nec tanquam hominibus quidem, de servis agebat Seneca ep. 47., sed tanquam jumentis abutimur. Hinc servus *vulgaris*, hoc est, corpora, dicti sunt, quod eorum corpus sub dominio sit, l. 1. §. 2. de evict. Sic accipiunt nonnulli, quod lib. §. c. 8. Athenæus habet ex Mosehione, qui de nave Hieronis Syracusii scripsit, Archimedes Mechanicus solus paucorum corporum (*vulgaris*) adjumento (is enim Helicem comparavit) tantam navim in mare deduxit. Et si Latina Athenæi versio *vulgata* interpretetur instrumenta. Sed clarissime Epiphanius in lib., cui titulus *synonymus*, Et consuetudo, ait, servos corpora vocare solet. Dominus, inquit, centum corporum. V. Magium 1. Miscel. 12. Voss. 4. Inst. Orat. 8. Menag. ad Laert. lib. 2. c. 72. Hinc etiam servi *vulgari* dicuntur Theophilo pr. Inst. de stip. serv.

120 I N S T I T. L I B. I V O T T I V I I I.  
QUANTI ID IN EO ANNO PLURIMI FUIT, TANTUM ÆS DARE  
DOMINO DAMNAS ESTO. Ulp. l. 1. §. p. b. a.

§. I. Quod de quadrupede Prætor ait, de ea tantum intelligitur, quæ pec-  
cundum numero est, seu, quod eodem modo, quæ gregatim palcitur, ut est  
in l. 2. §. 2. ad. & apud Marcianum in l. 67. §. 4. de leg. 3. Excluduntur ergo hinc  
teræ bestię, & canes, & huiusmodi alia animalia, quæ in gregem non  
coeunt. Sed dubitatum olim de suis, forsitan quia tum non gregatim palc-  
bantur, sed includebantur stabulis, ut suspicatur Huber. Placuit tamen, eas  
pecundum numero haberi, d. l. 2. h. c. quod & probat Marcian. lib. 7. Inst. in cit. l. 67.  
testimonio Homerl in *Odyssæa*.

*Invenies hunc æsidentem suis, quæ pastuntur*

*Iuxta Ciceronis sententiam, & iuxta fontem Arctusum. (d)*

§. II. Ait præterea Prætor, *injuria occiderit*, hoc est, ut interpretatur  
Tribus, nullo fure. Hinc si quis alienum hominem latronem occidat, qui  
aliter effugere periculum non possit, lege Aquilia non tenetur. l. 4. §. 5. h. c.  
l. 47. §. 4. ad. ubi Paulus. *Qui, quum aliter curi se non possunt, damni cul-*  
*pam dederint, innoxii sunt, vim enim ut defendere omnes leges, & omniaque*  
*jura permittunt.* Ita Florentinus Coder. Sed quoniam ea verba, *damni cul-*  
*pam dederint*, rectam hic sententiam non habent, ea sic reseruit ex Basilicis  
Gerardus Noodt ad l. Aquila. 4., *damnum dederint.*

§. III. IV. V. VI. Is etiam Aquiliæ legis iudicio non tenetur, qui casu  
occidit, *si modo*, inquit Tribonianus §. 3. culpa ejus nulla invenitur, nam  
atque non minus quam ex dolo, ex culpa quisque hæc lege tenetur: quod his  
exemplis patet. Ait Ulp. l. 9. §. ult. h. c., *Si per lusum jaculatorius servus furis*  
*occlusus, Aquiliæ locus est.* Sed si, quum alii in campo jacularentur, (intelligo  
campum jaculatorum, in quo solebant milites præludere, & bellum discere  
per bris, ut Maullius loquitur lib. 4. Astronem.) servus per eum locum transie-  
rit, Aquiliæ reser, quia non debuit per campum jaculatorum iter intempte-  
re facere. Quam speciem evocatus pectraçtat Tribonianus §. 4., ubi di-  
stinguit inter militem, qui se in campo jaculatorio exercet, & alium, qui  
miles non sit, atque hunc reum esse, illum non esse. Simile est exemplum  
putatoris, qui ex arbore dejecto ramo alienum hominem transeuntem occi-  
dit,

id est, personam non habentes, & Floro 5. lib. 20. secundum hominum genus.  
Ad summam hæc juris-Romani rationem spectasse videtur Juvenalis sat. 6. v. 211.

O demens, ita servus homo est?

(c) Rotomanus & alii nonnulli matunt, quadrupedemve pecundem, nam,  
ut patet ex Triboniano hic, & ex tertio legis Aquiliæ capite in l. 27. §. 2. h. c., pri-  
mum hoc caput de alieno homine, & aliena tantum pecude agit. Sua castigatio  
& necessaria est, & vtrunda, quum facile potuerit ut ve librariorum vitio  
disjungi, & una litera adsumi in vel adtre.

(d) Addit & alteram rationem Scipio Gentilis. 2. Parerg. ad Pand. 8., quod  
sues ex omni mansueti pecore sola sint, quæ nihil agricultura profunt, & la-  
bores hominum sublevant, unde Cicerl in v. 1. & Initio Ciceris immolabantur,  
ut Var. lib. 2. de re rust. c. 4. Ovid. 4. Inf. v. 413.

A bove succincti cultros remove te ministri.

Hos aret: ignavam sacrificare suem.

Veteres autem eas quadrupedes pecudum numero habere, quæ agriculturam  
juvabant.

dit, nam si prope ruiam publicam, aut vicinalem id factum est, inquit Triq. §. 5., neque proclamavit, ut casus evitari posset, culpa reus est. (Proclamatio est verbum cave, vel, serva, vel aliud simile, quemadmodum Athenis erat *πυλάρις*, l. 7. ad L. Corn. Brillon. lib. 3. de Form.) Si proclamavit, nec illa curavit cavere, extra culpam est. Aequè extra culpam esse intelligitur, si scer- sum a via forte, vel in medio fundo cadebat, illece non proclamavit: quia in eo loco nulli exarano jun fuerat versandi; nec proinde divinare poterat, an per eum locum aliquis transiret. Paulus l. 31. h. t. Neque omnitemdum illustre Ulpiani exemplum in l. 1. c. 64., Si, quum pila quidam luderet, (erat hic ludus Romæ frequentissimus) vehementius quis pila percussa in confor- manus eam deiecerit, & sic forvit, quem confor radebat, gula sit praevisa ad- fecte cultello .... Proculus, scribit, in confore esse culpam. Et sane, si ibi son- debat, ubi ex consuetudine ludebatur, vel ubi transitus frequens erat, est, quod ei imputetur. (Explicandum id ex more veterum Romanorum, nam Romæ olim ante Domitiani vetitum confores, capones, coqui, & id genus alii ar- tem quisque suam in mediis viis exercebant, unde Martialis 7. Ep. 60.

*Justi senex, Germanice, crescere nicos,*

*Et modo quæ fuerat semina, facta via est.* — Et mox,

*Tonsor, Caupo, Coquus, Lanius sua limina servant.*

Nunc Roma est, nuper magna taberna fuit.

V. Marquard.

Freher. lib. 1. Verisim. c. 3. ) Pergit Ulpianus, Quamvis nec illud male dicatur, si in loco periculoso sellam habenti sponsi se quis commiserit, ipsum de se queri debere. Quorum verborum interpretationem, sunt enim amphibolica, habes apud Noodt c. 7. Huc etiam refert Tribonianus §. 6. exemplum medici, qui servum eum secuit, tum dereliquit curationem; nam si ob id mortuus fue- rit servus, in culpæ reus est. Quod ex Cajo desumptum est l. 8. pr. h. t. (e) Hoc exemplum accipit Noodt c. 8., non de eo medico, qui doxo, aut negligentia, sed de eo, qui intempestiva desperatione curationem dereliquit, hoc est im- peritia futurorum, quæ is debet præposcere. Ego vero id exemplum acci- pio non de medico imperito, sed de medico negligente. Movet me, quod Tribonianus in §. sequente asserre incipiat exempla imperitiæ, ait enim in- itio, Imperitia quoque culpa adnumeratur: quæ verba argumento sunt, Tri- bonianum ante eum §. gisse de eo, qui negligentis occidit.

§. VII. & VIII. Nunc de imperitia, quam culpæ adnumerari ait §. 7. Tribonianus. Hinc si medicus per imperitiam male servum secuit, aut per- peram.

(e) Hujusmodi medicos vulnetarios, & vulnerum medicos dicit Plinius lib. 29. Hist. c. 1. Vulgo Medici Chirurgi appellantur, ejusque nominis mentio est in quadam inscriptione apud Mann. de Oriograph. p. 243., & in alia apud Gru- terum p. 400. Medicorum munia erant; medicamenta præscribere, componere, misce, secare, l. 7. h. t. & d. l. 8. & §. 7. h. t. neque ulla erat olim, ut nunc est, medicina partitio: quo factum, ut liberti & servi diu Roma fecerint medici- nam; quod novissime ostendit contra Casaubonum, Sponium, & Meadum, Cl. Vir Congress. Middleton Dissert. de Medicorum, apud veteres Romanos condi- tione. Ex libris juris duo potissima loca ad hanc sententiam assero, alterum Al- fensi l. 26. de op. lib., Medicus libertus quod putaret, si liberti sui medicinam, non facerent, multo plures imperantes sibi habiturum, postulabat &c.: alterum Scævola l. 42. §. 6. de fideicom. lib., Lucius Titius ita testamento cavet, Medicos sibi commendo illum, & illum. In quo judicio erit, ut habeat ho- nos libertos, & medicos &c.

peram ei medicamentum dedit, isque ob eam rem est mortuus; iudicio hujus legis tenetur, d. §. 7. & *l. idem juris* d. h. s. (f) Sic, si mulio per imperitiam impetum mularum retinere non potuerit, atque hæc servum tuum vel pecudem opprefferint, culpæ reus est, §. 8. h. s. & d. l. §. 11, ubi Cajsus addit, idem dici, si propter infirmitatem sustinere mularum impetum non potuerit; eam ratione, quum affectare quisque non debeat, in quo vel intelligit, vel intelligere debet, infirmitatem suam alii periculosam futuram. Non omnis igitur imperitia culpa est, sed imperitia tantum artis, quam profitemur, l. 9. §. 1. & l. 13. §. 5. ff. locat. Vides, levissimam culpam præitari Aquilium voluisse, l. 44. h. s., idque vel maxime demonstrat locus Pauli l. 45. §. pen., *Si defendendi moi onussa lapidem in adversarium misero, sed non eum, sed prætereuntem percussit, tenebor lege Aquilia.*

§. IX. Damni autem injuria dati æstimatio facienda est ex illo Prætoris, quanti in eo anno plurimi fuerit. Quod hoc exemplo illustrat Ulp. l. 27. §. 3. h. s., *Si pretioso pictori pollex fuerit præcisus, & intra annum, quo præcideretur, fuerit occisus, posse (eum) Aquilia agere: prætiogue ee æstimandum, quanti fuit prius quam artum cum pollice amississet.* Ubi tamen pro, eum, bene Cujacius legit, *erum*, quo etiam modo scripserunt veteres, hoc est, *herum*: nam pro servo pictore occiso, domino competit legis Aquiliæ actio. Sed est hic advertendum, quod Sextus Prædian ait apud Paulum l. 33. h. s., *pretia rerum non ex affectione, nec utilitate singulorum, sed communiter fungi*, unde servo occiso non affectio æstimanda est, sed quanti res omnibus valet. Annus retractorum computatur, ex quo quis occisus est. *Quod si mortifero vulneratus, inquit Ulp. l. 21. §. 1., & postea post longum intervallum mortuus sit, inde annus numerabitur secundum Julianum, ex quo vulneratus est, licet Celsus contra scribit.* Verum si infans occisus sit nondum anniculus, verius esse scribit Ulp. l. 23. §. 7., *sufficere hanc actionem, ut æstimatio referatur ad id tempus, quo intra annum vixit.* Quoniam autem qui damnum dedit, aliquando plus præstat, credicum hinc fuisse, inquit Trib. h. §., *pœnalem esse hujus legis actionem, ideoque in heredem vel ceteros non dari, nisi aut ex damno locupletior heres factus sit, aut lis cum defuncto contestata: quæ est pœnaliæ actionum communis ratio, l. 23. §. 8. l. omnes pœnales, de O. & A. Melius vero Tribonianus §. 19. *infra de act.* legis Aquiliæ actionem inter mixtas recenset, nam aliquando & rei æstimationem, & pœnam persequitur, ut si occisus sit servus claudus aut luscus, qui eo anno integer fuit: aliquando nihil ultra rei pretium, si servus unquam antea pluris fuit. V. Paul. l. sent. 19. & Papiandib. sing. respons.*

§. X. Quoniam vero lex ait, *quanti id in eo anno plurimi fuit*, recte quæret quispiam, nuni occisi tantum corporis, an quanti interfuit, non esse occisum, æstimatio facienda sit. Et verba quidem legis solam rei æstimationem videntur includere, l. 179. & l. 293. de V. S. l. un. §. ult. *si quis jus dic, non obtemp.* l. 4. §. 1. h. s. At contra Ulpianus respondet, *ejus, quod interest, æstimationem fieri, l. 21 §. ult. cod., & Trib. h. §. inquit, non peremptum modo corpus, sed & omne aliud damnum, quod eo perempto illatum est, in hoc iudicium venire.* Et merito, nec enim alias restitutum damnum videtur: quod unice spectat lex Aquilia. Bene autem ait Trib., id non ex verbis legis, sed ex interpretatione.

(f) *Qua de medicis dicuntur, mares aque ac mulieres spectant. De muliere ebsterice vide Ulp. l. 9. h. s. Apud Græverum p. 636. Inscr. occurrit Sabina, Melpucia, & Septia Medica.*



catione placuisse, nam, ut dictum, aliud ipsa verborum proprietates exposcebat.

§. XI. Quod si dolo servus occisus sit, & lege Cornelia agere dominum posse, constat, & si lege Aquilia egerit, præjudicium fieri Corneliæ non debet, l. 2. §. 9. h. t.; quia lex Aquilia rem familiarem, Cornelia publicam vindictam persequitur, l. un. C. quando civ. acti. At quid est, quod scribit Paulus l. 4. de publ. jud.; Interdum evenit, ut præjudicium iudicio publico fiat, sicut in actione legis Aquiliæ &c. Sensus Pauli non est is, instituto iudicio legis Aquiliæ, agi ex lege Cornelia non posse: sed certe est hic, ea, quæ in privato legis Aquiliæ iudicio probata sunt, iudicio publico legis Corneliæ præjudicium facere, ita ut ante iudicata reo vel profint, vel obfint.

§. XII. Hujus legis secundum quidem capitulum in desuetudinem abiit, Ulp. l. 27. §. 4. h. t. Idem habet Trib. h. g. De ejus sententia solliciti sunt Interpretes Cujacius Parat. ff. ad h. t. opinatur, actum eo capite de quavis alia ratione damni dati, re etiam non laesa, sed intercepta nobis forte utilitate aliqua exemplumque afferit ex Plin. 9. Hist. 59. ubi scriptum est, damni dati formulam editam contra piscatorem socium, qui Authiam conciliatorem capere, & ducem ceperat, quum is in macello adguitus esset a socio, ejus injuria erat. Hanc opinionem rejiciunt Marquardus Freherus 2. Parerg. 3. & Cl. Bynk. c. Obs. 13., quum quia verisimile non est, Aquilium secundo capite de eo damni genere cavisse, quum is sit mos Romanarum legum, certas rerum species prioribus capitulis tractare, cetera minus certa ac definita, ejusmodi est id genus damni, in ultimum caput veluti miscellam conjicere: quæ est ratio Freheri: tum quoniam ejusmodi damnum ad primum, & maxime ad tertium legis Aquiliæ caput bene potest referri, ut ostendit Bynk. ex l. 1. §. ult. l. 2. pr. §. l. 2. §. 5. y. h. t. Claudius Chiffletius lib. singul. contendit, secundum legis Aquiliæ caput fuisse de servo corrupto, quia corrupto servo damnum domino accedit, l. 1. §. 1. h. t. §. 1. de serv. corr. nec veri speciem habet, fuisse caput damnum legis Aquiliæ omisum, præcipue quum scriptum sit, eam legem omnibus antea de damno latè derogasse, l. 1. ff. h. t. Ideo autem inque hoc secundum caput in desuetudinem abiisse, quia subsequutum est Prætoris Edictum, quo de ea re multo acerbius est cautum, Ulpianus enim l. 5. §. h. t. actio de serv. corr. Hac actio inquit, etiam adversus fatentem in duplum est & quamvis Aquilla insipientem dumtaxat coerceat. Pluribus conjecturam istam confirmat Chiffletius, inter quæ illud videtur potissimum, servi corrupti actionem perpetuam esse, l. hac actio 13. ff. de serv. corrupti, quum tamen, ut Prætoriarum actionum natura est, deberet esse annua: ejus rei alia esse ratio non potest, nisi hæc, quod eam actionem non Prætor instituit, sed juri civili adcommodavit ad exemplum legis Aquiliæ, quales Prætoris actiones perpetuæ sunt, l. in honorariis de A. G. O. §. 1. infr. de perper. & temp. acti. Hanc quoque opinionem refellit Freherus, quum quia Ulpianus lib. 18. de Lege Aquilia; at longo post intervallo de servo corrupto agit lib. 23., quod certe non fecisset, si secundo ejus legis capite de servo corrupto actum effectum quoniam idem ipse Ulpianus d. l. 5. §. 2. de serv. corrupti, hæc, inquit, actio etiam adversus fatentem in duplum est: quamvis Aquilla insipientem dumtaxat coerceat; quibus verbis servi corrupti actionem prorsus aliam facit ab actione legis Aquiliæ. Refellit etiam Bynk. duplici argumento, altero, quod, teste vel ipso Basilicorum Scholiaste ad lib. 60. c. 3. c. 17. §. 5, servi corrupti actio potius ad tertium legis Aquiliæ caput pertinere debuisse; altero, quod ea actio inter Prætorias antiquissima fuerit, erat enim 2vo Alpheni Vari, ut palam facit epigraphe l. 16. de serv. corrupti, quo

260 etiam non constet, num caput illud legis Aquilæ obtineret, nec ne; quis tamen verosimiliter diceret, in desuetudinem abiisse? Arbitratur Freherus, eo capite aut de nullo damno cautum, aut de pauperie, nempe damno a quadrupede dato, de quo nos infra: idque ex eo maxime colligit, quod Ulpianus, itemque Paulus, hic *lib. 13.*, ille *lib. 18.* ad Edictum, quibus libris Aquilam legem enarrarunt, scripserint etiam de pauperie, ut clarum sit ex *l. 1.*, *2.*, *3.*, *4.* ff. si quadrup. pauper. Quare autem caput illud tandem defuerit, hanc causam affert, quod Prudentum interpretatione observatum esset, brutum animal, ut nec juris, ita nec injuriæ participes esse. Verum hoc illud est, quod maxime obest Frehero; anne enim Aquilius de damno per quadrupedes iulato egisset ex lege, quæ solum damnum injuriæ, & culpa datum dicitur vindicasse? anne adeo obscurum erat, esse quadrupedes doli expertes, ut ad id definiendum Prudentes accederent? Novissime Cornelius Bynk. in hanc sententiam venit, id capitulum egisse de dejectis, & effusis: sed ob questionem luxuriam, ut ipse loquitur, Prætores id deinde Edicto fuisse complexos. Movit eum Mucii auctoritas in *l. 31.* ff. h. tit., ubi eum, qui deiecit, actione legis Aquilæ teneri, ait. Quumque apud Labeonem in *l. 6.* §. 1. de his, qui effud. mentio sit Edicti Prætoris de dejectis, & effusis, opinatur is, tempore Mucii caput illud non dum defuisse: at defuisse tamen tempore Labeonis. Eadem de secundo hoc capite in mentem venerant Frehero: sed mutavit sententiam, ubi advertit, posse id genus damni ad certum caput referri, quo capite de rupto & corrupto cavebatur, *l. 27.* §. 13. h. tit. Et certe hoc argumentum contra Bynkershoekium facit maxime: idque confirmat locus Ulpiani in *l. 5.* §. 4. de his, qui effud., ubi scribit, pro dejecto & effuso dominum ædium lege Aquilæ teneri: quod de tertio capite intelligendum est; secundum enim tempore Ulpiani jam exolverat. Quod autem reponit Bynkershoekius, Ulpianum, quia in veterum commentariis de dejectis & effusis actionem legi Aquilæ ex 2. capite adscriptam viderat, servasse; id, ut nullo argumento, asseritur, ita verbo uno negatur. Vides, quam diversæ sint interpretum sententiæ. Has diligenter excutere non est animus; ceterum facile esset, aliquid singulis objicere. Nescio, an proclivior sis in sententiam Jacobi Constantini, qui *lib. 1. Subtil. Enodat. c. 6.* arbitratur, eo capite cavisse Aquilium, ut damnum a servis inlatum, insciis etiam dominis, in solidum sarciretur, nec satis esset dominis servos noxæ dare. Quod quum nimis durum Romanis videretur, secundum legis Aquilæ caput desuetudine ipsa sublatum est. Opinionem hanc suam adstruit ex Ulpiano *lib. 18.* ad Edictum in *l. 27.* h. tit., ubi postquam §. 3. scripserat, servi occidentis nomine dominum teneri, continuo subdit §. 4., legis Aquilæ secundum capitulum in desuetudinem abiisse. Laudat in eandem sententiam alterum Ulpiani locum ex eodem libro 18. in *l. 2.* de noxal. Si servus sciente domino occidit, in solidum dominum obligas, ipsa enim videatur dominus occidisse: tum addit, Si autem insciente, noxalis est: nec enim debuit ex maleficio servi in plus teneri, quam ut noxa eum dedat. Quorum verborum, nec enim debuit &c. hunc esse sensum inquit, perperam secundo legis Aquilæ capite constitutum, ut inscius etiam dominus in solidum teneretur. Utitur demum verbis Tribonianus in §. 2. de nox. *lib. 4.* ubi quum dixisset, summa ratione permixtum fuisse noxa deditione uti; statim addidit, namque erat iniquum nequitiam eorum ultra ipsorum corpora dominis damnosam esse. Omnia incerta. Si nihil horum ardeat, aut verosimiliora commentare, aut ne te pudeat, ignorare aliquid in ea re, in qua est de illa ignorantia, quibus verbis se se expedit. Wilsenbachius ad h. §.

§. XIII. Tertium caput in hæc verba conceptum exhibet Ulp. l. 27. §. 5. *h. s.*, CÆTERARUM RERUM (C) PRÆTER HOMINEM ET PECUDEM OCCISOS, SI QUIS ALTERI DAMNUM FAXIT, QUOD USSE- RIT, FRAGERIT, RUPERIT INJURIA: QUANTI EA RES ERIT IN DIEBUS TRIGINTA PROXIMIS, TANTUM ÆS DOMINO DARE DAMNAS ESTO. Tertium igitur caput de omni cætero damno cavet, quod præter eadem servi & pecudis datum est, sive pecudes vulnerentur, sive animantia, quæ pecudum numero non sunt, occidantur, sive alia quælibet fracta, rupta, ulla, scissa, collisa, effusa, corrupta, & quoquo modo in deterius statum adducta proponantur, *h. §.* Huc spectat, qui fructus alienos immaturos decerpit, aut dislocuit, nam si maturos, im- pensas tantum amittit, l. 27. §. 25. *h. t.*: qui in causa est, ut naves mutuo occursu collidantur, ac damnum capiant; quo tamen casu, si de reo non liquet, suum quisque fert casum, l. 29. §. 4. *hoc sit*: qui in alienum vinum, aut oleum id immisit; quo vinum, aut oleum corruptum est, d. §. 13., & id ge- nus alii.

§. XIV. Conveniunt in eo Actio ex primo, & Actio ex hoc tertio capi- re, quod sicut illa, ita & hæc in eum datur, qui vel dolo fecit, vel culpa. In eo tamen discrepant, quod in hoc capite non quanti in ea anno, sed quanti in diebus 30. proximis res fuerit, obligatur is, qui damnum intulit, *h. §.* & l. 21., & l. 51. *D. hoc sit*, & l. 3. §. 3. *de privatis delictis*.

§. XV. Ac ne plurimi quidem verbum adjecit. Sed tamen recte Sabinus placuisse ait Tribonianus, perinde habendam estimationem, ac si etiam hac parte plurimi verbum adjectum esset, l. 29. §. ult. *h. t.*

§. XVI. Illud ultimo loco advertendum, Legis Aquiliæ actionem vel directam esse, vel utilem, vel in factum, *h. s.* Scio ego, Christianum Tho- masium Lipsiensem Jurisconsultum in Philosophia Juris §. 149. multis con- tendere, actionem in factum male hic ab actione utili per Tribonianum, separari: sed rem incendi reddere, temporis verat angustia. Directa est, quæ oritur ex ipsis verbis legis; atque hæc proprio in eum convenit, qui suo corpore, & in corpus damnum intulit, puta in eum, qui alienum servum, aut pecudem manu sua enecavit, *hoc §.* & l. 51. *cod.* Utilis est, quæ a verbis quidem legis recedit, ex ejus tamen mente per interpretationem edu- citur, ut quum quis damnum in corpus, ac non corpore suo dedit, ut si quis pecudem alienam ita inclusit, ut fame periret. Vide textum in l. 7. §. 3. & 6., & l. 9. *cod.* In factum actio est, quæ longius a verbis, & mente legis recedit, quum nec corpore, neque in corpus damnum datur, ut si quis alienum hominem miseratione ductus vincum dissolvat, qui solutus aufu- giat. Corpus igitur integrum remanere debet; ut locus sit actioni in fa- ctum: qua tamen de re vide Huber, hic in fine. V. quoque Meril. 3. *Obs. 6.*, & 1. *Variant. ex Cujac.* 30.

(E) Veterem hanc esse loquutionem pro eo, quod vulgo dicimus, quan- tum ad cæteras res, vel, in cæteris rebus, observat Hotomanus lib. 4. *Obs. c. 11.* Sic in *Edicto Edilium*, Cæterarum rerum, quantum damnum datum factumve sit, dupli, l. quia vulgo 42. de *Edict. Edif. V. Gasp. Schoppium lib. 1. Verisimil.* c. 19.

## DE INJURIIS.

## TITULUS IV.

47. ff. 10. 9. C. 35. &amp; 36.

**G**eneraliter injuria dicitur omne, quod non jure fit: specialiter, alias (a) contumelia, quæ a contemnendo dicta est, quam Græci *βλαφημία* appellant: alias culpa, quam Græci *διδίκασις* (b) dicunt, sicut in lege Aquilia damnum injuria datum accipitur: alias iniquitas, & injustitia, quam Græci *ἀδικία* vocant. Quum enim Prætor, vel judex non jure contra quem pronunciat, injuriam accepisse dicitur.

1. Injuria autem committitur, non solum quum quis pugno pulsatus, aut fistibus cæsus, vel etiam verberatus erit: sed & si cui conviciam factum, fuerit, sive cujus bona quasi debitoris, qui nihil deberet, possessa fuerint ab eo, qui intelligebat, nihil eum sibi debere, vel si quis ad infamiam alicujus libellum, aut carmen, aut historiam scripserit, composuerit, ediderit, dolove malo fecerit, quo quid eorum fieret: sive quis matremfamilias, aut prætextatum, prætextatamque adfectatus fuerit: sive cujus pudicitia attentata esse dicitur: & denique aliis plurimis modis admitti injuriam, manifestum est.

2. Patitur autem quis injuriam non solum per semetipsum, sed etiam per liberos suos, quos in potestate habet, itemque per uxorem suam, id enim magis prævaluit. Itaque si filix alicujus, quæ Titio nupta est, injuriam feceris: non solum filix nomine tecum injuriarum agi potest: sed etiam patris quoque, & mariti nomine. Contra autem, si viro injuria facta sit, uxor injuriarum agere non potest. Defendi enim uxores a viris, non viros ab uxoribus, æquum est. Sed & focer nurus nomine, cujus vir in potestate est, injuriarum agere potest.

3. Servis autem ipsis quidem, nulla injuria fieri intelligitur, sed domino fieri per eos videtur, non tamen iisdem modis, quibus etiam per liberos, & uxores: sed ita, quum quid atrocius commissum fuerit, & quod aperte ad

con-

(a) Ceteris 32. Parerg. movuli, alia est, ut legitur in Collat. LL. Mosaic.

(b) Alibi est *βλάμη*. Vide Salmas. cap. 7. ad Jus Att., & 17. de mod. usur., & contra eum differentem Heraldum 46. Obs. 1. & lib. 11. ad Jus Att. cap. 9.

contumeliam domini respicit: veluti si quis alienum servum verberaverit, & in hunc casum actio proponitur. At si quis servo convitum fecerit, vel pugno eum percussorit, nulla in eum actio domino competit.

4 Si communi servo injuria facta sit: æquum est, non pro ea parte, quam dominus quisque est, æstimationem injuriæ fieri: sed ex dominorum persona, quia ipsis sit injuria.

5 Quod si ususfructus in servo Titii est, proprietates Mævii, magis Mævii injuria fieri intelligitur.

6 Sed si libero, qui tibi bona fide servit, injuria facta sit: nulla tibi actio dabitur, sed suo nomine is experiri poterit, nisi in contumeliam tuam pulsatus sit, tunc enim competit & tibi injuriarum actio. Idem ergo est & in servo alieno bona fide serviente, ut totiens admittatur injuriarum actio, quotiens in tuam contumeliam injuria ei facta sit.

7 Poena autem injuriarum ex lege duodecim tabularum propter membrum quidem ruptum talio erat: propter os vero fractum nummarie poenæ erant constitutæ, quasi in magna veterum paupertate. Sed postea Prætores permittébant ipsis, qui injuriam passi sunt, eam æstimare, ut judex vel tantum eum condemnaret, quanti injuriam passus æstimaverit, vel minoris, prout ei visum fuerit. Sed poenæ quidem injuriæ, quæ ex lege duodecim tabularum introducta est, in deliquerunt abiit: quam autem Prætores introduxerunt, (quæ etiam honoraria appellatur) in judiciis frequentatur. Nam, secundum gradum dignitatis, vitæque honestatem, crescit; aut minuitur æstimatio injuriæ, qui gradus condemnationis & in servili persona non immerito servatur; ut aliud in servo actore, aliud in mediis actus hominibus, aliud in vilissimis, vel compedito ius constituitur.

8 Sed & lex Cornelia de injuriis loquitur, & injuriarum actionem introduxit, quæ competit ob eam rem, quod se pulsatum quis, verberatumve, vel domum suam vi introitam esse dicat. Domum autem accipimus, sive in propria domo quis habitet, sive in conductâ, sive gratis, sive hospitio receptus sit.

9 Atrox injuria æstimatur vel ex facto, veluti si quis ab alio vulneratus sit, vel sustibus cæsus: vel ex loco, veluti si leui in theatro, vel in foro, vel in conspectu Prætoris injuria facta sit: vel ex persona, veluti si magistratus injuriam passus fuerit, vel si Senatori ab humili persona injuria facta sit, aut parenti, patronove fiat a liberis, vel libertis. Aliiter enim Senatoris, & parentis, patronique, aliter extranei, & humilis personæ injuria æstimatur. Nonnunquam & locus vulneris atrocem injuriam facit, veluti si in oculo quis percussus fuerit. Parvi autem refert, utrum patrifamilias, an filiofamilias talis injuria facta sit: nam & hæc atrox injuria æstimabitur.

10 In summa sciendum est, de omni injuria enim, qui passus est, posse vel criminaliter agere, vel civiliter. Et si quidem civiliter agitur, æstimatione facta, secundum quod dictum est, poenæ reo imponitur. Si autem criminaliter, officio judicis extraordinaria poenâ reo irrogante: hoc videlicet observando, quod Zenoniana constitutio introduxit, ut viri illustres, quique super eos sunt, & per procuratores possint actionem injuriarum criminaliter vel persequi, vel suscipere, secundum ejus tenorem, qui ex ipsa manifestius apparet.

11 Non solum autem is injuriarum tenetur, qui fecit injuriam, idest, qui percussit: verum ille quoque tenetur, qui dolo fecit injuriam, vel qui procuravit, ut cui mala pugno percuteretur.

12. Hæc actio diffimulatione aboletur, & ideo si quis injuriam dereliquerit, hoc est, statim passus ad animum suum non revocaverit: postea ex poenitentia remissam injuriam non poterit recolare.

## C O M M E N T A R I U S.

**P** R. Tit. Injuria, inquit Tribonianus ex Ulp. in l. 1. h. t., vel generaliter, vel specialiter accipitur. Generaliter injuria dicitur, quidquid non jure fit. Auctor Declamationum Decl. 265., Si id est utriusque confessione injuria, quod manifestum est non esse jure factum. Specialiter nunquam est contumelia, quam a contemnendo derivat Ulp. ibid., & Seneca lib. In sapientem non cadis injuria, cap. 11., quia nemo, nisi quem contempsit, afficit tali injuria. Unde, nisi facta ipsa aut verba probiola sint, contemnendi animus ab actore probandus est, l. 3. §. 1. & segg. ff., & l. 1. Cod. h. t. Seneca eodem lib. c. 10., Contumelia, inquit, est minor injuria; quam queri magis, quam exequi possumus, quam Leges quaque nulla dignam vindicta paraverunt. Hunc affectum contrahit humilitas animi contrahentis se ob factum dolumque inhonorificum. Additque exemplum Senatoris, qui a Corbulone in Senatu Struthiocamelus per contemptum appellatus, flevit. Sed vel ex hoc loco intelligere est, quod aliunde etiam constat, Senecam Romani juris parum scientem fuisse; nam explorati juris est, non ex injuria solum, sed etiam ex contumelia actionem nasci, l. 5. §. 1. ad L. Aquil., l. 27. §. 3. de pati. Præterea injuria interdum culpa est, quo sensu damnum injuria dicitur in Legge Aquilia. Demum injuria quandoque iniquitas est, seu injustitia, unde injuriam accepisse dicitur is, contra quem Prætor, olim in causis extraordinariis, post Diocletiani & Maximiani constitutionem in l. placet 2. C. de pedan. judic. etiam in ordinariis; vel judex non jure pronunciavit. Quod autem Paulus scribit l. 11. de just., & jur., Prætor quoque jus reddere dicitur, etiam quum inique decernit, id ad solum rei judicata effectum pertinet.

§. I. Tribus vero potissimum modis injuria fieri dicitur, aut re, aut verbis, aut scripto. Re si quis pugno, aut fustibus casus, vel etiam verberatus est: vel si cuius bona quasi debitoris, qui nihil deberet, possessa fuerint ab eo, qui intelligebat, nihil eam sibi debere, non enim competit hæc actio adversus eum, qui bona veri debitoris possedit. Re item fit injuria, si quis matremfamilias, aut prætextatum, prætextatumve adfectatus fuerit, hoc est tacitus frequenter sequutus sit per dolum, sive ejus pudicitia attentata effe dicetur. Pudicitiam attentare idem hic sonat, ac virginem appellare apud Ulpianum l. 15. §. 15. h. t., hoc est, blanda oratione alterius pudicitiam attentare, ut idem Ulpianus explicatius loquitur §. 20. Subdit autem Ulpianus §. 23., non omnem, qui adfectatus est, qui appellavit, hoc edito conveniri posse, neque enim si quis colludendi, si quis effecti honeste faciendi gratia id fecit, statim in editum incidit: sed qui contra bonos mores id facit. Tribonianus prætextatos vocat pueros a prætextis. Matresfamilias stola induebant, l. vestis, §. mulieribus, de auro, & arg. leg. 3 unde matronalis stola apud Val. Max. lib. 6. cap. 1. Meretrices vestem variegatam, eamque subductiorem gerebant, eisque uti stola non licebat. Martial. lib. 1.

Quis Floralis vestis, & stolarum

Permittit meretricibus pudorem?

V. Gothofred. ad d. l. 15.

§. 17. Recte igitur minus peccare eum inquit Ulp. d. §. 15; qui virginem ancil-



ancillari veste vestitas appellasset, & multo minus, si meretricia veste femina, non matrum familiarum vestita fuisset, suppetit enim iusti erroris excusatio. Alia realium injuriarum exempla persequitur in d. l. 15. Ulpianus, inter quæ illud elucet maxime, quod habet §. 27., si quis ad invidiam alicujus veste lugubri utatur, aut squalida: aut si barbam demittat, vel capillos submittat, hoc est non tondeat. Quum enim hæc facere solerent Romæ consanguinei, & affines reorum, si quis id faceret in alterius invidiam, quasi alicujus periculum lugens, qui tamen reus non erat, injuriam fecisse videbatur. *Sordidatus es*, inquit Seneca 10. Declam. 1., non queror: sed si sordes sua invidiam mihi concitant, queror. V. Gothofredum ad d. l. §. 27., ubi ex Cicerone, Livio, Ovidio, Suetonio, Gellio, Seneca rem perbelle illustrat. Verbis fit injuria, si cui convicium dictum sit, convicium enim injuriam esse, Labeo ait, d. l. 15. §. 3. Convicium autem dicitur, inquit Ulp., §. 4., vel a concitatione, vel a conventu, hoc est a collatione vocum: quum enim in unum complures voces conferuntur, convicium appellatur, quasi convocium. Quæ originatione Festo etiam placuit. Hinc colligit Ulpianus §. 11., non omne maledictum convicium esse, sed id solum, quod cum vociferatione dictum est. Jam convicium debet esse falsum, ut si quis alium furem, plagiarium, sacrilegum appellaverit, qui tamen nec fur sit, nec plagarius aut sacrilegus. Quod si convicium verum sit, jure civili locum non habet hæc actio, Paulus l. 18. pr. h. t., Eum, qui nocentem infamavit, non esse bonum, æquum ob eam rem condemnari; peccata enim nocentium nata esse, & oportere, & expedire. Ad rem Horatius lib. 1. serm. satyr. 1.

Si quis

Opprobriis dignum lairaverit, integer ipse,

Solvitur visu tabula, tu missus abibis.

Sed aliud Christiana morum disciplina exposcit. Scripta si injuria, quum quis ad infamiam alicujus, libellum, aut carmen scripserit, composuerit, ediderit, dolore malo fecerit, quo quid eorum fieret, h. §. l. 5. §. 9. h. t. & l. un. C. de fam. lib. Mali carminis, seu famosi libelli poena ex lege 12. Tab. capitalis fuit, rei quæ fustibus ad necem cæsi, ut testatur Aug. de Civ. Dei lib. 12. cap. 9. & 12. ex fragm. Cic. lib. 4. de Rep. Nostra 12. Tabula, quum per paucas res capite sanxissent, in his hanc quoque sancendam putaverunt, si quis carmen condidisset, quod infamiam faceret. Fustium dumtaxat mentio videtur fuisse in 12. Tab. SI QUI POPULO OCCENTASSIT, (publice convicium dixerit. Vide Jac. Gothofredum ad Tab. 7., & Theod. Marcillum in Interpretam.) CARMENVE CONDIDIT, QUOD INFAMIAM FAXIT FLAGITUMVE ALTERI, FUSTE FERITO. Cornutus ad Pers. sat. 1., Lege 12. Tab. cautum est, ut fustibus feriretur, qui publice invehneretur. Spectat huc illud Horatii 2. Ep. 1.

Quin etiam lex

Pœnæque lata, malo quæ nolle carmine quemquam

Describi: vertere modum, formidine fustis (a)

Ad bene dicendum delectandumque redacti.

Ad

(a) Male Borcholten ad h. §. ex hoc Horatii loco colligit, Augustum capitalem duodecim tabularum poenam sustulisse. Eumque refellit mentio fustis, quam facit Horatius, quæque consentit cum testimonio Cornuti ad Persum, & cum his duodecim tabularum verbis, fuisse ferito, nisi pro iis subsistens alii,

ca.

Ad quem locum Porphyrio, *Fustuarium supplicium constitutum erat in ant. Horem carminum infamum*. Ideo autem mali carminis auctores capitis reos facit Cicero apud Augustinum, quod ex ipsis fustibus facile nex sequeretur, *l. 7. §. 1. ad L. Aquil.* *l. 1. §. 17. ff. ad S. C. Syllan.*, et si id ex mente Romanarum legum non sit, *l. 8. §. 1. de poen.* At lege Julia, & Senatusconsulto libellum famosum conscribere publicum quidem crimen fuit, sed non capitale, Ulpianus *l. 18. §. 1. ff. qui testam. sac. pos.* *Si quis, inquit, ab carmen famosum damnetur, Senatusconsulto expressum est, ut inestabilis sit*. Idemque repetit *l. 5. §. pen. h. t.* Paulus *lib. 5. sent. tit. 4. §. 15.* hanc poenam exprimit, *Qui carmen famosum in injuriam alicujus composuerit ex auctoritate amplissimi Ordinis in insulam deportatur, & §. 17.* Tu eos auctores, qui famosi libellos in contumeliam alterius proposuerint, extra ordinem usque ad relegationem insule vindicantur. Quæ novissima verba suspicionem hanc erudit faciant, mentionem deportationis in §. 15. vix esse Pauli. V. Tacit. *14. Annal.* *48. & 49.* V. quoque Suet. in Aug. c. 59. Successe jus novissimum ex *l. unie. C. de fam. lib.*, ubi Imp. Valentinianus, & Valens capitalem legum Decemvirialium poenam restituerunt ibi, scias, se hujusmodi delicti capitali sententia subjugandum, & mox, *sin vero minime hoc vera ostenderit, capitali poena plectitur*. Quæ ideo placuit describere, ut hinc intelligas, quam turpiter labatur Everardus Otto hic, ubi ait, ex *l. un. C. de fam. lib.*, talem statutam esse poenam, qualem meretur crimeu, quod quis alteri obicit: intelligas etiam, divinare Vinium, qui tum demum scribit poenam capitis prædicta constitutione imponi, si in libello capitale aliquod crimen obiciatur ad creandum alicui periculum. Ego unde id consci possit, non video: video, in *d. l. un.* capitalem poenam sine distinctione constitutam. Illud hic monco, in *l. 1. §. 1. h. t.* non tres, ut hic, sed duas proponi species injuriarum, verbalem, & realem: quæ sane magis propria est divisio. Quod si quis scire velit, num injuria, quæ scripto sit, ad verbalem, an ad realem referatur, consulat Treutlerum *vol. 4. disp. 30. thes. 3. quest. 36. lit. c.*

§. II. Patitur autem quis injuriam non solum per semetipsum, sed etiam per liberos, quos in potestate habet, *h. §.* *& l. 1. §. ult. h. t.* Agitur igitur pater & filii nomine, & suo, neque est impediendus, quominus duobus iudiciis & suam injuriam persequatur, & filii, inquit Neratius *l. pater 41. ff. h. t.* Usque adeo autem injuria, quæ sit liberis nostris, nostrum pudorem pertingit, ut, etiamsi volentem filium quis vendiderit, patri suo quidem nomine competat injuriarum actio, filii nomine non competat, quia nulla est injuria, quæ in volentem fiat, Ulpianus *l. 2. §. 5. h. t.* Idemque tradit Paulus de domino, cujus servus consentiens ludibrio sit habitus, *l. si quis servum 26. h. t.* Quod si ei, qui in alterius potestate erit, puta filiofamilias, injuria facta esse dicetur: & neque is, cujus in potestate est, præsens erit, neque procurator quisquam existat, qui eo nomine agat, caussa cogitata, ipsi, qui injuriam accepisse dicetur, iudicium se daturum, Prætor

capitali esto. Male etiam Pithoeus ad Collat. Leg. Mosaticæ, & Rom. tit. 2. §. 9. poenam fustis nullam fuisse opinatur, Horatium vero, poetice loquentum dubia a canibus similitudine, hoc sensu, homines formidine poenæ a malo crimine abstinuisse, tanquam canes fustem reformidantes: idque Acroni suboluisse, ait. Hanc sententiam ab Horatii quam longissime abesse, Porphyrio in Cornuti testimonio satis ostendunt. Certe is poenam legis 12. satis respexit. V. Lambin. ad Horat. ibid.



tor ait *l. sed si unius* 17. §. 10. *h. t.*: atque hæc actio utilis appellatur, quod eam utilitas filii exposcat, *l. si longius*, §. 1. *de judic.*, & *extraordinarium judicium*, *l. quum filiusfamilias*, *de reb. cred.* Ex his patet, injuriam emancipatis liberis factam parentes non attingere: quod adeo verum est, ut, si filius post acceptam injuriam emancipatur, filio potius emancipato, quam patri actio injuriarum competat, *l. sed si unius*, §. *sed si pater*, §. 9. *ul. h. t.* Quid si uxor injuriam patiat? Id quaesitum olim fuisse, non obscure colligitur ex *h. §.*, ubi *magis prevaluisse*, ait Tribonianus, ut per uxorem injuria viro facta intelligatur, & merito propter ærctissimam vitæ consuetudinem, & omnis fortunæ societatem, *l. 1. de ritu nups.*, *l. 1. rerum amor.* Idque exploratissimum fuisse arbitror eo tempore, quo coemptio, & confarreatio erant in usu; tunc enim uxor in potestatem viri transibat, adeoque sicut per liberos parentibus, ita per eam marito fieri debuit injuria. Nunquam tamen per virum uxori injuria facta est, *h. §.*, virum enim sub uxoris tutela esse non minus turpe est, quam esse sub uxorio imperio, quod sic expressit Tribonianus, *defendi enim uxores a viris, non viros ab uxoribus, æquum est.* Sed & socer nurus nomine, cujus vir in potestate est, injuriarum agere potest, *h. §.*, etiam si nurus in potestate nostra non sit, *speciat enim ad nos injuria*, inquit Ulp. *l. 1. §. 3. h. t.*, *qua in his sit, qui vel potestati nostra, vel affectui subiecti sunt.*

§. III. Non solum per liberos nostros, & uxores, sed etiam per servos nostros injuriam patimur, non tamen iisdem modis, sed ita, quum quid atrocius commissum est, & quod aperte contumeliam nostram respicit, ut si quis servum nostrum vulneraverit: at si quis servo convicium fecerit, vel pugno eum percusserit, nulla nobis actio competit, *h. §.* Ea ratione non potest injuriarum actio conveniri, qui servum meum injuria affecit, putat, alienum esse hominem, non meum; non enim contumeliam meam respexit, *h. §.* *Interdum injuria servo facta*, inquit Ulpianus *l. 1. §. 4. h. t.*, *ad dominum redundat, interdum non: nam si pro libero se gerentem, aut quum eum alterius potius, quam meum, existimat quis, non casurus eum, si meum fesset: non posse eum, quasi mihi injuriam fecerit, sic conveniri, Mela scribit.* Secus est de filiofam. Treutler. *ibid. quaest. 37. lit. D.* Injuria igitur servo facta tota domui est, servis enim ipsis nulla injuria fieri intelligitur, ait hic Tribonianus, puta jure civili, aut Prætorio, quod servis non patet: ceterum jure naturæ servus homo est, omnibus aliis aequalis, *l. 32. de R. J.* Quam servorum naturam veteri adspersitate posthabita jus etiam civile servavit, nam injurias dominorum in servos vindicavit, unde Seneca *lib. 3. de benef. c. 22.*, *De injuriis dominorum in servos, qui audias, possius est.* Vide dicta ad §. 1. *tit. 8. lib. 1.* Multo in servos humaniores Romani fuerunt Athenienses. V. Petit. ad *LL. At. tit. 6. p. 176.* Quod si quis servum meum sine animo injuriz in popinam ducat, vel aleis ludere faciat, non mihi injuriarum actio competit, sed servi corrupti, *l. si quis servum, de injuri.* Quia in re elegans discrimen est advertendum. Datur enim nobis hæc actio, servo corrupto; at, filio corrupto, non datur, licet filio injuria affecto injuriarum actio competat. Et merito, quum enim servus non de familia sit, sed de patrimonio, is, si corrumpatur, non decus familiæ, sed patrimonium imminuit: at filius de familia est patris, adeoque corruptus filius familiæ decus est; & quia Prætor arbitratus est, nullum sui capitis patremfamilias facile evulgaturum familiæ suæ dedecus, ideo actionem de servo corrupto, non de filio dedit, *l. 1. §. ut sansum, de serv. corrupti.*, nisi tantum actionem utilem, *d. l. 1. §. 1. cod.*; dedit tamen actionem injuriarum ad persequen-

sequendas filii injurias, quia jure civili hæc actio familiæ notam absterget; tantum abest, ut sit ignominiosa.

§. IV. Quod si communis sit servus, isque injuria afficiatur, æquum esse, ait Tribonianus *b. §.*, non pro ea parte, qua quisque est domini, injuria æstimationem fieri, sed ex dominorum persona, seu dignitate, quia, ipsis sit injuria, non servis. Obstat Pædus apud Paulum in *l. 16. b. 1.*; ubi partes esse spectandas ait, *Sed non esse æquum pro majori parte, quam pro qua dominus est, damnationem fieri, Pædus ait.* Vulgo ajunt, in *d. l. 16. negari* dumtaxat singulis actionem in solidum, sed quomodo partes tribuendæ sint inter dominos, id petendum ex *b. §.*, non ex *d. l. 16.* Wileubachius ad *b. §.* inquit, particulas non, sed, apud Tribonianum ἀλλήλων poni pro non tantum, sed etiam, ejusmodi exempla sunt in *l. 5. §. 2. de injur., l. un. §. 4. ff. nauis. caup., l. 1. ff. de term. met.* Ant. Aug. 2. Emend. 1. Sed sunt hæc acutè interpretum nugæ. Ego, quod bene Cujacius vidit, apertum hic adgnosco dissidium inter Pædium, & Tribonianum: Triboniano tamen subscribo: nam in servo domini dignitas læditur.

§. V. & VI. Præterea videndum est, num quis usufructum servi habeat, an proprietatem, nam si unus proprietatem, alter habeat usufructum, proprietarius aget, *§. 5. b. 1., & l. 15. §. 47. cod.*, magis enim huic, quam usufructuario injuria fieri intelligitur; nisi tamen injuria fructuarium respiciat, nam aget fructuarius, *l. item apud Labenem, §. pen. h. t.* Quæ eadem observatio adhibenda est eo casu, quo vel liber homo mihi bona fide servit, vel servus alienus, nam nisi in mei contumeliam subeat injuriam, mihi hæc actio non datur, *§. 6. h. t., & d. litem apud Labenem, §. pen.*

§. VII. SI MEMBRUM RUPIT, NI CUM EO PACIT, TALIO ESTO, aiebat lex 12. Tab. apud Gell. *lib. ult. c. 1., & Festum lib. 18. (b)* Propter membrum igitur ruptum talio erat, hoc est poena reciproca, *l. 3. Cod. Theod. de exhib. reit., l. bi, quæ, Cod. Theod. de accusat.*, quam etiam poenanti jus Divinum statuit Exodi 12: & Arist. *§. Ethic.* veterem quandam de talione Rhadamanti legem commemorat, ut quod quis alteri fecisset, ipse pateretur. Hoc nomine sic Decemviros carpit Phavorinus apud Gellium *lib. 20. c. 1.*, Præter ulciscendi acerbiter, ne procedere quoque exequutio jussu talionis potest. Nam cui membrum ab alio ruptum est, si ipsi iridempnare per talionem velit: quare, an efficere possit rumpendi pariter membri æquilibrium? In qua re primum ea difficultas est inexplicabilis. Quin si mem.

(b) Extant tamen adhuc in libris juris exempla talionum. Calumniantes ad vindictam possit similitudo supplicii, scribunt Imp. Honor. & Theod. *l. ult. C. de accusat. V. l. ult. C. de calumniat., & l. 7. C. ad L. Jul. de vi publ.* Qui quancumque personam castrare præsumunt, aut etiam præsumserint, si quidem viri sunt, idem hoc, quod aliis fecerunt, & ipsi patiantur, inquit Justinianus Nov. 142. de his, qui eunuch. fac. Non prætereunda est hæc Leonis *Nov. 92.*, ubi ita cautum, Si quis cuiusquam visum læserit, hanc, si unum oculum ademerit, uno similiter eodemque privari, ac talionis poenam subire, jubemus. Quicumque amborum oculorum jacturam alicui intulerit, ipse uno orbatur: & quoniam scelerata manu mœdari ipsum æquum esset, pro manus amissione esse bonorum suorum multator: eamque in acerbæ vitæ consolationem, cui eruti sunt oculi, accipito. *V. plura apud Fœrner. lib. 2. Selectiõn. c. 29.*

membrum alter imprudens ruperit : quod enim per imprudentiam factum est : retaliari per imprudentiam debet. lētus quippe forisitus : & consilius non cadunt sub ejusdem rationis similitudinem. Quoniam igitur modo imprudentem poteris imitari, qui in exequenda ratione non licentia jus habet, sed imprudentia? Sed et si prudens ruperit: nequaquam patietur, aut alius se ladi, aut latius, quod cujusmodi libra, atque mensura capere possit, non reperio. Quin etiam si quid plus erit, alterve commissum, res fiet ridicula atrocitas, ut contraria actio mutua rationis oriatur, & adolescat infensa quadam reciprocatio rationum. Contra quæ sic Sex. Cæcilius ibidem; Decemviri minuer, atque extinguere volentes hujusmodi violentiam pulsandi, atque sedandi ratione eo quoque metu coercendos esse homines, putaverunt. Neque ejus, qui membrum alteri ruperit: & pacisci tamen de ratione redimenda vollet, tantam esse habendam rationem, arbitrati sunt, ut an prudens, imprudensve, ruperit, spectandum putarent: aut rationem in eo vel adamussim æquipararent: vel in libelli perpenderent: sed potius eundem animum, eandemque impetum, in eadem parte corporis rumpendi, non eundem quoque casum extingi voluerunt: quoniam modus voluntatis prastari posset, casus illius non posset. . . . . Quæ obsecro te, ista acerbitas est, si idem fiat in te, quod tu te in alio feceris? Præsertim quum habeas facultatem paciscendi, & non necesse sit pati rationem, nisi eam tu elegeris. . . . . Nolo hoc ignorare, hanc quoque ipsam rationem ad assimationem judicii redigi necessario solitam. Nam si reus, qui depacisci noluerat, iudici rationem imperantis non parebat: assimata iste iudex hominum pecunie damnabat: atque ita si reo & passio gravis, & acerba ratio visa fuerat, severitas legis ad pecunia multam redibat. Jam si os fractum esset, lege 12. Tab. numariæ pœnæ erant constitutæ, quasi in magna veterum paupertate. ut ait hic Tribonianus. Quales autem numariæ hæ pœnæ fuerint, non liquere, ait Borcholten. Gothofredus autem sic de ea re a Decemviris cautum suspicatur 12. 7. QUI OS EX GENETALI FUDIT LIBERO, CCC. SERVO, CL. AERIS PÆNE SUNTO. Sane apud Paulum in Collat. LL. Mosais. tit. 2. §. 5. scriptum erat, Quæ lex generalis fuit libero trecentos servos CL. pecuniam subito festeriorum; quem locum, esset enim plaue corruptus, ita restituit Gothofredus, Qui os ex generali fudit, libero ccc. servo cl. pecuniam subito festeriorum. Schultingius tamen ad Paulum duo illa verba, generali fudit, non patitur, neque enim, inquit, verbum generale notum est eo sensu: nec veteres usquam dicunt, legem egisse de osse loco suo moto, sive fuso, sed de osse fracto. Ut ut hæc se res habeat, certe ex hoc loco, quales fuerint numariæ pœnæ pro osse fracto, licet intelligere. Huc pertinet illud Cæcilii apud Gellium lib. 20. c. 1., Decemviri injurias atrociores, ut de osse fracto non liberis modo, verum etiam servis factas, impensore damno vindicaverunt. Reliquas injurias verbales & reales 25. assibus lex 12. Tab. æstimabat, SI INJURIAM ALTERI F XIT, VIGINTIQUINQUE AERIS PÆNÆ SUNTO. Gell. lib. 20. c. 1., (c) ubi perperam Phavorinus hæc legem, ut molliorem car-

pit,

(c) At alia sunt ejus legis verba apud Paulum in Collat. LL. Mosais. tit. 2. §. 5., Qui injuriam alteri facit, quinque & viginti festeriorum pœna subit. Latini sermonis ratio postulat, ut pro illis, pœna subit, legamus, pœnam subito. Sed hoc leve est. Illud me non mediocriter commovet, quod Paulus xxv. festeriosum meminerit, quum tamen Gellius scribat lib. 20. Noct.

pit, quum ea satis opportuna fuerit pro veteri Romanorum paupertate, de qua Liv. lib. 11. cap. 31., & Dion. Halicarnas. lib. 5. cap. 47. Atque hoc est, quod Cæcilius Phayorino reponebat apud Gellium, *Tametsi hæc ipsa paupertas assium grave pondus aris fuit, nam librariis assibus in ea tempestate popularis usus est.* Sed quid est membrum ruptum? quid os fractum? Baldus ad Leg. 12. Tab. non intelligit, quid intersit inter os fractum; & membrum ruptum; sed duo hæc distinguuntur in L. Aquilia §. 13. sup., & forsitan ruptum est corruptum, decoloratum: os fractum est pes vel brachium disruptum, & in partes factum; pes, inquam, vel brachium, os enim hic non est os, oris, ut male arbitratu Alexand. ab Alex. lib. 6. cap. 10., sed os, ossis. Gell. ibid.; nisi corruptus sit leg. 12. Tab. locus. Aut. Contius hic. Pœnam hanc lege 12. Tab. inflictam aspernatus L. quidam Veratius injurias facere, easque tam vili redimere delectabatur. De eo sic Labeo apud Gell. ibid., *Pro delectamento habebat os hominis liberi manus sua palma verberare. Eum servus sequebatur trumenam plenam assium portans, & quemcumque depalmaverat; numerari statim secundum 12. Tab. v. & xx. assibus jubebat.* Propterea Prætores postea hanc abolere, & relinquere censuerunt: injuriisque astimandis recuperatores se daturos, edixerunt. Dane ait hic Tribonianus, permisisse Prætores iis, qui injuriam passi sunt, eam astimare, ut Judex velanti reum condemnaret, quanti injuriam passus astimaverit, vel minoris, ut ei visum fuerit, b. §. Atque hæc pœna æstimatoria appellatur a Prætore permissa, & moribus recepta; abiit enim in consuetudinem pœna leg. 12. Tab. Bene autem Tribonianus monet hic Judices, ut rationem habeant non solum injuriæ, verum etiam personæ injuriæ passæ, utrum. In dignitate sit constituta, nec ne, utrum honesta sit, an non; nam secundum gradus dignitatis, vitæque honestatem crescit, aut decrescit æstimatorio injuriæ. Jam hic gradus in servo etiam servatur, ut aliud in servo adore, aliud in mediæ alicui homine, aliud in vilissimo, vel compedito constituitur, b. §. Major sane sit injuria, si injuria afficiatur servus actor, cui res suas omnes dominus curandas detulerat, ita ut ejus læsio totius effect familiaris detrimentum, L. ult. de off. Præsid., l. 46. §. 7. de jure fisci. (d)

## §. VIII.

c. 1., *Decem viros in injurias v. & xx. assibus sanxisse. Enjactius, quem sequutus est Salmasius de mod. usur. c. 6., & 17., sic de ea re censet lib. 19. Obs. c. 31., pœnam xxv. assium auctoritatem civium Romanorum facultatibus fuisse a juria auctoribus communiam, pro assibus substituitur sestertiis. Sed velle Schultingius ad Paulum inquit, si pro assibus sestertium numum, quoniam assis tempore Decemvirosum librales erant, ut tradunt Plinius lib. 33. Hist. c. 3., & Gellius ibidem, multo minorem fore summam: contra multo majorem, si pro assibus substituitur sestertia. Verosimilius igitur putat, ut sestertiorum Pauli non esse.*

(d) De servo adore memini me alibi scripsisse. Is erat, cui dominus omnium rerum summam credebat. Plant. Asin. act. 2. sc. 4. v. 52. Mediæ ætus homo, seu mediastinus, erat servus inter honoratiores medius, & despectissimus. Lambinus ad illud Horatii lib. 1. ep. ad Villicum suum

Tu mediastinus tacita prece rura petebas, v. scribis, mediastinum sic dictum a medio, & stādo, quippe qui ad omnia sero ministeria paratus, & tanquam in medio positus esse debuerit, afferrique illud Ciceroni, ille imperator: tu illi, ac cæteris mediastinus. In imo ordine erant compediti,

§. VIII. Successit Lex Cornelia de injuriis, quam tulit L. Cornelius Sylla forsan eo tempore, quo Kemp. constituebat, bello civili, & cædium impunitate, ac proscriptione jactatam, ut beue Hotomanus. Ex ea lege injuriarum actio tres ob causas prodita est, quod quis se aut *pulsatum*, aut *verberatum*, aut *domum suam vi introitam esse diceret*, l. 5. h. 1. Inter pulsationem, & verberationem hoc iurereffe Osilius scribit, *verberare est cum dolore cadere: (e) pulsare, sine dolore*, d. l. 5. §. 1. Domum accipere debemus, non proprietatem domus, sed domicilium. Quare siue in propria domo quis habitaverit, siue in conductâ, *vel gratis, siue hospitio receptus*, hac lex locum habebit, d. l. 5. §. 2. Duarenus 1. Disp. 31., Cujacius ad l. 6. h. 2., & alii non pauci existimant, Cornelium hac lege publicum iudicium constituisse: mea quidem sententia perperam, Injuriarum causam non publici iudicii, sed privati continere querelam, ajunt Diocletianus, & Maxim. l. 7. C. h. 1. Injuriarum actionem inter privata delicta veteris juris auctores connumerasse, inquit Zeno l. ult. C. cod. Et disertissime apud Paulum scriptum est l. 42. §. 1. de procurat., ad actionem injuriarum ex lege Cornelia procuratorem dari posse, nam etsi pro publica utilitate exercetur, privata tamen est. Hinc neque in l. 1. de publ. jud., neque in sit. ult. hujus libri publicis iudiciis accusetur. Erat quidem criminale hujus legis iudicium, & Romæ in eos, qui injurias fecissent, ex lege Cornelia extra ordinem animadvertebatur, ut Paulus scribit lib. 5. sent. tit. 4. §. 8. sed tamen erat privatum. Apud Græcos hæc actio lege Solonis erat publica, sic ferente, natura Democratiæ, in qua injuria libero homini illata publicam lædere libertatem videbatur: quod luculenter confirmat Heraldus Obs. 48. testimonio Luciani sic exclamantis in Timone, O Democratiæ, & leges! Verberamur a nefarie homine in civitate libera; & dicto illo Lenonis vapulantis in palliata Terentii Comœdia, quæ inscribitur Adelphi, Ad. 2. sc. 1. v. 21.

Quid hoc rei est? Regnumne, Æschine, hic tu possides? Et v. 29.

O hominem impurum. Hincne libertatem ajunt esse æquam omnibus?

§. IX. Nunc de atroci injuria. Atrociem injuriam quasi consumeliosiorẽ, & majorem accipimus, l. 7. §. pen. h. 1. Eam aut persona, aut tempore, aut re ipsa fieri, Labeo ait apud Ulp. d. l. 7. §. ult. Eadem partitione, utitur Quintil. Declam. 252., Differunt hæc & personis, & temporibus, & locis.

PER-

---

dicti, quos adligatos vocat Columella lib. 1. c. 9. Erant illi pedibus vincli, & possessionum ergastulis coercerantur. Plinius lib. 18. ep. 3. de agricultura ad vilissima quaque servitorum redacta inquit, At nunc eadem illa vincli pedes, damnosæ manus, inscripti vultus exercent.

(e) Osilius & Ulpianum ridet Valla, quod pulsare interpretentur, cedere sine dolore, quum contra, ut ipse ait, pulsare sit gravi & vehementi ictu cedere, & plerumque pulsatio fiat in facie. Sed neque semper pulsare est, quod putat Valla, nam pulso est a pello, quod non est proprie percutere, aut forire: neque ea fuit mens Jurisconsultorum, pulsationem semper sine ullo dolore fieri, sed certe hæc, levius esse pulsare, quam verberare, nam pulsare quandoque est pellere, & sine dolore fit, quæ sensu accipitur in lege Cornelia; at verberare ex communi loquendi consuetudine semper est cum dolore, V. Duker de Latinit. Jurisf. c. 47.

**PERSONA** atrocior injuria fit, ut quum magistratui, quum parenti, patrono fiat. Arnob. adv. gent. lib. 4., Magistratum in ordinem redigere, Senatorem convitio prosequi suis esse decrevisse periculosissimum penis. Videendum, etiam, an injuria ab humili homine viro in dignitate posito facta sit, quod bene monet Paulus 7. sens. 4. §. 10., & Tribonianus hic. O quam acres habes dolorum aculeos consumelia, quam imponit inferior! ajebat Nazarius Panegyri ad Constant. Magn. c. 12. **TEMPORE**, si iudis, (puta in theatro, ut ait hic Tribonianus) & in conspectu. Nam Prætoris in conspectu, (f) an in solitudine injuria facta sit, multum interesse ait, quia atrocior est, quæ in conspectu fiat. **RE** atrocem injuriam haberi, Labro ait, ut puta si vulnus latum, vel os alicui percussum. Nonnunquam & locus vulneris atrocem injuriam facit, veluti si in oculo quis percusserit: quartam hanc causam addit Tribonianus, quæ tamen commode potest ad tertiam referri. Claudius Saturninus l. 16. §. 1. de pæn. septem criminum circumstantias affert: sed, ut recte visum Grotio lib. 2. c. 20. §. 37. perturbate, & confuso: Est & Ulpiani locus de atroci injuria in Collat. LL. Mosale. tit. 2., ad quem vido Plæthocum, & Heraldum Obs. 47., contra quem super eo loco disputabimus in nostris Observationibus juris.

§. X. Qui injuriam passus est vel civiliter ager, vel criminaliter. In civili judicio ad æstimationem agitur: in criminali ad pœnam officio iudicis irrogandam. Vel civiliter, inquam, vel criminaliter, disjunctive enim loquitur hic Trib., ut ostendat, non posse civilem, & criminalem actionem cumulari. Nec quidquam obcurbat, quod actio furti, & rapinæ cum criminali conjungatur, ut supra dictum est; nam in furto, & rapina una actio rem familiarem, altera vindictam publicam respicit, quo casu una alteram non tollit, l. unie. Cod. quando civilis actio crimin. præjud., Cujac. 20. Observ. 25., & 26. At quum injurias persequimur, utraque actio solam vindictam spectat, l. 2. §. emancipatus, de collat. honor., ubi ait Consulatus, injuriarum actionem magis vindictæ, quam pecuniæ persequutionem habere, ubi quid magis comparative non sumitur, sed positive. Hinc qui actione injuriarum agit, eum causam doloris agere, ajebat Imperator

Va

(f) Hæc verba sic esse emendanda contendit Cujacius ad Paul. ibid., & 9. Obs. 16., ut pro in Prætoris conspectu legatur in P. Romani conspectu, ea maxime ratione, quia Ulpianus solitudini celebritatem ludorum opponit: tanquam autem non est conspectus Prætoris, ut ei solitudo opponatur. Sed certe in eo peccavit Cujacius, quod non advertit, idem esse apud Ulpianum in conspectu Prætoris, ac in Populi Romani frequentia, & ludorum celebritas, Prætores enim Roma curabant ludos, iisque præerant, unde meminit idem Ulp. l. 10. ff. comm. Prætoris ludos edentis, quo loco perperam Budæus Prætores interpretatur Imperatorem Romanum ludos pro velata vißoria exhibitum. Pertinet hæc Ammiani Marcellini testimonium lib. 27. c. 5., Quum magnificos Prætor ederet ludos, & uberrime largiretur. Pertinent etiam maxime Martij vasis carmina apud Macrobiū,

Apollini cenſeo vovendis ludos,  
 Quoi quot annis communiter Apollini ſiant;  
 Iis ludis ſacuinſis præſit is Prætor,  
 Qui juſ populo plebique dabit ſummum.

V. Forner, lib. 1. Select. c. 21.

Valentinianus: & Ulpianus in *l. Prator*, §. 1. *h. tit.* inquit, in actione injuriarum agi principaliter de re, quæ publicam habet executionem. Apposite Tullius pro Cacin. actionem inquit injuriarum non *jus possessionis* adsequi, sed *dolorem imminuta libertatis* judicio poenæque mitigare. Instituta autem criminali judicio extraordinariam reo poenam Juxta infligit, sive *exilium*, sive *ordinis amotionem*, *l. qui injuriarum* 43., *h. tit.*, sive *sulter*, quum, qui injuriam fecerunt, liberi quidem sunt, sed humilioris loci, nam servi flagellis cæsi domini restituntur, *l. ult. eod.*, sive aliam injuriæmodi, quum certa injuriarum poena in jure nostro expressa non sit. Vide Borcholten hic. Et quamquam in criminalibus procuratori non sit locus, *l. pen. §. 1. de public. jud.*; Zeno tamen Imp. Viris Illustribus, & qui super eos sunt, indulget, ut criminalem actionem, & persequi per procuratorem, & suscipere possent, *h. §.*, & *l. ult. Cod. de injuriis*. Illustres viri erant Consules, Patricii, Præfetti Prætorio, Urbi, Magistri militum, & Officiorum, Quæstores, Præpositus sacri cubiculi, Comites largitionum, & rerum privatarum, & domesticorum, *l. ult. C. ubi Senas. vel Claris.*, *l. 1.*, & *2. Cod. de Præf. Prætor. Urb.* Ex his Patricii, & Consules, ut & dignitates, quæ Illustres viros præcedebant, Superillustres erant. His notis illustres Viri designabatur, V. 1., aut INL.; nam veteres scribebant, *Inlustris*. Ipsi etiam Reges Illustres dici passi sunt: nec rara est in veterum monumentis ea formula, REX. VIR. INLUSTER. V. Sirm. ad Ennod. lib. 4. ep. 10. Late de Illustribus, & Superillustribus Pancirol. in Notit. cap. 2., & Gruter. de Off. Dom. Aug. lib. 1. c. 10., & 11.

§. XI. Non solum autem hac actione convenitur is, qui per se fecit injuriam, sed & qui dolo malo fecit, ut alius esset injurius, *h. §.*, & *l. non solum, pr. h. t.* Dolo, inquam, malo; si enim hic abest, jam omnis abest injuria. Hinc neque furiosus, neque impubes injuriam facit, quum nullus in eis sit dolus, *l. illud, h. t.*, neque is, qui hominem liberum, putans servum suum, percussit, *d. l. illud, in fine*, neque demum is, qui quum percutere servum vellet, in proximo stantem invitus percussit, *l. si cum servo* 4., *h. t.*

§. XII. Dissimulatione actionem hanc tolli, ait hic Trib. Hinc si quis injuriam derelinquat, hoc est statim ut passus est, ad animum suum non revocet; postea ex pœnitentia remissam injuriam recolare non potest, hoc §. Non revocare autem ad animum videtur Theophilo is, qui non indignatur ob id, quod factum est, nec ut rem indignam accepit in ipso temporis articulo, quo fiebat injuria. Præterea tollitur injuria remissione: atque hæc vel expressa est, vel tacita. Expressa sit pacto, vel transactione, *l. 11. §. 1. v. proinde, h. t.* Tacita ex animi jam pacati indiciiis eruitur, ut blanda salutatione, manuum junctione, comperatione amica &c.: nam quia poenæ semper aliquid odii habent, levis etiam conjectura sufficit, ut remissa intelligantur, ait Grotius lib. 3. cap. 10. §. 18. Anno etiam tollitur injuria, *l. 17. §. 6. in fin. h. t.*, & *l. §. Cod. eod.* Num vero hic annus continuus esse debeat, an utilis, disputat Huberus hic, quem vide.



## DE OBLIGATIONIBUS,

Quæ quasi ex delicto nascuntur. (a)

## TITULUS V.

9. ff. 3. 47. C. 5.

**S**I iudex litem suam fecerit: non proprie ex maleficio obligatus videtur. Sed quia neque ex maleficio, neque ex contractu obligatus est, & utique peccasse aliquid intelligitur, licet per imprudentiam: ideo videtur quasi ex maleficio teneri, & in quantum de ea re æquum religioni iudicantis videbitur, poenam sustinebit.

1. Item is, ex cuius cœnaculo, vel proprio ipsius, vel conducto, vel in quo gratis habitat, dejectum, effusumve aliquid est, ita, ut alicui noceret: quasi ex maleficio obligatus intelligitur. Ideo autem non proprie ex maleficio obligatus intelligitur, quia plerumque ob alterius culpam tenetur, aut servi, aut liberi. Cui similis est is, qui ea parte, qua vulgo iter fieri solet, id positum, aut suspensum habet, quod potest, si ceciderit, alicui nocere quo casu poena decem aureorum constituta est. De eo vero, quod dejectum, effusumve est, dupli, quantum damni datum sit, constituta est actio. Ob hominem vero liberum occisum quinquaginta aureorum poena constituitur. Si vero vivat, nocturnumque ei esse dicatur, quantum ob eam rem æquum iudici videtur, actio datur. Iudex enim computare debet mercedes medicis præstas, ceteraque impendia, quæ in curatione facta sunt, præterea operas (b), quibus caruit, aut cariturus est ob id, quod inutilis est factus.

2. Si filiusfamilias scorsum, a patre habitaverit, & quid ex cœnaculo ejus dejectum, effusumve fuerit, sive quid positum, suspensumve habuerit, cuius casus periculosus est, Juliano placuit in patrem nullam esse actionem, sed cum ipso filio agendum esse. Quod & in filiofamilias iudice observandum est, qui litem suam fecerit.

3. Item exercitor navis, aut cauponæ, aut stabuli de damno, (c) aut furto, quod in navi, aut caupona, aut stabulo factum erit, quasi ex maleficio teneri videtur, si modo ipsius nullum est maleficio, sed alicujus eorum, quorum opera naveni, aut cauponam, aut stabulum exercet. Quum enim neque ex maleficio, neque ex contractu sit adversus eum constituta hæc actio, & aliquatenus culpæ reus est, quod opera malorum hominum uteretur, ideo quasi ex maleficio teneri videtur. In his autem casibus in factum actio competit, quæ heredi quidem datur, adversus heredem autem non competit.

---

(a) In nonnullis Codicibus est, De Obligationibus quasi ex delicto.

(b) Malum alii, operarum.

(c) V. Comm. n. ff.



## COMMENTARIUS.

**P**R. Tit. Quasi delinquere Jurisconsultis dicitur, qui non dolo peccat, sed imprudentia. Pertinet huc Judex, qui male per imprudentiam judicat, nam quasi ex maleficio tenetur, *h. pr.*, & *l. 5. §. 4. de O. & A.*, & *l. ult. de extr. cogn.* Is judex *litem facit suam*, hoc est, litis periculum suscipit: quo sensu ajebat Seneca de *Consol. ad Polyb.* *Quid cessas? conqueramur: atque adeo hanc litem meam facio: & Gellius lib. 10. cap. 1.*, Et ego adversus eum, qui doctus esse videbatur, *litem meam facere nolui*. Litem quoque suam facere dicebatur, qui ad constitutum tempus in comitium judicaturus non venerat, scriptum est enim apud Macrobius *lib. 2. Sat. cap. 12.*, *Cajus. Titius vir, ut ait, erat Luciliana, in Oratione, qua legem Fanniam suasis . . . eleganter describens homines prodigos in forum ad judicandum ebrios committentes . . . Inde, inquit, ad Comitium vadunt, ne litem suam faciant*. Denique *litem facit suam*, qui dolo malo in fraudem legis sententiam dicit, hoc est, vel evidenti gratia, vel inimicitia, vel per sordes, ut explicat Ulpianus *l. 15. §. 1. de judic.* Neque, quod putat Budæus eo nomine a Cujacio reprehensus *§. Obs. 9.*, Ulpiano contrarius est Cajus in *l. ult. de var. & extr. cogn.*, ubi scribit, *judicem, si litem suam fecerit, peccasse quidem intelligi, sed per imprudentiam: utrumque enim verum est diverso effectu*. Qui male judicat per dolum, vere delinquit, & litis, ac tamē periculum subit ex Constantini rescripto in *l. ult. C. de pœn. jud.*, *qui mal. jud.*; imo *lego 12. tab. judex arbiterve jure datus ob rem dicendam pecuniam accepisse convictus capite puniebatur*, teste Gellio *lib. 20. c. 1.*, & *14.*; deinde ex lege Julia reperundarum mitius cum eo actum, *l. 3. & 4. ad L. Jul. repet.*, excepta specie *legis 1. pr. ad L. Cornel. de Sicar.* Qui per imprudentiam, quasi delinquit, & salva exaltimatione, solam *litem facit suam*, & quantum de ea re æquum religioni judicantis videbitur, pœnam sustinebit, ut loquitur post Cajum Tribonianus. Verum quid causæ esse dixeris, quod medicus male per imperitiam medicinam faciens vere delinquat, *§. 7. sup. de L. Aquil.*? An quia medici imperitia corpus lædit: judex autem a læsione corporis nimium procul abest? Ita novum illis est visum. An potius quia judicis munus publicum est, quod invicis etiam publica auctoritate imponitur: medici vero sponte sua medicinam faciunt? Sic videtur aliis, cum quibus sentio, nam imperitia culpa non est, nisi in eo, qui artis peritiam sponte sua proficitur, *l. 9. §. pen. l. 13. §. 5. ff. locat.* Sed est tamen a Judice distinguendus in hac re Prætor; vel Præses, si enim jus male sit dictum per imprudentiam, non debet id Prætori, vel Præfidi officere, sed adfessori, qui jus dixit, *l. 2. ff. quod quisq. jur.*, *l. 9. §. 3. ff. quod met. caus.*, *l. 5.*, & *8. de man. vind.* Joseph. *lib. 2. adv. Appion.* Ammian. Marcellin. *lib. 23.* Judices quidem debebant juris scientes esse, & secundum leges se judicaturos jurabant, qua de re infr. ad *sic. 19.*: Magistratus non debebant, qua de re Hotomanus *illustr. Quæst. 28.* Sane Magistratus adfessores adhibebant Jurisconsultos, *d. l. 2. quod quisq. jur.*, & *l. 1. de adfess.*; at judices, etsi quandoque Jurisperitos adhibere in consilium judicaturi solerent, teste Gellio *12. Noct. 13.*, plerumque tamen ipsi per se causas cognoscere debebant, easque nemine adjuvante dijudicare, Nov. 82., ubi advertit Cujacius, Magistratus ut plurimum militares fuisse, & legum

ignaros. Hinc Tullius pro Plancio de Romanorum Magistratibus, *Si qua, inquit, est ars, Populus Romanus facile patitur: sin minus, virtute eorum, & innocentia contentus est. Quotus quisque enim discretus est? Quotus quisque jurisperitus est?*

§. I. Ad hunc quoque locum spectant *dejecta & effusa*, de quibus sic Praetor caverat, **UNDE IN EUM LOCUM, QUO VULGO ITER FIET, VEL IN QUO CONSISTETUR, DEJECTUM, VEL EFFUSUM QUID ERIT, QUANTUM EA RE DAMNUM DATUM, FACTUMVE ERIT, IN EUM, QUI IBI HABITAVERIT, IN DUPLUM JUDICIUM DABO. SI EO ICTU HOMO LIBER PERISSE DICETUR, L. AUREORUM JUDICIUM DABO, SI VIVET, NOCITUMQUE EI ESSE DICETUR, QUANTUM OB EAM REM AQUUM JUDICI VIDEBITUR, EUM, CUM QUO AGETUR, CONDEMNARI, TANTI JUDICIUM DABO. SI SERVUS INSCIENTE DOMINO FECISSE DICETUR, IN JUDICIO ADJICIAM: AUT NOXAM DEDERE,** l. 1. pr. de his, qui effud. vel dejec. Summa est hujus Edicti utilitas, publice enim utile est, sine metu & periculo per itinera committi, d. l. 1. §. v. Et parvi interest, utrum publicus locus sit, an vero privatus, dummodo per eum vulgo iter fiat: quia iter facientibus prospicitur, non publicis viis studetur, d. l. 1. §. 2. Est autem actio in duplum, excepto si homo liber petiti, quia in homine libero nulla corporis aestimatio fieri potest, sed quinquaginta aureorum aestimatio fit, d. l. 1. §. 3. Ac quantum ob eam rem quantum judicii videbitur, tanti judicium se daturum promittit Praetor, si vivat homo, nocitumque ei esse dicatur: quae Edicti verba sic explicat Ulpianus §. 6., *Hae verba non pertinent ad damna, quae in rem hominis liberi facta sunt, si forte vestimenta ejur, vel quid aliud scissum, corruptumve est: sed ea, quae in corpus ejus admittuntur.* In lite aestimanda iudex computat mercedem medicis praestitas, ceteraque impendia, quae in curatione facta sunt praeterea operarum, quibus caruit, aut cariturus est ob id, quod iuviculis factus est. Cicatricum autem aut deformitatis nulla fit aestimatio, quia liberum corpus nullam recipit aestimationem, inquit Cajus l. 7. eod. Quod postremum de cicatricibus ac deformitate nescio, cur interpretes nonnulli, inter quos Ravennas, & Albericus ad l. 36. ff. si quadrupes, in maribus quidem admittant, negent in feminis: cum Caji ratio aperitissime distinctionem illam excludat. Datur haec actio in eum, qui inhabitat, quem quid deieceretur, vel effunderetur, non in dominum adium, culpa enim penes eum est, d. l. 1. §. 4., nempe quod servum aut liberum (2) adeo improvidum habeat: quumque is, qui inhabitat, ob alterius culpam teneatur, patet, non proprie ex malicio obligari, l. 5. §. 3. de O. & A.: ideo autem scriptum est, culpam penes eum esse, quia habitator suam, suorumque culpam praestare debet, l. 6. §. 2. de his, qui effud. Jam habitare dicimus vel in suo, vel in conducto, vel gratuito, & multum interest inter habitatorem, & hospitem, quantum interest inter domicilium habentem & peregrinantem: unde constat, pro

(2) Ita in l. 9. §. 9. de O. & A., & h. §., aut servi, aut liberi, hoc est liberi hominis, ut bene Theophilus. At Gracii liberum hoc loco exponunt filium, vultum enim de suo. Liberum singulare nomen Latino dictum contra Romanorum ostendi lib. 3.

pro dejectis & effusis eum teneri, qui hospitium dederit, non hospitem, l. 1. §. 9. *cod.* Quod si plures in eodem cœnaculo habitent, in quemvis hæc actio dabitur, d. l. 1. §. ult., quum sane impossibile (hoc est, difficile) sit scire, quis dejerisset, vel effudisset, l. 2. *cod.*; & quidem in solidum. Sed si cum uno fuerit actum, ceteri liberabuntur, l. 3. *cod.* Secus est, si plures diviso inter se cœnaculo habitent, l. 5. *pr. cod.* Edixit quoque Prætor, NE QUIS IN SUGGRUNDA (S) PROTECTIOVE SUPRA EUM LOCUM, QUO VULGO ITER FIET, INVE QUO CONSISTETUR, ID POSITUM HABEAT, CUJUS CASUS NOCERE CUI POSSIT. QUI ADVERSUS EA FECERIT, IN EUM SOLIDORUM DECEM IN FACTUM JUDICIUM DABO, l. 1. §. 6. h. 2. Et quoniam Prætor ait, cujus casus nocere posset, hinc manifestari ait Ulpianus d. l. 5. §. 21., non omnia, quidquid possumus, sed quidquid sic possumus, ut nocere possit, hoc solum prospicere Prætorum, & præterea, non esse spectandum, ut noceret, sed omnino, si nocere possit, Edicto locum esse: Romæ in cœnaculis, quæ superior ædium pars erant, plebs habitabat. Prudent. *adv. Symmach.*

Omnis, qui celsa adscendit cœnacula vulgus.

Vitruv.

lib. 2. c. 8., Syum recipere non posset arca plana tantam multitudinem ad habitandum in urbe, ad auxilium altitudinis adificiorum res ipsa coegit devovere. Itaque pilis lapideis, structuris testaceis, parietibus cœmentitiis altitudines exornata, contignationibus crebris coacta, & cœnaculorum militares summas perficiunt, & despectationes. Ex tam edicis locis casus periculosi. Juvenal. *sat.* 3.

Respice nunc alia, ac diversa pericula nelli;

Quod spatium tellis sublimibus, unde cerebrum

Testa seris, quoties rimosa & curia fenestris

Vasa cadant.

Hinc merito Prætor de dejectis, effu-

sis, ac suspensis Edicto cavet.

§. II. Quid si filiusfamilias seorsum a patre habitet? num pro dejectis, aut effusis, aut suspensis in patrem datur actio? Et Juliano placuisse, ait hio Tribonianus, in patrem nullam esse actionem, sed cum ipso filio agendum; pater enim pro filii maleficio, aut quali maleficio non tenetur, l. 1. & *passim*, ff. de pecul., l. in penalibus 38. de R. J., & §. ult. *infra* de *noxal.* Atque hoc est, quod Ulpianus scribit l. 1. §. 37. de his, qui effud., pro dejectis, aut effusis ex cœnaculo filii de peculio in patrem non dari, quia non ex contractu venit. Idem in filiofamilias judice, qui litem suam fecerit, observandum esse, addit Tribonianus. Obstat Ulpianus l. 15. de jud., ubi ait, in hac specie locum esse actioni de peculio, Filiofamilias judex, si litem suam faciat, in tantam quantitatem tenetur, qua tunc in peculio fuit, quum sententiam dicebat. Sed verosimile est, quod arbitratur Accursius, accipi Ulpianum debere de actione rei judicate, quæ dicta in filium sententia in patrem datur, l. 3. §. 11. de pecul. V. Cujac. lib. 13. *Obs. c.* 18.

§. III. Denique ex quasi maleficio tenetur in duplum exercitor navis, aut cauponæ, aut stabuli, si damnum, aut furtum in navi, aut cauponæ, aut stabulo factum sit ab aliquo eorum, quorum opera navem, aut cauponam, aut stabulum exercet, h. §. l. pen. §. ult. ff. *navis. caup. stab.* & l. 5.

§. item

5. *item exercitor, de O. & A. Nautæ, Caupones, Stabularii* Edicto Prætoris non quo nomine coercendi, ut patet ex *tit. ff. nauis. caup.*, ad quem vide Cujac. lib. 27. *Obs. c. 31.*, nam male apud veteres audiebant, unde Horatius *sat. 5. lib. 2. v. 4.*

- - - - - inde forum Appi,

*Differunt nautis, cauponibus atque malignis;*

quum

enim frequentissima apud Romanos essent hospitia cum privata, tum publica, de quibus vide Pitiscum in *Lexic.*, quumque viri in aliqua dignitate positi proprias sibi naves conducere solebant; nautis, cauponibus, stabulariis nulla prope erat cum honestis viris consuetudo, erantque publicæ naves, caupones, stabula vilissimorum ac perditorum hominum receptacula. Sunt & alia quasi maleficia, quorum non meminit hoc tit. Tribonianus: tu vide *l. 7. pr., ff. de pos., & l. 45. pr., ff. ad L. Aquil.* Illud moneo, actiones ex tribus expositis quasi delictis in factum dici, nam neque dolum, neque culpam, sed ipsum factum delicto affine persequantur. Opinionem Thomasi in *Phil. jur. §. 142.*, in veris delictis dolum subesse, in quasi delictis culpam, satis refellit damnum Legis Aquilæ, quod verum maleficium est, etsi sola subit culpa.

## DE ACTIONIBUS.

### TITULUS VI.

**S**uperest, ut de actionibus loquamur. Actio autem nihil aliud est, quam jus persequendi in iudicio, quod sibi debetur.

1. Omnium autem actionum, quibus inter aliquos apud iudices, arbitrove de quacunque re queritur, summa divisio in duo genera deducitur: aut enim in rem sunt, aut in personam. Namque agit unusquisque aut cum eo, qui ei obligatus est vel ex contractu, vel ex maleficio: quo casu proditæ sunt actiones in personam, per quas inreudat adversarium ei dare, aut facere oportere, & aliis quibusdam modis. Aut cum eo agit, qui nullo jure ei obligatus est, movet tamen alicui de aliqua re controversiam: quo casu proditæ actiones in rem sunt: veluti si rem corporalem possidet quis, quam Titius suam esse assermet, possessor autem dominum ejus se esse dicat; nam si Titius suam esse intendat, in rem actio est.

2. Æque si agat quis, jus sibi esse fundo forte, vel ædibus utendi, fruendi, vel per fundum vicini eundi, agendi, vel ex fundo vicini aquam ducendi: in rem actio est. Eiusdem generis est actio de jure prædiorum urbanorum, veluti si quis agat jus sibi esse altius ædes suas tollendi, prospiciendive, vel projiciendi aliquid, vel immittendi tignum in vicini ædes. Contra quoque de usufructu, & de servitutibus prædiorum rusticorum, item prædiorum urbanorum, invicem quoque proditæ sunt actiones: ut si quis intendat jus non esse adversario utendi, fruendi, eundi, agendi, aquamve ducendi: item altius tollendi, prospiciendive, vel projiciendi, immittendive, illæ quoque actiones in rem sunt, sed negativæ. Quod genus actionis in controversiis rerum corporaliū proditum non est. Nam in his is agit, qui non possidet: ei vero, qui possidet, non est actio prodita, per quam ne-

get rem actoris esse. Sane uno casu qui possidet, nihilominus is actoris partes obtinet, sicut in latoribus Digestorum libris opportunius apparebit.

3 Sed istæ quidem actiones; quarum mentionem habuimus, & si quæ sunt similes, ex legitimis, & civilibus causis descendunt. Aliæ autem sunt, quas Prætor ex sua jurisdictione comparatas habet, tam in rem, quam in personam, quas & ipsas necessarium est exemplis ostendere, ut ecce: Plerumque ita permittit Prætor in rem agere, ut vel actor dicat, se quasi usufrucipisse, quod non usufruciperit, vel ex diverso possessor (a) dicat adversarium, suum non usufrucipisse, quod usufruciperit.

4 Namque si cui ex iusta causa res aliqua (b) tradita fuerit (veluti ex causa emtionis, aut donationis, aut dotis, aut legatorum) & uicium ejus rei dominus effectus est, si ejus rei possessionem casu amiserit, nullam habent in rem directam actionem ad eam persequendam: quippe ita proditæ sunt jure civili actiones, ut quis dominium suum vindicet. Sed quia sane durum erat, eo casu desicere actionem, inventa est a Prætoris actio, in qua dicit is, qui possessionem amisit, eam rem se usufrucipisse, quam usu non cepit, & ita vindicet suam esse: quæ actio Publiciana appellatur, quoniam primum a Publico Prætoris in edicto proposita est.

5 Rursus ex diverso, si quis quum Reipublicæ causa abesset, vel in hostium potestate esset, rem ejus, qui in civitate esset, usufruciperit: permittitur domino, si possessor reipublicæ causa abesse desierit, tunc intra annum rescissa usucapione eam petere; idest, ita petere, ut dicat possessorem usu non cepisse, & ob id suam rem esse. Quod genus actionis quibusdam, & aliis simili æquitate motus Prætor adcommodat, sicut ex latiore Digestorum, seu Pandectarum volumine intelligere licet.

6 Item si quis in fraudem creditorum rem suam alicui tradiderit, bonis ejus a creditoribus possessis ex sententia Præsidis, permittitur ipsis creditoribus, rescissa traditione, eam rem petere, idest, dicere eam rem traditam non esse, & ob id in bonis debitoris mansisse.

7 Item Serviana, & quasi Serviana (quæ etiam hypothecaria vocatur) ex ipsius Prætoris jurisdictione substantiam capiunt. Serviana autem experitur quis de rebus coloni, quæ pignoris jure pro mercedibus fundi continentur. Quasi Serviana autem est, qua creditores pignora, hypothecarum persequuntur. Inter pignus autem, & hypothecam (quantum ad actionem hypothecariam attinet) nihil interest. Nam de qua re inter creditorem, & debitorem convenerit, ut sit pro debito obligata, utraque hac appellatione continetur: sed in aliis differentia est. Nam pignoris appellatione eam proprie rem contineri dicimus, quæ simul etiam traditur creditori, maxime si mobilis sit. Ac eam, quæ sine traditione nuda conventionione tenetur, proprie hypothecæ appellatione contineri dicimus.

8 In personam quoque actiones ex sua jurisdictione propositas habet Prætor: veluti de pecunia constituta, cui similis videbatur receptitia. Sed ex nostra constitutione quum & si quid plenius habebat, hoc in actionem pecuniæ constitutæ transfusum est, & ea quasi supervacua iussa est cum sua aucto-

(a) *V. Comm. nostr.*

(b) *Malsunt nonnulli aliena ex Theophilo: sed contra fidem omnium Codicum.*

auctoritate a nostris legibus recedere. Item Prætor proposuit actionem de peculio servorum, filiorumque familiarum, & eam, ex qua queritur, actor juvaverit, & alias complures.

9 De constituta autem pecunia cum omnibus agitur, quicumque pro se, vel pro alio solutores se constituerint; nulla scilicet stipulatione interposita. Nam aliqui si stipulanti promiserint, jure civili tenentur.

10 Actiones autem de peculio ideo adversum patrem, dominumve comparavit Prætor, quia licet ex contractu filiorum, servorumve ipso jure non teneantur: æquum tamen est peculio tenus (quod veluti patrimonium est filiorum, filiarumque, item servorum) condemnari eos.

11 Item si quis postulante adversario juraverit, deberi sibi pecuniam, quam peteret, neque ei solvatur; iustissime commodat ei talem actionem, per quam non illud queritur, an ei pecunia debeat, sed an juraverit.

12 Pœnales quoque actiones Prætor bene (c) multas ex sua jurisdictione introduxit: veluti adversus eum, qui quid ex albo ejus corrupisset: & in eum, qui patronum, vel parentem in jus vocasset, quum id non impetrasset: item adversus eum, qui vi exemerit eum, qui in jus vocaretur, cujusve dolo alius exemerit, & alias innumerabiles.

13 Præjudiciales actiones in rem esse videntur: quales sunt, per quas queritur, an aliquis liber, vel libertus sit: vel de partu agnoscendo. Ex quibus fere (d) una illa legitimam causam habet, per quam queritur, an aliquis liber sit: ceteræ ex ipsius Prætoris jurisdictione substantiam capiunt.

14 Sic itaque discretis actionibus, certum est, non posse actorem suam rem ita ab aliquo petere, si (e) *paret eum dare oportere*. Nec enim quod actoris est, id ei dari oportet: scilicet quia dari cuiquam id intelligitur, quod ita datur, ut ejus fiat. Nec res, quæ jam actoris est, magis ejus fieri potest. Plane odio furum, quo magis pluribus actionibus teneantur, effectum est, ut extra pœnam dupli, rei recipiendæ nomine, fures etiam hac actione teneantur; si *paret eos dare oportere*: quamvis sit adversus eos etiam hæc in rem actio, per quam rem suam quis esse petit.

15 Appellamus autem in rem quidem actiones, vindicationes: in personam vero actiones, quibus dare facere oportere intenditur, conditiones. Condicere enim est denunciare prisca lingua, nunc vero abusive dicimus conditionem actionem in personam esse, quæ actor intendit, dari sibi oportere. Nulla enim hoc tempore eo nomine denunciatio fit.

16 Sequens illa divisio est, quod quædam actiones rei persequendæ gratia comparatæ sunt, quædam pœnæ persequendæ, quædam mixtæ sunt.

17 Rei persequendæ causa comparatæ sunt omnes in rem actiones. Earum vero actionum, quæ in personam sunt, ex quidem, quæ ex contractu nascuntur, fere omnes rei persequendæ causa comparatæ videntur: veluti quibus mutuam pecuniam, vel in stipulatum deductam petit actor: item commodati, depositi, mandati, pro socio, ex emto vendito, locato conducto. Plane si depositi agatur eo nomine, quod tumultus, incendii, ruinæ, naufragii causa depositum sit, in duplum actionem Prætor reddit: si modo

cum

(c) V. Comm. nostr.

(d) V. Comm. nostr.

(e) Male vulgo apparet. V. Comm. nostr.



ent ipso, apud quem depositum sit, aut cum herede ejus de dolo ipsius agitur, quo casu mista est actio.

18 Ex maleficiis vero proditæ actiones, aliz tantum poenæ persequendæ causa comparatæ sunt: (f) aliz tam poenæ, quam rei persequendæ, & ob id mistæ sunt. Poenam tantum persequitur quis actione furti: sive enim manifesti dupli: de sola poena agitur: nam ipsam rem propria actione persequitur quis, idest, suam esse petens: sive fur ipse eam rem possideat, sive alius quilibet. Eo amplius adversus furem etiam conditio est rei.

19 Vi autem bonorum raptorum actio mista est, quia in quadruplum (g) rei persequutio continetur: poena autem tripli est. Sed & legis Aquiliæ actio de damno injuriæ (h) mista est: non solum si adversus inficiantem in duplum agatur, sed interdum, & si in simplum quisque agat: veluti si quis hominem claudum, aut luscum occiderit, qui in eo anno integer, & magni pretii fuerit, secundum jam traditam divisionem. Item mista est actio contra eos, qui relicta sacrosanctis Ecclesiis, vel aliis venerabilibus locis, legati, vel fideicommissi nomine, dare distulerint: usque adeo, ut etiam in iudicium vocentur. Tunc enim & ipsam rem, vel pecuniam, quæ relicta est, dare compelluntur, & aliud tantum pro poena: & ideo in duplum ejus sit condemnatio.

20 Quædam actiones mistam causam obtinere videntur, tam in rem, quam in personam: (i) qualis est familiæ erciscundæ actio, quæ competit coheredibus de dividenda hereditate. Item communi dividundo, quæ inter eos redditur, inter quos aliquid commune est, ut id dividatur. Item finium regundorum, qua inter eos agitur, qui confines agros habent. In quibus tribus iudiciis permittitur iudici rem alicui ex litigatoribus ex bono, & æquo adjudicare, & si unius pars prægravari videbitur, eum invicem certa pecunia alteri condemnare.

21 Omnes autem actiones vel in simplum conceptæ sunt, vel in duplum, vel in triplum, vel in quadruplum: ulterius autem nulla actio extenditur.

22 In simplum agitur: veluti ex stipulatione, ex mutui datione, ex empto vendito, locato conducto, mandato, & denique ex aliis quamplurimis causis.

23 In duplum agimus: veluti furti nec manifesti, damni injuriæ ex lege Aquiliæ, depositi ex quibusdam causis. Item servi corrupti, quæ competit in eum, cujus hortatu, consiliove servus alienus fugerit, aut contumax adversus dominum factus est, aut luxuriose vivere coeperit, aut denique quolibet modo deterior factus sit. In qua actione earum etiam rerum, quas fugiendo servus abstulerit, æstimatio deducitur. Item ex legato, quod venerabilibus locis relictum est, secundum ea, quæ supra diximus.

24 Tripli vero, quum quidam majorem veræ æstimationis (l) quantitatem

(f) *V. Comm. nostr.*

(g) *Vulgo quadruplo.*

(h) *Aliibi est, de damno injuria dato.*

(i) *V. Comm. nostr.*

(l) *Cujacius, quem Hosomanus, & Charondas sequuntur, mavult, Tripli vero, quum quidam majorem veræ æstimationis quantitatem in libello conventionis inseruit,*

tatem in libello conventionis inferunt, ut ex hac causa viatores, id est, exequutores litium, ampliore summam sportularum nomine exegerint; tunc enim id, quod propter eorum causam damnum passus fuerit reus, (m) triplum ab actore consequetur: ut in hoc triplo etiam simplum, in quo damnum passus est, connumeretur. Quod nostra constitutio introduxit, quæ in nostro Codice fulget, quam proculdubio certum est ex lege condiclitia (n) emanare.

25 Quadrupli, veluti furti manifesti: item de eo, quod metus causa factum sit, deque ea pecunia, quæ in hoc data sit, ut is, cui datur calumniz causa negotium alicui faceret, vel non faceret. Item, ex lege condiclitia (o) nostra constitutio oritur, in quadruplum condemnationem imponens iis exequutoribus litium, qui contra nostræ constitutionis normam a reis quidquam exegerint.

26 Sed furti quidem nec manifesti actio, & servi corrupti, a ceteris, de quibus simul loquuti sumus, eo differunt, quod hæ actiones omnimodo dupli sunt: ac illæ, id est, damni injuriæ ex lege Aquilia, & interdum depositi, inficiatione duplicantur, in consensentem autem in simplum dantur. Sed illæ, quæ de his competit, quæ relictæ venerabilibus locis sunt, non solum inficiatione duplicatur, sed etiam si distulerit relictæ solutionem, usquequo iussu magistratum conveniatur, solventem, simplum redditur.

27 Item actio de eo, quod metus causa factum sit, a ceteris, de quibus simul loquuti sumus, eo differat, quod ejus natura tacite continetur, ut qui iudicis iussu ipsam rem actori restituat, absolvatur: quod in ceteris casibus non est ita: sed omnimodo quisque in quadruplum condemnatur: quod est & in furti manifesti actione.

28 Actionum autem quædam bonæ fidei sunt, quædam stricti juris (q). Bonæ fidei sunt hæ, ex emto vendito, locato conducto, negotiorum gestorum, mandati, depositi, pro socio, tutelæ, commodati, pigueratitia, familiaris eriscundæ, communi dividundo, præscriptis verbis, quæ de æstimatione proponitur, & ea, quæ ex permutatione competit, & hereditatis petitio. Quamvis enim usque adhuc incertum erat, inter bonæ fidei judicia connumeranda hereditatis petitio esset, an non: nostra tamen constitutio aperte eam esse bonæ fidei disposuit.

29 Fuerat antea & rei uxoris actio una ex bonæ fidei judiciis: sed quum pleniorum esse ex stipulatu actionem invenientes, omne jus, quod res uxoria antea habebat, cum multis divisionibus in actionem ex stipulatu, quæ de dotibus exigendis proponitur, transfulerimus, merito rei uxoris actione sublata, ex stipulatu actio, quæ pro eo introducta est, naturam bonæ fidei iudicii tantum in exactione dotis meruit, ut bonæ fidei sit: sed (r) & tacitam

(m) Ita in omnibus Charonda; at alibi, in triplum.

(n) V. Comm. nostr.

(o) V. Comm. nostr.

(p) Apud Theophil., & in omnibus Charonda, vero & antequam.

(q) V. Comm. nostr.

(r) Tò sed neque in Paraphrasi Theophili est, neque in nonnullis Charonda.



citam ei dedimus hypothecam. Præferri autem aliis creditoribus in hypothecis tunc censuimus, quum ipsa mulier de dote sua experietur, cujus solus providentia hoc induximus.

30. In bonæ fidei judiciis libera potestas permitti videtur judici ex bono, & æquo æstimandi, quantum auctori restitui debeat. In quo & illud continetur, ut si quid lucrem præstare auctorem oporteat, eo compensato, in reliquum is, cum quo actum est, debeat condemnari. Sed & in stricti juris judiciis, ex rescripto Divi Marci, opposita doli mali exceptione, compensatio inducebatur. Sed nostra constitutio easdem compensationes, quæ jure aperto nituntur, latius introduxit, ut actiones ipso jure minuant, sive in rem, sive in personam, sive alias quaslibet: excepta sola depositi actione, cui aliquid compensationis nomine opponi, sane iniquum esse credimus: ne sub prætextu compensationis depositarum rerum quis exactione defraudetur.

31. Præterea quasdam actiones arbitrarías, idest, ex arbitrio judicis pendentes appellamus: in quibus, nisi arbitrio judicis is, cum quo agitur, auctori satisfaciatur, veluti rem restituat, vel exhibeat, vel solvat, vel ex noxali causa servum dedat, condemnari debeat. Sed istæ actiones tam in rem, quam in personam inveniuntur. In rem, veluti Publiciana, Serviana de rebus coloni, quasi Serviana, quæ etiam hypothecaria vocatur. In personam, veluti quibus de eo agitur, quod vi, (f) aut metus causa, aut dolo malo factum est. Item quum id, quod certo loco promissum est, (g) petitur: Ad exhibendum quoque actio ex arbitrio judicis pendet. In his enim actionibus, & ceteris similibus permittitur judici ex bono, & æquo, secundum cujusque rei, de qua actum est, naturam æstimare, quemadmodum auctori satisfieri oporteat.

32. Curare autem debet judex, ut omnino, quantum possibile ei sit, certæ pecuniæ, (h) vel rei sententiam ferat: etiam si de incerta quantitate apud eum actum est.

33. Si quis agens, in intentione sua plus complexus fuerit, quam ad eum pertineat, a causa cadebat, idest, rem amittebat: nec facile in integrum restituebatur a Prætoribus, nisi minor erat viginti quinque annis. Hæc enim, sicut in aliis causis, causa cognita succurrebatur, si lapsus juvenute fuerat, ita & in hac causa succurri solitum erat. Sane si tam magna causa justî erroris interveniebat, ut etiam constantissimus quisque labi posset, etiam majori viginti quinque annis succurrebatur: veluti si quis totum legatum petierit: post deinde prolati fuerint codicilli, quibus aut pars legari adempta sit, aut quibusdam aliis legata data sunt, quæ efficiebant, ut plus petisse videretur petitor, quam dodrantem: atque ideo lege Falcidia legata minuebantur. (i) Plus autem quatuor modis petitur: re, tempore, loco, & causa. Re, veluti si quis pro decem aureis, qui ei debebantur, viginti petierit, aut si is, cujus ex parte res est, totam eam, vel majorem,

par-

(f) Tò vi neque Theophilus habet, neque ullus Charonda Codex.

(g) Intrudunt nonnulli, alio loco: inepie sane.

(h) Certæ rei apud Theoph., & MS. quibusdam: sed Tò certæ omissi potest.

(i) V. Comm. nostr.

partem suam esse intenderit. Tempore, veluti si quis ante diem, vel ante conditionem pesterit. Qua enim ratione qui tardius solvit, quam solvere deberet, minus solvere intelligitur: eadem ratione, qui præmaturo petit, plus petere videtur. Loco plus petitur, veluti quum quis id, quod certo loco sibi dari stipulatus est, alio loco petit, sine commemoratione illius loci, in quo sibi dari stipulatus est: verbi gratia, si is, qui ita stipulatus fuerit, *Ephesi dare spondet*? Romæ pure intendat sibi dari oportere. Ideo autem, plus petere intelligitur, quia utilitatem, quam haberet promissori, si Ephesi solveret, admittit ei pura intentione. Propter quam causam alio loco petenti arbitraria actio proponitur: in qua scilicet ratio habetur utilitatis, quæ promissori competitura fuisset; si illo loco solveret, quo se soluturum spondidit. (y) Quæ utilitas plerumque in mercibus maxima invenitur: veluti vino, oleo, frumento: quæ per singulas regiones diversa habent pretia. Sed & pecuniæ numeratæ non in omnibus regionibus sub eisdem usuris foenerantur. Si quis tamen Ephesi petat, idest, eo loco petat, quo, ut sibi detur, stipulatus est, pura actione recte agit: idque etiam Prætor monstrat: scilicet quia utilitas solvendi salva est promissori. Huic autem, qui loco plus petere intelligitur, proximus est is, qui causa plus petit, ut ecce, si quis ita a te stipuletur, *Hominem Stichum, aut decem aureos dare spondet*? deinde alterum petat, veluti hominem tantum, aut decem aureos tantum. Ideo autem plus petere intelligitur, quia in eo genere stipulationis promissori est electio, utrum pecuniam, an hominem solvere malit. Qui igitur pecuniam tantum, vel hominem tantum sibi dari oportere intendit, eripit electionem adversario: & eo modo suam quidem conditionem meliorem facit, adversarii vero sui deteriotem. Quia de causa talis in ea re prodita est actio, ut quis intendat *hominem Stichum, aut aureos decem sibi dari oportere*, idest, ut eodem modo peteret, quo stipulatus est. Præterea, si quis generaliter hominem stipulatus sit, & specialiter Stichum petat: aut generaliter vinum stipulatus sit, & specialiter Campanum petat: aut generaliter purpuram stipulatus sit, deinde specialiter Tyriam petat: plus petere intelligitur: quia electionem adversario tollit, cui stipulationis iure liberum fuit aliud solvere, quam quod peteretur. Quia etiam licet vilissimum sit, quod plus (z) petat, nihilominus plus petere intelligitur: quia sæpe accidit, ut promissori facilius sit illud solvere, quod majoris pretii est. Sed hæc quidem antea in usu fuerant. Postea vero lex Zenoniæ, & nostra rem coarctavit. Et si quidem tempore plus fuerit petitur, quid statui oporteat, Zenonis divæ memoriæ loquens constitutio: sua autem quantitate, vel alio modo plus fuerit petitur, in omne, si quod forte damnum ex hac causa acciderit ei, contra quem plus petitur fuerit, commissæ tripli condemnatione (sicut supra diximus) puniatur.

34 Si minus in intentione sua complexus fuerit actor, quam ad eum pertineat: veluti si quum ei decem aurei deberentur, quinque sibi dari oportere intenderit; aut si quum totus fundus ejus esset, partem dimidiam suam esse

(y) Verba, quo se soluturum spondidit, sicut et alibi legitur, quo solvere deberet, a castigatioribus Codicibus absumt.

(z) Ita optimi quique Codices, non, ut vulgo, quis petat, aut, quod quique, ut quidam Charonda.

## D E A C T I O N I B U S.

esse petierit: sine periculo agit: in reliquum enim nihilominus iudex adversarium in eodem iudicio ei condemnat, ex constitutione divae memoriae Zenonis.

35 Si quis aliud pro alio intenderit: nihil eum periclitari placet, sed in eodem iudicio, cognita veritate, errorem suum corrigere ei permittitur: veluti si is, qui hominem Stichum petere deberet, Etorem petierit: aut si quis testamento dari sibi oportere intenderit, quod ex stipulatu debetur.

36 Sunt praeterea quaedam actiones, quibus non semper solidum, quod nobis deberetur, persequimur: sed modo solidum persequimur, modo minus: ut ecce, si in peculium filii, servive agamus. Nam si non minus in peculio sit, quam persequimur, in solidum dominus, paterve condemnatur: si vero minus invenitur, eatenus condemnat iudex, quatenus in peculio sit. Quemadmodum autem peculium intelligi debeat, suo ordine proponemus.

37 Item si de dote in iudicio mulier agat: placet tatenus maritum condemnari debere, quatenus facere possit, idest, quatenus facultates ejus patiuntur. Itaque si dotis quantitati concurrant facultates ejus, in solidum damnatur: si minus, in tantum, quantum facere potest. Propter retentionem quoque dotis repetitio minuitur. Nam ob impensas in res dotales factas, marito quasi retentio concessa est: quia ipso jure necessariis sumptibus dos minuitur, sicut ex lactoribus Digestorum libris cognoscere licet.

38 Sed & si quis cum parente suo, patronove agat: item si socius cum socio iudicio societatis agat, non plus actor consequitur, quam adversarius ejus facere potest. Idem est si quis ex donatione sua conveniatur.

39 Compensationes quoque oppositae plerumque efficiunt, ut minus quisque consequatur, quam ei debeatur. Nam ex bono, & aequo habita ratione ejus, quod invicem actorem ex eadem causa prestare oportet, in reliquum eum, cum quo actum est, condemat, sicut jam dictum est.

40 Cum eo quoque, qui creditoribus suis bonis cessit, si postea aliquid adquisierit, quod idoneum emolumentum habeat, ex integro in id, quod facere potest, creditores experiuntur: inhumanum enim erat, spoliatum fortunis suis in solidum damari.

## C O M M E N T A R I U S.

**P**R. Tit. Jam tertiam juris partem aggredimur, actiones. Factum actionis nomen ab agendis in iudicium reis, Theophrasti sententia est, quae multis doctis viris probatur: meo quidem iudicio male, nam Latini reos in ius rapi, trahi, &c., quod verbum frequentissimum erat, duci aiebant, non agi. V. Terent. *Eunuch. act. 4. sc. 6.*, Cic. *2. de Orat.*, Paul. *l. 2. in fin. si ex nox. cau.*, & Ulp. *l. 3. de lib. exh.* Agimus asellum, aut equum, hoc est, eos praeventes voce, aut virga urgemus: ducimus hominem, vel quem injecta manu trahimus, vel cui sic viam ostendimus, ut eum aut sectatorem habeamus, aut comitem. Praeterea agendi verbum, ubi sermo de iudiciis est, sic Latine ferri solet, ut aut agere nullo casu, aut cum aliquo agere dicamus: *rem agere* insolens verbum est, & Latini auribus inauditum: quod fuisse persequitur Donellus ad *pr. h. r.* Actio igitur est ab agendo, hoc est tractando: & quemadmodum *agere cum populo* veteribus Romanis erat cum populo tractare: ita cum reo agere, vel iudicio agere est

de jure nostro apud judicem cum aliquo tractare, ut is aut reddat, aut det. Hinc actio desinitur Tribonianus, *jus persequendi in judicio, quod sibi debetur*. Cujacius, Hotomannus, & alii nonnulli *jus* hoc loco interpretantur formulam; certæ enim ac solennes olim erant actionum formulæ, l. 2. §. deinde ex legibus de O. J., unde formula pro actione in libris juris, ut in Epigraphæ l. 4. de pign. Cujas libro singulari de formula hypothecaria, & in Epigraphæ l. 5. Marcianns libro singulari ad formulam hypothecariam, & in l. 42. de furt., *vulgaris formula in dominum danda est*. Verum quomodus Cujacio adfuerint, tria potissimum verant. Unum, quod complures erant actiones utiles tam civiles, quam Prætoriz, in quibus conceptio formularum non observabatur, ut Paulus inquit l. 47. §. 1. de neg. gest.: erant & actiones præscriptis verbis, & in factum, iij. ff. de præscr. verb., quæ certas & solennes formulâs non habebant: ut vix sit verisimile, non fuisse tot actiones definitione Celsi comprehensas. Alterum, quod in actionibus bonæ fidei pedaneus judex nullam sequebatur formulam, sed, ut bonum & æquum, judicabat; ut hinc intelligas, ne tunc quidem *jus persequendi* in judicio formulam recte dici, quum actionem accipis uti jam propositam apud judicem. Tertium, quod etsi sub Trajano & Hadriano, quæ Celsi æras fuit, itarent adhuc formulæ; fuerant tamen illæ per Constantinum sublatae jam multo ante Tribonianum, qui actionis definitionem ex Celso descripsit; ut nullo modo esse possit Cujaciana interpretatio Triboniani sententiæ accommodata. Igitur jus est hoc loco facultas, seu potestas jure data: quod est metonymice dictum: hoc sensu usufructus, iter, aqueductus dicuntur *jura*, l. 1. de usufr., l. 1. de servit. rust., eodemque hoc sensu elegantissime Latinis dicitur *pro jure suo agere*, hoc est pro ea facultate, quam jus indulgit. Non igitur actio est ipsa persequutio, sed *jus persequendi*, ut bonorum possessio non ipsa patrimonii persequutio, sed *jus* est patrimonii persequendi, l. 3. §. 2. de bon. poss., neque aliud est usitatissima illa Jurisconsultorum phrasis, *actionem competere*, quam *competere facultatem agendi*, ut loquitur Cujas l. 1. de eo, quod cert. los. Perlequi Latinis est eo usque sequi, donec, quod sequimur, adsequamur: hoc loco est aut rem nostram, quæ nobis abest, aut reum ipsum judicio sequi, ducta metaphora a feris fugientibus, ut bene ad h. Donellus: nam & res nostra, si reus reddere decreverit, & reus ipse, qui nobis est obligatus, si retractarius sit, quodammodo nos fugiunt: quo spectare videntur Græci, qui reum *διώκω* appellant. Jam *persequi* latissime patet hoc loco, & ad omnes actiones extenditur: quum alias *persequutionis* verbo extraordinariæ persequutiones contineantur, ut puta fideicommissorum, & si quæ alia sunt, quæ non habent juris ordinarii exsequutionem, inquit Ulpianus l. 173. §. 2. de V. S. Sed non omnis persequutio est actio, nisi legitimo judicio fiat: *Cæsar dixit, eleganter Callistratus l. 13. quod met. caus., tu vim putas esse solum si homines viderentur? vis est & tunc, quotiens quis id, quod debet sibi putat, non per judicem repellet*. Neque satis est, rem per judicem reposci, nisi judex sit competens, quem magis Latine proprium dixeris. Quoniam vero non pro eodem antiquitus erant, fieri aliquid in judicio, & fieri in jure, ut hæc facile perspiciantur, juvat rem omnem a principio repetere. Romæ olim antequam reus in judicium duceretur, ab actore monebatur per amicos, quæ domesticæ disceptatores diennebat Tullio Orat. pro Quinct. c. 5. n. 11., quosque perperam nonnulli eosdem faciunt cum arbitris, l. 14. §. 2. de recept. arbitr. Si nihil proficeret amicorum opera, reum actor in jus vocabat. In

jus autem vocatio, quæ omnium actionum principium est, §. 3. *infra de pan. tom. lis.*, hoc ritu expediebatur. Actor reum sibi obvium una ex his formulis movebat, IN JUS EAMUS, IN JUS VENI, SEQUERE AD TRIBUNAL, IN JUS AMBULA. Briffon, *lib. 5. de Form.* Si in jus vocatus sequi actorem nollet, actor lis, qui proxime adstant, sic adclamabat, LICET ANTESTARI? idque denunciare testimonium veteribus dicebatur. Adstantes testimonium suscipientes auriculam actori memoriæ causâ tangendam opponebant; namque aures memoriæ locum fecere veteres, teste Plinio 11. *hist. Nat.* 41., unde Virgilius

*Cinthis aures*

*Vellis*, hoc est, admonuit. Hujus rei vestigium extat luculentissimum apud Horat. 1. *serm.* 9.

*Magna*

*Adclamat voce, & licet antestari? Ego vero*

*Oppono auriculam: rapit in jus.*

Denuciato ad hunc modum testimonio poterat jure suo actor manus reo inferre, eumque obtorto collo rapere ad Prætores: quandoque etiam id poterat actor sine antestatione, si forte reus esset improbus & intollabilis, cujusmodi erat olim fur, leno, raptor. Facit huc locus Plauti in *Perf. act.* 4. *sc.* 9. ubi Dordalo lenoni interroganti, *Nonne antestaris?* respondet actor, *Tuan' ego causa, carnifex, cuiquam mercali libero aures asseram?* Hæc legibus Decemviralibus cauta sunt iis verbis, IN JUS VOCATUS NI EAT, IM CAPITO. SI CALVITUR, PEDEMEV STRUIT, MANUM ENDO JACITO. Præterea eadem leges jumentum dari jubebant agro, aut seni in jus vocato: quo nomine Phavorinus apud Gellium *lib. 20. c. 1.* Decemviros nimis adperitatis notavit: sed hæc reposuit Cæcilius, *Verba sunt hæc de lege. SI IN JUS VOCAT, SI MORBUS, EVITASVE VITIUM ESSET: QUI IN JUS VOCABIT, JUMENTUM DATO: SI NOLET, AR CERAM NE STERNITO.* An in forte morbum appellari hic putas, agrotationem gravem cum febris rapida, & quæcerat Jumentumque dici pecus aliquod unicum tergo vehens? Ac propterea minus fuisse humanum existimas agrotum domi sua cubantem, jumento impositum in jus rapit? Hoc mi Phavorine nequaquam ita est. Nam morbus in lege ista non febriculatus, neque nimium gravis, sed visum aliquod imbecillitatis, atque invalentia demonstratur: non periculum visa ostenditur. Cateroqui morbum vehementiorem vim graviter nocendi habentem, legum istarum scriptores alio in loco non per se morbum, sed morbum sensicium appellant. Jumentum quoque non id solum significat, quod nunc dicitur: sed vestibulum etiam, quod adjunctis pecoribus trahabatur. Veteres enim nostri jumentum a jungendo dixerunt. Arceram autem vocabatur plovrum scdum undique, & munitum, quasi arca quadam magna vestimentis instrata, qua nimis agri, aut senes portari cubantes solebant. Quanam ibi igitur acerbitas esse visa est? quod in jus vocato pauperissimo homini, vel inopi, qui aus pedibus forse agris esset: aut quo alio casu ingredi non quiret: plovrum esse dandum censuerunt: neque inferni sâmen delicate arceram jufferunt: quoniam satis esset invalido cujusmodi vestibulum. Atque id fecerunt ne causatio ista agri corporis perpetuam vacationem daret fidem distrahentibus, jurisque actiones declinantibus. Hoc facto veniendum erat ad Prætores, sen in jus, nam duo hæc idem sonant, unde Plautus in *Perf. act.* 4. *sc.* 9. v. 8. *Quid me, inquit, in jus vocas? SA. Ille hic apud Prætores dicam.* Jus erat locus, ubi jus dicebatur, l. 1. *de iust. & jur.*

& jur., eratque olim is locus in Comitio. Plaut. in *Pæn. act.* 3. sc. 6. v. 12. ; *Quas mane quasi in Comitio estote obuiam.* Erat vel *superior* . vel *planus* , seu *aquus* , ut loquitur Cic. 3. *Epi fam.* 8. , unde formulæ illæ à superiore loco jus dicere , & de plano cognoscere . E superiore loco jus dicebat Prætor , quum pro Tribunali sedes curuli sella : de plano cognoscebat , quum de tribunali descendens , & in plano consistens , incedensve causas audiebat . Hinc *planaria interpellatio* apud Constantinum l. 4. C. de *dilat.* , sic enim legendum ex Editione Haloandrina , non ut vulgo *planaria* : quod patet ex ipso contextu , & *cognitio non interpellatione PLANARIA* , sed *CONSIDENTE magis iudice legitime colligatur* . Sed recti olim erant dies , quibus venire in jus licebat , eosque Lactius *saffor* , Ulpianus *dies sessionum* appellavit , l. 5. §. 19. ff. ut in *possi. legat.* , ubi vulgo corrupte legitur , *possessionum* , Rzyard. Protribun. 1. Fasti dies a *sando* , quia per eos dies Prætoribus sine piaculo fari licebat tria illa verba solemnia , DO . DICO . ADDICO . Per quos autem dies tria illa verba fiebantur , ut Ovidius ait 1. *Fast.* v. 47. , ii erant nefasti . V. Var. 3. de L. L. , & Macrobi. 1. *Sat.* 16. Tales fuerit Romanorum *serie* , sive *state* & *solennes* , sive *vepertina* , quibus *res prolata* dicebantur . Plaut. *Capr. act.* 1. sc. 1. v. 17. Tacit. 2. *Annal.* 35. De iis Var. 5. de L. L. , & Bynkerk. 2. *Obs.* 6. , licet non omnes nefasti dies essent serie , quales dies *ominosi* , *religiosi* , *atri* , *maesti* , *augures* dicitur . Gell. 5. *Noct.* 17. Erant & dies *intercisi* , per quos mane & vespere uas vas erat lege agi , medio tempore inter hostiam *extam* & exta postrecta fas , unde Sæturio apud Plantum in *Perf.* loc. cit. apud Prætorum se dicturam respondit , cur Lenouem raperet in jus . Edere actionem esse inquit Ulpianus l. 1. §. 1. de *eden.* vel id dicere , quo quis uti velit , vel copiam describendi facere , vel in libello complexi & dare , vel dictare , vel demum ex sententia Labæonis producere adversarium suum ad album , & demonstrare quod dictaturus est : quod de formularum , non de edictorum albo intelligendum est . Quod si actor in recitanda formula verbo uno erraret , is tota causa cecidisse videbatur , teste quumprimis Quintiliano 3. *Inst. orat.* 8. , & 7. *Inst.* 3. , sed & Prætorum consuevisse actorem in integrum restituere , scribit Seneca ep. 49. , & Tribonianus §. 33. h. 1. Nec solum actiones , sed & iudices Prætor dabat : quod solemne illud verbum DO comprehendebat . Cic. 2. in *Ver.* 12. *Prætor improbus , cui nemo intercedere possit , iudicem des , quem velis :* quo spectat Prætorium illud verbum in Edictis , JUDICIUM DABO . Et quemadmodum actiones , ita & iudices certa formula postulabantur per has nectas expressa P. J. A. V. P. V. D. , hoc est , *Prætor iudicem arbitrumve postulo & ut des* . Brisson. 5. de *Form.* Hinc aliud iudices , aliud Magistratus , l. 2. de *div. reg.* Iudices proprii sunt , quos iudices *datores* , *speciales* , *pedaneos* , & *delegatos* dicunt Jurisconsulti , l. 46. de *judic.* , l. pen. ff. *jud. solv.* , *Aul. de off. Prætor.* , l. 4. de *vi. act.* , l. 3. ne quis eum , qui in jus voc. , l. 5. de *offi. Prosa.* Hinc aliud *iudicare* , aliud *ius dicere* : qua de re inferius , & aliud *ius* , aliud *judicium* . In iure , hoc est apud Prætorum postulabatur , & edebatur : apud iudicem in iudicio exercebatur actio , ceteri , ubi vetus iudiciorum ritus oblinguit , vix ullum ea differentia usum habuerit , l. 2. C. de *pedan. judic.* Sed rem hanc infra uberius persequemur . Satis tamen liquet ex dictis , quid sit in definitione actionis in iudicio persequi . Reliqua sunt nunc postrema hæc verba ,

quod

quod sibi debetur, quibus addidit Hotomannus vix duarum adolescentium in *Inst.*, & jam senex 3. *Obs.* 17. hęc alia, vel quod suum est, quum enim ea proprie dicantur deberi, quę adhuc nostra non sunt, l. 27. §. 3. & l. 34. *pro de auct. arg. leg.*, l. 11. & l. 14. *de except. rei judic.*, Celsi definitio vindicationes, quibus nostra petimus, vix comprehenderet. Sed suse Celsum ab Hotomani nota vindicavit Christophorus Riccius *vindic. jur.* 12. Nunc illud satis pro Celfo dictum videtur, debere non improprie esse aliquid præstandum jure teneri, eoque modo debere illum dici, qui rem nostram possidet, nam etsi rem non debeat eo sensu, quo Romani Jurisconsulti debere aliquem proprie dixerunt, debet tamen hoc sensu, quod rem nostram præstare jure teneatur. Facit & illud Ulpiani l. 178. *Solut. de V. S.*, Hoc verbum DEBUIT omnem omnino actionem comprehendere intelligitur, sive civilis, sive honoraria, sive fideicommissi sunt persequuti. Nec facile poterit quisquam id referre ad solas civiles & Prætorias actiones in personam. V. Donel., & Nicolaum Cisterum *Comm. ad b. c.*

§. I. Summa, seu præcipua Actionum divisio hæc est, ut vel sint in rem, vel in personam conceptę. Illarum causę sunt jura in re, de quibus Huber ad *b. l.*, & *lib.* 14. *Dig. cap.* 9., & in *Animadv.* c. 17.: harum causę sunt jura ad rem, hoc est obligationes. Unde Tribonianus hic ait, quum quis in eum agit, qui ei obligatus est vel ex contractu, vel ex maleficio, (subaudi quasi contractum, & quasi maleficio) eo casu proditas esse actiones in personam, per quas intendit, adversarium ei dare, aut facere oportere, & alii quibusdam modis. Dicitur actiones in personam, quia in eandem personam dantur, l. actionum, §. in personam, de O., & A., & l. 1. §. heres, ad *Trebell.* Neque obstat, quod nonnunquam in heredem dentur. Nam heres defunctum refert, adeoque eadem est fectio juris cum defuncto persona. Quinimo tunc demum contra heredem datur, quum rei persequutionem continent, non poenę; non enim transeunt actiones penales in heredem, nisi aut lis cum defuncto fuerit contestata, aut heres locupletior ex delicto sit factus, ut & alibi dictum est. Sed hæc perpetua non sunt, non enim semper actio in personam est ex contractu & maleficio, vel quasi, nec semper in eundem datur, ut detur aliquid, aut fiat. Exemplo sit actio, quod metus causa, per quam petimus, ut quod vi metusve causa gestum est, rescindatur, & pecunia, quam tradidimus, utpote metu tradita reddatur, l. item si cum exceptione, §. in hac actione, D. quod metus cau. Hęc actio est quidem in personam, §. præterea, l. 1. tamen neque ex contractu, neque ex maleficio est; quia in eum datur, quicum nunquam contraximus, quique delictum non fecit, lucrum vero sensit ex eo, quod metus agentis factus est, d. l. item si cum exceptione, eod. Neque est ex quasi contractu vel maleficio; non enim id intendimus hac actione, adversarium nostrum nobis dare oportere aut facere. Denique non semper in eundem datur, sed in omnes, qui rem vi aut metu ablatam possident, etiamsi bona fide possideant, l. metum autem præsentem, §. si quod metus causa. Sic actio ad exhibendum in personam est, l. 3. §. est autem, ad *exhib.*, & tamen neque ex contractu est, neque ex maleficio, neque ex quasi delicto, neque ex quasi contractu. Non enim hac actione id intendimus, ut adversarius aliquid det, aut faciat; sed ut tantum exhibeat, tot. tit. ad *exhib.*; neque adversus eundem locum habet, sed adversus possessorem, *dist.* 1. 3. §. fin. eod. Itz Borchoken ad *b. §.*, ubi exemplo actionis quod metus causa, & actionis ad exhibendum explicat



ea Triboniani verba, & aliis quibusdam modis, quasi dixerit Tribonianus, non semper actionem in personam esse ex vero, aut quasi contractu, vel maleficio, nec semper adversus eundem dari, ut aliquid det, vel faciat. Verum, quod facit ad actionem ad exhibendum, contendit Donellus ad *h. l.*, eam in rem esse, nam & rem sequitur, & propter rem ejus rei possessorum: quæ propria est eaque perpetua vindicationis nota, *l. 3. §. 5. idem Julianus, l. thesaurus, pr. ad exhib.*, *d. l. actionum, de O. & A., l. ult. C. si unus ex plu. serv. cred.*, *l. un. C. de al. jud. mut. caus. fac.* Quod vero Ulpianus inquit *d. l. 3. §. est autem*, *ff. ad exhib.*, eam actionem esse personalem, id non obstat ait Donellus, etsi enim actiones in personam quandoque personales dicantur, *l. quamvis §. 5. distraxis, C. de pign.*, & *l. ult. C. de O. & A.*, id tamen & rarum est, & minus proprie dictum. Proprie veteres Jurisconsulti actiones in personam dixere, quæ adversus personam sunt: personale vero, quod personæ cohæret, unde constitutiones personales, beneficium personale, servitus personalis, *l. 1. de cons. Princ.*, *l. quia, ff. solut. matr.*, *l. non solum, §. tale, ff. de lib. leg.* Hoc sensu inquit Donellus, actionem ad exhibendum dici personalem, quia & personæ ejus, qui agit, & personæ ejus, qui possidet, ita cohæret, ut neque ad heredes transeat, neque in heredes jure heredum, heres enim actoris eam actione agit suo nomine, si quid inter sit sua; eaque etiam suo nomine tenetur heres possessoris, si vel possideat, vel dolo deserit possidere, *l. de eo, §. ult. ff. ad exhib.* Neque id novum in jure, nam eo ipso sensu actio, quæ matri competit adversus ingratos liberos ad revocandam donationem, personalis dicitur in *l. his solis, C. de rer. don.* Sed nunc de actione ad exhibendum non disputo. Illud addo, ea Triboniani verba, & aliis quibusdam modis, non eodem sensu accipi ab interpretibus, quæ de re sit Janus a Costa ad *h. l.*, quem vide. Hugo Donellus ad *h. l.* ea refert ad quasi contractus, & quasi maleficia, laudatque in eam sententiam locum Caji plæue similem in *l. 1. pr. de O. & A.*, ubi ait, Obligationes aut ex contractu nascuntur, aut ex maleficio, aut proprio quodam jure ex variis causarum figuris: quæ postrema verba de quasi contractu, & quasi maleficio intelligenda sunt. Vultejus *Discep. Schelasi. 4.* ea refert ad actiones præjudiciales. Hotomannus ad diversam agendi formulam: plerumque enim actiones in personam ad id comparatae sunt, ut adversarius det aliquid, aut faciat: ac novæ sunt in personam actiones, quæ non id spectant, ut detur, hoc est dominium transferatur, quæ propria est ejus verbi significatio, vel ut fiat, sed ut aliquid præstetur, ac restituatur, cujusmodi sunt actiones commodati, depositi, pignoratitia, emti, conducti. Actio in rem est, per quam rem nostram, quæ ab alio possidetur, petimus, & semper adversus eum est, qui rem possidet, ut dehinc Ulpianus *d. l. actionum pr.* Res nostra est, cujus proprietatem, seu dominium habemus, unde eleganter Paulus actionem in rem *dominii litem* appellat, *l. evictis, ff. de usur.* Competit igitur in rem actio ei, qui, aut juregentium, aut jure civili dominium adquisivit, ut Paulus loquitur *l. 23. pr. de R. V.*; neque refert, num quis plenam habeat, an nudam rei proprietatem, nam usufructus non dominii pars est, sed servitus, ut recte legit Haloander in *l. 24. de V. S.*; absurda est enim vulgaris ea lectio, sed *servitutis sit*. Est autem hæc actio adversus eum, qui possidet, *d. l. actionum, l. 1. pr. Cod. ubi in rem actio, & l. unie. C. de alienat. jud. mut. caus. fact.* Sed est opus, ut is actum possideat, vel dolo deserit possidere, quia pro possessione dolus est, ut Paulus inquit *l. 137. de R. J.* Hinc intel-



Intellige illud Pauli de in rem actione, l. 24. §. 2. de judic., ex presenti possessione hac actio est. Est tamen excipienda species, quam Ulpianus & Paulus pertractant l. 25. & 27. de R. V. Si cum a Titio petere vellem, aliquis dixerit se possidere, & ideo litis se abstulit, & hoc ipsum in re agendaestatione probavero, omnimodo condemnandus est, forsan quia actorem decepit. Actionis in rem proprium est verbum petere, & vindicare, unde actiones ipse in rem Jurisconsultis dictæ petitiones, & vindicationes, tot. tit. de petit. heredi., tit. si pars heredi. petatur, tit. si ususfructus pet., tit. de R. V., & tit. si servit. vindic. Sed vindicationis origo altius repetenda. Vindicationis nomen a vindiciis factum, de quibus sic Asconius Pedianus in 3. Ver., Lis vindiciarum est, quum litigatur de ea re apud Prætorē, cujus incertum est quis debeat esse possessor, & ideo, qui eam tenet, satisfacit pro pæde litis vindiciarum adversario suo, quo illi satisfaciat, nihil se deterius in possessione futurum, de qua jurgium esset, Rursus sponsione ipse provocatur ab adversario certa pecunia, aut affirmationis, quam amittat, si transiit hereditas, (a) de qua contendit. Prædes ergo dicuntur satisfactores locupletēs pro re, de qua apud judicem lis est, ne interea, qui tenet, dissidens causse, possessionem deteriores faciat, scilicet dissipet, excidat arbores, & culta deserat. Lis igitur vindiciarum, quantum licet ex Asconio colligere, lis est possessionis: quod & confirmat Cujacius Parat. C. de R. V. auctoritate Livii, qui modo vindicias dicit, modo possessionem: hinc vindicias ab aliquo abdicere, & secundum aliam dicere Latinis est possessionem dicere & abdicere. Sic Pomponius l. 2. §. 24. de O. f. scribit Verginium animadvertisse, Appium Claudium vindicias filie sue a se abdixisse, & secundum eum, qui in servitutem ab eo suppositus petierat, dixisse, hoc est Appium Claudium pronunciasse, Verginiam Verginii filiam non a patre suo, sed ab eo, quem Claudius ipse supposuerat, ut in servitutem peteret, possideri debere. Ideo autem actiones in rem dicuntur vindicationes, quia sic erat olim Romæ in more positum, ut priusquam de proprietate decerneretur, Judex aut secundum possessorē, aut secundum petitorē vindicias diceret, hoc est, pronuntiaret, debere possessionem a suo possessore interim possideri debere, si eam se ille pendente sententia, ac dicta tandem secundum petitorē sententia eam restitutum faciliaret: vel non prælitā a possessore satisfactione, debere possessionem in petitorē transferri, vel demum neutro satisfaciente debere possessionem penes possessorem remanere, in pari enim causa potior est possessor, ut Paulus inquit 1. Sent. ii. Jam Vindiciz erant a vi simulata, quam alter alteri faciebat in jure, sive res mobilis, sive fundus peterentur. In vindicando servo constat, actorem manu injecta solennia hæc verba pronunciasse, HUNC HOMINEM EX JURE QUIRITIUM MEUM ESSE AJO, EJUSQUE VINDICIAS MIHI DARI POSTULO. Quod si reus aut cederet, aut taceret, Prætor servi vindicias secundum petitorē dicebat. Plerumque tamen reus servo correpto contra vindicabat ea formula, ET EGO HUNC HOMINEM MEUM ESSE AJO, EJUSQUE VINDICIAS MIHI CONSERVARI POSTULO. Eas formulas excipiebat Prætoris interdictum, QUI NEC VI, NEC CLAM, NEC PRECARIO POS.

18 INSTIT. LIB. IV. TIT. VI.  
POSSIDET, EI VINDICIAS DABO. Sigon. *2. de Judic. 21.* Huc spectat illud Ovidii 1. *Amor. 4.*

*Et dicam, MEA SUNT, injiciamque MANUM.*

Quod si vero fundus, domus, aut aliud simile vindicaretur, petitor eum, unde petebatur, (b) ex jure manum (c) conserutum vocabat et quod quid sit, paucis dabō ex Gellio lib. 10. c. 9. EX JURE MANUM CONSERUTUM verba sunt ex antiquis actionibus, quæ, quum lege agitur, & vindicia conseruntur, dici nunc quoque apud Prætores solent. . . . Manum conserere est, de qua re disceptatur, in re præsentī, sive ager, sive quid aliud est, cum adversario simul manu prehendere, & in ea re solemnibus verbis vindicare. Vindicia id est, corruptio manus in re, atque in loco præsentī. Id apud Prætores ex duodecim Tabulis fiebat, in quibus ita scriptum est, SI QUI IN JURE MANUM CONSERUNT. Olim igitur in lite vindiciarum in rem præsentem veniebant Actor, Reus, ac Prætor, qui manu ab actore ac reo conserata secundum alterum vindicias dicebat et idque ex jure 12. Tabularum, ut mox Gellius, quo tempore quum multo angustiores essent Romani Imperii fines, nec qui jurisdictioni præerant tot distinerentur negotiis, facile iis erat in fundum controversum concedere. Sed postquam Prætores, pergit Gellius, propagati Italia finibus, datis jurisdictionibus, negotiis occupati, profecti vindiciarum dicendarum causa in longinquas res gravabantur, institutus est contra 12. Tabulas tacito consensu, ut litigantes non in jure apud Prætores manum consererent, sed ex jure manum conserutum vocarent, id est, alter alterum ex jure ad conserendam manum in rem, de qua ageretur, vocaret. Atque profecti simul in agrum, de quo litigabatur, terræ aliquid ex eo, uti unam glebam in jus in urbem ad Prætores deferrent. & in ea gleba, tanquam in toto agro vindicare. Eam glebam veteres dicebant vindicias. Festus v. vindicia, De quo, inquit, verbo Cincius sic ait: Vindicia olim dicebantur illa, quæ ex fundo sume in jus adlata erant. Heinæccii suspicio est, Romanos uti agrum gleba, sic domum festuca representasse, Gellius enim, loc. cit. vim festucariam meminit et eamque suspensionem in Antiquo ad hunc locum secundi editi, uberior confirmat. Tandem & ipsi litigantes profecti in agros deserunt, & nova conserendæ manus ratio instituta, quæ certis formulis contrabat. Petitoris formulam dat nobis Tullius pro Muræna 12. FUNDUS, QUI EST IN AGRO, QUI SABINUS VOCATUR,

(b) Sic veteres elegantissime debitorem designabant. Cic. Ep. . . . Ego omnibus, unde petitus, hoc consilii dederim, ut a singulis interregibus binas advocaciones postulent. Et lib. 1. de Orat. Homo ex disertorum numero postulat, ut illi, unde peteretur, vetus atque ulitata exceptio daretur.

(c) Inter Notas juris occurrunt hæc apud Valerium Probum, E. I. M. C. V., hoc est, ex jure manum conserutum vocavit. Bene autem monet Brissotius de V. S., non manu, quemadmodum in nonnullis veterum locis libarii visio legitur, sed manum conserutum legi debere, sicut ressa Grammaticæ ratio postulat, veteres enim mâ cum hoste in prælio, ita cum adversario in jure manum conserere dicebant, unde conserata manus apud S. Hieronymum Præfat. Comment. Epist. ad Ephes.

TUR, EUM EGO EX JURE QUIRITUM MEUM ESSE AJO : INDE EGO TE EX JURE MANUM CONSERTUM VOVO. Dat quoque formulam ejus, unde petebatur, si contra viudicare mallet, quam cedere, UNDE TU ME EX JURE MANUM CONSERTUM VOCASIL, INDE IBI EGO TE REVOCO. Prætori quoque carmen compositum, UTRISQUE SUPERSTITIBUS PRÆSENTIBUS ISTAM VIAM DICO: INITE VIAM. ( Superstites veteribus erant testes prætores, uti hanc formulam explicat Festus v. *superstites* ) Recitata a Prætoris formula præsto aderat sapiens, qui inire viam doceret: sed continuo Prætor, REDITE VIAM, aiebat, ac sapiente duce redibant viam. Cic. *ibid.* Imaginaria autem erat ea processio in locum antiquæ processionis sublimita. V. Rævard. *ad LL. 12. Tab. s. 6.* V. etiam de hoc ritu Averg. *Interpret. jur. lib. 1. s. 15.* Similem præpe ritum apud Germanos obtinere probat Hoffmannus *ad LL. 12. Tab.* Dictis ad hunc modum secundum alterutrum a Prætoris viudicis domiui litem possessori intendebat is, qui in judicio possessionis cesserat. Primus actor formulam prouunciabat apud Valerium Probum his notis expressam Q. T. I. I. C. P. A. F. A., hoc est, QUANDO TE IN JURE CONSPICIO, POSTULO ANNE FIAS AUCTOR? Cic. *pro Cæcin. cap. 19.* Et quamquam Cl. B. Branchu. in *Obseru. det. 2. cap. 15.* eam formulam ad actiones in personam detorqueat, tamen cum in ea re falsum esse, demonstrat Heineccius in *Antiqu. ad h. t.* Fieri autem auctorem erat eum se præstare, a quo jus suum persequi actor tuto posset. In hanc sententiam loquutus videtur Tertullianus *lib. de Præscript. hæc. hæret. Mea est possessio, olim possideo, prior possideo, habeo originis firmam ab ipsi auctoribus, quorum fuit res.* V. Rævard. *Prætrib. 3., & Briffon. de V. s.* Eoque spectabat formula, ut ne possessor litigiosam rem alienaret, potentiorumque adversarium opponeret. V. *l. 36. pr. de R. V. Reo* se auctorem adfirmante vindicationis formulam prouunciabat actor, QUANDO AIS, NEQUE NEGAS, TE AUCTOREM ESSE, HUNC HOMINEM, aut FUNDUM EX JURE QUIRITUM MEUM ESSE AJO. Tum Prætor reum, an contra vindicaret, interrogabat, eoque negante rem petitori addicebat: quod vetus jus est, a quo postea discessum, novogque jure cautum, auctore non probante absolvi reum debere, *l. 4. C. de edend. l. ult. C. de R. V., §. 4. infr. de interd.* Ut mirum videri debeat, quod Tribouianus *b. §. rei contra viudicantis meminerit ibi, possessor autem dominum ejus se esse dicat.* Etsi id tanquam per accessionem dictum nihil est cur tantopere moremur. Quod si vellet reus contra vindicare, hanc formulam recitabat, ET EGO EUNDEM HOMINEM, aut FUNDUM MEUM ESSE AJO EX JURE QUIRITUM. SED NONNE TU DICIS, QUÆ CAUSSA VINDICAVERIS? Et continuo actor domini causam exponebat. V. Rævard. *ibid.* Sigon. *de Judic. l. 21., & Briffon. de Form. 13.* Huc pertinet formula illa apud Tull. *pro Muran.* FUNDUS SABINUS MEUS EST. IMO MEUS, & illa apud Plaut. *in Rudens.* HUNC MEUM ESSE DICO. ET EGO ITEM AJO ESSE MEUM.

§. II. Et quoniam res etiam incorporales nostræ sunt, hæ quoque actione in rem vindicantur: eaque actio aut *confessoria* est, aut *negatoria*, quæ & *contraria* appellatur, *l. sicuti §. ff. si serv. vind.* Confessorie formulas ita conceptas exhibet Briffonius *de Form. §. AJO USUM FRUCTUM FUNDI TUI, QUI EST IN AGRO SABINO, ESSE MEUM. AJO*

JUS EX FUNDO TUO AQUAM DUCENDI ESSE MEUM. AJO  
 JUS MIHI ESSE IRE AGERE IN FUNDO TUO. Negatoria formulæ  
 datur idem Brissolinus *ibidem*, AJO TIBI JUS NON ESSE PARIE-  
 TEM ITA PROJECTUM IN MEUM ME INVITO HABERE. AJO,  
 TIBI JUS NON ESSE ALTIUS TOLLERE. Confessoriam vero, &  
 Negatoriam non agentia & negantia verba distinguunt, quod vñum non-  
 nullis post Accursium *ad h. §.*, sed mens ipsa actoris, qui si non esse tibi  
 jus altius tollendi affirmet, ideo quia deberi sibi servitutem intendit, con-  
 fessoria experitur, etiam si neget in formulæ quod si tamen ita agat, quia  
 prædium suum non servire intendit, quæ est Negatiæ species in *l. 2. de  
 serv. rust. præd.*, certe negatoria experitur, *l. 2.*, *l. 179 §. 1. si serv.  
 vindic.*, ut bene monet Ludovicus Vitalis *lib. 2. Læst. c. 12*. Nunc præstat  
 Tribonianus verba *h. §.* diligentius persequi, *Æque si agat quis, jus si-  
 bi esse fundo forse, vel adibus utendi, fruendi, vel per fundum vicini eun-  
 di, agendi, vel ex fundo vicini aquam ducendi: in rem actio est.* Ejusdem  
 generis est actio de jure prædiorum urbanorum, veluti si quis agat jus sibi  
 esse altius edes suas tollendi, prospiciendive, vel projiciendi aliquid, vel  
 immittendi tignum in vicini edes. Contra quoque de usufructu, & de ser-  
 vitudinibus prædiorum rusticorum, item prædiorum urbanorum, invicem quo-  
 que prodita sunt actiones: ut si quis intendat, jus non esse adversario uten-  
 di; fruendi, eundi, agendi, aquamve ducendi: item altius tollendi, pro-  
 spiciendive, vel projiciendi, immittendive, istæ quoque actiones in rem  
 sunt, sed negativæ. Ait, *æque si agat, ut perspicuum hinc fiat, non mi-  
 nus pro rebus corporalibus, de quibus dictum §. 1., quam pro servituti-  
 bus agi in rem posse: quod tamen secus videri potuisset, nam servitutes  
 quæ corporales non sunt, proprie non possidentur: vindicatio autem ex  
 præsentis possessione est, l. 24. §. ult. ff. de jud.* Sed primum in usufructu,  
 qui in multis casibus pars domini est, *l. 4. de usufr.*, unde Julianus &  
 possessionem, & dominium usufructus memorat, *l. 3. si usufr. per.*, eam  
 actionem Prædium interpretatio recepit: tum ad exemplum ejus, quæ  
 ad usufructum pertinet, in ceteris servitutibus in rem actio recepta est,  
 quod colligere licet ex Ulpiano *l. 2. ff. si servit. vind.* Jam nulla est ser-  
 vitus sive personæ, sive rei, sive urbana, sive rustica, quæ vindicari non  
 possit: quam ob rem Tribonianus singulorum generum exempla concessit:  
 & quoniam is hoc loco, ubi in confessoria, & negatoria actione enar-  
 randa tam multus est, servitutes meminit, præterea nihil, consectaneum  
 est, nulla alia esse præter servitutes jura, pro quibus ea actio sit prodita:  
 quæ de re v. Vin. Ait, *veluti, si quis agat jus sibi esse altius tollen-  
 di: quam actionis formulam quæ inter confessoriarum actionum formulas  
 recenseat, non est ambigendum, eam fuisse pro confessoria habitam: nec  
 dubium est, quin Tribonianus negatoriam existimaverit hanc formulam.*  
 inter negatorias mox descripsit, *jus non esse adversario altius tollendi.*  
 At si verum est, quod verissimum reputo, actiones non ex affirmante, aut  
 negante oratione, sed ex mente actoris æstimari, quis non videt, hæc  
 certe confessoriam, illam esse negatoriam? Sane qui ait, *jus sibi esse altius  
 tollendi*, nullam sibi servitutem asserit: negat tantum, ullam vicino a se  
 deberi altius non tollendi servitutem: contra, qui ait, *jus non esse ad-  
 versario altius tollendi*, id ait, eam servitutem sibi a vicino deberi. Est  
 & illud hoc loco intellectu difficillimum, quod Tribonianus inquit, pro-  
 dicam esse actionem in rem pro servitute altius tollendi: qui enim fieri  
 potest,

potest; ut jure servitutis detur mihi, quod jure naturalis libertatis omnibus patet? *l. casus 24. de serv. urb. prad., l. altius, C. de servit. G. aqu.* Tribonianum accusant nonnulli: excusant alii, & vero etiam tuentur, Longum esse interpretationes singulas persequi: nonnullas afferam, quæ vulgo magis probantur. Johannes Faber scribit, in ea tantum specie recte agi confessoria altius tollendi, quum vicinus altius tollere vicino permiserit, si tamen ea lex apud cives obtineat, ne quis possit ultra certum modum ædes tollere vicino invito: laudatq; Faber in eam rem tria juris loca, unum in *l. 11. de serv. urb. prad.*, alterum in *l. 1. C. de serv. G. aqu.*, tertium in *l. 1. C. de adif. priv.* Hanc interpretationem sequuntur Vinnius, & Everardus. Otto hic; additque illud Vinnius, fuisse olim Romæ & Constantinopoli ædificiorum altitudinem intra certum modum cohibitam in gratiam vicinorum, ne possent sibi ex altissimarum ædium ruinis damnum metueret: quo factum, ut jure altius tollendi, quod naturalis libertatis erat, imposset a vicino servitutis jus esse coeperit. Sed res hæc, ad utramque enim hanc servitutem, actionemque illustrandam pertinet, uberius est enarranda. Romæ olim in magna habitantium frequentia altissima fuere ædificia: quam enim recipere non posset area plana tantam multitudinem ad habitandum in urbe, ad auxilium altitudinis ædificiorum res ipsa coegit deventre; inquit Vitruvius 11. 9. Per id tempus, quo cuique liberum erat ædes suas ad quamcumque altitudinem tollere, etiam prospectui ac luminibus vicini obesset, cavebant sibi Romani stipulatione de altius non tollendo, atque hinc enata servitus altius non tollendi, pro eaque data actio. Sed primum Rutillius quidam Romanus homo stante adhuc Rep. de modo ædificiorum orationem dixit, cujus facta per Augustum in Senatu mentio: Suet. Aug. 89. At non ante Augustum altitudini ædificiorum positus lege videtur modus; is enim ruinis subventurus (verba sunt Strabonis Geogr. 5.) nimiam ædificiorum altitudinem sustulit; vetuitque ad vicor publicos altius septuaginta pedibus tollere. Notandum, ubi Roma conflagraverat, ædificiorum altitudinem cohibuisse dicitur Tacito 19. Annal. 43. Et quamquam de modo Neroniano nihil certi constat, tamen aut idem fuit, quem Augustus constituit, aut, quod suspiciatur Lipsius ad Tacit. cit. loc., fuit, qui, Aurelio Victore teste Epit. vii. Trajan. 13., postea placuit Trajano, nempe pedum sexaginta: quæ summa tunc fuit Romæ rectorum altitudo, eamque posteriora tempora retinuerunt. Vido Constitutionem Severi & Antonini in l. 1. Cod. de adif. priv. Constantinopoli etiam post quatrduanum urbis sub Leone Magno incendium, de quo Marcell. in Chronicis, multa Leo de ædificiis lege cavet, quæ lex intercidit. Vetuit & Leo, ne quis veterem ædificiorum formam excederet, *l. ex quoy C. de adif. priv.* (d) De Romanorum ædificiorum altitudine v. Bulenger. de Imp. Rom. lib. 2. c. 7., & Christophor. Ricci. Vindit. jurr. c. 14. Nunc finge, si lege municipali cautum; ne cui liceat vicino

(d) Non in Urbe tantum, sed etiam in agro non licuisse nisi ad certum modum ædificium atollere, satis probat locus Valerii Maximi lib. 18: c. 1., ubi scribit, Marcum Æmilium Porcium a L. Cassio accusatum crimine nimis sublime extructæ villæ in Allienis agro gravi multa populi judicio affectum fuisse,

cuius invito ultra modum ædificare : finge etiam , me id tibi dedisse , ut certam formam valeas excedere . In hac sane specie si ego te altius tollentem prohibeam , recte ages , jus tibi esse altius tollendi , nec jure libertatis ages , sed servitutis , nec negatoria , sed confessoria actione , est enim idem dicere , esse tibi jus altius tollendi , ac iudicio affirmare , debere mihi tibi hanc servitutem , ut te altius ædificantem pati debeam : quæ certe servitus est , *l. 15. §. 1. de serv.* Finge ex adverso , te contra legis municipalis vetitum tollere , absque eo quod tibi jus meum remiserim : in hac specie negatoria agam , tibi que jus esse negabo altius tollendi . Hæc de ea municipalis lege intelliguntur , quæ non ad commune civitatis commodum , aut ad publicam ædificiorum elegantiam , sed ad peculiarem scripta est vicinorum utilitatem , cui vicinus libere potest abrenunciare : ceterum juri publico privatorum pacta non derogant , *l. 38. de pact.* Ita constare putant nonnulli Tribonianum sententiam . Verum eam ad municipale jus referre , quod facit Faber , periude esse , ac violare & mittere constringere legislatorum verba , quos de statutis particularibus locorum cogitasse , verisimile non est , inquit Corasius *lib. 3. Miscell. cap. 24.* , & Waltherus *lib. 1. Miscell. c. 4.* , maxime quum id fuerit Justiniano propositum his libris generalia juris principia adolescentibus tradere : tantum abest , ut ad aliquam municipalis juris hypothesein respexisse videatur . Et quamquam Romæ ædificiorum altitudinem Imperatoris leges definierint , non fuisse tamen eæ leges in gratiam vicinorum conscriptæ . Scio , apud Leonem *l. 12. §. 1. C. de ædific. priv.* de eo agi , qui veterem formam ædificiorum excessit ob vim pacti cum vicinis iuncti , ac secundum eum jus dici : verum jam ante Leonem servitutis altius tollendi mentio in jure est , *l. 2. de serv. urb.* , nec tamen aut ejus Constitutionem in *d. l. 12.* vim tantam privatorum pactis civili jure delatam comperio . Pagenstecherus Sicilim . *Manip. 3.* hunc Triboniani locum ad eam speciem refert , quum pati vicinus debet , ut alter *curiam* , vel *coenaculum* ædibus ejus imponat . At si coenaculum ejus est , qui imposuit , jam altius tollendi servitus a servitute oneris ferendi nihil distaret ; eas autem non uno loco jus Romanum fecernit . Johannes Corasius *3. Miscell. 24.* ait , naturalem ædificandi libertatem quatuor casibus per leges coerceri . Primus est , quum aliquis ædificium ita juxta vicini aream extollit , ut ventus excludatur , & paleæ fecerni a frugibus non possint , *l. 14. §. ult. C. de serv. & agn.* Secundus est , quum aliquis altius tollendo vicinæ domus lumen obscurat , non ut domum suam faciat meliorem , sed ut inconmodet alienæ , arg. *l. 1. §. denique , ff. de ag. pluv. arc.* Tertius est , quum heres altius tollendo ita legatas ædes obscurat , ut penitus lumen recludatur , *l. Gaurus 10. ff. de serv. urb.* Quartus , isque potissimus est , quum aliquis ultra altitudinis modum excedit , *l. 1. ff. eod.* , & *l. 1. C. de ædific. priv.* An his certe casibus si det mihi vicinus , ut tollam altius , non jure meo , hoc est , ex naturali libertate , sed jure impositio & servitutis tollam . Et si autem quartus casus idem videatur cum eo , quem Faber effluxit , quemque rejecit Corasius , tamen eo distat a Corasio Faber , quod hic Triboniani locum ad aliquam municipalis juris hypothesein referat , ille Tribonianum Interpretetur ex regula juris communis in *l. 24. de serv. urb.* ubi Paulus licere unicuique ait in infinitum supra suum ædificium imponere , dum inferiora ædificia non graviore servitute oneret , quam pati debent , nec enim ( ita Paulum exponit Corasius ) pati coguntur , ultra veterem modum

dum tolli a vicinis ædificia, quodque sæpissime in libris juris occurrit, liberum cuique esse usque ad Cælum in solo suo ædificare, sic accipi ex sententia Romani juris debere addit, si vicino non noceat supra modum ædificando. Idemque confirmat Ulpianus *l. 11. ff. eod.*, *Qui luminibus vicinorum officere, aliudvz quid facere contra commodum eorum veller, sciet, se servam ac statum antiquorum ædificiorum custodire debere*. Hinc posset confici, male Heineccium negare, ante constitutionem Zenonis in *d. l. 1. C. de adif. priv.*, non fuisse in gratiam vicinorum lege positum ædificii modum. Jacobus Cujacius utrique *not. ad h. 5.* Coratium non laudatum sequitur in casu secundo & quarto: addit & alium, si vicino jam aut cessero, jus mihi non esse altius tollendi, ut in *l. egi secum, ff. de except. rei jud.*, *l. si domus, ff. de serv. urb.*, *l. si mihi, de serv. rust.* Simile videtur hoc Cujacii additamentum sententiæ Balduini, atque Hotomani, qui de servitute altius non tollendi a me tibi constituta, tum a te mihi remissa Tribonianum intelligunt. Scribit tamen *cis. loc.* Volejus, aliud esse servitutem remissi, quæ est speciei Balduini, aliud cedi, quo verbo Cujacius utitur: nam remissa altius non tollendi servitute, non tam videtur novum jus constitui, quam vetus naturalis libertas redire: quæ difficultas Balduino atque Hotomano maxime obstat; at vero servitute cessa, & altius non tollendi servitus remissa, & novum præterea jus altius tollendi quæritum intelligitur. Voluisssem saue ego, ut Volejus discrimen illud ex arte juris confirmasset, ut cui totum ex ingenio constitutum videretur. Interea mihi, ut ceteris, aqua hæret: si qua ramen potest huic Triboniani loco ex Interpretum commentariis lux affulgere, ea certe affulget ex Corasio. Nunc in illud est inquirendum, cur in rerum incorporalium controversiis & affirmative, & negative agi possit, in judiciis vero rerum corporalium affirmative tantum. Vera ratio videtur hæc, quod in rei corporalis vindicatione de dominio quæritio est: ubi autem de dominio agitur, nihil prodest auctori probare, rem non esse alterius, sed hoc unum sua interest probare, rem suam esse; nam quod meum est, certe non est tuum: quod vero tuum non est, non ideo meum est, quod possit esse alterius, *l. si inter 19. ff. de except. rei jud.* At in controversiis servitutum actoris interest probare, adversario jus non esse, hujus enim probationis necessarium consequentium illud est, rem ejus liberam esse. Atque hoc est discrimen unum inter rei corporalis actionem, & actionem rei incorporalis: alterum est hoc, quod pro re corporali experitur is, qui possidet: pro re incorporali is etiam, qui non possidet. Neque obscura hujus discriminis ratio. Rem corporalem possidenti si prodita esset in rem actio, ea vel confessoria esset, vel negatoria: at illam res ipsius natura non patitur hæc prorsus inutilis. Qui rem, quam possidet, ab alio vindicat, dicendo rem suam esse, rem sibi restitui petit: est autem contra naturam rei petere, ut qui rem non habet, tibi restituat, qui jam habeas. Quod si qui possidet rem esse adversarii neger, etsi non videatur contra naturam rei agere exemplo negatoriae de servitutibus, qua utitur *proprietas domini*, ne inquiretur, *l. 3. §. 6. ult. si usus fr. pet.*; certe tamen inutiliter agit, quum satis ei esse debeat ad repellendum adversarium ipsa, quam habet, possessio, in pari enim causa potior est causa possessoris, ut Paulus docet *1. Sent. 11.* Quod in rebus incorporalibus vindicandis secus est ea ratione, quia quum earum possessio sita sit omnis in nostro usu, & alterius patientia, quumque is usus sit rei alienæ, non est adeo certa pos-

sessio.

fessio, ut ea contenti nihil opus habeamus confessoria agere, facile enim  
 potest is, qui servitutem debet, nostrum usum, sive scientibus, sive igno-  
 rantibus nobis interpellare. Sic, quum libertatis rei nostræ possessio in-  
 nudo usu nostro, ac præterea vicini patientia consistat, ut proinde facili-  
 le eum possit vicinus inturbare; sola possessio nos satis tutos non facit,  
 sed ne in posterum nobis negotium fiat, necesse est negatoria actione rei  
 nostræ libertatem asserere. At quæ sit Triboniani ratiocinatio, videamus.  
 Ait, *Quod genus actionis in controversiis rerum corporalium proditum non  
 est. Nam in his agit, qui non possidet: ei vero, qui possidet, non est actio  
 prodita, per quam neget, rem actoris esse.* Vehementer se dubitare facetur  
 Hotomanius, quid hoc loco Tribonianus significet, nam communis ratio-  
 cinandi consuetudo post ea, *nam in his agit, qui non possidet*, subaudiri  
 debere illud offendit, *negatoria vero semper possessori datur*, ut hæc sit  
 argumentatio, *Negatoria semper datur possessori in controversiis rerum cor-  
 poralium semper agit is, qui non possidet*; quare in istis controversiis non  
 est prodita actio negatoria. At quid est hac argumentatione absurdius? Fal-  
 sum esse primam syllogismi propositionem, liquet ex l. 6. §. 1., & l. 8.  
 §. 3. si serv. vind., & l. 5. §. ult. si ususfr. pet., ubi & possessori, & non  
 possessori negatoria actio est prodita. Verum etsi ea argumentatio absurdissi-  
 ma sit, nihil tamen absurdius interpretatione Hotomani universalem  
 illam propositionem temere subaudiens, *negatoria vero semper datur pos-  
 sessori*, nam satis constat Triboniani sententia, si universali huic, in con-  
 troversis rerum corporalium vindictio semper datur non possidenti, parti-  
 cularem hanc propositionem opponamus, *in controversiis rerum incorporalium  
 aliqua actio non possessori datur, aliqua etiam non possessori*. Hæc est  
 igitur Triboniani argumentatio & quidem rectissima, Actio negatoria in  
 controversiis rerum corporalium non est prodita. Quid ita? nempe quia  
 in his controversiis *is agit, qui non possidet*. Verum quid hoc ad primæ  
 propositionis probationem? Vide, quid referat. Si qua deur non possi-  
 denti vindictio, hæc eo spectabit, ut is rem sibi petat, adeoque eam  
 suam esse dicat: at rem sibi petere nullo modo potest negando, nam  
 aut negat suam esse, & sua ipsius confessione repellitur: aut negat esse  
 adversarii, & nihil hoc ad rem suam. Non igitur in re corporali viudi-  
 canda negatoria actio datur ei, qui non possidet. *Ei vero*, continuo sub-  
 dit Tribonianus, *qui possidet, non est actio prodita, per quam neget actoris  
 esse*. Jam quid hoc est? Actionem negatoriam, quam non possessori  
 denegavit, possessori etiam negat, & utitur tamen adversativa particula  
*vero*, quæ prorsus aliam facit sententiam ab ea, quæ præcedit? Viu-  
 nius sic rem exponit. Tribonianus & non possessori, & vero etiam pos-  
 sessori in rerum corporalium controversiis negatoriam actionem denegat.  
 De eo, qui non possidet, ita loquitur, ut non obscure ostendat, eam  
 actionem vetante ipsa rei natura denegari: possessori autem inquit non  
 esse eam iure proditam: quæ loquutio demonstrat, non uacuum obsta-  
 re, sed ius, quod eam ut inutilem respuit: quæ de re dictum supra.  
 Sed & in istis Triboniani verbis duo se conquirere facile non posset,  
 scribit Hotomanius: unum, quod Tribonianus inquit, possessori actionem  
 non dari; quasi vero aus, ulla eam excors inveniri possit, quæ hac de  
 re dubitet: alterum, quod Tribonianus ait, *adversus actorem actionem*  
 non dari: quum non possit actor dici is, contra quem agitur. Quod igitur  
 ad prius attinet, is negatione intrusa legit, *Ei vero, qui non possi-*  
 det,



*des*, eo sensu, ei, qui non possidet, pro rebus corporalibus negatoriam actionem non dari: Quod facit ad posterius, is reponit, *non est actio prodita*, per quam *neges rem alterius esse*, vel *auctoris*, hoc est ejus, qui in jus vocatus auctorem se, ac defensorem fore ostendit, quo sensu accipiendum illud in veterum Romanorum judiciis usurpari solitum, QUA-  
DO TE IN JURE CONSPICIO, POSTULO ANNE SIES AU-  
CTOR. V. Brisson. de V. S. v. Auctor. Addit & alteram conjecturam, intelligi hunc locum posse de antiquis vindictiarum formulis hoc sensu, in his eum vindicare, qui non possidet, ei vero, qui possidet, non esse formulam proditam, per quam ita contradicatur auctori, *At ego tuam rem esse nego*, sed potius hanc, *At ego contra vindicias postulo*. Verum prior emendatio prorsus absurda, quod sit contra mentem Tribonianum, qui id propositum habuit, actionem negatoriam, & rei corporalis vindicationem opponere, ut jam tradita ostendunt; quumque ad hanc sententiam a Triboniano scriptam sit, ei, qui possidet, non esse proditam actionem negatoriam, patet, quam sit ridiculum illud, quod de excordi aui objicit Hotomanus. Absurdum etiam recte dices, quod de antiquis vindictiarum formulis inquit, qui enim contra vindicias postulabat, excipere dicebatur, non agere. Posterior emendatio forte laudanda, maxime quum *ad* *actoris* Theophili paraphrasis non habeat, ac præterea testetur Charondas 3. Veris. 2., se in plerisque Institutionum Codicibus expunctum *actoris* nomen observasse, in uno autem eoque vetustissimo ita scriptum invenisse, *rem alterius esse*, ejusque margini adscriptum, *Alterius deest in aliis*. Præstat igitur vulgatam lectionem deserre; quam dicere, fuisse Tribonianum *actoris* verbo abutum, & vel cum Bachovio *actorem* interpretari eum, contra quem agitur, qui tamen acturus forte erat, aut saltem poterat agere, asserto sibi per alium jure servitutis, aut cum Vinnio interpretari eum, qui, si hoc casu ageretur, actor esse deberet: vix enim verisimile est, Tribonianum tam vulgare actoris nomen minus proprie usurpassse. Venio nunc ad postremam hujus §. partem, quæ omnium temporum interpretes male habuit. Ubi dixerat Tribonianus, in rerum corporalium controversiis eum agere, qui non possidet, in controversiis vero rerum incorporearum etiam eum, qui possidet, verba hæc subdidit, *Sane uno casu qui possidet nihilominus is actoris partes obtinet, sicut in lastortibus Digestorum libris opportunius apparebit*. In hoc uno casu quærendo toti sunt interpretes, sed opinionum diversitas eo venit, ut non uno modo hic locus legatur. Vulgatam lectionem pluribus adstrunt Ant. Contins lib. 1. Leß. cap. 1., Johan. Robertus lib. 1. Recept. leß. c. 18., Lud. Charondas lib. 3. Verisimil. c. 2. & 3., & plerique omnes. Æmilii Ferretius ad h. l. ex pervetusto Codice negationem intrudit, *Sane non uno casu*: idque placuit Donello ad h. l., quoniam negationem illam a Theophilo schelle animadvertenter, scriptum est enim in Græca Paraphrasi, *in et idem dicitur*, is pro *et* legitur. Qui negante sensu locum hunc interpretantur, eo moventur, quod si nunc in jure universo erat is casus, quo possessor actoris partes obtineret, male Tribonianus pro eo uno quinquaginta latissimos Digestorum libros adolescentibus revolvendos proposuisset: quod si vero negans particula inferatur, plures erunt casus pluribus Pandectarum titulis pertractati, quibus in rerum corporalium controversiis, qui possidet instar actoris habendus est, qualis habetur in judiciis mixtis, in præjudiciis, in interdictis &c. Alii negationem illam

LIB. IV.

I

non

non ferunt, at non uno tamen modo legunt. Veteres nonnulli Codices habent, *sane in uno casu*, & *sane in unoque casu*. Eguinarus Baro ad *h. l.* legit, *sane in hoc casu*: quam lectionem Cujacius etiam retinuit nos. pr. eo sensu, hoc casu possessori actionem in rem jure prodatam, quum de re incorporali quaestio est. Sed & idem Cujacius *net. post.* praefere videatur lectionem illam, quam Hotomano, Wesembecio, & Gothofredo probari video, *sane illo casu*: quod & eodem sensu dicitur, & magis proprie, nam de negatoria pro servitutibus actione aliquanto superius agitur. Vides, quanta sit de hujus loci lectione interpretum dissensio: sed neque illud extra controversiam positum est, cum is casus de corporalium, an incorporalium rerum vindicatione intelligendus sit. Vide Accursium, & Fabrum ad *h. l.*, Joh. Corasium 3. *Mist.* 23.; Mynsingerum ad hunc 5. Govean. *loc. cit.*, Donel. ad *h. vis.*, A. Contium 1. *Leff.* 1., Joh. Robert. 1. *Leff.* 18., Vultejum *Discept. schol.* 5., & Joh. Doviatium ad *Theophil.* Ego saniores interpretes sequutus ajo, casum hunc unum in hoc ipso § extare, eumque esse, quem ex Barone, Hotomano, & Cujacio expressimus, nempe quum quis pro servitutibus actionem intendit, in his enim *possessori fore esse eum juris*, & *petitorem* scribit Ulpianus *l. 6. §. 1. si servitus fundi*. Libros autem Pandectarum, quos laudat Tribonianus, intelligi titulum, si ususfructus petetur, ac titulum, si servitus vindicetur, quos is libros dixit, sique non erit opus integrum Digestorum volumen percurrere. Sed neque opus esse reor a vulgata lectione discedere, quum ea satis prodatur, non alium esse eum casum, nisi quem exhibet rerum incorporalium controversia.

§. III. *Sed ista quidem actiones*, ait Tribonianus, *quarum mentionem habuimus*, & *si quae sunt similes*, ex legitimis & civilibus causis descendunt. *Aliæ autem sunt*, quas Praetor ex sua jurisdictione comparatas habet tam in rem, quam in personam. Jam quæ sunt actiones, quarum habitatio mentio? Græcorum ac Latinorum pene omnium una est interpretatio, respexisse Tribonianum ad solas in rem actiones, siue corporales, siue incorporales: labi autem eos, qui actiones etiam in personam spectasse Tribonianum existimant, quum quia nulla est earum actionum species expressa, tum quoniam non omnes in personam actiones ex legitimis ac civilibus causis descendunt, quum multæ Prætoris sint. Verum Janus Costa ad utrumque actionum genus Triboniani verba refert, nam utriusque habitatio est mentio §. 1., & pariter utriusque expressa causa, & formula. Nec quod multæ sint actiones in personam Prætoris, id ob stare putat Janus, quia *d. §. 1.* caute scribit Tribonianus forte ex Cajo, *prodatæ esse actiones in personam*, quo verbo designari ait actiones legibus proditas. At hoc nimis subtile est. Ego communem interpretationem probō. Quid præterea est illud, & *si quæ sunt similes*? Vulgo ajunt, similes esse petitionem hereditatis, *l. 1. §. 3. de her. pet.*, & confessoriam, ac negatoriam in controversiis aliarum servitutum ab iis, quæ præcedente §. comprehensæ sunt. Sed hæc forte levis. Rem ipsam agamus. Habes hic aliam actionum divisionem in Civiles & Prætorias. Civiles definit Tribonianus, *quæ ex legitimis & civilibus causis descendunt*: Prætorias definit, *quas Praetor ex sua jurisdictione comparatas habet*. Causæ legitimæ sunt lex 12. Tab., quæ ob dignitatem quandam appellatione legis intelligitur, *l. 3. de usurp. & usuc.*, *l. 7. §. si pariter, ff. de pass.*, *l. ult. de collog.*, *l. 1. de leg. 1.* qui testam., quæque antiqua lex appellatur in *l. 1. §. 1. de pœnal.*

*noxal*; idque proprie *legitimum* dicitur, quod aut ex verbis, aut ex sententia ejus legis descendit. Sed & legitimum dici consuevit, quod novis legibus, atque adeo Plebiscitis, Senatusconsultis, ac Principum Constitutionibus est introductum, ut Brissonius tradit *de V. S.*: sique accipio, quod Tribonianus scribit, civiles actiones ex *legitimis* causis descendere. Cave tamen, ne codeni jure ceulas Prudentum interpretationem cum Plebiscitis, aliisque partibus juris civilis, quod faciunt nonnulli, nusquam enim Prudentibus datum legitimus actiones constituere. Muus eorum erat actionum formulas certis verbis componere, quo spectat Pomponius *l. 2. §. 6. de O. f.*, ubi fuisse ait post leges 12. Tab. *actiones compositas*, hoc est certas formulas à Patriis conceptas, quibus lege ageretur; ac præterea illud videre, num lege competere actio, & quæ potius competere. Huc refer illud Ulpiani *l. 17. de furt.*, nullam à veteribus proditam patri actionem fore in filium, aut in servum domino. Causæ civiles sunt Obligationes juris gentium, quas Civile jus recepit, & confirmavit: quam interpretationem videtur ipse Tribonianus adituere *§. 1. de oblig. lib. 3.*, ubi civiles obligationes definit; *quæ aut legibus constituta*, (has non male dices *legitimas*) aut certo jure civili comprobata sunt. Prætorias autem actiones Prætor ex jurisdictione sua comparatas habet. Prætoris jurisdictionis est Edictum *l. 1. §. pen. de postul.*, & *l. 7. de jurisd.* Sed non omnes actiones Edicto Prætoris descriptæ Prætorias actiones sunt, nam civiles etiam quandoque Prætor Edicto comprehendit, uti exemplo esse potest actio commodati, *l. 1. ff. commod.* Prætorias actiones proprie sunt, quas civile jus ignorat, Prætor autem primus naturali æquitate motus contra juris civilis adspersionem Edicto suo introduxit, unde formulæ illæ in Prætoris actionibus adhiberi solitæ, actiones *impetrari, dari, indulgeri, decerni, permitti, accommodari*, *§. 5. h. t. l. 12. de proc.*, *l. 5. de Præst. stip. l. 45. fol. matr.*, *l. 22. de aqua*, *§. aqu.*, *l. 2. de adm. rer. ad civ. V. Britton. de V. S.* Et quoniam Prætores juris civilis custodes erant, non arbitri, ne quid contra jus facere viderentur, fictionibus usi, atque hinc Prætorias actiones Ulpiano dictæ *fictionis* sit. 28. §. 12., quod bene ad eum locum monet Charondas. Huc pertinent Triboniani verba, quæ sequuntur, Plerumque ita permittit Prætor in rem agere, ut vel actor dicat, sed quasi usucapisse, quod non usucaperit: vel ex diverso possessor dicat, adversarium suum non usucapisse, quod usucaperit. Quorum verborum sententia ex his, quæ mox dabimus, clarius fiet. Illud Interpretes non mediocriter turbat, vel ex diverso possessor dicat, adversarium suum non usucapisse, quid enim magis à Romana jurisprudentia alienum, quam possessorem agere, quam possessori nunquam ultro actionem dari, scriptum sit apud Ulpianum *l. 1. §. 6. ut possid.* maxime quum rescissoriam ei Prætor indulgeat, qui dominum, & possessionem alterius usu amisit. Et tamen veteres ferme omnes manuscripti, atque editi Codices sic habent. In paucis quibuldā est, *possessorem dicat adversarium suum*: quam lectionem præferunt Æmilius Ferretus, Russardus, Pactus, Cujacius, Hotomanus, Baldinus, & alii, ita enim possessor erit adversarius, eritque illud, *adversarium suum per appositionem dictum*, perinde ac si scriptum esset, vel ex diverso (actor) dicat, *possessorem eundemque adversarium suum non usucapisse*. Ego non facile patior, vulgatam lectionem contra omnium penes Codicum auctoritatem ex unius aut alterius Codicis fide immutari, præcipue quum, si *possessorem* legas, dura sit verborum trajectio, & a solute

orationis stylo, & maxime a more Jurisconsultorum aliena. Tu vulgatam sectionem retine, ac possessorem cum Accursio interpretare, qui fuit antea possessor, quemadmodum §. 5. *infr.* dominus dicitur, qui fuerat dominus. Eo sensu *insulam* Proculus l. 56. §. 1. de *adq. rer. dom.*, *sutorum* Ulpianus, & Cajus l. 13. & 14. de *tut. & rat. distrab.*, & *servum* Tribonianus dixit §. 2. *qui, & ex quib. caus. man. lib.* 1. V. Christoph. Ricc. *Vindict. jur.* 16. Praestat leges duriuscule interpretari, quam minus feliciter emendare.

§. IV. Praetorium in rem actionum prima est Publiciana, cui nomen a Praetore Publicio, quem eundem esse cum Publicio Gellio uno ex decem Servii discipulis, scribit Bertrandus de *Jurisper. lib.* 2. p. 172. edit. *Telles.*, quemque in Ciceronis tempora incidisse, colligit ex *Orat. pro Cluent.* c. 45., ubi M. Junii, (al. Julii) & Q. Publicii urbanorum Praetorum habetur mentio. At Heineccius in *Antiqu. Publicianum* judicium, ut Cajus loquitur l. 13. de *publ. in rem act.*, Tullio antiquius facit testimonio ductus Terentii *Phorm.* act. 2. sc. 4. v. 9., ubi meminit actionis rescissoriae, cujus auctor idem Publicius l. 39. de *O. & A.*, l. 57. ff. *mand.*, de qua tamen lege mox. Sic autem in *Phormione* Demiphonem adloquitur Cratius advocatus.

— — — Quod te absente hic filius

Egit, restitui in integrum aequum est & bonum.

Et id impetrabis: dixi.

Hoc loco rescissoriam designari putat Heineccius, quamvis male eam Cratino rabula applicari scribat *not. ad Vinnii Comm. ad §. 5. h. tit.* Ego vero nihil esse apud Terentium ajo, quod referri commodè queat ad rescissoriam actionem. Autipho Demiphone patre absente uxorem Athesia duxit. Demiphoni super eo conjugio consulenti respondet Cratinus, aequum esse, contractum a non sui juris filio, quum pater abesset, hoc est incipio patre incipit in integrum restitui, hoc est, rescindi, ac pro non facto haberi, idque patrem a iudice impetraturum. Quid hoc cum rescissoria? Sigonius l. de *Judic.* 17. actionem hanc fuisse primum sub Imperio constitutam inquit. Sed Sigonii conjectura veri speciem habet nullam. Tutius est Bertrandum sequi. Publicianæ datur ei, qui rem sibi a non domino bona fide, & ex justa causa traditam, sed non dum usucaptam casu amisit, ut eam a possessore non domino tanquam usucaptam repetat. Eam sic expressit Edicto Praetor, *si quis id, quod traditur, ex justa causa non a domino, & non dum usucaptum petet, judicium dabo.* Ait, *quod traditur*, nam nemo potest non tradere sibi rei se dominum dicere, quum traditionibus, non nudis conventionibus dominia rerum transferantur; l. *traditionibus* 20. C. de *pass.*: quod tamen est de his rebus accipiendum, quæ ita jure sunt comparatæ, ut sine traditione, aut possessionis apprehensione non transferantur. Ceterum si cui ex Trebelliano hereditas restituta est, etiamsi non fuerit nactus possessionem, uti eum posse Publicianæ, scribit Paulus l. 13. §. 1. de *publ. in rem act.*: idemque de his rebus est cæterum, quarum dominium cedit sine traditione. Ait *ex justa causa*, hoc est causa ad transferendum dominium idonea, puta ex causa emptionis, aut donationis, aut dotis, aut legatorum, quibus exemplis utitur Tribon. h. §. Quod si quis justo errore facti causam subesse putet, quia nulla re vera est, Publiciana agere non vetatur. Sic qui a furioso ignorans eum furere emis, quamvis nulla sit emtio, l. 1. de *R. J.*, tamen posse eum usucapere,

at proinde Publicianam habere, Marcellus libro decimoseptimo Digestorum scribit apud Ulpianum l. 7. §. 2. de public. (a) Obstat Paulus l. 3. §. 16. pro-  
 emus. Si a furioso, quem putam sana mentis, emero, consistit usucapere  
 utilitatis causa me posse, quamvis nulla esset emotio, & ideo neque de evic-  
 sione actio nascitur mihi, nec Publiciana competit, nec accessio possessionis.  
 Multa de hac antinomia Cujacius ad d. §. 16., & A. Mercator 2. nor. 17.; sed  
 vulgo recepta est Accursiana distinctio, sententiam Marcelli esse, Publi-  
 cianam contra extraneum dari; sententiam vero Pauli, Publicianam con-  
 tra ipsum furiosum, qui dominus est, non dari. Hanc distinctionem,  
 quam nonnulli ut divinariam rejecere, aliis vero necessitas probavit:  
 confirmare videtur mihi contextus ipse orationis, ita enim scribit Paulus,  
 neque de evisione actio nascitur mihi, nec Publiciana competit, nec ac-  
 cessio possessionis; quemadmodum igitur de evisione actio in ipsum furio-  
 sum datur, & possessionis accessio ab ipso furioso est, ita debet Publi-  
 ciana eo loco non extraneum, sed furiosum ipsum spectare. Ait, non  
 a domino, subaudi tamen, quem is, qui accepit, dominum putabat,  
 aut jus alienandi habere, puta procuratorem, aut tutorem, est enim bona  
 fides ad Publicianam necessaria, d. l. 7. §. pen. & ult. Ait, & nondum  
 usucapum petet, nam, ut monet Ulp. l. 1. §. 1. eod., si usucapum est,  
 habet civilem actionem, nec desiderat honorariam: atque hanc, quam Ul-  
 pianus, civilem actionem dicit, Tribonianus hic directam vocat, etsi enim  
 honorarie actiones aut directæ sint, si Edicti verbis comprehendantur,  
 aut utiles, si, deficientibus Edicti verbis, Prudentum interpretatione in-  
 troductæ sint, l. pen. §. ult. de his, qui dej. vel eff., l. 70. de R.V., l. 1.  
 & 22. de pign., l. 19. pr. de inst. act., l. 1. §. pen. de pec. const., l. 1. C.  
 de precar., tamen omnes civilibus oppositæ dicuntur utiles, b. §. l. 16.  
 §. ult. de pign. act., l. 16. §. 2. de nox. act., l. 1. de superfic., l. ult. C.  
 quib. ex caus. maj.: qua eadem ratione civiles omnes actiones etsi direc-  
 tæ sint, aut utiles, honorariis oppositæ dici directæ possunt. Illud Tri-  
 bonianus addit, quod Prætor omiserat, dari Publicianam ei, qui rei  
 nondum usucaptæ possessionem casu amisit, ut intelligamus, eum, qui fa-  
 cto suo rei possessionem amisit, Prætoris beneficio non juvari. Hujus actio-  
 nis causa non dominium est, nam non dum perfecta supponitur usuca-  
 pio, non obligatio, nam nihil inter actorem, & novum possessorem est  
 actum, sed naturalis æquitas, est enim natura æquum, ut res potius ad  
 eum redeat, qui iusto titulo, & bona fide possidebat, quam sit penes alium.  
 Scravii, Thomasi, & aliorum opinio, qui actionem hanc ex dominio præ-  
 sumptum esse arbitrantur, eo principio nititur, quod bonæ fidei possessor  
 loco domini sit. Sed hoc verum quod ad fructus l. 48. de adgu. rer. dom.  
 Utcumque sit, non est, cur nonnulli Tribonianum accusent, quod men-  
 dacium bonæ fidei possessorem tueatur iis verbis, Sed quia sane durum erat  
 eo casu deficere actionem, inventa est a Prætoris actio, in qua dicit is, qui  
 possessionem amisit, eam rem se usucapisse, quam usu non cepit, & ita vin-  
 dicat suam esse, maxime quum ejus formulæ nulla sit in Dialectis mentio.  
 Nam aut id explicandum ex Theophilo, qui habet, *deusl demumstrata*,  
 quasi usucapti, aut referendum id ad effectum potius actionis, quam ad  
 for-

(a) In vulgata hic §. principium est legis 8, cum epigraphæ, Mar-  
 cellus lib. 16. Digesti, scribit,

formulam ipsam, actor enim dicit, se rem bona fide, ac iusta causa acceperisse, ejusque possessionem casu amisisse, proindeque rem sibi restitui petere. Hoc autem effectum ipso perinde est, ac si res vere esset usucapta, nam actor non usucapta re idem obtinet beneficium Prætoris, quod re usucapta jure civili obtineret. V. quæ dicemus *infra*. ad §. seq.

§. V. Secunda Prætoria in rem actio est Rescissoria, quæ & Publiciana dicitur, & forte eundem Publicium auctorem habet. Ad vulgo colligitur ex l. *mandatum* 37. ff. *mandati*: at nihil est in eo textu, quod conjecturam juvet, ibi enim & de ea tantum Publiciana sermo est, de quæ actum §. *præced.*, & illud est de ea scriptum, contra dominum non dari. Probabile est argumentum, quod ducitur ex l. *in honorariis* 35. de O. & A., ubi Paulus, Publiciana, inquit, ad exemplum vindicationis datur: sed quum rescissa usucapione redditur, anno finitur. Quibus verbis utraque Publiciana continetur, & quæ ad exemplum vindicationis datur, hoc est, qua rem non usucaptam, perinde ac esset usucapta, vindicamus, de qua in *sis*. ff. de *publ. in rem act.*, & quæ rescissa usucapione redditur, hoc est, qua rem nostram ab aliis usucaptam rescissa usucapione petimus, de qua in *sis*. ff. ex *quib. caus. maj.* Verum hæc levia sunt: actionem ipsam inspiciamus. Si absens rem ejus, qui in civitate est, usucapiat, dominus rescissa beneficio Prætoris usucapione rem intra annum vindicat. Nullam Prætor absentis causam Edicto expressit, eumque omnes absentes fuisse amplexum, discrete scribit Ulpianus l. *item ais* 22. §. 1. ex *quib. caus. maj.* Tribonianus autem h. §. de eo loquitur, qui aut *Reip. causa abest*, aut in *hostium potestate est*. Quid ita? Certe non ut in absentis causis aliquod positum discrimen putes, sed ut inde conficias, nulla absentis causa fieri, ne contra reversionem rescissoria detur, nam quæ contra absentem *Reip.* causa, & contra captivum competit, etiam si uterque ex iustissima causa absit, eo magis in eum competit, qui aut privati negotii, aut animi causa, aut dolo abest. Habes hinc, posse absentem rem ejus, qui in civitate est, usu facere suam, etiam si is, qui in civitate est, agere contra illum non possit. Neque obstat propositum illud verbum juris, frustra usucapionem opponi iis, qui movere actionem non potuerunt, l. *in rebus* 30. C. de *jure dot.*, l. 2. in *fin.* C. de *bon. mat.*, l. 1. in *fin.* C. de *annal. exc.* Nam id verum est, ubi non factum, uti est in hac specie absentia, sed jus impedit actionem, ut in *ad. 11.*, & l. 7. §. 4. C. de *præser.* 30. an.: quibus etiam locis abunde rescissoria Antonius Faber, qui *decad. 3. er. 9.*, & *der. 28. er. 8.* scribit, ne juris quidem impedimentum usucapioni obstat. Verum hoc idem in causa fuit, cur Prætor beneficium restitutionis indulsit, quod non posset is, qui in civitate erat, contra absentem agere, sicque usucapionem irreperire, & forte minus æqua Prætori visa est distinctio illa inter impedimentum juris, & facti. Et vero denegat Prætor beneficium restitutionis ei, qui cum procuratoribus, ac defensoribus absens potuit experiri, d. l. 21., & l. 22. ex *quib. caus. maj.*, & si jure novissimo Justiniani cesset ex hac parte Edictum, quum possit is, qui in civitate est, de absente queri apud Præsidem Provinciæ, aut Episcopum, aut Defensorem civitatis, vel, si hi abfuerint, publice libellum suæ voluntatis indicem proponere, ubi domicilium habet possessor, vel a tabulario, vel, si civitas tabularios non habeat, a tribus testibus subscriptum. At vero difficile intellectu est exemplum captivi, nam qui apud *hostes est*, inquit Ulp. l. *ais* Prætor 23. §. 3. ex *quib. caus. maj.* nihil sibi per usum

adgri.



adquirere potest, nec captam possessionem poteris implere, dum est apud hostes, imo nec postliminio reversas recuperabis per usum domini acquisitionem. Sed certe illud ita intelligendum, si qui fuerunt in potestate captivi, hoc est filii ejus & servi, usu rem adquireant ex re pecuniari, d. l. 23. §. 3. Reverso igitur in civitatem eo, qui aberat, potest dominus, hoc est is, qui rei ante usucapionem dominus erat, (quo sensu eum Tribonianus dominum dicit, more ab optimis Latinæ linguæ auctoribus usurpato) rescissoria agere, atque uno eodemque judicio usucapionem rescindere, ac rem ipsam petere, longe enim abest a vero qui putant, duplici hic opus esse judicio, altero, quod *rescindens*, altero, quod *rescissorium* appellant, ac proinde duplici libello, duplici litis contestatione, ac decreto duplici. Falsissimam hanc opinionem præcipiti judicio veteres ferme omnes probaverunt, certe non probaturi, si illud attendissent, quod ex multis Pandectarum locis aperte constat, ipsum Prætores rescissoria actione præsentibus data usucapiones absentum rescidisse, l. 1. §. 1., l. 26. §. 7., l. 28. §. pen. ex quib. caus. maj., l. ult. C. cod., l. 24. C. de R. V. Apertissime Tribonianus hic ubi scripserat, permitti domino rescissa usucapione rem petere, quid esset, *rescissa usucapione rem petere*, aperuit his verbis, quæ proxime sequuntur, *id est, ita petere, ut dicat, possessorem usu non cepisse, & ob id suam rem esse*. Fortasse causam errori dedit ignoratio antiquitatis, quum enim minus periti rerum Romanarum interpretes multa olim in judiciis apud Prætores fieri, multa etiam fieri apud Judicem legerent, putantes, quæ apud Prætores fiebant, judicium esse, quæ tamen judicium non erant, sed quidam ad judicium apparatus, hanc de duplici judicio opinionem in jurisprudentiam importarunt, quod Vin. monet. Datur hæc actio intra annum utilem ab eo tempore, quo possessor desit abesse, l. 5. §. 1. l. 1. §. 1. ex quib. caus. maj., & l. ab hostibus 13. C. de poss. rev. Et quamquam honorariæ actiones, quæ rei persequutionem habent, etiam post annum dantur, ut Cassius inquit apud Paulum d. l. 35. de obl. & act. tamen hanc actionem anno finiri, Paulus subdit, quia contra jus civile datur, hoc est, quia usucapionem civili jure institutam rescindit. Qui duplex illud judicium statuunt, de quo pauca modo, duplex quoque tempus statuunt, & rescissorio quidem judicio dant annum utilem, quo spectare ajunt hunc §., & ea omnia Pandectarum loca, quibus rescissoriam anno concludi scriptum est, rescidenti vero quadriennium continuum, quo referunt Justiniani constitutionem in l. ult. C. de temp. in integr. rest., non adverteutes, in ea constitutione jus novum procedi, & annum utilem in quadriennium continuum transmutari. Duo sunt reliqua in hoc §., quæ interpretationem desiderant. Unum est, quod ait Tribonianus, actorem ita petere, *ut dicat, possessorem usu non cepisse, & ob id suam rem esse*: quod si ita intelligas, ut verba sonant, actor & falsum dicit, quum res vera jure civili usucapta res sit, & præterea nihil ager, quum in re corporali vindicanda negantis formulæ nulla sit utilitas. Verum hos obices removebis, si ea verba ad hanc sententiam desectas, actorem dicere, suam rem esse, nec, quod adversarius usucapionem opponat, id quidquam obcurrere, nam absens usucepit, ut sibi non fuerit integrum, actione edita usucapionem interpellare, ac proinde eum usucepisse non videri. Alterum est, quod addit Tribonianus, *id genus actionis quibusdam & aliis finit aquitate motum Prætores accommodare, sicut ex latiore Digestorum volumine intelligere licet*, Sed non est dubium, quin designetur his ver-

bis

his rescissoria, quæ datur absenti contra præsentem, qui rem ejus ufucapit, l. 1. & passim, ff. ex quib. caus. maj. Et sane potest Tribonianus his verbis generalibus, & vagis abstinere, remque ipsam paucioribus explicare. Hujus actionis causa est justa absentis excusatio, succurrendum enim censuit Prætor & adversus absentes, ne capiant, & ipsis absentibus, ne capiantur, d. l. item ait 21. ff. eod. Et æquum est visum in hac specie inter absentis causas distinguere, prodest enim vel necessaria, vel spontanea quidem, sed justa, & probabilis causa, ut ex sis. Ex quib. caus. maj.

§. VI. Tertia Prætoria in rem actio est, qua creditores rem a debitore in eorum fraudem alienatam rescissa traditione petunt, id est, dicunt, eam rem traditam non esse, (quæ verba in eam sententiam accipienda sunt, quam §. 5. & 4. exposuimus) & ob id in bonis debitoris mansisse. Hanc actionem Theophilus, & plerique omnes post eum Paulianam vocantes sed num ea in rem sit, an potius in personam, queri video. Glossa, & alii satis multi, quorum præcipuus est Vinnius, eam in personam esse contendunt, exponi autem hic a Triboniano inter Prætorias in rem, non quod ipsa in rem sit, sed quod cum rescissoria aliquid commune habeat, nempe quod in utraque Prætor jus civile rescindat, in hac traditionem, in illa ufucapionem. Et vero eam non esse in rem, probare videntur duo illa, unum, quod qui actione in rem agit, rem esse suam ait & creditores Pauliana actione rem dicunt, in bonis debitoris mansisse, ut loquitur hic Tribonianus: alterum, quod in rem actio & rei possessorem sequitur, etiam si is neque ex contractu, neque ex maleficio teneatur, & nullo modo in eum datur, qui non possidet, l. actionum 29. de O. & A. 2. verum Pauliana actio non est prodita in possessorem, nisi si particeps sit fraudis, l. 1. 9. & 10. ff. quæ in fraud. cred., vel ex lucrativo titulo possideat, l. 9. C. de rev. his, quæ in fraud. cred., & præterea non solum heredi, ceterisque successoribus, sed & in heredes, similesque personas datur, d. l. 10. in fin. Hinc satis evinci potest, eam actionem esse in personam. Sed & idem perspicuum sit ex eo, quod passim ea actio in factum dicatur, d. l. 10., & l. 14. ff., & d. d. §. C. eod.: quæ autem in factum dicuntur actiones, in personam sunt. Accedit argumentum, a Faviana actione ductum, quæ in personam est l. 1. §. 16. ff. si quid in fraud. patron.: utraque autem actio & Faviana, & Pauliana, ex eadem causa est, eundemque effectum habet: hæc alienata in fraudem creditorum, illa revocat alienata in fraudem patroni. Denique idem videtur luculentissime confirmare Paulus l. 38. ff. de usur., ubi initio scribit, videamus generaliter, quando in actione, quæ est in personam, etiam fructus veniant, tum addit §. 4., in Faviana quoque aliene, & Pauliana, per quam quæ in fraudem creditorum alienata sunt, revocantur, fructus restituantur. Contra Theophilus, & alii non pauci revocatoriam hanc actionem potius esse in rem ajunt, nam & eam recenset Tribonianus inter actiones in rem, & utitur verbo petere, quod actionum in rem est proprium, & formulam actionis exprimit, quæ actionibus in personam convenire nullo modo potest, & eam dat in tertium possessorem, cum quo nihil est actum. Ab utraque sententia discesserunt nonnulli ea ratione, quod & Pauliana actio certe in personam sit, & certe etiam hoc §. aliqua in rem actio proponatur, neque enim eis verisimile est visum, inseruisse Tribonianum inter actiones in rem actionem in personam.



ob solam ejus cum rescissoria similitudinem. Schoranus *Exam. ad tit. ff. de his, qua in fraud. credi.* Putant igitur, agi hoc loco de hypothecaria in rem actione, quæ nascitur ex Prætorio pignore, quæque revocat alienata post missionem creditorum in possessionem, l. ult. C. de Præst. pign. Ego sic sentio, difficile esse ita unam ex tribus istis opinionibus amplecti, ut tuto valeas in ea conquirere. Primæ graviter obstat Tribonianus, methodus: secundæ apertissima juris loca: tertiæ obstant duo hæc, unum, quod Tribonianus loquatur hic de alienatione in fraudem creditorum: ad hypothecariam vero ex Prætorio pignore fraudandi animus non sit opus, d. l. ult. C. de Præst. pign.: alterum, quod si de Prætorio pignore scilicet hic esset, male eam formulam expressisset Tribonianus, eam rem traditam non esse, & ob id in bonis debitoris mansisse; nam alienata re pignori opposita jus pignoris non tollitur, sed ipsi rei, quocumque res abeat, adheret. Ajo igitur, Paulianam actionem sola Prætoris æquitate niti, neque ex ullo iure in re dari, neque ex ulla obligatione, proutdeque nec in rem esse, nec in personam, sed modo actionem in rem, modo actionem in personam imitari, magis autem ad hanc accedere, quam ad illam. Ex nullo iure in re dari, clarius est, quam ut probari oporteat. Ex nulla etiam obligatione datur: non ex delicto, nam si possessor ex lucrativa causa possideat, Pauliana actione tenetur, etiam si fraudis non sit particeps: & quamvis, si oneroso titulo possideat, Pauliana non teneatur, nisi concius sit fraudis, tamen is, quia nihil cum creditoribus egit, nihil in eos videri potest peccasse. Præterea quæ actiones ex delicto dantur, eæ non ad rem revocandam, sed vel ad pecuniam comparatæ sunt, vel ad id, quod interest, ut inepissime videatur Paulianæ formula in eam sententiam concepta, rem traditam non esse, & ob id in bonis debitoris mansisse. Non etiam ex contractu, aut quasi contractu, nam nulla inter tertium possessorem, & creditores vera, aut præsumta conventio videtur intercessisse, quum nihil inter eos sit actum. Restat igitur, ut hujus actionis fundamentum sit sola auctoritas Prætoris, qui æquum esse censuit, creditores hac actione contra debitoris fraudem tueri. Extrare autem in iure nostro actiones, quæ nec domini, nec obligationis causam habeant, sed sola æquitate legis, aut Edicti auctoritate consent, perspicuum sit testimonio Celsi lib. 5. Dig. l. 32. de reb. cred. Jam Pauliana actionem in rem imitatur, quia in tertium possessorem, cum quo nihil est actum, competit; quia totam ratione Tribonianus eam Prætoris in rem accessit: in aliis ad actionem in personam accedit. Quæ de hujus actionis ingenio disserui, forte etiam dici hand inepte possent de Publiciana, & Rescissoria, quæ ambæ in rem proprie non sunt: & sane Prætorias in rem actiones propriis insipienti patebit, omnes, præter Servianam, & quasi Servianam, ceteri debere ad certum quoddam actionum genus, quæ nec proprie in rem sunt, nec proprie in personam. V. Bachov. & Huber. hic. Datur hæc actio bonis ejus (h. e. debitoris) a creditoribus possessis ex sententia Prædis, inquit Trib., nec solum possessis, sed etiam distractis, quod est supplendum ex d. l. 5. C. cod., bonis possessis, itemque distractis, ubi male Accursius possessis, inquit, a creditoribus, distractis a debitore, nam & ipse orationis ductus, & ea quoque ratio demonstrat, bona a creditoribus possessa, itemque ab ipsis distracta supponi, quod non sit revocatoria actio creditoribus danda, nisi certo constet, satisfieri aliter non posse: id vero nisi excussis, distractisque per curatorem bonis constare non potest: nude illud in Edicto Prætoris,

toris, de his curatori bonorum, vel ei, cui de ea re actio dari oportet, actioem dabo, d. l. 1. ff. eod. Apertissime etiam Ulp. l. ait Praetor 106 §. 1. eod., Ita demum, inquit, revocatur, quod fraudandorum creditorum causa factum est, si creditores bona ipsius vendiderunt; & a die venditionis bonorum numerari annum utilem, intra quem proponi potest hęc actio, scriptum est in l. 6. §. ult., & d. l. ait Praetor, §. annus, ff. eod. Hinc tamen cave illud colligas, quod placere nonnullis video, hac actione ea tantum revocari, quę post missos in possessionem creditores debitor in eorum fraudem alienavit: Nam & generaliter Praetor Edictum proposuit, *Qua fraudationis causa gesta erunt, l. 1. eod.*, & Julianus l. 17. §. 1. sic de eo scripsit, qui, quum haberet creditores, libertis suis universas res suas tradidit, quamvis non proponatur, consilium fraudandi habuisse, tamen quia creditores habere se scit, & universa bona sua alienavit, intelligendum esse, fraudandorum creditorum consilium habuisse, ideoque & si filii ejus ignoraverunt, hanc mentem patris sui fuisse, hac actione teneri. Ex quo loco manifestum est, debitorem ante missos in possessionem creditores bona sua alienasse, nam si post missionem alienasset, nec de ejus animo fuisset ambigendum, nec tradi omnia potuissent. Pauliana igitur & post & ante missionem datur, licet minus sit post missionem necessaria, quum possit tunc hypothecaria agi, d. l. ult.

§. VII. Quarta Praetoria in rem actio est Serviana, cui nomen a Servio, sive a Servio illo, cujus Praeturae meminit Paterculus lib. 2. c. 15. sive etiam ab alio Praetore ex gente Servia. Certe non est, quod visum, Antonio Aug. de Nom. Propr. Pand., & Jac. Curtio lib. 3. *Enac. c. 39. 2.* Servio illo Sulpicio, quem & summum Jurisconsultum, & Praetorem fuisse, testatur Tullius pro Murana c. 10.; nam Sulpitium non urbanam, aut peregrinam Praeturae, sed quaestionem dumtaxat de peculatu sortitum, Tullius scribit pro Muran. 10.: Praetores autem quaestiones fortitax nullam habuisse civilem jurisdictionem, proindeque nullum potuisse Edictum proponere, satis est ex antiquitatis memoria compertum. Facit huc locus Taciti Agric. 6. *Idem Praetura tenor, & silentium, nec enim jurisdictionis obtinuerat.* V. Graev. ad Orat. pro Muran., Savillium ad Tacit. Agric., & Everardum Otton. in Servio Sulpit. sap. 10. §. 1., & 2. Jam ridicula est Accursii, & veterum quorundam origination, Servianam a servando dictam, quod fundi domino jus suum servet: quasi aut aliae actiones jura eorum, quibus competunt, non servant, aut ea origie Servatoria potius dicenda non sit, quam Serviana. Ante Servium Praetorem nulla erat in rem actio jure civili prodita, qua creditor bona sibi pignori data, vel nudo pacto obligata persequeretur. Opus erat ad eam actionem, ut vel res a debitore cederetur in jure, vel contracta fiducia manciparetur. Sed quantum ea res habebat molestiae! Neque omnia poterant ex jure Quiritium mancipari, neque ab omnibus, neque semper, aut ubique. Servius igitur publico bono Servianam actionem proposuit, cujus formulam dat Brisson. lib. de Formul. Serviana exprimitur *quis de rebus coloni, qua pignoris jure pro mercedibus fundi ei tenentur, h. §. Res coloni sunt aut fructus, aut alia in fundum injecta & inlata. Et fructus quidem, qui in praediis rusticis nascuntur, tacite intelliguntur pignori esse domino fundi locati, etiam si nominatim id non convenerit*, Pomponius l. 7. ff. in quib. caus. pign. tacit. contrah. injecta vero & inlata in praedia rusticorum pignori esse non creduntur, nisi id nominatim convenerit, l. 4. eod.. At in urbana praedia injecta & in-

lura

lata tacito pignore obstringuntur, d. l. 4. Discrimen hoc ab Alexandro Imperatore sublatum putarunt nonnulli ob textum in l. 5. C. de locat., ubi certi juris esse dicitur, ea, quae VOLUNTATE DOMINORUM coloni in fundum conductum induxerint, pignoris jure dominis praediorum teneri; quando autem domus locatur, non esse necessariam in rebus inductis vel allatis scientiam domini: quibus verbis id unum esse reliquam inter colonum, & inquilinum discrimen probant; quod per colonum inducta sola domini scientia, & simpliciter ejus consensu obligentur, inducta vero per inquilinum domino etiam inscio. Hanc opinionem recentiores interpretes rideant, ex eisque aliis voluntatem, ac scientiam pro expressa conventionem de rebus inlatis pro mercede obligandis accipiunt, alii, quibus praevie Duarenus ad l. 4. de pign., ita Imperatoris verba interpungunt, quae voluntate dominorum coloni in fundum conductum induxerint pignoris jure, dominis praediorum teneri, quae vero continuo sequuntur verba sic explicant, quando domus locatur, tantum abesse, ut expressa conventionem opus sit, ut ne scientia quidem sit necessaria: ad quem modum dixisse Virgilium 10. Aeneid. 5. ex Servio monet Duarenus - - Juguloque haud inscius accipit enses; alii demum, inter quos est Commanus 4. Comm. 16., & Donel. 4. de pign., ajunt, Imperatoris sententiam hanc esse, fundo ea lege locato, ut certe res a colono inferrentur, censeret eas pacto obligatas, quasi videretur id voluisse dominus, ut illae pignori essent. At omnium proxime ad Alexandri mentem accessisse videtur mihi Forcatulus Necyom. Dial. 17. n. 3., ubi scribit voluntatem dominorum non esse voluntatem eorum, qui praediorum sunt domini, sed iustum eorum, quos coloni servi dominos habent. Hic est igitur sensus Imperatoris, si servus fundi conductor bona domini sui in fundum importet, eaque nominatim pro pensione obliget, tum demum pignoris jure teneri, quum dominus consenserit l. 2. C. de furt., & 101. tit. si alien. rer. pign. dat. Hinc etiam intellectu facile est, quod addit Alexander, quando domus locatur, non esse necessariam in rebus inductis vel inlatis scientiam domini, quia domo a servo conducta tantum abest, ut domini voluntate sit opus, ut nec scientia requiratur, ne factum servi fraudi sit locatori: neque ulla sit servi & rerum inventarum domino injuria, qui sua diligentius curare debuit; maxime quod viderit is, servum suum in conducta domo per annum habitare, sicque patientia pro consensu habetur, l. 1. §. scientiam, de trib. act. Hanc Forcatuli explicationem eo argumento confirmari posse autumo, quod si res dominorum ad fundi dominos referretur, abundarent certe ea, quae mox addit Imperator, dominis praediorum. Sed recte tamen ea apposuit Alexander, quo pateret, hos esse dominos praediorum, illos colonorum dominos. Ejus discriminis rationem repetit Cujacius ex moribus Populi Romani, qui sic ferebant, ut inquilini in vecta & inlata, coloni fructus pro pensione pignori obligarent; unde Illud Africani l. 61. §. 2. de furt., Locavi tibi fundum, & (UT ADSOLET) convenit, ut fructus ob mercedem pignori mihi essent; sensum vero mos abiit in legem, & in fructibus pro rusticis, in in vectis & inlatis pro urbanis praediis tacita hypotheca introducta est. Ac jus illud moribus introductum innuere videtur Neratius d. l. 4. ex quibus causis, ubi sic loquitur, EO JURE UTIMUR, ut quae in praedia urbana inducta, inlata sunt, pignori esse credantur, in rusticis praediis CONTRA OBSERVATUR. Ejus autem moris ratio haec fuit, quod in rusticis praediis satis domino per fructus conficeretur; ac vero in urbanis dominus, nisi in vecta inlata pignori essent, vix

entus videretur. Quod si ita placuit, ut certæ res a colono in fundum iove-  
ret pignori essent pro mercede, eas persequitur Serviana, five ab ipso debi-  
tore, five ab alio possideantur: quod proprium est actionis in rem. Dixi, a  
colono, nam vix est, ut consistere possit communis prope interpretum opinio,  
pro rebus etiam inquilini Servianam actionem a Prætoris datam, quum eadem  
coloni, & inquilini sit ratio: Tribonianus *coloni* tantum meminit *h. §.*, &  
certe Servius *colonom* duntaxat Edicto expressit: quumque eam actionem  
contra civile jus indulsit, non est ferendum, ut ad bona etiam inquilini  
produdatur. Atque hanc fuisse Prætoris Servii mentem ex eo liquet,  
quod, quum de colono solo edixisse Servium viderent, quo Prætoris benefi-  
cium pateret latius, eum sequuti (f) Prætores quasi Servianam ad Ser-  
vianæ actionis exemplum introduxerunt, qua creditores omnes pignora  
omnia, & hypothecas persequuntur. Hæc & communi hypothecariæ ac-  
tionis nomine vocatur, *h. §.*, & utilis Serviana dicitur, *l. 1. pr.*, &  
*§. 1. de pign.*, & *l. 1. C. de precar.* Sed longe ab hac distat pignoratitia  
actio, de qua *lib. 3. ad §. ult. quib. mod. re contr. obl.*, pignoratitia  
enim ex contractu est, ac proinde in personam, daturque debitori in  
creditorum; hypothecaria vero in rem est, quippe quæ ex pignore nasci-  
tur, quod jus in re est, & creditori competit in debitorem, etsi quan-  
doque Jurisconsulti hypothecariam per catachresin pignoratitiam dicant,  
*l. 9. in fin. quib. mod. pign. solv.*, *l. rem alienam 41. de pign. act.*, *l. 3. §. 3. ad exhib.*, *l. 13. de condit. indeb.*, *l. duobus 19. de exc. rei jud.* Jam  
subdit Tribonianus, inter pignus & hypothecam, quantum ad actionem hy-  
pothecariam attinet, nihil interesse, nam de qua re inter creditorem & de-  
bitorem convenit, ut sit pro debito obligata, utraque hac appellatione  
continetur. Recte ait, quantum ad actionem hypothecariam, quo etiam  
sensu intelligendum illud Marciani *l. 1. §. 1. de pign.*, Inter pignus & hy-  
pothecam tantum nominis sonus differt, idque non obscure prodit ipsa legis  
epigraphe, Marcianus libro singulari ad formulam hypothecariam, ut non  
sit opus Marcianum hoc nomine accusare, quod facere videtur Gothofre-  
dus ad *d. l. 1. §.* Quum de hypothecaria agitur, qualis qualis res sit, five  
mobilis, five res soli, five tradita, five etiam nulla traditione obligata,  
& pignus dicitur, & hypotheca, nam æque hæc actio pignus persequitur  
& hypothecam. Ceterum in aliis non tantum sonus, sed & re hypothecam  
& pignus distare, ait Tribonianus, nam pignoris appellatione eam proprie rem  
contineri dicimus, quæ simul etiam traditur creditori, maxime si mobilis sit;  
at eam, quæ sine traditione nuda conventionis tenetur, proprie hypotheca  
appellatione contineri dicimus. Ad eandem sententiam Cajus *l. 238. §. 1. de V. S.*, Pignus appellatum a pugno, (g) quia res, quæ pignori dantur,  
manu

(f) Id videtur posse non obscure colligi ex hoc ipso §. ubi Trib. Item  
Serviana, & quasi Serviana ex ipsius Prætoris jurisdictione substantiam  
capiunt: quæ verba perperam interpretatur Vinnius hoc sensu, fuisse quæ  
Servianam ad Edicti exemplum a Prætoris institutione, eaque ratione in-  
ter Prætorias haberi. Nam & videtur Tribonianus eodem pressus modo u-  
tramque actionem ad Edictum referre, & praterea constat, unquam fuisse  
Prætoribus datum actiones instituire: quæ de re dictum alibi.

(g) Quam inepti sunt, Deus bene, in vocum originationibus Romani

Ja-

manu traduntur, unde etiam videri potest verum esse quod quidam putant, pignus proprie rei mobilis constitui. Hinc pignus depositum apud Paul. 2. *sem. s. pr.*, & postea pignora apud Iuven. *sat. 9.* Ceterum Latini quandoque pignori opponere res etiam soli dixerunt, & ipsi etiam Jurisconsulti. Brisson. *de V. S.* Illud falsum est, quod Vinnius hic scribit, veteres *fiducie* verbo usos pro *hypotheca*; longe enim aliud ab hypotheca fiduciam fuisse, compertum est iis, qui Romanas antiquitates vel leviter attigerunt. V. quæ de fiducia diximus ad *S. ult. quib. mod. re contr. obl.*

S. VIII. Actiones in rem Prætorias excipiunt Prætoris in personam, quæ aut rei persequutoriæ sunt, aut poenales. De his inferior agendum. Illæ complures sunt, quæ in libris juris occurrunt. Tres tantum exempli gratia proponit hic Tribonianus, unam de constituta pecunia, alteram de peculio, tertiam in factum de iurejurando.

S. IX. Constitueræ Latinis est confirmare, unde pecunia constituta est pecunia, quæ jam debebatur, iterum promissa, & *Constitutum* Jurisconsultus dicitur conventio, qua quis quod aut ipse, aut etiam alius iam debet, soluturum se sine stipulatione promittit, *h. s. Dixi, sine stipulatione*, nam stipulatione interposita præsto est civilis actio ex stipulatu. Ex ea autem conventionē utpote nuda nulla erat civilis actio, quæ de re dictum ad *sic. de oblig. lib. 3. pr.* Prætor autem, qui naturali æquitate moveatur, unde plerumque ab ea Edicta sua commendat, *consuetudinem ex consensu factam custodit, proposita actione de constituta pecunia, quoniam grave est fidem fallere, l. 1. pr. de const. pec.* At enim nuda pacta non civili modo, sed Prætorio etiam iure actionem non pariunt, sed ea Prætor exceptione solatueretur, *l. 7. §. quinimo, de pact.*, *l. 3. de præscript. verb.*, *l. 10. §. 21. ff. de pact.*, *l. 3. §. ult. ff. de rer. perm.* Ita vero generaliter scriptum est: sed nonnulla tamen pacta excepit Prætor, ex quibus ob peculiæres causas actionem dedit. Eam dedit ex hypotheca, quum quia semper hypotheca alteri obligationi accedit, *l. 5. ff. de pign.*, tum quoniam contrahentium, acque adeo commerciorum utilitas exposcit, ut debitores ex pacto nudo obligentur, quod fasce exsequitur Ant. Fab. in *Ration. ad l. 1. h. s.* Dedit quoque actionem ex constituta pecunia, quia non constituitur nisi jam debitum, *l. 1. §. 1. §. passim h. s.*, ut grave sit, fidem fallere, ubi jam res debebatur. Non obstat, quod debitum sub conditione constitui possit, *l. 19. h. s.*, quum tamen quod sub conditione deberetur, nullo modo deberi videatur, quia nisi conditio extiterit, nec venisse dies, neque cessisse dicitur, quæ de re ad *S. 4. de V. O.* Non, inquam obstat, nam spes est debitum iri, quæ spes facit, ut, quibus sub conditione deberetur, si pendente conditione recte creditores dicantur, *l. 10. §. 34. de V. S.* Atque hanc solam spem creditoris constitutum confirmat, ita ut deficienti-

Jurisconsulti! Quod de pignore dicitur, bene Salmasius *de mod. usur.* rei id proprie mobilis esse, ex etymo falso & inepto adstruitur: absurdum id quippe est, pignus a pugno deducere, quum pugnus clausam manum significet. Unde & pugnus pro ictu, id est, *pugno*, qui clausa manu incutitur. Inde & pugiles appellati. *Pugnus est a pago, hoc est, jungo, figo; pignus enim est, quo quis se pagit, id est, obligat alteri ad fidem servandam.* Mathias Martinus in *Lexic. Vossius in Etymol. Menag. Ammonit. jur. 39.*

faciente conditione utraque actio ei depercat, etiam si sub conditione debitum pure aut certo die constituitur, nam semper eadem conditione suspensum intelligitur, *d. l. 19.* Sed non est opus, ut debitum ex causa civili sit, debitum enim vel natura sufficit, *d. l. 1. §. 7.*, neque etiam est opus, ut creditor constituitur, nam quod tibi debetur, si mihi constituitur, debetur, *l. 3. §. 1.*, modo id fiat ex voluntate veri creditoris, ut bene Ant. Faber post Accursium & Bartolum hunc locum accepit. Neque est opus, ut debitor ipse constituat, quum possit pro eo etiam alius, qui proinde accedere ad fideiussorem videtur; unde ad exemplum fideiussoris debitor ipso liberato reus etiam constituitur pecunie liberatur, *l. in omnibus 43. de solut.*, & præterea in hac constituti specie Divi Hadriani Epistola de periculo inter mandatores, & fideiussores dividendo locum habet, *equitatis enim ratio (h) diversas species actionis excludere nullo modo debet*, ut Iustinianus loquitur in *l. ult. C. h. t.*: quam sententiam delumisse videtur Iustinianus ex Papiniano in *l. si fideiussores 7. ff. de fideiuss. & nominat. tut. (i)* Idemque de beneficio excussionis scriptum est *Nov. 4. c. 1.* Quibus constitutum, & fideiussio non conveniunt, ea ex hujus §. commentatio, & commentario tituli de fideiuss. facile peti possunt. Denique non est opus, ut eo prius modo constituitur pecunia, quo debebatur, nam & citiore die, & alio etiam loco se quis solviturum recte constituit, *l. 4. & 5. h. t.* Quid si is, qui pure debet, sub conditione constituit? In hunc utilem actionem esse, inquit Pomponius apud Paulum *d. l. 19. §. 1.* Utilem actionem Accursius, & Gothofredus ad *d. h. t.*, & Vinnius ad *h. l.* interpretantur actionem efficacem, cui contraria sit actio inefficax & inutilis. At vero Faber in *Ration.* interpretatur utilem Prætoriam, cui contraria sit Prætoria directa, habent enim Prætoriz actiones directæ suas utiles excepta ad exhibendum actione, quæ perpetuo directa est, *l. quum servus 16. ff. ad exhib.*; sicque is Pomponii verba exponit. Præter Edictum est, ut pure debitum sub conditione constituitur, constitutum enim utilitatem aliquam habere debet, quum propter eas pecunias inducta sunt constituta, quæ nondum peti possunt, ut Labeo ait apud Ulpianum *l. 3. §. ult. h. t.*. At quid habet utilitatis sub conditione constitutere, quod pure debetur? Hinc fit, ut huiusmodi constitutum directam actionem habeat nullam; nihilo tamen minus, quoniam voluit Prætor Edicto generali de pactis voluntates paciscentium, quæ contra jus non essent, servari, *l. 1. & 7. §. juris gentium, de pact.*; ex eo etiam constituto utilem actionem ex æquitate accommodavit. Utilitas autem

(h) Petrus Burgius Elektor. 6. sic ea verba respicit, æquitatis enim rationem diversa species actionis excludere non debet, mendumque liberiorum vitio ortum putavit. Eum in hanc suspensionem adduxit Papiniani locus in *l. 7. ff. de fideiuss. & nominat. tut.*, unde eam sententiam mutatus est Iustinianus.

(i) Occurrunt quandoque in Edictalibus Imperatorum legibus sententiæ ex Prudentum scriptis petire: sæpe etiam occurrunt in eorum scriptis, consueverunt enim Romani non modo defunctorum, sed & viventium Jurisconsultorum responsa libellis ad auctoritatem inferere, eaque Imperatores rescribendo laudare: quod ex *l. more 14. ff. de præd. min.*, & *l. 5. Cod. ad exhib.* ostendit Burgius ibid.



rem in eo facta est, quod publice interfit, pacta hominum custodiri. Hæc Faber. Jam constituto ita concepto, non vetatur interim creditor pure debitum petere, non novata per conditionale constitutum priore obligatione pura, quum non fiat constituto utpote nudo pacto obligationis novatio: de quo late Faber ad l. 18. §. ult. h. t. Placeat, quoniam quid Constitutum sit, fuisse est traditum, in hunc locum conferre, quod Tribonianus ait §. anteq., actioni de constituta pecunia similem videri receptitiam, quæ tandem veluti supervacua Justinianæis legibus recedere iussa est. Receptitia actio certe est a verbo *recipere*, quod Latine interdum sonat *promittere*. Alconius Pedianus; *Recipitur pecunia, id est, promittitur, quum pro iudicio respondeatur*. Hinc Receptores dicti, qui ipsores erant Reip., vel Principi pro iis, qui publicam pecuniam dispensabant. Budæ. 1. in Pand. 30. Salmast. de mod. usur. 16., & verum illud juris ex recepto, idem est æque ex *compromisso*. V. Britton, de V. S. Erat hæc actio constitutiæ actioni similis: alteram autem ab altera eo differre scripsit Theophilus, quod constituti actio *ἐκαστοῦ αὐτὸ τοῦ ἀποδότης, ὅστις δὲ τοῖς ἀποδότης, personis latior, rebus arctior*; at vero receptitia actio *ἐκαστοῦ αὐτὸ τοῦ ἀποδότης, personis arctior, rebus latior* esset. Recipiebant trapezitæ, constituebant alii. At quid est illud, quod habet Consultus l. 6. de edend., *Sed & quod salvi constituit argentarius, edere debet*. Verosimilis est conjectura Salmastii loc. cit., Tribonianum, receptitia actione in constituticiam transfusa, pro receptis scripsisse *constitutis*. Constituebantur ea tantum, quæ numero, pondere, mensura constabant: recipiebantur autem mobilia omnia & immobilia, quum enim essent Romæ argentarii publicæ (k) fidei sequestres, iuvabant, ut apud eos cuiusque generis res deponerentur, ut bene Salmastius *ibidem*. Recipiebantur etiam indebita; at constitui nonnisi jam debita poterant. Præterea receptitia actio civilis erat, & ut Justinianus loquitur l. 2. C. h. t., *solemnibus verbis composita*; constituticia autem Prætoria. Tandem quod plus erat in receptitia, Justinianus in constituticiam conjecit, siquæ receptitiam abolevit. Illud tantum in constituticia retinuit, ut nonnisi jam debita constituerentur, d. l. 2.

§. X. Secunda Prætoria in personam actio est de peculio filiorum, servorumque adversus patrem & dominum: de qua tamen agendum tuo loco ad tit. seq.

§. XI. Tertia est actio in factum ex iurejurando. Jure civili eadem iurisjurandi vis, ac pacti nudi, l. 35. §. 1. de iurejur.; hinc quemadmodum nulla ex pacto civilis actio, nisi pactum lege confirmaretur, ut dictam ad tit.

(k) In loco publico pecuniam consignatam deponere dicebantur olim non ii modo, qui in loco sacro deponebant; cuius moris meminisse Plautus in Bacchid. act. 2. sc. 3. v. 72., & Ulp. l. 1. §. 24. & 25. ff. de pos., quo etiam spectant formula illa eodem redeunt; in æde, in fano, apud æditiuum, & apud Pontificem deponere; sed & qui custodia causa deponebant apud mensas numulariorum: hos enim fidem publicam sequi, ait Ulp. l. 24. §. 2. de bon. auct. jud. poss.; æque huc refert Ravardus 1. Var. 15., quod apud Papinianum l. 36. §. 1. ff. mand., & apud Hermogenianum l. 64. de fideiuss. scriptum est, fideiussorem pecuniam in loco publico obsignatam deposuisse.

*Actio de Obl.* sic nulla erat ex juramento prodita, nisi juramentum lege ratum haberetur, cujuscmodi erat jusjurandum, quo libertus patrono operas, donum, munus promittebat, qua de re ad tit. de V. O. pr. Sed ne cui minus videatur, quod Romanæ leges stipulationibus, quæ profana spon- siones erant, vim sane magnam tribuerint, nullam vero actionem dede- rint ex juramentis, quæ Deos habebant testes. Nam ipsa Romanorum religio, quæ tanta fuit, quanta nunquam alibi fuisse perhibetur, actionem ex jusjurando vetuit, ne juramentorum sanctitas consuetudine ipsa vilesceret, maxime quum experimento compertum sit, eos, qui facile iu- rant, facile pejerare. Est hæc actio in personam, utpote quæ ex conven- tione proficiscitur, unde Ulpianus, *Si servus meus*, inquit l. 25. de ju- rejur., *delato, vel delato ei jusjurando, juravit, puto dandam mihi actionem propter religionem, & conventionem*, & Paulus l. 26. omni modo custodiri debere ait jusjurandum adversus eum, qui contentus eo, dum deferret, fuit, & hæc qui adversario jusjurandum deserit, eum de causa sua iudicem facit, Ulp. l. 1. ff. quor. rer. excepti. non del.: quod etiam tradit Aristoteles lib. Rhet. ad Theodect., videturque sic cum eo pacisci, se quod juratum fuerit, ratum habiturum. In personam quoque hæc actio est, quum actor in rem agit, nam delato, aut relato in hac quoque causa juramento, is, qui juravit, id unum urget, se adversario deferente iu- rasse, idque unum iudici videndum remanet, num re vera fuerit iura- tum. Aperte etiam id tradit d. l. 25. Ulpianus, ubi jurante servo cau- dem domino actionem dari, ait, sive juraverit servus, rem domino dari oportere, quæ formula est actionis in personam, sive juraverit, *rem do- mini esse*, quæ formula est actionis in rem eandem ob causam, puta, *propter religionem, & conventionem*. Non obscure idem docet Ulpianus l. 11. §. 1. h. t., ubi ait, petitori, qui rem suam esse juravit, *actionem in factum dari*: qualis actio certe in personam est. At ex quovis proprie juramento datur hæc actio? Facile erit id definire, si quid prius de vario jusjurandi genere paullo accuratius edisseratur. Tria esse iura- mentorum genera, voluntarium, judiciale, necessarium, ostendit Dige- storum Caput de jusjurando sive voluntario, sive necessario, sive judi- ciali: at Cajus tamen h. t. cod. duo tantum juramenta meminit, volun- tarium, & judiciale; tertium omittit; neque nullus sub eo Capite locutus est, unde, quid necessarium juramentum sit, aperte, quantum oportere, col- ligas. Hinc alii Tribonianum in concipiendo titulo accensant, quum, quia si præter voluntarium & judiciale tertia quoque esset juramenti species, eam certe expressisset Cajus; tum quoniam in libris juris nos- quam est ejus mentio: alii de necessario illo jusjurando diversa, atque adeo contraria statuunt. Accedit illud, quod necessarii jusjurandi igno- ratio judiciale quoque obscurum faciat. Ego quid de tota hac causa Græci senserint, & Latini, quam brevissimo exponam. De voluntario iura- mento constant quidem illi inter se, illudque definiunt, quod ex con- ventione litigatorum extra iudicium deferretur. Et plane falsi sunt Wesem- becius ad h. t. num. 7., & A. Matthæus disp. de judic. to. th. 6., ubi ajunt, voluntarium juramentum Græcis esse, quod in iudicio alter alteri deferret. Græcorum sententiam aperit Græcus interpretes Stephanus ad h. t. *Ὁμοῖον ἢ ἀποκρινόμενον αὐτῷ ἐστὶν τὸν ὁρκισμὸν καὶ ἐν τῷ δικαστηρίῳ ἀδελφὸς τῷ ὑποκρινόμενῳ*. Voluntarium jusjurandum est, quod extra iudicium & ex conven- tione sibi minus deferunt litigatores. De iudicali & necessario non idem visum.



vissam Græcis, quod Latini. Græci Stephano teste necessarium dicunt, quod alter alteri in iudicio deservit iudice suscipiendi, aut referendi iuramenti necessitatem imponente; iudiciale vero, quod iudex ipse sua sponte deservit. Contra Latinorum plerique hoc necessarium, illud iudiciale dixerunt. Sed ex Latinis tamen non desunt, qui communem hanc opinionem minus probent. Jacobus Cujacius in *Parat. ad h. 1.* scribit, necessarium iuramentum esse, quod ab eo, cui delatum est, deferenti refertur, ait enim Justinianus *l. generaliter, §. iuramento, C. de reb. cred., necessitatem ei imponi, cui iure refertur, nisi velit causa cadere, relationis sacramentum subire, quum referri rursus non possit, quia non debet displicere conditio iurisjurandi ei, qui desulit, l. 34. §. 2. h. t.* Cujacio subscrisisse videntur. A. Matthæus *d. disp. 10. th. 7.*, Wiembachius, & Huber *ad h. t.*, hic *n. 7.*, ille *22.* Verum A. Faber communem Latinorum opinionem sequitur *ad h. 1. h. t.* inquit, non minus iudiciale dici posse iuramentum, quum refertur, quam quum deservitur, utrumque enim fit ex iudicis auctoritate, nec aliud esse iuramentum delatum, quam relatum, licet ab alio præstetur, ut nec pila repercussa alia est ab ea, quæ ab alio prius percussa fuit, quo fit, ut tale sit referendum, quale fuit initio delatum, nisi aliud personarum, aut rerum diversitas exposcat, *l. 34. §. non semper, h. t.* Ego de hac re diu sollicitus tandem satis duxi in communi Latinorum sententia consistere, quæ tamen est aliquanto diligentius enarranda. Ajo igitur, non duas, ut vulgo putant, sed tres iuramentorum species lege prima *h. t.* comprehendi, ut frustra sint, qui Tribonianum accusant. Inquit Cujus *dist. l. 1. iurisjurandi religione controversas decidi, vel ex passione ipsorum litigatorum, vel ex auctoritate iudicis.* Verba ex passione litigatorum iusjurandum voluntarium: verba, ex auctoritate iudicis, & iudiciale & necessarium, comprehendunt, quia ad utrumque auctoritate iudicis est opus, eo discrimine, quod iudiciale ex voluntate litigatorum initium capiat, auctoritate tamen iudicis confirmetur, cuius est videre, num rite & recte deservatur, ac præstetur juxta expressa in *l. 3. §. ult. l. 4. C. 5. l. 17. §. 1. l. 33. h. t.*; necessarium vero litigatoribus etiam invitis sola iudicis auctoritate imponatur. Illud, quia voluntarium est, sed adprobante iudice deservitur, iudiciale dicitur, ut a simplici voluntario distingatur, quod ex sola partium conventionione proficiscitur, & sine iudicis opera negotium transigit, unde negotium inter ipsos litigatores iurejurando transactum dicitur, *l. 31. h. t.*; hoc, quia iudicis officio deservitur, & ab altero ex litigatoribus suscipiendum necessarium est, necessarium appellatur, atque de hoc iurisjurandi genere accipiendus Caji locus *l. admonendi 31. h. t.*, solent enim sæpe iudices in dubiis causis exacto iurejurando secundum eum judicare, qui iuraverit, ubi dubia causa ea est, in qua pares utrinque probationes adferuntur, ut iure dubitet iudex, in utram partem propendeat: quo sensu causam dubiam dixit Cicero *Orat. pro Ligar.*, questionem dubiam Modestinus *l. 10. de jur. fise.*, & eandem dubiam Terentius in *Phorm.* *act. 2. sc. 2. v. 18.* His ita statuis haud difficile est definire, ex quo iurisjurandi genere actionem Prætor indulserit. Certe eam indulxit ex iuramento voluntario: qua de re non est qui dubitet; imo contendit Donellus, de hoc tantum iurisjurandi genere hoc loco agi per Tribonianum, ea ratione, quia ubi iuramentum in iudicio præstatur, totum negotium sententia iudicis transigitur, qui solet secundum eum judicare, qui

*juraverit*, l. 31. §. 34. §. ult. h. t., ut proinde actione potius iudicari agendum sit. Verum labi Donellum, & ex judiciali quoque juramento actionem in factum dati, luculenter confirmant Imp. Diocletianus, & Maximianus l. 8. Cod. h. t., ubi, *Altori, delato vel relato iurejurando, si juraverit, vel ei remissum sit sacramentum, ad similitudinem iudicati in factum actio competit*. Tractari hoc loco de iurejurando judiciali, illud arguit, quod *delati*, vel *relati* jurisjurandi sit mentio, & præterea diserte scriptum est, præter actionem iudicati, actionem quoque in factum competere. Accedit aliud argumentum plaus maximum. Actio ex iurejurando in personam est; igitur quum non sit ex maleficio vel quasi maleficio; ex contractu vel quasi contractu est, nempe ex partium conventionione. Hæc autem conventio non in voluntatio tantum, sed & in judiciali juramento apparet. Nam qui juramentum in iudicio desert, facit id sciens, posse adversarium facere alterutrum, aut juramentum præstare, aut referre, sicque is in utrumque eventum consentit. Is etiam, cui juramentum defertur, quoniam libere potest vel jurare, vel iusjurandum referre, sive juret, sive referat, sponte sua jurat, sponte sua refert, sicque ab alterutro juramentum præstetur, semper erit ex partium conventionione. Quod vero ad judiciaire juramentum æque ac ad necessarium iudicis auctoritate sit opus, id non facit, ne illud ex conventionione proficiatur, nam iudiciale, ut jam dictum, desert sponte sua unus ex litigatoribus, tum, ut rite delatum dicatur, iudicis auctoritas accedit. Hæc omnia confirmat non obicere Tribonianus h. §. ubi, *Item, ait, si quis POSTULANTE ADVERSARIO juraverit*. At utrumque juramentum voluntarium, & iudiciale *postulante adversario* præstatur. Necessarium dumtaxat præstatur *postulante iudice*; quare ex hoc certe actio in factum non competit. Jam hac actione non illud quaeritur, num verum sit, quod est juratum nec ne, sed illud tantummodo, an re vera juratum sit, unde in factum actio appellatur; ipsa enim reorum conventio facit, ut factum hoc ipsum probationis loco sit l. 5. §. dato, ff. cod. Romæ nunquam fuit de eiusmodi perjurio quaestum: tanta fuit Romanorum religio. *Adversus exceptionem iurisjurandi*, ait Julianus l. 15. de except., *replicatio doli mali non debet dari; quum Prætor id agere debet, ne de iurejurando cuiusquam quaratur*: ad quem tamen locum v. Zafium. Romanorum in servanda juramentorum fide sanctitatem contra Græcorum fidem jam proverbio insignem laudat Polibius 6. de Rep.

§. XII. Poenales quoque actiones bene multas proposuit Prætor Edicto suo, quarum tres exempli loco meminit hic Tribonianus. Prima est actio albi corrupti, de qua ita Ulpianus l. 7. de jurisd., *Si quis id, quod jurisdictionis perpetua causa, non quidem prout res incidit, in albo, vel in charta, vel in alia materia propositum erit, dolo malo corruperit, datur in eum quincientorum aureorum iudicium, quod popolare est*. Ait, *quod jurisdictionis perpetua causa*. Perpetua jurisdictio est Edictum perpetuum, quod omnes causas, & universum Prætoris imperium comprehendit; ei-que opponit Ulpianus id, quod, prout res incidit, propositum erit, hoc est, Edictum singulare ac temporarium temporis & causæ, de qua agitur accommodatum, quale erat Edictum, quo Prætor aliquem evocabat, ut se præsentem siceret, l. contumacia de re jud. Ait, *vel in charta, vel in alia materia*. Hæc verba ex antiquo glossmate esse censet Cujacius ad Obs. 24. Sed ea tamen Ulpiani esse ostendit locus Pauli t. sent. 23. l. qui

qui album raserit, fustulerit, corruperit, mutaverit, quidve aliud propostum edicendi causa, ubi quidve aliud ea certe spectat, quæ extra album in charta vel membranis a Prætoribus proponebantur. Ait, quincensurum aureorum judicium. Ita Florentinus Codex. Male alibi quinquaginta. Anne enim Prætores tam levem pœnam in Edictorum suorum corruptores sternerent? Magnum quidem facinus Album corrumpere, nam perinde est, ac maiestatem Prætoris contemnere, remque publicam lædere, cui perpetuis Edictis consulitur. Hinc albi corrupti iudicium popolare d. l. 1., quasi cuiusque de populo interfit, albi corruptorem puniri. Hinc etiam multa in hoc iudicio severius, quam in aliis, statuta. Si familia alicuius furtum, aut damnum, aut injuriam fecit, liberator dominus, si tantum præstet, quantum liber nupt præstaret; ac si familia album corruperit, non similiter hic edicitur, ut in furto, ne in reliquis actio detur, sed tenetur dominus pro quolibet servo quincensuros aureos præstare, quum quia hic plura facta intelliguntur, tum quoniam contempta maiestas Prætoris vindicatur, l. 9. de iurisd. Pecuniam quoque actionem Prætor in eum dedit, qui sine venia patronum vel parentem in jus vocasset. Ait Prætor, Parentem, patronum, patronam, liberos, parentes patroni patrona in jus sine permissu meo ne quis vocet, l. 4. §. 1. de in jus voc. Parentem hic utriusque lex accipe. Sed an in infinitum, veteres quaesierunt. Quidam parentem usque ad tritavum appellari aiebant: superiores majores dicit; atque hoc veteres existimasse Pomponius refert. Sed Cælius Cassius omnes in infinitum parentes dixit: quod & honestius esse, & merito obtinuisse, scribit Ulp. d. l. 4. §. 1. Liberi, quos sine permissu suo vocare in jus parentem verat Prætor, sunt liberi emancipati, quod recte movet Theophilus, in potestate enim constituti liberi habere litem cum patre non possunt, l. si nulla, ff. de iud., l. ult. C. de in jus voc. In eum, qui adversus ea fecisset, quinquaginta aureorum iudicium Prætor dedit, quod nec heredi, nec in heredem, nec ultra annum dabatur, l. 14. eod. Inops autem a Præfecto Urbis quasi inofficiosus castigatur, l. ult. eod. Hujus Edicti eam fuisse causam vulgo putant, quod veteri Romanorum more actor rem manu collo infecta raperet in jus: quem mox late sum persequutus initio hujus tituli. Haud vero ferendum Prætor duxit, ut liberti, ac liberi vim inferrent patronis, ac parentibus, ceterisque, quibus reverentia præstanda est. Verum ab hac communi opinione recessit post Vaudum lib. 2. quæst. 26., & Bachovium ad tit. ff. de in jus voc., & quosdam alios Vinnius ad hunc §., ubi in jus per vim raptos inquit vadimonii desertores, latitantes, lenones, & vilissimos quoque homines, præterea, neminem, ut proinde non alia ratio, quam ipsum obsequium patronis ac parentibus debitum Edicto causam dedisse videatur, quum, etiamsi nihil edixisset Prætor, non licuisset, illis vim fieri. Et quidem vix verisimile est, Romanos, gentem omnium sapientissimam, gravissimamque vim turpem honorationibus etiam adhiberi, torque in bene constituta civitate excitari turbas, quod ea vis certe excutisset, pari facile potuisse. Ego vero, quoniam potius veterum testimoniis, quam conjecturis ex ingenio Populi Romani petitis transigenda res est, viderem illam manus injectionem nullo reorum discrimine intelligendam contendere. Primum enim lege 12. Tab. generaliter cautum est, Manus eundo iacito: Manus injectio esto, in jus ductio. Deinde instituto Græcorum, ex quibus mos ille ad Romanos defluxit, omnibus inferri vis potuit.

tuit: Aristoph. in *Nub.* act. 3. sc. 3. Lucian. in *Aldie. bis accusato*, & *Herm.*  
 Denique Romanos equites non sine vi ab adversariis in jus vocatos  
 tradere videtur Suetonius in *Aug.* c. 38., his verbis, *Equitum turmas fre-*  
*quenter recognovit, post longam intercapedinem reducis more transvectionis.*  
*Sed neque detrahi quemquam in transuebendo ab accusatore passus*  
*est: quod fieri solebat.* Et Urganiam, quam supra leges, amicitia Au-  
 gustus extulerat, ut Tacitus loquitur 2. *Annal.* 34., a Calpurnio Piso-  
 ne feroci viro sprete potentia Angustus in jus traham, Tacitus scri-  
 bit 4. *Annal.* 31. Nec durum videri potest, honestos & nobiles viros in-  
 jus rapi potuisse, nam & poterant, si vim pati nollent, adversarios suos  
 sequi, vel satisfacere, & forte sic iure honoratioris plerumque actum, ut  
 fere numquam vim facere oportuerit. Ceterum antiquorum Romanorum  
 ingenium ferrox fuit: qui vero illorum mores ex humanitate recentiorum  
 temporum assilant, eos abunde refellit Decemviralium legum adspersitas.  
 Opponunt adversarii multa Pandectarum & Codicis loca, ut l. 5. de *ju-*  
*dic.* l. 11. 16. 18. 21. de *in jus voc.* l. 2. §. 1. si quis in *in jus voc. non tenet.*  
 l. 9. C. de *bon. auct. jud. pass.*, & alia, quibus illud confici videtur posse,  
 non privata actoris auctoritate, & per vim, sed jussu, & auctoritate Præ-  
 toris vocatos olim in jus reos. Interpretantur quidem in alium sensum ea  
 loca clarissimi viri communis sententiae vindices; sed ingenue fateor, non  
 nulla durissime exponi. Præstat igitur sic totam hanc causam definire.  
 Principio actor privata vi, quam tamen ferebant leges, reum rapiebat in  
 jus: stetitque mos hic Romæ, quousque stetit Respublica, attingebat et-  
 iam Imperium: quotandem obfirmato coepit paulatim languere, nihil  
 enim Monarchiæ magis inimicum, quam privata vis, & quidquid priva-  
 tam vim præfert. Sub Trajano eum morem nondum defecisse, patet testi-  
 monio Plinii in *Panegy.* c. 36. In Pandectis tamen, quibus responsa Ju-  
 risconsultorum continentur, qui post Trajanum floruerunt, nullum ejus vesti-  
 gium occurrit; sed, ubi de vocatione in jus agitur, fere semper jussus,  
 auctoritatis, ac præcepti Magistratus sit mentio; unde verisimile est, jure  
 Pandectarum reos jussu Prætoris, non per vim, ad Tribunal vocatos; sic-  
 que iuris loca ad contrariam opinionem adstruendam adlata nihil obstare.  
 Illud exploratissimum est, antiquam in jus vocandi consuetudinem transla-  
 to in Orientem Imperio præfuisse cecidisse, reosque per exequutores in jus  
 vocatos sub Constantino: quod ejus temporis leges luculentissime confir-  
 mant. Nunc ad Edictum Prætoris. Ei hæc potissima ratio causam dedit,  
 obsequium patronis ac parentibus debitum: atque hanc rationem probare  
 videtur locus Modestini l. 13. de *in jus voc.* Generaliter eas personas, qui-  
 bus REVERENTIA præstanda est, sine jussu Prætoris in jus vocare non pos-  
 sumus: maxime quum in ea re adhiberi vis posset. Sed non ea vis potissi-  
 ma Edicti causa fuit, idemque sanè edixisset Prætor, etiamsi vis nulli  
 potuisset inferri, nam sublato veteri more Edictum adhuc stetit. Respexit  
 & illud Prætor, quod ad obsequium patronis ac parentibus debitum,  
 quumprimis pertinet, quodque etiam potuit Edicto causam dare, ne fa-  
 mosa actio in patronos, parentesque intenderetur. Prætor ait, verba sunt  
 Ulpiani l. 10. §. 12. *cod.* in *in jus sine permissu mea ne quis vocet; permissu-*  
*mus enim est, si famosa actio non sit, vel pudorem non sugillat, qua patro-*  
*nis convenitur, vel parentes.* Hanc actionem proxime sequitur poenalis  
 actio in eum, qui in jus vocatum vi exemit. Hujus Edicti verba in unum  
 locum conferre neglexit Tribonianus, ceteroqui solius Edicti verba sub-

ini.

initium tituli in ff. describere: duo tamen ejus extant in Pandectis fragmenta, alterum in Epigrapha tituli, *Ne quis eum, qui in ius vocabitur, vi eximat*, alterum in §. ult. l. 4. cod., *Neve faciat dolo malo, quo magis eximeretur*. Eximendi verbum generale esse; inquit Pomponius apud Paulum d. l. 4.; eripere enim est de manibus auferre per rapum: eximere quoquo modo auferre: ut puta si quis non rapuerit quem, sed moram fecerit, quo minus in ius veniret, ut actionis dies exiret, vel res tempore amitteretur, videbitur eximisse, quamvis corpus non exemerit. Sed est eo loci reſtrictio, non abduxit, his verbis tenetur. Nec solum is, qui ipse per se exemit, hac actione tenetur, sed etiam is, cuius dolo alius exemit, h. §., quibus verbis non recte arbitratu Accursius designari Edictum Prætoris de eo, per quem factum erit, quominus quis in iudicio ſiſtat, quum satis constet ex dictis, pertinere ea ad alteram partem Edicti, ne quis eum, qui in ius vocabitur &c. Idque eo etiam inter utrumque Edictum discrimine confirmatur, quod Edicto, *ne quis eum* &c. Prætoris majestas vindicatur, cui facta videtur injuria per eum, qui aut per se, aut per alium exemit in ius, h. c. ad ipsum Prætozem vocatum. Edicto autem de eo, per quem factum est &c. injuria vindicatur privato homini facta, hoc est, iudici dato, apud quem ſistere se olim reus debebat.

§. XIII. Propositam initio tituli actionum divisionem in actiones in rem, & in personam non egrediuntur actiones præjudiciales, de quibus h. §. Hæ sunt, quibus de statu agitur, hoc est de libertate, de ingenuitate, ac de familia. De libertate agitur, quum quaſſio est, num quis liber ſit, an ſervus: de ingenuitate, quum diſceptatur, num quis ingenuus ſit, an libertinus: de familia, quum in id inquiritur, um quis ſcilicet, ſit filius, nec ne. In iudicio de libertate vindicæ ſecundum libertatem, poſtulabatur hac, vel ſimili formula, *Hunc hominem ego liberum eſſe ajo, ejusque vindicias ſecundum libertatem mihi dari poſtulo*; contra quæ adverſarius, *Hunc hominem jure Quiritium meum eſſe ajo, ejusque vindicias mihi conſervari poſtulo*. Vindicæ ſecundum libertatem dabantur lege Decemvirali, hoc est, controverſi hominis poſſeſſio ad exitum cauſæ penes eum erat, qui liberum eſſe hominem aſſeſſet. Ita apud Livium ſcriptum eſt lib. 3. c. 44., quum M. Claudius Virginie amore ardeus clienſi negotium dediſſet, ut virginem in ſervitutem adſereret, neque cederet ſecundum libertatem poſtulantibus vindicias, advocatos puellæ poſtulaviſſe, ut lege ab ipſo lata vindicias daret ſecundum libertatem. Formula Prætoris erat, *Qui libertatem defendit, ei do vindicias*. Ubi dies coſtitutionis aderat, ad hunc modum actor de libertate actionem intendebat, *Hunc hominem jure Quiritium liberum eſſe ajo, cumque liberali cauſa manu adſero*. Occurrit apud veteres Latinos ſolennis ea phraſis, *liberali cauſa manu adſerere*, eodem ſenſu, quo vulgo ajunt, e ſervitute in libertatem vindicare. Plaut. *Pænul. act. 4. ſc. ult. act. 5. ſc. 2. Perſ. act. 1. ſc. 3. Cureul. act. 5. ſc. 2. Terent. Adelph. act. 2. ſc. 1.* Actionem vero de ſervitute in contrariam ſententiam intendebat actor, qui ſoleni formula *in ſervitutem adſerere* dicebatur. Liv. *ibid.* In quaſitione de ingenuitate aſſeſſet actor, *hominem natum liberum*: contra adverſarius, *hominem e juſſa ſervitute manuſum*. Denique ubi de partu adguoſcendo agebatur, aſſeſſet actor, *mulierem ex hoc, vel illo prægnantem eſſe*. Hæ actiones Jurisconſulti præjudiciales dictas ajunt, quum quia propoſitæ faciunt, ne ultra procedatur, antequam fuerit ſuper his pronunciatum, ſicque propoſitæ futurum iudicium impediunt, tum quoniam diſce-

disceptata, ac definitæ primarias quoque causas tanquam necessarium consensum definiunt. Facere huc videtur illud, quod de his actionibus scriptum se reperisse testatur Ravaudus l. de Præjudic. 12. in antiquissimo incerti auctoris manuscripto libello de verbis juris, *Præjudiciales dicuntur, quia in modum exceptionum opponuntur, & ante primam questionem de necessitate terminantur.* Hinc explicandum illud Prætoris apud Lipianum l. 1. ff. fam. ercisc. veteribus plerique interpretibus non intellectum; si pater, inter Cajum & Sejum familiam erciscundam: si in ea re præjudicium hereditati non fiat, ex bona fide Servilius erciscat; hoc est, nisi prius in ea re de hereditate debeat judicium fieri, nam si de ipsa successione quæritio incidat, prius hanc dirimere iudex debet, quam familiam erciscere: quam interpretationem adstruit Ravaudus c. 1. ex his, quæ sequuntur, *Quo fit, ut eo casu ipse iudex, apud quem hoc judicium agitur, agnoscat, an coheres sit, nisi enim coheres sit, neque adjudicari ei quidquam oportet, nec adversarius ei condemnandus est.* Sic, ut ad rem nostram veniamus, si de operis & obsequio judicium instituitur, isque, qui ea debere dicatur, se ingenuum dicat, hoc videndum prius, num is ingenuus sit, an libertus: quod semel definitum, causam quoque de operis & obsequio per consequentias definit, l. ult. ff. si ingenuus esse dicit. Sed vix est, ut sic explicata ejus nominis ratio contitere possit, quum multæ aliæ sint in jure actiones, quæ ea ratione præjudiciales dici deberent, nec tamen præjudiciales dicuntur, l. 2. §. pen. de inoff. l. 1. 24. de judic. l. 16. 18. & 21. de except. l. 5. §. ult. de her. pet. l. ult. C. eod. Propria igitur ejus nominis ratio hæc forsitan est, quia plerumque de statu hominum quæstiones non ad eum finem instituntur, ut de statu ipso cognoscatur, sed ut inde alia sequatur causa, aliud judicium: quod attigisse videtur Borcholten ad h. §. n. 2. Videri has actiones in rem esse, inquit Tribonianus, nam quasi proprietatis causam continent. Ajo, quasi, nam proprie his actionibus non de dominio, sed de statu hominum agitur: quoniam vero hujusmodi de statu hominum quæstiones causam proprietatis quodammodo implicitam habent, hinc Tribonianus causæ utitur verbo *videntur*, quod minus propriæ loquutionis est nota, etsi quandoque Jurisconsulti modestæ causæ *videri sibi* dicant, quod vere sentiant, quodque ita esse vident, sique verecundo illo verbo maxime adfirmant l. 31. de jur. rej. Hinc iudices *videri sibi*, aiebant l. 27. §. 1. de liber. caus. l. 21. §. 1. de recept. qui arbit. V. Tacit. 14. Annal. 43. Val. Max. lib. 6. c. 2. Facit hinc, quod de testibus Cicero scribit Orat. pro Font., *Illud verbum consideratissimum nostra consuetudinis ARBITROR, quo nos etiam tunc utimur, quum eadem causam jurati, qua imperta habemus, qua ipsi videmus.* Ex præjudicialibus actionibus fere unam illam, quæ pro liberali causa intenditur, legitimam esse, ceteras esse Prætorias, inquit hic Tribonianus. Verum quid illud est, quod sub titulo de liberali causa omnia pene Jurisconsultorum fragmenta ex eorum libris ad Edictum Prætoris petita sint? Contra quid illud est, quod sub titulo de liberis adgnosendis non semel de Senatufconsultis sit mentio? Res ita se habet. Liberalis causæ judicium est ex lege 12. tab., scribit enim Pomponius l. 2. §. 24. de O. J., vindicias secundum libertatem dictas ex jure in 12. tabulas per Decemviros translato: multa vero ex Edicto Prætoris accessisse, vel ipsæ legum sub titulo de liberali causa inscriptiones ostendunt, quo factum, ut ejus causæ judicium etsi origine sua civile & legitimum esset, tamen post tantam ex Edicto accessionem vix esse civile, ac legitimum videretur: quo persinet momentosum illud Triboniani verbum *fere*, quod



quod minus recte Murecus additum dixit ad ornatum, male Theophilus omisit, temere autem Cujacius verbo certe mutavit. E contrario iudicium de partu agnoscendo Prætorium est, Senatufconsultis deinde auctum. Iudicium vero de ingenuitate certe Prætor instituit, forte illud secernens a liberali iudicio, cuius antea quedam pars erat, ut suspicatur Hotomanus. Hinc Edicti perpetui titulus, *Si ingenuus esse dicatur*. Causæ status majores Judices habere debent, inquit Paulus l. 32. §. 7. de recept. & qui arbitri, & competentes maximos judices Justinianus l. ult. C. ubi caus. stat., hoc est Prætores Romæ, Præfectos & Præfides in Provinciis l. 1. §. 5. C. de ord. cogn., l. 1. C. de Off. Prætor., l. Titius 43. de off. ems., l. 1. C. si adv. libert. Non erat igitur municipalibus Magistratibus, ac pedariis iudiciis datum eas causas attingere, l. pen. C. ne stat. def., l. 2. C. de ped. judic., ut se viz intelligere scribat Fornerius 2. Select. 23. illud Juvenalis sat. 7. v. 115.

*Surgis tu pallidus Ajax*

*Disturur dubia pro libertate, Bubulco*

*Judice;*

nisi tamen, addit, Attilium Bubulcum innuat, qui cum T. Mansio Torquato Consulatu gessit, quique, quod in subjiicienda Romano Imperio Sardinia insula, quæ defecerat ad Pœnos, gravem se ac severum præstiterit, severi iudicis oratori terrorem facientis imaginem in ea satyra totan præfert. At, quoniam nimis longe petita Forneriana hæc interpretatio videtur, præstat Poetæ locum accipere de iudiciis ad eas causas a Prætore datis; ad quem etiam sensum iudices de statu cognovisse, in libris juris scriptum est, l. 7. §. 1. in fin. de hered. pet., l. cognitio, §. pen., & l. duobus 31. de liber. causi. Sic apud Recuperatores de statu actum legimus apud Suetonium Vesp. 3., ubi Flaviam Domitillam ingenuam & civem Romanam recuperatorio iudicio promunciatam, scribit; & Domit. 8., ubi Domitianum ait Recuperatores, ne se per fusorios (l) adfectionibus accommodarent, identidem monuisse. Sed non omnes dati iudices poterant de statu cognoscere. De statu cognoscebant selecti a Prætore, vel Magistratu iudices, & ex Consilio dati, de quo Consilio v. dicta ad §. 4. quib. ex caus. mansib. 1. Et quoniam forte sub Diocletiano recuperatores ex consilio non dabantur, passim omnibus quasi repente adprehens, ut Plinius loquitur l. 3. ep. pen.; hinc a Diocletiano vetitum in d. l. 2. C. de ped. judic. suspicatur Janus a Costa ad h. §.; causas status per datos iudices dijudicari.

§. XIV. & XV. Satis hucusque actum de prima actionum divisione; nunc de illarum formulis ac nominibus. Certum esse, inquit Tribonianus §. 14., non posse actorem suam rem ita ab aliquo petere, *Si paret, eum dare oportere*, in iure tuum dare proprie est dominium transferre; qua de re dictum ad §. 2. de inut. stip., et si Latini; & vel ipsi quandoque Jurisconsulti dare pro tradere usurpant, unde utendum dare, & pignori daret sed in his, aliisque exemplis ex eo, quod additur, germana verbi significatio mutatur. Quoniam igitur in rem actio datur domino, male is rem sibi dari postulat, quum quod nostrum est fieri nostrum amplius non possit, h. §., & §. sed si rem de leg., l. 14. §. 2. de exc. rei jud., l. non ut 159. de R. j. Actionis in rem formula erat, *Ajo rem illam esse meam*, actionis vero in personam, *Ajo, te mihi dare, facere oportere*. Verbum illud Tribonia-

(1) V. ad hunc Suetonii locum Janum a Costa ad h. §.

boniani, *Si paret*, ad Prætoris formulam pertinet, nam Prætor, ubi actio in rem erat, sic formulam dabat, *Si paret*, (h. e. appareat) *rem Cai esse, condemnari*; ubi autem actio in personam erat, sic, *Si paret*, *Lucium Cajo dare, facere, oportere, condemnari*; Brisson. de Form. p. 371. 372., & seq. Quod si vero verba, *si paret* &c. Prætoris erant, quibus datum iudicem adloquebatur, quare illa atori attribuit Tribonianus ibi, *Certum est, non posse actorem suam rem ita ab aliquo petere, si paret eum dare oportere*. Locum hunc sic accipe. Non ait Tribonianus, ea verborum formula actorem uti; sed ait, non posse actorem suam rem vindicare actione in personam: quod genus actionis designat iis verbis, *si paret* &c. more ab antiquis Jurisconsultis usurpato, consuevere enim nomina actionum fingere ex prioribus aliquot verbis ejus capitis, quo alicujus actionis formula præstabat. Hinc nomina illa actionum, interdictionumque *Quod metus causa*, *si certum petetur*, *Quorum bonorum*, *Unde vi* &c. Qua de re ex Pithæo ad Aul. Collat. LL. *Mofaicæ*, alibi diximus. At quo, inquires, spectant hæc sublati jam per Justinianum formulæ? Certe hæc tanti olim erant, ut si quis ita rem suam peteret, *Ajo, se mihi rem illam dare oportere*, causa caderet: sed alia post Justinianum fuit temporum ratio, ut hic Triboniani locus ad solam antiquitatis notitiam pertinere videatur; satis est enim atori, desiderium suum quibuslibet verbis exprimere, modo tamen Judici pateat. Sed, ut ad hunc §. redeamus; regulæ exceptionem addit Tribonianus in furibus, quorum odio effectum ait, ut ad hunc quoque modum agere liceat, eos dare oportere, l. 1. & *passim de cond. furt.* Beile Ulpianus l. ult. in fin. *usufr. quemad. cau.*, Nemo, inquit, *rem suam nisi furi condicere potest*. Verum, quid monstrat hoc, enim, qui dominus est, rei suæ dominium vindicare, quidem non est dominus, eum alienæ rei dominium transferre? Certe hic locus male habet interpretes, quorum opiniones collegit Bachovius de *Ab. disp.* 4. th. 20. Forsan autem aliquando verosimilior est opinio Accursii ad h. §., conditionem furtivam, si rem ipsam subieptam spectet, verbo quidem esse ad dandam comparatam, ræ tamen ad restituendum, sicque verbum *dare* in ea minus proprie sumi: atque hanc opinionem confirmare videtur Ulpianus in l. 29. de *V. O.* At verò si *dare* in conditione furtiva est restituere, male hanc tanquam ceterarum conditionum exceptionem proponit Tribonianus, quum verba in exceptione eodem sensu intelligenda sint, quo intelliguntur in regula. Verum exceptio in hoc est posita, quod conditione furtiva præstetur, quod præstari vindicatione tantum deberet. Furtiva res nostra est, eamque vindicamus dicendo, *rem esse nostram*, condicimus etiam dicendo, *furem dare oportere*, hoc est, rem nostram nobis restituere: sicque odio furum dominus, quod alii vindicatione solum possent, conditione etiam obtinet, & quidem uberiore effectum, de quo late ad §. ult. de *obl. qua ex delict.* V. Paul. *Busium subit. jur.* l. 4. c. 3. Atque hoc est, quod Tribonianus inquit h. §., esse id effectum odio furum; quo magis PLURIBUS actionibus teneantur. Quodque de furibus dictum est, id de iis etiam intelligendum, qui eodem jure censentur cum furibus, quales sunt inficiatores, l. 4. §. pen. de *reb. cred.* l. 13. §. ult. ff. de *positi*, raptores, ceterique violenti possessores, l. 2. in fin. & l. 2. de *cond. lit.*

§. XV. Nominibus quoque differunt actiones in rem & in personam: hæc *Conditiones*, illæ *Vindicationes*, seu *petitiones* dicuntur, V. dicta ad pr. h. s.

§. XVI.



§. XVI. usque ad XX. Terciam proponit §. 16. Tribonianus actionum partitionem, atque, nonnullas esse rei persequendæ gratia comparatas, nonnullas poenæ persequendæ, nonnullas demum mixtas esse. *Rei persequutionem continent*, inquit Jurisconsultus l. 31. de O. & A., quibus persequimur, quod ex patrimonio nobis abest. Abesse autem nobis ex patrimonio dicitur, siue quod nostrum est, & possidetur ab alio, siue quod a nobis abiit, restituendum est tamen, siue quod nobis ex contractu debetur, siue demum quod rei, quæ abest, æstimationem continet; cuiusmodi est æstimatio ex iurejurando in litem, l. 1. & 8. de in lit. jur. Hinc quænam sint actiones persequentioris poenæ, quænam mixtæ, facile est intelligere. Ita cum suo Donello Vinnius hic. Præstat dicere cum Hubero, a patrimonio nostro abesse, quod iure quidem in bonis nostris est, factio tamen & sita ab illo separatum est. Talia esse Huberus inquit vel nostra, vel nobis debita. Quæ vero debentur aut certa sunt, veluti corpora, certæque pecuniæ quantitates, aut incerta, veluti æstimatio, vel id quod interest. Rem persequuntur omnes in rem actiones, & fere omnes in personam, quæ ex contractu sunt, §. 17. b. s. Ait Tribonianus fere, eam hoc eodem §. unam ex contractu actionem excipit, quæ mixta est. Plane, inquit, si depositi agatur eo nomine, quod tumultus, incendii, ruina, naufragii causa depositum sit, aut cum herede ejus ex dolo ipsius agatur; quo casu mixta est actio. Adverbium plane exceptionis nota est. Sic in §. 14. conditionis futuræ exceptionem ea vocula designat, Plane odio furum &c. Mixtam esse nam actionem, patet ex Edicto Prætoris, Quod neque tumultus, neque incendii, neque ruina, neque naufragii causa depositum sit, in simplicem; eorum autem verum, qua supra comprehensa sunt, in ipsum in duplum, in heredem ejus, aut cum herede ejus factum esse dicitur, qui mortuus sit, in simplicem; quod ipsius in duplum judicium dabo, l. 1. §. 1. ff. de pos. Est autem hæc actio in duplum, si depositarius depositum inficiatur §. 26. infr. h. s. Edicti rationem elegantissime tradit Ulpianus d. l. 1. §. 3., Merito hæc causas exponendi separavit Prætor, quæ continent fortuitam causam depositionis ex necessario descendentes, non ex voluntate proficiscentes, quasi dicat, minus esse succuriendum ei, qui, quum nullo premeretur periculo, potuit sibi ne consulere fideliorem amicum deligendo, quam ei, qui in summa trepidatione, rem, ne periret, apud eum deposuit, quem primum fors obrulit. Accedit illud, quod aurius sit agendum cum eo, qui miserabile depositum dolo malo ejus factum esse dicitur, ac si in miserum, qui sublevandus est, per summum scelus delaviret. Quum quis fidem elegit, (verba sunt Ulpiani §. 4.) nec depositum reddidit, contentus esse debet simpli; quum vero extante periculo deponat, crescit perfidia crimen, & publica utilitas coercenda est, vindicanda Reip. causa, est enim inutile in causis hujusmodi (tumultus, incendii &c.) fidem frangere. Sed duo sunt in hoc Ulpiani loco, quæ interpretes torquent. Unum est illud, & publica utilitas coercenda est, vindicanda Reip. causa; quid est enim publicam utilitatem coercere? Ineptæ sunt & plane absurda quæcumque ad hæc Florentini Codicis lectionem tuendam a doctis viris adseruntur. Haloander legit, utilitas coercendo vindicanda. Cujacius ad l. 2. C. de fide; & jure iusta mavult, publica inutilitas coercendo; quo nomine eum carpit Robertus 1. recept. 12. V. Robert. 22. Animadv. 26., & Ant. Mercat. 2. Not. 26. Ego, quoniam Florentina lectio consistere non potest; vulgatam esse retinendam ajo, quæ sic habet, crescit perfidia crimen, & publica utilitate coercendum est vindicanda.

*causa Reip. causa*, publice enim interest, miserabile depositum inficiantes puniri. Alterum est illud, *est inutile in causis huiusmodi fidem frangere*, quid enim sonat *inutile*? Sunt qui legunt *inutile*. Sed omnes ferme Codices habent *inutile*. Duarenus. 1. *Disp. anniv.* 11. ait, quum leges utilitatis gratia scriptæ sint, ea, quæ utilitati repugnant, inutilia vocari. Hanc interpretationem auctoritate Græcorum confirmat Ferandus Adduensis. 1. *Explicat.* 18.; Græci enim, ut exemplo Pollucis patet *lib. 11. c. 30.*, *ἀνὴρ*, quod proprie est inutile, pro molesto & inconmodo usurpant; traditque Helychius, *ἀπὸ τοῦ* Græcis esse rem perniciosam. Ego quidem hanc expositionem probo, aſſo tamen, esse hunc Ulpiani locum ex numero eorum, quos ipsa interpretum subilitas difficiles fluxit, apertissima enim videtur mihi Ulpiani sententia. Ait is, perfidia crimen esse *publicæ utilitati* coercendum; continuo subdit, *inutile esse in causis huiusmodi fidem frangere*. Quis non videt, *inutile* utilitati publicæ opponi, & rem publicæ inutilem, ac perniciosam significare? Quæ magis digna prudente viro sententia, quam hæc, *Quod publicè inutile est publicæ utilitate coercendum*? Vidit hæc Franciscus Accursius, qui sic ad eum locum, *inutile hoc est, contra utilitatem, scilicet publicam*. Actio igitur, ut eo redeamus, unde me Ulpiani locus abduxit, quæ adversus depositum miserabile inficiantem datur, mixta est, nam & rem, quæ *simpliciter* dicitur, & tantumdem pro pœna persequitur. Apud Quintilianum (modo is sit libri auctor) *Declam.* 145. in eadem causa in quadruplam actio est: sed est id præter leges Romanas, quarum eâ super re hæc fuit fortuna. Decemviri omnem dolum depositarium dupli reum fecere *tab. 3.*: tanta fuit eo tempore in servanda depositi fide Romanorum religio; tultque hæc apud alias gentes forte major, & major proinde perfidia pœna: quod eruditè tradit eus. loc. Adduensis. Tum paulatim se se remittente Romanorum severitate, de miserabili tantum deposito id Prætor edixit *d. l. 1. §. 1.* Denique Jurisconsulti Prætorii juris interpretes in inficiantem duntaxat actionem in duplum dedere, in simplicem vero, si depositarius depositum confessus de rei tantum æstimatione contenderet *arg. l. 29. §. ult. ad L. Aquil.* Hæc de actionibus in rem, & in personam ex contractu. Actiones autem ex maleficiis proditiæ aliæ *pœna tantum persequenda causa comparata sunt*, (m) aliæ *tam pœna, quam rei persequenda*, & ob id mixtæ sunt, §. 18. h. 1. Furti actio ad pœnæ persequutionem pertinet, sive manifesti agatur, sive nec manifesti; conditio vero & vindictio ad rei recuperationem, quo fieri scribit Cajus *l. 34. de furt.*, ut recepta re salva quidem sit furti actio, vindictio vero & conditio tollatur. Pœnam quoque persequuntur, non rem, actio injuriarum *l. 7. §. 1. de injur.*, actio de albo corrupto, & de parente aut patrono non impetrata venia in jus vocato, de quibus actum, actio de calumniatoribus, & aliæ complures, quæ nihil aliud nisi pœnam, & vindictam, intendunt. Ac mixtæ sunt actio de vi bonorum raptorum in quadruplum, in quo triplum pœnæ, actio legis Aquiliæ de damno injuriæ sive in duplum, si damnum negetur, sive etiam in simplicem, qui enim injuriæ damnum dedit, quanti res damnum passa eo anno, aut 30. diebus proximis plu-

(m) *Addit. Hæc. aliæ rei, ut sit furtiva conditio comprehendatur. Sed quidam Obarenda, & plerique omnes Codices obstant.*

plurimi fuit, tantum domino dare damnatur, ut dictum ad tit. 1. §. 3. b. d. Mixtam quoque ait esse Tribonianus §. 19. actionem ex testamento in eos, qui relicta Sacrosanctis Ecclesiis, vel aliis venerabilibus locis, de quibus in tit. C. de Episc., & Cler., legati vel fideicommissi nomine, aut fuerint inficiati, aut dare distulerint usque adeo, ut etiam in iudicium vocarentur, est enim hæc actio in-duplum. Ne quis tamen miretur, quod hæc ex testamento actio mixta sit, quum tamen non ex maleficio sit, quales actiones mixtas esse, Tribonianus inquit §. 18., sed ex-quasi contractu. Nam in piorum locorum gratiam mora ipsa maleficio est.

§. XX. Aliud mixtarum actionum genus proponit l. §. Tribonianus, nempe earum, quæ tam in rem sunt, quam in personam. Tres ejus generis actiones recenset, actionem familiæ ereiscundæ, quæ coheredibus competit de dividenda hereditate, actionem communi dividundo, quæ inter eos redditur, inter quos aliquid commune est, ut id dividatur, item finium regundorum actionem, quæ inter eos agitur, qui confines agros habent. Has mixtas esse tam in rem, quam in personam, Romani Infrascripti non obscure tradiderunt. *Familia ereiscunda iudicium*, scribit Ulpianus l. 22. §. 4. *fam. ereisc.*, ex duabus constat, id est, rebus, atque præstationibus, quæ sunt personales actiones. Idem Ulpianus l. 4. §. 3. *com. div.*, Sicut ipsius rei divisio venit in communi dividundo iudicio, ita etiam præstationes veniunt. Sic Paulus de finium regundorum iudicio l. 4. *pr.*, & §. 1. *fin. reg.*, Sed & loci unius controversia in partes scindi ad iudicationibus potest, prout cuiusque dominium in eo loco iudex compererit. In iudicio finium regundorum etiam ejus variatio fit, quod interest, quid enim si quis aliquam utilitatem ex eo loco percepit, quem vicini esse appareat, inique damnatur eo nomine fiet? Idem de hereditatis petitione, quæ huc pertinet, Ulpianus l. 25. §. 18. *de her. pet.*, Petito hereditatis, etsi in rem actio sit, habet tamen præstationes quasdam personales. Præstationes personales in familiæ ereiscundæ iudicio sunt impensæ, si quas impensas in rem hereditariam fecimus, fructus a coherede solo ex hereditario fundo percepti, & res hereditaria corrupta, vel consumpta, §. si familia infra de off. judic. In actione communi dividundo sunt impensæ in rem communem factæ, quas nobis præstare adversarius debet. In finium regundorum iudicio sunt, quod ex nostris finibus adversarius percepit, quodque in agrimensorem impendimus, l. 4. §. 1. *fin. reg.* Denique in hereditatis petitione sunt, quæ a debitoribus exacta sunt, & rerum dividendarum præcia, d. l. 29. Tribonianus h. §. petitionem hereditatis omisit: sed eam addidit Cujacius, sicque quadrigam, ut ipse loquitur ad tit. C. fin. regund., mixtarum actionum constituit. Quadrigam hanc *Infelicem* appellat Faber *de cad. 94. rr. 4.*, ejusque hac super re hæc est sententia. Scripserat is 10. *Conject. 10.*, actiones familiæ ereiscundæ, communi dividundo, & finium regundorum non posse eo sensu mixtas dici, quod tam in rem sit, quam in personam, ut h. §. scriptum est: sed ob id potius, quod in his uterque ex litigatoribus duplicem personam sustineat & actoris & rei, l. in tribus 13. de iudic., l. iudicium 10. fin. regund., l. inter coheredes 44. §. qui familia, ff. fam. ereisc., l. 2. §. 1. *com. divd.*, l. 37. §. mixta, de o. & A. Atque huc retulit verba illa Triboniani h. §., in quibus tribus iudiciis permittitur iudici rem alicui ex litigatoribus ex bono & aequo adjudicare: & si unius pars prægravari videbitur, eum invicem certa pecunia alteri condemnare. Ex quibus patet, utrumque ex litigatoribus, quatenus ei adjudicatio sit, actorem esse, reum vero, quatenus con-

demnatur. Hæc fecerunt, ut Faber verba illa *sam in rem, quam in personam* induceret tanquam glossema imperitii alicujus interpretis. Hauc eandem sententiam probavit *dec. 94. cr. 3.* Sed non retinuit tamen omnia, quæ in libris Conjecturarum tradiderat; nam *d. c. 101.* generaliter scripserat, nullas esse actiones mixtas in rem, & in personam, quum quia actiones omnes aut contra eum dantur, qui aliquo modo sit obligatus, sicque in personam sunt, aut contra eum, qui nullo modo sit obligatus, sicque in rem sunt; tum quoniam qui agit vel adversarium dare facere oportere intendit, quod actionum in personam ingenium est, vel rem esse suam, quod est ingenium actionum in rem: quæ duo dilemmata ex contradictoriis constant, ut conjectaneum sit illud, omnem actionem aut in personam tantum esse, aut tantum in rem. At *dec. 94. cr. 3.* scripsit, solam hereditatis petitionem eo sensu mixtam dici posse, quod in rem sit, & in personam; idque ex eo nasci, quod hereditatis petitio universalis actio in rem sit; quæ facile potest personales præstationes habere, quemadmodum facile possunt specialia universalibus inesse. Hæc Faber. Verum hæc tanti apud plerisque interpretum non fuisse, ut à communi opinione discederent; nam diserte hoc §. scriptum est, eas actiones mixtas videri *sam in rem, quam in personam*; quæ verba si quis velit contra omnium Codicum fidem expungere, facit sane is impudenter, & vero etiam stulte, nam Ulpianus *l. 22. §. 4. sam. et cise.*, & *l. 4. §. 3. com. div.*, & Paulus *l. 4. princ.*, & *§. 1. fin. reg. apertissime* tradunt, hanc esse ejus mixturæ rationem, quod in eas actiones & res ipsa, & personales præstationes veniant. Nec duo illa Fabri dilemmata quidquam obcurrere, inquit Bachovius *disp. 2. de act. n. 3.*; nam contradictorium quidem est una eademque actione intendere adversarium obligatum, & non obligatum esse, remque nostram, & non nostram esse, modo tamen ea actio unam eandemque causam habeat, atque unam eandemque rem spectet: quod si duplicem habeat causam, resque diversas habeat propositas, id certe contradictorium non est. Habent igitur hæ actiones duplex objectum, & duplicem quoque causam, dominium & obligationem. Ita Bachovius. Sed duo illa obstant Bachovio, unum, quod si in una actione duæ distinctæ causæ concurrerent, duæ etiam esse deberent actiones, non una: alterum, quod ita omnes mixtæ actiones atque in rem essent, atque in personam: quod certe falsum est, nam una earum in rem est, non in personam, licet personales præstationes admixtas habeat, ceteræ in personam sunt, non in rem, licet in quibusdam rei vindicationis loco sint. Et vero hereditatis petitio in rem est: quod & ipsum *petitionis* nomen satis prodit, & clare tradit Ulp. *d. l. 25.* *Petitio hereditatis est in rem actio si, habet tamen præstationes quasdam personales.* Contra *actio finium regundorum in personam est*, inquit Paulus *d. l. 1. fin. reg.*, licet pro rei vindicatione sit. Actiones etiam familiaræ exciscundæ, & communi dividundo sunt certe in personam, utpote quæ ex quasi contractu nascuntur, §. *item si inter aliquas, Inst. de obl.*, quæ ex quasi contractu, ut non immerito Cujacium eo nomine reprehendat Faber *cr. 4.*, quod mixtas actiones plerumque magis in rem esse scripserit, quam in personam. Ego ut per omnia Fabri sententiam non laudo, sic Bachovii opinionem non probō. Mixtæ actiones tam in rem, quam in personam proprie nullæ sunt, quum id in jure nostro sit instar nostri: haud tamen audeo verba illa abs Triboniano adjudicare, *sam in rem, quam in personam*, maxime quum non dicat is, actiones illas mixtas esse tam in rem, quam in personam, sed mixtas videri: quod

jam Donellus animadvertit. Proprie una in rem est, ut dixi, ceteræ in personam, sicque constat summa illa actionum divisio, quam initio Tribonianus proposuit, vel in rem, vel in personam. Videatur autem quatuor illæ actiones mixtam causam habere non origine, sed effectu. Sic qui hereditatem petit, certe in rem agit, estque actionis causa dominium: effectu tamen videtur hæc actio mixtam causam obtinere, quia in eam veniunt præstationes personales: verum, quod est necessario monendum, non considerantur præstationes hæc tanquam ex jure ad rem, sive ex obligatione profectæ, sed quia per se veniunt in hereditatis petitionem, l. 16. §. 1. de her. pet. Hinc a debitor hereditario quasi a jure possessoribus posse hereditatem peti, ait Ulp. l. 14. cod. tit. & nihil referre, utrum ex delicto, an ex contractu debitor sit; quasi dicat, non spectari causam singularum præstationum, nec peti debita hereditaria tanquam ab obligato, sed tanquam a possessore: quod perinde est ac dicere, præstationes personales non esse ex obligatione, quum corti juris sit, actiones ex obligatione in reum competerere tanquam obligatum, non tanquam possessorem. Sic etiam qui fines regi postulat, agit is in personam: effectu tamen videtur vindicare, quia pars fundi a vicino motis finibus subducta ei restituitur, quasi fundum vindicasset: proprie tamen non vindicat. V. Huber. hic.

§. XXI. ultique ad XXVII. Tertia Actionum divisio hæc est, ut omnes actiones vel in simplum conceptæ sint, vel in duplum, vel in triplum, vel in quadruplum, ita ut ulterius nulla actio extendatur, §. 21. h. t. Quod intelligendum de quadruplo rei universæ, non ejus tantum rei, quæ damnum dedit; nam de reliquo si quis clavum a navi abstulit, ut naufragium fieret, cautum est S. C. Claudianis temporibus factum, ut is omnium rerum nomine generetur, l. 3. ult. de incend. ruin. Si servus heres non dum adita hereditate occisus sit, etiam hereditarie æstimationem fieri, traditum est l. inde Neratius 23. in princ. ad L. Aquil. (n) Conciuntur in simplum, quum id, quod mihi debetur, persequor, præterea nihil, cujusmodi sunt actiones ex stipulatione, ex mutuo, ex empto vendito, ex locato conducto, mandato, & aliis compluribus causis, §. 22. h. t. In duplum concipiuntur actiones furti nec manifesti, in qua actione duplum est poena, ut diximus, damni injuriæ ex l. Aquilia; si quis damnum datum neget, ut dictum, depositi ex quatuor tantum exceptis causis, servi corrupti, quæ actio in eum datur, cujus hortatu consiliove servus alienus fugerit, aut contumax adversus dominum factus sit, aut luxuriose vivere coeperit, aut quolibet alio modo deterior factus sit; ita tamen ut earum etiam rerum, quas fugiendo abstulit servus, æstimatio deducatur; & demum ex legato, quod venerabilibus locis relictum est, ut supra diximus §. 23. h. t. Illud hic moneo, de filiofamilias corrupto non æque actionem fuisse proditam, quum quia corrupto filio non patrimonium minuitur, sed honor potius, & dignitas familiaris, tum quoniam non putavit Prætor, parem facile familiaris dedecus proditurum. Quod si pater vellet agere, utilis actio a Senatû consulti concessa est, l. 14. §. 1. de serv. corrupt. Conciuntur in triplum actio adversus eum, qui majorem vera æstimatione quantitatem in libel-

(n) Prætores olim multas usque ad obitum Edictis suis proposuisse; liquet Edicto C. Verris in Decumanos, qui plus ab aratoribus exegerant; de quo Tullius lib. 3. in Ver.

libello conventionis inferuit, ut ex hac causa viatores ampliore summam sportularum nomine exigerent, §. 24. h. t., ubi viatores (o) sunt litium exequutores; sportulæ autem viatorum salaria. (p) Finge, viatori singulos in centenos aureos deberi, meque centum Titio debere, Titium vero mille petere, ut de viatori decem. In hac specie competit mihi adversus Titium condictio (q) ex lege, qua damnum mihi datum persequor in triplum, Con-

(o) Viatores olim dicti, qui Magistratibus aderant, eorumque mandata exequabantur, quum enim antiquis temporibus proceres morarentur in agris, assensuque e villis ad Consilium arcessendi, qui eos evocabant, Viatores dictos, scribit in Prasat. Columella. Idem habes Tullius de Senect. c. 16. Tum Viatores appellati, qui reos convenirent, sibi reosque apud iudices, causasque instructas offerrent, & ut Anastasius loquitur l. 12. de proxim. sacro. scribo quibus IMMINENDI litibus sollicitudo in iuncta est, ita enim eo loco legendum, non minuendi, aut in minuendis.

(p) Sportula a sporta. Initio sportula Romanis dictum, quod in sportulam coniectum clientibus dabatur loco cæna recte, de qua Marcialis 8. ep. 10., & Suet. Aug. c. 74. De ea sportula Juvenalis sat. 3. v. 249.

Noone vides, quanto celebretur sportula fumo?

Quandoque numus pro sportula, hoc est, quadrantes centum, qui proinde sportula dicebantur. Marcialis 1. ep. 60.

Dat Bajana mihi quadrantes sportula centum.

Sportula etiam dicti denarii, quos virilem togam sumentes, nuptias facientes, magistratum inuentes, vel opus publicum dedicantes dabant. Plin. 10. ep. 117. & 118. Papinianus l. s. v. de decur. Vetus inscriptio apud Tabernum ad Cujac. parat. Cod. de sport. Ob dedicationem statuz Decurionibus, & Seviris, & juventuti sportulas, & populo epulum, & oleum eadem die dedit. Hinc sportula in generale nomen evasis, quo salaria, congraria, diaria, honoraria omnia significabantur, quæ & Clericis pro victu dari solita, scribit Cyprianus lib. 4. ep. 5., & pedariis iudicibus Imperator Nov. 82. c. 9. quæque actor & reus initio litis deponere solent, vel iudici cessura, si alteruter in iudicio succumberet: quæ de re ex Aristophanis Scholiaste Alciatus 3. Dispunct. 17. Hoc §. sportule sunt viatorum salaria, ut & in l. omnes 33. §. 5. C. de Episc. & Cler., d. l. 12. C. de proxim. sacro. scribo, & l. ult. C. de fruct. & lit. exp., & Nov. 82. c. 1. pr. Ha pro modo quantitatis libello expressa estimabantur. At vero actor plus petente, si quid supra debitum sportularum modum exigeretur, in eum competit Constitutio Justiniani alio in triplum, quod tamen id ipsum continet, quod non jure exactum est. Occasionem Constitutioni Justinianæ dedit Constitutio Zenonis, qua sublato jure veteri, de quo infra ad §. 33., ansa actoribus data plus æquo in libellis petendi.

(q) In fine hujus §. vulgata habet, Quam procul dubio certum est ex lege condictionem emanare, quam lesionem ut evitentur nonnulli, verba hæc referunt ad legem quandam condictionem de condictione, h. e. denunciatione litis, qua Aurelio Victore relato Marcum habuit auctorem: ad eundemque sensum explicanda verba sequentis §. de actione in quadruplum adversus Viatores, item ex lege condictionis nostra constitutio oritur &c. Ita etiam ha-

bet



Condictio, inquam, ex lege, puta ex Græca Constitutione Justiniani, quæ temporum injuria periit; omnes enim actiones, quæ ex novis constitutionibus dantur sine suo nomine *Conditiones ex lege* appellantur, l. unic. de condit. ex lege. In quadruplum sunt actiones quatuor, actio furti manifesti, de qua supra; actio, quod metus causa in eum, qui lucrum sensit ex eo, quod metus agentis inlatus est, l. item si hac exceptione, §. in hac actione, ff. quod metus causa. Actio in factum in calumniatores, nempe eos, qui pecuniam acceperunt, ut negotium alicui facerent, l. 1. de calumn. & condictio ex lege in viatorem, qui majores æquo sportulas a reis accepit, §. 25. h. t. Illud proprium est actionis de eo, quod metus causa, quod reus pœnam quadrupli evadit, si ante sententiam arbitrio judicis rem vi aut metu ablata reddat, est enim hæc actio arbitraria, d. l. item si, cit. §. quod metus causa; §. 27. h. t.

§. XXVIII. usque ad XXX. Quarta actionum divisio est, ut aliæ sint bonæ fidei, aliæ stricti juris. Hujus partitionis origo est a partitione contractuum in contractus bonæ fidei, & stricti juris repetenda. Nullum quidem negotium est, a quo bona fides abesse possit, l. 59. §. 1. ff. mandat. & at sunt tamen contractus nonnulli, quos ex bona fide descendere, inquit Paulus 2. sent. 17; quibusque bonam fidem inesse, scribit Ulpianus l. 152. §. ult. de R. J., hoc est, in quibus maxime bona fides exigitur, ut loquuntur Diocletianus, & Maxim. l. 5. C. de resc. vend.; cuius rei duo sunt consecutanea, alterum, ut si dolo fiant, ipso jure sint nulli, d. l. 5., & l. 3. §. ult. pro soc.; alterum, ut mutuas præstationes etiam non expressas ex ipsius negotii natura, quantum bona fides patitur, admittant. Contra sunt aliæ contractus, quibus non adeo inest bona fides, ut dolo vitentur, l. 6. eleganter, ff. de dol., vel præstationes præter discrete expressas admittant, l. 12. de donat. Contractus, qui consensu solo constant, & utrinque obligant, quod proprium videtur obligationis ingenium, ex bona fide potius, & ex tacita contrahentium voluntate æstimantur, quam ex lege expressa contrahentium ex adverso magis ex eo, quod expressum est, quam ex bona interpretatione æstimantur contractus, qui vel ex re data, vel ex literis, vel ex verbis substantiam capiunt, & ex uno tantum latere obligant, quo nomine minus proprie contractus appellantur, l. Labeo, de V. S., nam propius illi, quam hi ad naturalem simplicitatem accedunt, unde illi bonæ fidei, hi stricti juris contractus dicuntur. Hinc ortæ actiones bonæ fidei, & stricti juris. Bonæ fidei actiones sunt, in quibus iudex ex bono & æquo æstimat, quantum alter alteri præter expressum dare præstare teneatur. Stricti juris sunt, in quibus iudex conventionis terminos, formulamque Prætoris ita debet servare, ut ultra arbitrari non possit. Atque hoc est, quod Tullius inquit pro Rosc. 4. ad libellam adjudicare, id est, ut Turnebus 29. Advers. 36., ad teruntium. Hinc bonæ fidei actiones dixit olim arbitria, quod nomen

bet Tigurinus liber. Sed contra Tigurinum, & alios plerosque Codices, locum hunc ex ingenio suo sic restituit Hotomanus, Ex qua dubio procul est, ex lege condictitiam (i. e. conditionem) emanare. Id etiam probavit editio sua an. 1534. Robertus Isephanus, & manuscriptorum testimonio probatur Continus, Cujacius, Charondas, & alii. Ita quoque restituendus locus §. seq. maxime quum eadem sit ejus loci sententia in quibusdam Charonda, & Marcellii Membranis.

eo sensu sepiissime apud Tullium occurrit, actiones vero stricti juris *iudicia*. Facit locus Ciceronis pro Rosc. 4., *Judicium est pecunia certa, arbitrium incerta*. Ad iudicium hoc modo venimus, ut eorum litem obtineamus, aut amittamus: ad arbitrium hoc animo adimus, ut neque nihil, neque tantum, quantum postulavimus, consequamur. Ejus rei ipsa verba formula testimonio sunt. In iudiciis enim stricti juris actor rem certam sine ulla interpretationis formula exprimebat, ad eundemque modum formulam suam Prætor dabat: in iudiciis autem bonæ fidei rem incertam arbitrio iudicis determinandam adjecta una ex illis formulis, **EX BONA FIDE, UT ÆQUIUS MELIUS, UT INTER BONOS AGIER OPORTET.** Cic. 3. de Off. 15. & pro Rosc. Sed non fuisse promiscuum harum formularum usum, trudere videtur Tullius de Off. Reliquorum iudiciorum hæc verba maxime excellunt, in arbitrio rei uxoria, *melius æquius in fiducia* & inter bonos bene agier. Meminit Valerius Max. lib. 8. c. 2. n. 1. formulæ, **QUIDQUID SIBI DARE FACERE OPORTERET EX FIDE BONA.** Hinc opponuntur apud Senecam lib. 2. de Clement. 1., *liberum arbitrium habere, & sub formula iudicare.* Hoc sensu actiones bonæ fidei, & stricti juris dicuntur, quod non intelligens Amelius hanc actionum divisionem reprehendit, l. 5. de Conscient. c. 42. n. 12. Huiusmodi sunt ex emto vendico, locato conducto, negotiorum gestorum, mandati, depositi, pro socio, tutelæ, commodati, pignoratitia, familiaris ecclesiastica, communi dividundo, præscriptis verbis, & hereditatis petitio, §. 28. h. t. Duobus autem casibus actio præscriptis verbis bonæ fidei est, quum vel de æstimato proponitur, vel ex permutatione competit, §. 28. De æstimato quum ea lege rem alicui trado, ut eam vendat, & æstimationem hanc, vel illam solvat, aut, si vendere non possit, rem ipsam reddat. Hoc negotium civile est l. 1. de æstimatoria; sed quoniam nomen suum non habet, hæc actio ex eo neque nomen habet, atque actio præscriptis verbis appellatur, ut quæcumque actio ex contractu, qui nomine caret, descendens, præscriptis verbis dicitur, d. l. 1. de æstimatoria. Ex permutatione competit hæc actio, si rem meam cum tua muto, eaque non ago, ut, quod accepisti, reddas, sed ut damneris mihi, quanti mea refert, illud, de quo convenit, accipere l. 5. de præscript. verb. His bonæ fidei actionibus accedit actio ex stipulatu, sed eo tantum casu, quum de dote stipulatio est interposita, de reliquo enim stricti juris est. Bonæ, inquam, fidei, nam successit in locum actionis rei uxoriæ, quæ bonæ fidei erat, l. unie. Cod. de rei uxoria act. (r) Datur autem hæc actio ex stipulatu ad repetendam dotem, etiam si vera stipulatio interposita non sit, d. l. unie., habetque hæc actio hypothecam tacitam, qua mulier, si ipsa experiatur, cæteris mariti creditoribus præfertur, §. 29. h. t. Idemque liberis heredibus indulgetur, V. Novel. 91. (f) Denique actio bonæ fidei est hereditatis petitio, de

(r) Minus latine Salmasius hanc actionem re uxoria dixit testimonio Glossarum Nemicorum, & Suide. Antiqui Codices Menagii, & Brodei in l. un. C. de rei ux. act., & hoc loco habens rei uxoriæ, Fabro teste ad Cujac. parat. C. l. 5. tit. 13. Accedit testimonium Tullii jam in commentario descriptum ex lib. 3. de Off. c. 15. Græci illi sæpe in latino sermone offenserunt.

(f) In fine §. 29. legitur, Præferri autem aliis creditoribus in hypothecis tum censuimus, quum ipsa mulier de dote sua experiatur, cuius fortius.



de quo tamen diu a veteribus disputatum, arguit hic §. & Justiniani Constitutio in l. ult. C. de pet. her. Quumque nonnulli eam bonæ fidei esse negarent, quod in rem esset, sicque nullum contineret negotium mutuo gestum, contra affirmarent nonnulli, quod multas personales præstationes haberet, ut a nobis dictum ad §. 20. h. tit., Justinianus posteriorem hanc sententiam, quæ jam antea receptor erat arg. l. 38. ff. eod., Constitutione sua confirmavit. Cæteræ actiones sunt stricti juris, Tribonianus eum in hunc locum omnes conjecit, ut, quæ sunt omittæ, nisi arbitrariæ sint, stricti juris esse intelligantur. Et quidem non ait is, *Bonæ fidei sunt hæc* (VELUTI) *ex emto vendito* &c. quem loquendi morem usurpat, quum aliqua exempli loco esse vult; sed definite ait, *Bonæ fidei sunt hæc, ex emto vendito* &c. Hinc, quoniam is duo illa bonæ fidei judicia expressit, *familia ercifundæ, & communi dividundo*, tertium vero illud omisit, quod judicium finium regendorum dicitur, quodque duobus illis addi passim solet, duo quidem illa bonæ fidei, tertium stricti juris esse, affirmandum est. Cujus rei ratio non obscura. Duo illa ex quasi contractu sunt, & commune negotium continent, proximèque ad societatem accedunt, l. 4. §. si quis 3. ff. commun. divid.: tertium non est ex quasi contractu, unde inter obligationes ex quasi contractu ea obligatio non recensetur, tit. Inst. de oblig. quæ quasi ex contractu, imo ex maleficio potius est, aut quasi maleficio, & tantum abest, ut negotium communiter gestum continere videatur, ut solus is, in quem agitur, negotium suum gessisse dicendus sit. Sic, quoniam Tribonianus duplici tantum casu actionem præscriptis verbis bonæ fidei esse voluit, eam certe in aliis excepit. Plane ubi post multam dubitationem, de qua Ulpianus l. 7. §. 2. de pass., tandem placuit, ut conventiones illæ, quæ in suo nomine fiunt, ut Ulp. loquitur §. 1., hoc est, quæ proprio nomine defistunt generali conventionum nomine appellentur, civilia negotia essent, civilemque parerent actionem, dubitatum de eo fuit, quum actiones præscriptis verbis ex inominatis contractibus competentes bonæ fidei essent. Et quamquam affirmandum videretur ea ratione, quod inominati contractus locationi, & mandato, qui sunt bonæ fidei, similes essent, tamen id non nisi duplici eo casu affirmarunt Jurisconsulti, forte quia in aliis minus ad vitam utiles viti sunt; publica enim commerciorum utilitas judicia quædam bonæ fidei esse iussit. Apposite Cicero 3. de Off. 17. scribit, *fidei bona nomen manare latissime, & versari in tutelis, facietatibus, fiduciis, mandatis, rebus emtis, venditis, locatis, conductis, quibus vite societate continetur.* Ait quidem Ulpianus l. 2. §. 2. de precar., præscriptis verbis actionem de precario ex bona fide oriri. Verum id non est, actionem bonæ fidei esse, neque ea actio bonæ fidei esse potest, quum precarium donationi propius sit, quam commodato; verum est enim, quod Pufendorfus tradit l. 5. c. 2. §. 8., onerosos contractus bonæ fidei esse, beneficos stricti juris. Ulpiani sententia hæc est, actionem præscriptis verbis de precario magis ex bono & æquo esse, tacitoque negotio contractio, est enim natura æquum;

lius providentia hoc induximus. Tò solius male Theophilus ad dotem, non ad donationem propter nuptias revolvit ex sententia l. assiduis, C. qui potior. in pign. Quia enim non videt, Triboniani mentem hanc esse, solam mulierem, non alios de dote agentes, præferri V. Jan. a Costa hic.

Lib. IV.

N

agnum, ad rem Ulpianus ibidem, *tandem te liberalitate mea uti, quamdiu ego velim*; sicut conditiones, de quibus lib. 12. *Pandectarum tractatur*, omnes magis sunt ex bono & æquo tacitoque contractu, quam ex negotio gesto. Ita Cujacius 4. *Obs.* 7. Discrimina inter bonæ fidei & stricti juris actiones hæc sunt, primum, ut, si debita cum mora solvantur, in bonæ fidei contractibus ex mora uluræ debeantur, secus in iudiciis stricti juris, l. *mora* 32. §. *in bona, de usur.* l. 2. *Cod. de positi*, l. 3. *Cod. de usur.*; secundum, ut si ad contractus bonæ fidei mala fides initio accedat, pro non factis habeantur, ut est exemplum in emptione l. 1. *Cod. de rescind. vend.*; secus in contractibus stricti juris, nam stipulatio mala fide facta stipulatio est, nec nisi exceptione excluditur, l. 36. *de V. O.*; tertium, ut in iudiciis bonæ fidei iudex compensationis rationem habere possit, nam compensatio ex bono & æquo originem trahit, l. *etiampi, l. neque scriptum, Cod. de compens.* Si quid igitur invicem actor reo præstare debet, eo compensato in reliquum iudex reum condemnabit. Quod facit ad actiones stricti juris, olim compensatio locum non habebat. Sed postea D. Marcus in his etiam compensationem admisit, opposita doli mali exceptione. Tandem Justinianus post Jurisconsultos, & Severum hoc et Alexandrum Imp. generaliter in omnibus actionibus compensationem probavit, dummodo aperto jure niteretur, l. *fin. Cod. de compens.*, & §. 30. h. tit., quem his verbis claudii Tribonianus, *Excepta sola depositi actione, cui aliquid compensationis nomine opponi, fas est impium credidimus, ne sub prætextu compensationis depositarum rerum quis exactione defraudetur*. Quibus verbis consonant verba d. l. ult. C. *de compens.*, *Excepta actione depositi secundum nostram sanctionem*. Sed duo sunt in Triboniano reprehendenda. Unum est, quod is depositi exceptionem Imperatori suo tanquam auctori attribuat, quum tamen ante Justinianum Paulus 2. *sent.* 12. diserte scribat, *In causa depositi compensationis locus non est, sed res ipsa reddenda est*; & ante Paulum Seneca 6. *de Benef.* *Separantur actiones, & de eo, quod agimus, de eodem nobiscum agitur. Confunditur formula, si qui apud me pecuniam deposueris, idem mihi postea furtum feceris, & ego cum illo furti agam, & illo mecum depositi. Lex legi non miscetur, utraque sua via habet actionem propriam, tam mehercule quam depositum, quam furtum, ubi legem legi non misceri, & utramque sua via habere actionem propriam perinde est ac furtum depositum non pensari, ut bene Rævardus 1. *Var.* 11. Alterum est, quod Tribonianus §. 30. *sola* depositi actionem excipiat; Justinianus vero in d. l. ult. *excepta depositi actione addat, possessionem alienam perperam occupantibus compensationem non dari*. Sed potest aliqua pro Triboniano adferri causa. Quod sæpe Justinianus constituisse se dicit, quod jam ante ipsum fuerat jure cautum, id est ex more veterum: de quo fule in peculiari Dissertatione nostra ad Constantinum in l. 9. *Cod. de test.* V. etiam Noodt ad tit. ff. *de compens.* p. 359. Quod vero Tribonianus h. §. voculam illam *sola*, quam laxativam dicunt, apponit, id explicat Gerardus Noodt ibid. ex illo Virgilii 1. *Georg.* 29.*

*An Deus immensi venias maris, & tua nauta*

*Numina sola colant.*

Ubi Servius sola interpretatur præcipua, possima. Ad eandem sententiam Alexander in l. 1. C. *de bon. poss. contr. tab. quom. Præf. lib. pol.*, *Liberi contra tabulas parentum bonorum possessione admissa, SOLIS parentibus & liberis legata præstare secundum Edictum debent*; exploratissimum est enim, debere etiam uxori, & puri dotis omni-

nomine legatum ex Edicto præstari. Ita Diocletianus & Maxim. l. 11. C. de oper. libert. ajunt, manumissos patronorum filiis solam reverentiam debere; nam & operas præterea debent, l. 5. C. 7. §. 6. de oper. libert. Solam igitur depositi actionem excipere est præcipue illam excipere. Interdum voces, quas dicunt *saxation*, similes species non excludunt. V. Cujac. paras. C. de annal. except. Sunt alia multa inter utramque actionum speciem discrimina, quæ nemo dilucidius doctusque enarravit, quam Vinnius ad h. §. Addam hic illud, quum dicimus, actionem aliquam stricti juris esse, nomen *juris* non *legem* significare, quod opinati sunt post Theophilum nonnulli, ita ut debeat iudex in stricti juris judicio nisi summum & strictum sequi; nam in omnibus placuit, præcipuam esse justitiæ & æquitatis, quam stricti juris rationem, l. placuit, C. de judic.; sed potestatem hincinicare, ita ut in stricti juris judicio adstricta formulæ esse debeat potestas judicis, non libera, ut in bonæ fidei judicio, nam, ut dictum, in actionibus stricti juris olim iudex secundum formulam a Prætoribus datam, in bonæ fidei judiciis ex bono & æquo judicabat.

§. XXXI. & XXXII. Sequuntur actiones arbitrarie, quæ num propria actionum species sunt, an ad actiones stricti juris accedant, quæ ex causa adventitiæ arbitrarie sunt, disputatum est ab Interpretibus (r). Illud certum est, eas esse actiones arbitrarie, mota ex quibus judicia ex arbitrio judicis dependent. Hujusmodi sunt vel in rem, ut Publiciana, Serviana, quasi Serviana; vel in personam, ut actio de eo, quod metus causa, aut dolo malo factum est, actio de eo, quod certo loco promissum est, actio ad exhibendum, & alie, in quibus iudex de bono & æquo judicabit. Hoc est ex arbitrio judicis dependere, quod Tribonianus initio §. scribit. At vero Antonius Faber dec. 39. cr. 4. non esse existimandum inquit, arbitrarie actiones sic dictas esse, quod in iis arbitrio judicis fiat condemnatio ex bono & æquo, licet ita videatur sensisse h. §. Tribonianus; sed quia nisi judicis arbitrium præcedat, fieri ex iis condemnatio non potest, neque aliter quam si reus arbitrio parere noluisset: quod idem his verbis comprehendit Tribonianus.

(r) Ego, quoniam a longioribus disputationibus in his Commentariis abhorreo, paucis, quid sentiam, aperio. Ipse cum iis sentio, qui arbitrarie actiones inter bonæ fidei & stricti juris actiones medias faciunt, quum quia Tribonianus initium huic §. facit ex adverbio præterea, quod rem a rebus antea enarratis præfusus aliam notat; tum quoniam Marcianus l. 5. de in lit. jur. inquit, In actionibus in rem, & in ad exhibendum, & in bonæ fidei judiciis in litem juratur, unde patet, actionem ad exhibendum bonæ fidei non esse: deinde addit, Plane interdum & in actione stricti iudicii in litem jurandum est, unde etiam patet, actionem ad exhibendum stricti juris non esse: actiones autem in rem, & ad exhibendum arbitrarie sunt. Facis quoque locus Papiniani l. 2. §. 1. de usur. Tria illa actionum genera Prætor formulis distinguebat, nam in judiciis bonæ fidei agebat, Si paret, Titium dare facere oportere; tum ex bonæ fidei, vel, ut æquius melius, condemnata eum Iudex. In judiciis stricti juris formulas illas, ex bonâ fidei, vel, ut æquius melius emittebat. Denique ubi arbitrarie actiones intendebantur, ante condemnationem arbitrii formulam iniebat sic, Si paret &c. nisi arbitrio tuo satisfaciatur, condemna eum Iudex.

bonianus, In quibus nisi arbitrio iudicis sit, cum quo agitur, actori satisfaciat, veluti rem restituat, vel exhibeat, vel solvat, vel ex noxali causa servum dedat, condemnari debeat. Verum non omnium arbitrariorum actionum natura hæc est. Sunt enim nonnullæ, in quibus tota condemnatio ex arbitrio iudicis dependet, etiam si Tribonianus h. s., & Theophilus id arbitrariorum actionum genus ignorasse videantur. Talis est actio de eo, quod certo loco sive ex causa stipulationis, sive ex lege testatoris, sive ex pecuniæ mutui conditione, l. 1. §. 6. de eo, quod cert. loc.; si enim alibi agatur, iudex arbitrio suo æstimabit, quanti interfit certo loco non solvi, ita ut si rei interest, minoris fiat pecunia condemnatio, quam intentatum esse si actoris, majoris pecunia fiat, l. 2. eod., & l. un. C. ubi conv. qui cert. loc. Duas hæc arbitrariorum actionum species rejectis quibusdam veterum distinctionibus perbelle proponit Bachovius disp. 7. de Act. n. 3. Hinc habes perfectam earum definitionem, Arbitrariæ sunt vel in quibus arbitrium, seu iussus iudicis definitivam sententiam præcedit, ita ut usq. reus restituat, omnino condemnetur, vel in quibus nullo præcedente iussu iudex una sententia negotium ex æquo & bono definit; ita ut tota condemnatio ex ejus arbitrio dependeat. Nunc quædam pauca de arbitrariis exempli causa in hunc §. collatis. Primum illud mirari quis jure potest, quod nullum civilis actionis exemplum adferatur. Num arbitrariæ omnes Prætoricæ sunt? Sic visum nonnullis, quos bene rejicit Ant. Faber dec. 89. err. 5. Ut alia desint argumenta, certe luculentissimo testimonio est civilis vindicationis formula apud Cic. 4. in Ver., Si paret, rem, de qua agitur, tui esse, & ea res arbitrio tuo non restituatur, iudex condemna. Deinde Triboniani inficiam miratur Faber, quod arbitrariis noxalem accenseat, quæ arbitrariæ nullo modo esse potest, quum in ea neque condemnatio in arbitrium iudicis conferatur, neque arbitrium ullum condemnationem præcedat, sed certo jure sententia præscripta sit, noxæ enim deductio ex ipsa lege est, ideoque non in condemnationem deducitur, sed pecuniariam condemnationem sequitur, ut Ulpianus inquit l. si miles 6. §. 1. de re jud., unde illud est, quod ibidem Ulpianus scribit, decem, aut noxæ dedere condemnatum, iudicati in decem tenere, facultatem enim noxæ dedenda ex lege accipit. Verum sic nonnulli Tribonianum excusant. Noxalis non semper arbitraria est; ex qua enim causa directa in dominum ex maleficio suo arbitraria non est, ex ea causa noxalis etiam arbitraria non est, & contra; nam actionis ex delicto adjectio potius est noxalis, quam propria species actionis, ut fufius infr. ad tit. 8. Arbitrariæ igitur non erunt noxales in dominum ex furto servi, aut vi bonorum raptorum, aut damno per servum injuria dato, aut injuriis per servum inlatis, quia directæ ex maleficio ipsius domini propter eas causas arbitrariæ non sunt; at erunt tamen arbitrariæ noxales pro eo, quod mens causa, & de dolo juxta l. 16. quod met. caus., & l. 9. §. pen. de dol., quia arbitrariæ sunt directæ ex his causis actiones. Ita post nonnullos Vinnius. Demum illud Triboniani h. s., & ceteris similibus, ostendit, alias quoque esse arbitrarias, quæ ex libris juris petendæ sunt. Dicam paucis, Omnes in rem actiones sive Prætoricæ, sive civiles, excepta hereditatis petitione, arbitrarie sunt arg. d. qui restituere 68. in fin. de R. V. Arbitrariæ quoque sunt omnes in personam actiones ad restituendum, modo non sint bonæ fidei; est enim in bonæ etiam fidei actionibus ad restituendum, ut in arbitrariis, iuxta positum de re restituenda iudicis arbitrio, & nisi arbitrium acceptum sit, licet juramento actoris æstimata negotium transigi. soleat, l. 3. §. 2. ff. eodem.

*commod., l. 1. §. 26. ff. de pos., l. 5. & 8. de in lit. jur.,* non ideo tamen eas arbitrarías recte dixeris, nam quod in arbitráriis sol um judicis arbitrium, id in bonæ fidei actionibus efficit bona fides: quod & de hereditatis petitione verum est. Sunt tamen nonnulla inter actiones bonæ fidei, & arbitrarías discrimina, quæ collegit Marcellius ad h. §. Sane in judiciis bonæ fidei libera potestas est judici ex æquo & bono æstimandi, §. 30. h. 1., in arbitráriis præterea judex pletumque restitutionem rei jubet, tum, nisi jussui sit paritum, condemnat ad aliquid aliud gravius, l. 14. §. 1., l. 18. quod met. causi., l. 68. de rei vind., l. 4. §. 1. de eo, quod cert. loc., & si, ut modo dictum, in quibusdam bonæ fidei interponatur etiam arbitrium. Omnes bonæ fidei, una excepta hereditatis petitione, in personam: arbitrarías tam, in rem sunt, quam in personam: quo fit, ut illæ non nisi ex contractu vel quasi, hæc vel ex contractu, vel ex quali delicto, vel ex dominio sint. In bonæ fidei actionibus judex proprie non arbitrat: in arbitráriis propriè arbitrat: unde in his permittitur judici ex bono & æquo æstimare h. §., in illis permitti videtur, §. 30. h. 1. Denique in actionibus bonæ fidei utrinque nascitur obligatio: in arbitráriis ex uno tantum latere. Subdit in, §. 32. Trib., curare debere Judicem, ut omnimodo, quantum potest, certæ pecuniæ, vel rei sententiam dicat, etiamsi de incerta quantitate apud eum actum sit: idque ad actiones bonæ fidei & arbitrarías quumprimis pertinet; atque hæc etiam in re differebant bonæ fidei & stricti juris judicia, nam in his tota quantitas aut obtinebatur, aut amittebatur; in illis autem sententia judicis res incerta præstinebatur. Vide tit. Cod. de sent. qua sine cert. quant.; et si quandoque in actionibus etiam stricti juris incerta sit quantitas, quum in id, quod interest, agitur l. ult. de Prætor. stip. Dixi, quantum potest, ad quem modum loquitur Tribonianus h. §., & Justinianus l. un. C. de sent. qua pro eo quod interest; nam aliquando ipsa rei natura, certam ferre sententiam non potest, ut si res plures petantur, quorum optio rei est.

§. XXXIII. Plus petitio est pluris petitio, nam veteres nominibus verbalibus verborum casus adjugebant. Plus autem petitus vel re, vel tempore, quum hodie e. g. petimus, quod cras debetur, vel causa (u), quum quod alternativo, aut generaliter debetur, determinate petitur, vel demum loco, quum res non suo loco petitur. Generaliter deberi est hominem, aut vinum in genere deberi. Is autem, cui aut homo, aut vinum debetur, plus petit, si Scythum petat, aut vinum Campanum (x), quia electionem adversario

fario

(u) Causam non uno sensu dixero Jurisconsulti. Hoc loco est qualitas obligationis l. 44. pr., & §. 3. de O. & A. Paul. i. sent. 10. Sicut in negotiis gerendis (inquit Eucherius Lugdunensis Episcopus Homil. de Paschate, cujus male nonnulli auctorem faciunt Eusebium Emisenum) quatuor modis plus petendo subire periculum pro juris ratione prohibetur; quibus quatuor modis, id est, loco, tempore, genere, qualitate &c.

(x) Vinum Campanum memorat hoc §. Tribonianus tanquam optimum. Idem Ulpiano bonum in l. 75. §. 2. de V. O., Cajo optimum dicitur in l. 74. eod. Campaniam bonitate vini laudant Flor. lib. 1. c. 16., Plin. lib. 3. c. 5., Seneca, Columella, & alii satis multi. Verum contra omnes unus Theophilus ad h. §. scribit, vinum Campanum omnium pessimum esse. At parcendum Græculo illi,

fario tollit: idque verum est, etiam si species, quam petit, despectissima sit ceterarum, quia sæpe accidit, ut promissori facilius sit illud solver, quod maioris pretii est, *h. §. (y)* Olim plus petentes causa cadebant. *Cic. lib. 2. de Invent. c. 19.* causa autem cadere est rem amittere, ut explicat Just. lis enim, & causa, & res erant prope synonyma, *Var. lib. 6. de L. L.* Sed hodie qui plus petunt tempore, duplo diutius expectare debent ex Constitutione Zenonis, de qua ad §. 10. *infr. de except.* Qui vero plus petunt re, loco, vel causa, condemnantur in tripulum, ut supra dictum est.

§. XXXIV. & XXXV. Si quis minus petat, iudicis erit ad reliquum dampnare adversarium, §. 34. *h. t.* Olim quum vigeant formulæ, id iudici non licebat, *l. 18. Cod. div. hæn.* erat enim id patrocinari, non iudicare. *Gell. lib. 14. c. 2.*, maxime si litigator præfens addit, nam ceteroqui absentis partes interdum iudex adimplet, *l. ult. C. de appellat.* Ad hauc sententiam juris aiebat Petilianus Episcopus *Collat. 3.* Donatistarum Carthagini habita apud Marcellinum iudicem ab Imperatore datum inter Catholicos ac Donatistas, si absentes essent ex adverso sistentes, liceret tibi, *Vir nobilis, absentem partem iudicario animo defendere: nunc praesentes sunt ipsi, mihi respondeant.* At Diocletianus in *tit. Cod. ut qua defuncti advoc.* Iudici permittit supplere juris rationes omittas; Zeno etiam facta, *d. §. 34.* Quod si quis aliud pro alio petat, re in iudicio cognita, errorem suum emendabit, §. 35. *h. tit.* Errorem emendare est vel actionem jam editam emendare non mutato actionis genere, idque jure etiam veteri usque ad sententiam facere licebat, *l. 4. §. ult. de noxal., l. 12. §. 1. de adq. vel amitt. poss., l. 4. §. 41. de her. pet. Cic. Orat. pro Cacin. c. 3.*, vel genus ipsum actionis mutare, idque non dum contestata lite, ipso jure licebat, lite autem contestata non aliter, quam impetrata a Prætoris in integrum restitutione, *l. 3. C. de edend. Senec. ep. 117.*, *Cujac. not. post. ad h. l.* Sed Justinianus jure veteri abrogato primus constituit, ut id contestata etiam lite ipso jure liceret actori. Ejus Constitutio neque in priorem, neque in posteriorem Codicem fuit inserta. Non est alibi, quam hoc §., eamque innuit verbum *permittimus*. Multæ Justiniani Constitutiones in libris Institutionum occurrunt, quæ extra eos nusquam extant. *V. §. ult. qui, & ex quib. caus. man., & §. 10. de test. ord.*

§. XXXVI. usque ad ULT. Ultima actionum divisio est, ut quibusdam actionibus solidum, quibusdam minus solido persequamur. Exempla sunt hæc. Primum est in actione de peculio, quæ ex contractu filii vel servi in patrem, aut dominum datur. Sane hic si tantum sit in peculio, quantum ex contractu debetur, pater aut dominus tenetur in solidum, sin minus, peculio tenus damnatur, §. 36. *h. t.* Secundum est in actione ex stipulatu de dote, qua mulier dotem a marito soluto matrimonio repetit, vel etiam constante matrimonio, si maritus dilabi ad inopiam videatur, *l. si constante soluto matrim.* Maritus hic in id, quod facere potest, condemnatur, *l. unica, §. quum autem, C. de rei ux. act.*, etiam si maritus pacto se obstrinxerit ad solidum solvendum; hoc enim pactum utpote bonis moribus adversum remittit.

illi, qui Campaniam non bene novis Imperialibus blanditiis in aula Justiniani occupatus, inquit Antonius Uffius ad *h. §.*

(y) De plus petitionibus apud Græcos v. Pollucem lib. 8. c. 1., & Solidam in *disputat.* Plus petitiones Græci *υπερπαισις* dixerunt.



remittebatur, *l. alia causa*, §. 1. *soluta matrim.*, idemque de muliere, contra quam maritus agit, est intelligendum, *l. non tantum*, de *re judicata*, *l. si mulier*, de *ali. rer. amot.* Solidam quoque a marito non habebit mulier, etiamsi maritus sit locuples, nempe quum maritus velit sibi retinere, quod necessario in rem dotalem impendit; nam necessariz impensæ dotem minuunt, §. 17. *h. t.* (z) Tertium est in eo, qui cum parente, vel patrono agit, vel cum socio in iudicio societatis (aa); vel cum eo, a quo donationem accepit ob causam donationis; hic enim non plus consequitur, quam adversarius ejus facere potest, §. 38. *h. t.* Quartum est, si justæ compensationes opponantur (bb), nam id detrahitur, quod compensatur, §. 39. *h. t.* Quintum est in eo, qui ad flebile adjutorium, & miserabile auxilium confugit, nem-

(z) *Verba Triboniani sunt*, Propter retentionem quoque dotis repetitio minuitur. Nam ob impensas in res dotales factas, marito retentio concessa est: quia ipso jure necessariis sumptibus dos minuitur, sicut ex latioribus Digestorum libris cognoscere licet. *Scioltus* quidam intrusa particula quasi legit, quasi retentio concessa est, motus Constitutione Justiniani *l. un. §. 5. Cod. de rei ux. act.*, ubi Justinianus sublato veteri retentionum jure actione mandati & negotiorum gestorum viri consuluit, quæ actiones quasi retentionis loco videntur esse. Sed quæ quasi neque apud Theophilum est, neque in MS. Charonda, neque in libris antiquis. Accedit, quod diserte Tribonianus, ad latiores Digestorum libros provocet, hoc est, ad tit. ff. de impens. in res dot. fact., unde esse hunc §. ex jure Digestorum accipiendum, inquit a Costa. Et quamquam Justiniani Constitutio juri Pandectarum in hac parte derogavit, tamen videtur mihi retentionem ob impensas necessarias servasse, nam actiones mandati & negotiorum gestorum pro utilibus tantum dedit, pro necessariis nullum jus novum prout: quod non obscure patebit tibi, si verba illa Constitutionis sedulo legas. Sed nec ob impensas in res dotis factas retentio nobis satis videtur esse idonea. Quum enim necessariz quidem expensæ dotis minuunt quantitatē, utiles autem non aliter in rei uxoriæ actione detinebantur, nisi ex voluntate mulieris: non abs re est, siquidem mulieris voluntas intercedat, mandati actionem a nostra auctoritate marito contra uxorem indulgeri: quatenus possit per hanc, quod utiliter impensum est, adervari. Vel si non intercedat mulieris voluntas utiliter tamen res gesta est: Negotiorum gestorum adversus eam sufficere actionem: quod si voluntariz sint, licet ex voluntate ejus expensæ: deductio operis, quod fecit, siue lesione tamen prioris speciei, marito relinquatur: ut sit omnium retentionum expeditus tractatus, & ex stipulatu actio merito secundum sui naturam nullam accipiat retentionem.

(aa) *Quod de socio idem de fratre: nam si eo jure cum socio utimur, ideo quia societas quasi fraternitas est, ut dictum lib. 3. tit. 25. §. 1., eodem certe agendum cum fratre: quo refert Marcellus axioma illud scholarum, Propter quod unumquodque tale, & illud magis.*

(bb) *In textu Triboniani est, ex eadem causa, quæ verba non retinet Theophilus, nam jure novo parvi refert, num ex eadem, an ex diversa causa compensationes opponantur, Paulus lib. 2. sent. tit. 5. §. 3. Verum ea verba, certe Triboniani sunt, qui quum hunc §. scriberet, Casum aut alium veterem Jurisconsultum descripsit, novi juris immemor.*



nempe eo, qui bonis cessit, nam si quid postea adquisierit, & in eum rursus insurgant creditores, in id damnatur, quod potest; *inhumanum* est enim spoliatum fortunis suis in solidum damnari, §. ult. h. t. De *Cessione bonorum* late in peculiari nostra Dissertatione, quæ cum aliis post Institutiones evulgabitur.

## QUOD CUM EO, QUI IN ALIENA

potestate dicitur, negotium gestum  
esse dicitur. (a)

### TITULUS VII.

14. ff. §. 4. C. 16.

**Q**uia tamen superius mentionem habuimus de actione, qua in peculium filiorumfamilias, servorumque agitur: opus est, ut de hac actione, & de ceteris, quæ eorundem nomine in parentes, dominosve dari solent, diligentius admoneamus. Et quia, siue cum servis negotium gestum sit, siue cum his, qui in potestate parentum sunt, eadem fere jura servantur ne verbosa fiat disputatio, dirigamus sermonem in personam servi, domini-que, idem intellecturi de liberis quoque, & parentibus, quorum in potestate sunt. Nam, si quid in his proprie observatur, separatim ostendemus.

1 Si igitur jussu domini cum servo negotium gestum erit, in solidum Prætor adversus dominum actionem pollicetur, scilicet quia is, qui ita contrahit, fidem domini sequi videtur.

2 Eadem ratione Prætor duas alias in solidum actiones pollicetur: quarum altera exercitoria, alia institoria appellatur. Exercitoria tunc habet locum, quum quis servum suum magistrum navi præposuerit, & quid cum eo ejus rei gratia, cui præpositus erit, contractum fuerit: ideo autem exercitoria vocatur, quia exercitor is appellatur, ad quem quotidianus navis quaestus pertinet. Institoria tunc locum habet, quum quis tabernæ forte, aut cuilibet negotiationi servum suum præposuerit, & quid cum eo ejus rei causa, cui præpositus erit, contractum fuerit: ideo autem institoria appellatur, quia qui negotiationibus præponuntur, institores vocantur. Istas tamen duas actiones Prætor reddit, & si liberum quis hominem, aut alienum servum navi, aut tabernæ, aut cuilibet negotiationi præposuerit scilicet quia eadem æquitaris ratio etiam eo casu interveniat.

3 Introduxit & aliam actionem Prætor, quæ tributoria vocatur. Namque si servus in peculiari merce sciente domino negotietur, & quid cum eo ejus rei causa contractum erit: ita Prætor jus dicit, ut quidquid in his mercibus erit, quodque inde receptum erit, id inter dominum, si quid ei debe-

(a) *Malunt alii, Quod cum eo contractum est, qui in aliena potestate est: Sed vulgatam recte præponit Marcellus sumam ex principio Edicti l. 1. ff. de per.*

debetur, & ceteros creditores pro rata proportionem distribuatur; (a) quia ipsi domino distributionem permittit; si quis ex creditoribus queratur, quasi minus ei tributum sit, quam oportuerit, hanc ei actionem adcommodat, quæ tributoria appellatur.

4. Præterea introducta est actio de peculio, deque eo, quod in rem domini versum erit, ut, quamvis sine voluntate domini negotium gestum erit, tamen, siue quid in rem ejus versum fuerit, id totum præstare debeat: siue quid non sit in rem ejus versum, id eatenus præstare debeat, quatenus peculium patitur. In rem autem domini versum intelligitur, quidquid necessario in rem ejus impenderit servus: veluti si mutuas pecuniam creditoribus ejus solverit, aut ædificia ruentia fulserit, aut familiæ frumentum emerit, vel etiam fundum, aut quamlibet aliam rem necessariam mercatus erit, itaque si ex decem puta aureis, quos servus tuus a Titio mutuo accepit, creditori tuo quinque aureos solverit; reliquos vero quinque quolibet modo consumserit: pro quinque quidem in solidum damnum debes: pro ceteris vero quinque eatenus, quatenus in peculio sit. Ex quo scilicet appareat, si toti decem aurei in rem tuam versi fuerint, totos decem aureos Titium consequi posse. Licet enim una est actio, quæ de peculio, deque eo, quod in rem domini versum sit, agitur: tamen duas habet condemnationes. Itaque judex, apud quem de ea actione agitur, ante dispicere solet, an in rem domini versum sit: nec aliter ad peculii æstimationem transit, quam aut nihil in rem domini versum intelligatur, aut non totum. Quam autem queritur, quantum in peculio sit; ante deducitur, quidquid servus domino, eive, qui in potestate ejus sit, debet: & quod superest, id solum peculium intelligitur. Aliquando tamen id, quod ei debet servus, qui in potestate domini sit, non deducitur ex peculio: veluti si is in ipsius peculio sit, quod eo pertinet, ut si quid vicario suo servus debeat, id ex peculio ejus non deducatur.

5. Ceterum dubium non est, quin is quoque, qui jussu domini contraxerit, cuique inlitoria, vel exercitoria actio competit, de peculio, deque eo, quod in rem domini versum est, agere possit. Sed erit stultissimus, si omnia actione, qua facillime solidum ex contractu consequi possit, se ad difficultatem perducatur probandi, in rem domini versum esse, vel habere servum peculium, & tantum habere, ut solidum sibi solvi possit. Is quoque, qui tributoria actio competit, æque de peculio, & de in rem verso agere potest. Sed sane huic modo tributoria expedit agere, modo de peculio, & de in rem verso. Tributoria ideo expedit agere, quia in ea domini conditio præcipua non est, id est, quod domino debetur, non deducitur, sed ejusdem juris est dominus, cujus & ceteri creditores. At in actione de peculio ante deducitur, quod domino debetur: & in id, quod reliquum est, creditori dominus condemnatur. Rursus de peculio ideo expedit agere, quod in hac actione totius peculii ratio habetur: at in tributoria, ejus tantum, quo negotiatur. Et potest quisque tertiam forte partem peculii, aut quartam, vel etiam minimam negotiari: majorem autem partem in prædis, vel mancipiis, aut fornibus pecunia habere. Prout ergo expedit, ita quisque

(b) Sic restituendus hic locus ex uno Charonda. Male vulgata, Et ideo tributoria vocatur, quia ipsi domino distributionem Prætor permittit.

L. 1. IV.

Q

vel hanc actionem, vel illam eligere debet. Certe qui potest probare, in rem domini verum esse, de in rem verso agere debet.

6 Quæ diximus de servo, & domino, eadem intelligimus & de filio, & filia, & nepote, & nepte, & patre, avove, cujus in potestate sunt.

7 Illud proprie servatur in eorum persona, quod Senatusconsultum Macedonianum prohibuit mutuas pecunias dari eis, qui in potestate parentis sunt: & ei, qui crediderit, denegatur actio tam adversus ipsum filium, filiamve, nepotem, neptemve, sive adhuc in potestate sunt, sive morte parentis, vel emancipatione suæ potestatis esse coeperint, quam adversus patrem, avumve, sive eos habeat adhuc in potestate, sive emancipaverit. Quæ ideo Senatus prospexit, quia sæpe onerati ære alieno creditarum pecuniarum, quas in luxuriam consumebant, vitæ parentum insidiabantur.

8 Illud in summa admonendi sumus, id, quod jussu patris, dominive contractum fuerit, quodque in rem ejus verum erit, directo quoque posse a patre, dominove condici, tanquam si principaliter cum ipso negotium gestum esset. Ei quoque, qui exercitoria, vel institoria actione tenetur, directo posse condici placet: quia hujus quoque jussu contractum intelligitur.

## COMMENTARIUS.

**P**R.Tit. Patrem ac dominum ex contractu filiorum servorumque ipso jure, hoc est, civili jure non teneri, §. 10. superioris tituli dictum est. Prætor autem actiones nonnullas in patrem ac dominum ex filiorum servorumque contractu dedit, quæ proinde non directæ sunt, nam directæ dicuntur, quæ in eum ipsum competunt, qui est obligatus §. 3. de noxal., quo sensu dicitur *directe agere*, l. ult. ff. pro soc., & *directe condicere*, §. ult. h. t. sed oblique, & ut vulgo ajunt, *indirecte*. Has numero sex proponit hoc tit. Tribonianus, atque h. pr., & si de servis ac dominis actionum exempla concipiat, se tamen idem de liberis ac parentibus intelligere, quoniam *his fere eadem jura servantur*. To fere quanti sit, ostendam suo loco.

§. I. Prima est actio *quod jussu*, quod nomen ab initialibus Edicti verbis est factum, diciturque etiam *de jussu* actio in l. ult. ff. *quod jussu*. Datur eis, qui cum servis jussu dominorum contraxerunt, daturque adversus ipsos dominos in solidum, & merito; nam qui ita contraxerunt, idem dominorum sequi videntur, h. §., & quodammodo cum ipsis dominis contraxisse. Ulp. l. 1. ff. *quod jussu*. Domini jussus voluntas est, l. 4. §. pen. de in rem vers., & quamquam proprie idem non fuit voluntas ac jussus, habita tamen ratione servorum liberorumque, qui sub potestate sunt, domini patrisve voluntas jussus dicitur, l. 25. §. 4. de adq. vel omit. her.; patetque ea vox tam late in hac actione, ut & si mandaverit pater, dominusve, videatur jussisse, & si servi chirographo subscripserit dominus, teneatur quod jussu, & si ratum habuerit dominus aut pater, quod servus gesserit aut illius, quod jussu actio in eos detur, d. l. 1. §. 3. 4. & 6., fidejussio tamen pro servo jussus non est, dominus enim quasi extraneus intervenit, d. l. 1. §. 5. Sed non est præterendum illud, quod vulgo male negligunt interpretes, *jussu* quidem esse, quum dominus in rem peculiarem mandat cum servo contrahi, ita ut servus suam potius rem gerat, quam domini: at vero *mandatum* esse, quum dominus extra peculiarem causam contrahi cum servo mandat, ita ut servus rem domini gerat, non suam; unde in hac specie *mandati*, in illa *quod*

quod jussu actione dominus tenetur, l. 2. C. mand. A Colla hic. Et ne forte quis dicat, ita nihil esse, quo de jussu actio ab actione de peculio differat, satis est hic duo monere, unum, hanc actionem generali voluntate domini stare, illam speciali; alterum, actionem quod jussu in solidum esse, de peculio vero actionem peculio tenus, ut infra.

§. II. Secunda est actio *Exercitoria*, quam Prætor contra dominum, exercitorem dedit iis, qui cum servo magistro navis contraxerunt earum rerum causa, quibus hic est præpositus, tit. ff. C. de exerc. act. Exercitorem dicimus, inquit Ulp. l. 1. §. 1. h. t., ad quem obventiones & reditus omnes perveniunt, sive is dominus navis sit, sive a domino navem per obventionem (h. e. in universo, & quidi, ut ex Cujacio dictum ad §. 3. de empre. & vendit. lib. 3.) conduxit, vel ad tempus, vel in perpetuum. Dicitur exercitor, quia navem exercet. At magistrum navis accipere debemus, cui totius navis cura mandata est, d. l. 1. §. 1., & non solum quem exercitorem præposuit, sed & eum, quem magister, quod consultam Julianum in ignorante exercitore respondisse scribit Ulpianus §. 5. Tertia est actio *Institoria*, quam tunc locum habere, inquit h. eod. §. Tribonianus, quum quis tabernæ forte aut cuilibet negotiationi servum suum præposuit, & quid cum eo ejus rei causa, cui præpositus erit, contractum fuit. Institorem ex eo appellatum, scribit Ulpianus l. 3. de inst. act., quod negotio gerendo instet (a), nec multum facere, tabernæ sit præpositus, an cuilibet alii negotiationi. Facit l. 5. eod. Jam dñz istæ actiones ex edicto competant, & si liberum quis hominem, aut alienum servum navi, aut tabernæ, aut cuilibet negotiationi præposuerit, h. §. Dicam paucis, nihil referre cujus ætatis, vel sexus, vel conditionis sit navis magister, aut institor, l. 1. §. 4. de exerc. act., l. 7. §. 1. C. 2., & l. 8. de inst., quia, ut inquit h. §. Tribonianus, eadem æquitas ratio etiam eo casu intervenit, hoc est, quia cum magistro vel institutore, quales ii tandem sint, super ea re, cui sunt præpositi, contraheutes exercitoris fidem sequuntur, ut proinde æquissimum sit, & eos non decipi, & exercitorem facta magistri, vel institoris habere ratam. Equum Prætori visum est, ait Ulpianus l. 1. de inst., sicut commoda sensimus ex actu institutorum, ita etiam obligari nos ex contractibus ipsorum, & conveniri. Facit l. 1. pr. C. §. 2. & 4. de exerc. Nunc ad utriusque actionis origines ascendamus. Mercatura Urbis initio civibus interdicta lege Romuli, ejusque faciendæ servis tantum potestas facta. Halic. 2. p. 98. Tum paullo honoratior habita, institutumque anno Urbis 359. sub Consulatu Claudii Serviliique mercatorum Collegium a Mercurio, cui libabant, *Mercatoriale* appellatum. Liv. lib. 2. cap. 27., Ovid. 5. Fast. 673. Alterum quoque institutum Romæ fuit mercatorum Collegium, quod *Capitolinum* dicebatur, de quo Livius, & Cicero. Haud tamen factum, ut nota mercatorum nomini adpersa proflus elueretur, ac genus illud vitæ

( 2 ) Hanc etymologiam ex veteribus Glossis confirmat Menapius Ament. jur. 39. Novius in Militibus Pometinensibus apud Nonium Marcel. v. mercatus cap. De indiscretis generibus dixit instare mercaturam.

Instat mercaturam. Spero, rem faciet; frugi est homo, Male apud Nonium legitur, instant.

ta ex fraude ut plurimum, & mendacio compositum consuetudine cum honestiorum civium dignitate videretur; qua de re laico Cicero 1. de Off. 42. Hiuc mercatura per alios sive servos, sive liberos, sive liberos homines mercede conductos exerceri coepta, & terrestris quidem mercatura per insitiores, maritima per navium magistros, ex quorum contractibus actiones in dominos Edicto datae, earumque formulas apud Sigonium habes 1. de Judic. 21. De maritima mercatura privilegii Dissertationem habeo, quae cum aliis prodiit.

§. III. Quarta est actio *Tributoria* a tribuendo, hoc est, distribuendo. Hujus quoque Edicti non minima utilitas est, inquit 1. de tribut. Ulpianus, ut dominus, qui alioqui in servi contractibus privilegium habet, quippe quum de peculio dumtaxat teneatur, ejus peculii aestimatio, deducto quod domino debetur, sit; tamen, si scieris servum peculiari merce negotiari, velut extraneus creditor, ex hoc edicto in *tributum* vocatur, id est, ad equam partitionem vocatur. Quod si inique quod in mercibus est, quodque est inde receptum, tribuat, ipsi enim Edicto Praetoris distributio permittitur, (b), is tributoria tenetur, quam bene Cujacius inique tributionis, seu doli correctoriam dixit. Ex actione agebat creditor, dominum peculiares servi merces ex Edicto non distribuisse, & quanto minus tributum sit, quantum debuerit, tantum sibi eum dare oportere: ad quam sententiam Sigonius Tributoriae formulam proposuit 1. de Judic. 21.

§. IV. Quinta est actio *de peculio*, qua convenitur dominus vel pater ex contractu vel quasi contractu servi aut filii, ut tantum praestet; quantum peculium patitur, quamvis sine voluntate domini vel patris negotiorum gestum sit, h. §. Dixi, *sine voluntate*, non quod possint dominus, aut pater sine ulla voluntate obligari, sed quia non est ad hanc actionem opus aut expressa voluntate, ut ad actionem quod jussu, ad exercitoriam, atque insitioriam est opus, neque scientia saltem, & patientia, ut ad tributoriam. Etiam si dominus aut pater ignorent, ex facto tamen servi aut filii tenentur peculio tenus ob generalem illam voluntatem, qua eis habere peculium permiserunt; quae eadem est ratio, cur per servum aut filium famularum rerum, quas peculiariter tenent, possessionem etiam ignorantes adquireamus, l. 1. §. 3. de adq. poss. Dixi *quantum peculium patitur*, non enim videntur ultra peculium contulisse. Peculium autem in filiosam. intellige profectitium, nam de castrensi, vel quasi castrensi tanquam paterfam. tenetur; de adventitio vero tenetur quidem pater non actione de peculio, sed tanquam legitimus administrator, l. 18. in fin. de castren. pec., l. 6. C. ult. C. de bon. qua lib. De quadruplici isthoc peculii genere dictum lib. 2. tit. 9. Peculium servi erat quicquid dominus ei habere permittebat, nam alias servus nihil jure poterat habere. Peculium eleganter describit servus apud Terentium *Phorm. act. 1. sc. 1. v. 5.*

Quod

(b) Diserte id cautum habes h. §. C. l. ult. ff. h. t., ut frustra sint, qui putant, dominum tribuere volentem adire ad Praetorem debere, qui distributionem edicat. Neque pro iis facit verbum illud Triboniani h. §. Ita Praetor jus dicit, nam hoc Triboniani verbum recte ad generale Praetoris Edictum referat, quo tribuendi potestas semel domino data;

*Quod ille unciatim vix de demenso suo.*

*Suum defraudans genium comparat miser.*

Demensum erant modii quinque cotidemque denarii, quod in singulos mensures darentur, verbo uno *mensurum* dicti. Sen. ep. 81. Publicis autem servis dari annua consuevere. Plin. 10. ep. 40. Quidquid ergo ex mensuris illis annuisset stipendiis defraudato genio reliquum erat, id peculium dicebatur, ex eoque servi dominorum concessu facere lucrum solebant, vel illud scenori dantes, vel quomodolibet contrahentes, alios quoque sibi servos (e) ementes, quorum operas in quæstum conferrent. Matresfam. etiam peculium habuere, de quo Ulp. l. 9. §. 2. de jur. dos. Moris erat, ut mulier res, quas solent in usu habere in domo mariti, neque in dotem dadas, in libellum conferret, eumque marito offerret hac intentione, ut maritus subscriberet, quasi eas res acceperet, & veluti thesographum mariti hujusmodi libellum uxor custodiret, ut facti divorcio docere posset, res, quæ libello continentur, in domum mariti se inulisse. Dominus igitur, ac pater, pro contractu servi, & filiifamilias hac actione tenentur, ita tamen ut prius domino passive debitum deducatur, h. §. & l. 5. §. ult. de pec. Sexta est actio de in rem verso, quæ convenitur pater, aut dominus etiam ultra peculium, imo etiam si nihil sit in peculio, quatenus ex contractu filii, vel servi patrimonium patris, aut domini auctum sit, h. §. ubi in rem domini versus id intelligi, ait Tribonianus, quicquid necessario in rem ejus impenderit servus. Nec solum quod necessario, sed etiam quod utiliter in rem domini servus impendit, in rem ejus versus intelligitur, l. 5. §. 2. & passim, tot. sis. de in rem vers. Discrimen unum inter necessario, & utiliter impensum dat Ulpianus d. l. 5. pr. his verbis, Si res domino non necessarias emerit servus, quasi domino necessarias, voluti servus: habentis videri in rem ejus, versus Pomponius scripsit, quatenus servorum verum pretium faciat, quum si necessarias emisset, in solidum, quanto venissent, teneretur. Houeltæ etiam impensæ, præcipue quas mores probant, huc pertinent, & illud verum esse, inquit Ulpianus l. 7. §. 3. quod Labeo scribit, si odores, & unguenta servus emerit, & ad funus erogaverit, quod ad dominum suum pertinebat, videri in rem domini versus. Hæc satis expedita: illud difficile, quod addit Tribonianus, licet una sit actio, quæ de peculio, & quæ de eo, quod in rem domini versus sit, agitur, tamen duas habet condemnationes, in quo iudex, apud quem de ea actio agitur, anie dispicere solet, an in rem domini versus sit, nec aliter ad peculii estimationem transsit, quam aut nihil in rem domini versus intelligatur, aut non totum. Quid enim illud est, unam esse actionem, quæ de peculio agitur, & de in rem verso? Ut alia desint argumenta, eas duas esse actiones ostendunt duo diversa capita Pandectarum. Hocomanus ad h. §. scribit, actionem de in rem verso non propriam quandam esse formulam,

(e) Hi peculiariæ dicti, quod in peculio essent, quo sensu ovis peculiaris, & gallus peculiaris occurrunt apud Plaut. Asinar. act. 3. sc. 1. v. 36. & Aulul. act. 3. sc. 4. v. 6. D. Hi etiam vicarii l. 21. ff. de pecul. est propriæ vicarii servi dicerentur Romanis, qui ordinariis servirent, eorumque vices gererent, unde Marcialis lib. 2. ep. 18.

Esse sat est servum, jam nolo vicarius esse.



mulam, & per se constantem, sed accessionem & appendicem dumtaxat actionis de peculio instituit & exempticiam, ita tamen ut qui de in rem verso agere instituit, de peculio actionem postulare oporteat, cum illius etiam emblematis adjectione. Contra Cujacius, ex ejusque schola profecti a Costa, & Borchoten ajunt, actioni de peculio inesse de in rem verso actionem, ita ut qui de peculio agit, de in rem verso etiam agat, verum enim pars est peculii tanquam a domino debitum servo; sicque facis esse arbitratum de peculio agere nulla de in rem verso mentione habita; adduntque illud, idcirco peculiare caput de in rem verso in Pandectis esse, quia, si nihil sit in peculio, tum domum agi specialiter potest de in rem verso. Utramque sententiam rejicit Vinnius ad h. 5., atque, actionem de peculio tam per se propriam & constantem formulam esse, quam de in rem verso, sicque licere auctori seorsum de in rem verso agere, quamvis & de peculio experiri queat, ita tamen, ut si de peculio simpliciter agat, verum quoque aestimetur, non quia clausula de in rem verso actioni de peculio tacite inest, sed quia tanquam servo debitum, ac proinde tanquam pars peculii spectatur, unde in condemnatione nulla seorsum habenda ratio rei in domini commodum versæ: quod secus est tamen, ubi de in rem verso clausula adjecta est: contra vero si de in rem verso simpliciter agat, nulla peculii ratio habetur. Ideo autem inquit, unam dici a Triboniano actionem, qua de peculio agitur, & de in rem verso, quia ostendere voluit, non modo singulis actionibus vel de peculio, vel de in rem verso agi seorsum posse, sed una etiam formula, quæ caput simul utrumque comprehendat, eamque agendi formam esse commodissimam. Hac Vinni opinione proposita illud monet Ulpicus Huber in *Ennem. Rom. ad tit. De in rem vers.*, hanc posse ex eo, quod duæ actiones conjunctim intendantur, thesin hanc fingi, unam esse actionem, alioqui diversæ actiones conjunctæ, quas interdum civile jus admittit, ut satis exploratum est, & ipse Ulpicus docet ad tit. *Pandectarum de edend.* una semper erunt actio: quod est plane absurdum. Hinc subdit, enunciationem illam Triboniani, licet una sit actio, non ut generalem, sed ut particularem accipiendam videri hoc modo, licet aliquando fiat, ut una sit actio, idest, instar unius actionis, duas tamen habet condemnationes. Verum quia non videt, quam inutile sit Ulpici monitum? Hoc certe sensu opinionem suam proponit Vinnius, atque hoc eodem sensu quod de actione de peculio, & de in rem verso actione Tribonianus inquit, de ceteris etiam actionibus conjunctim propositis recte dici semper potest. Ego ajo, nihil esse, cur de hoc Triboniani loco tantopere laboremus, si actionem interpretemur formulam, qua significatione actionis nomen usurpari solitum, tradit Romanus de *verb. jur.*, quidquid obloquantur nonnulli. Atque hoc sensu accepta Vinnii interpretatio optime quidem habet. At igitur Tribonianus, licet duæ istæ actiones de peculio & de in rem verso una quandoque formula comprehendantur, tamen duas habere condemnationes. Judex autem ante dispicere solet, an in rem domini verum sit: nec aliter ad peculii estimationem transiit, quam aut nihil in rem domini verum intelligatur, aut non totum; æstimatque peculium deducto eo, quod servus domino debet, eive, qui in potestate ejusdem domini sit, quum id quoque domino debeatur, h. 5., & l. 5. §. ult., l. 9. §. 2. & 3. de pec. Si quid vero servus vicario suo debeat, id ex peculio ejus non deducitur, quia vicarii peculium in ordinarii servi peculio est: & ita Servius respondit apud Ulp. l. 17. in fin.



Ordinarius vicarii quasi dominus: ambo vero concessi. Horat. lib. 2. sat. 7.

*Sive vicarius est servus qui paret, sive mas  
Vester, ait, seu conservus.*

§. V. Nunc de istarum actionum concursu. Cui actio quod iussu, aut iuditoria, aut executoria, aut tributoria competit, si agere etiam potest de peculio, deque eo, quod in rem domini versum est. Verum quo pacto is sibi consulere debeat, tradit h. §. Tribonianus. Et primum quidem ait, nullissimum fore, si omitta actione, qua facillime solidum ex contractu consequi possit, ejusmodi est actio quod iussu, iuditoria, & executoria, malit de peculio agere, vel de in rem verso; quum quia qui duas hasce actiones intendit, probandi onus habet, servum peculium habere, atque in rem domini versum esse; tum quoniam ambæ non sunt ad consequendum solidum comparatæ, l. 10. §. 2. de in rem verso. l. 19. de compens. Ait deinde, cui tributoria æque competit, ac de peculio actio, & de in rem verso, expedit ei modo tributoria, modo de peculio, & de in rem verso agere; & ideo tributoria, quia in ea domini conditio præcipua non est, quum domino debitum non deducatur, l. 1. de trib. act., in actione autem de peculio deducatur: ideo etiam de peculio, quia in hac actione totius peculii habetur ratio: at in tributoria ejus tantum mercis, qua servus fuerat negotiarius h. §. Possunt igitur istæ actiones concurrere, quia & possunt earum causæ in eodem contractu concurrere. Fingo, servum iudicem peculium habentem vendicæ rei pretium in utilitatem domini versisse. In hac specie ex emto actio in dominum competit ex contractu servi; sed ea tamen actio res habet adjecticias qualitates, sicque intendi in dominum potest vel actio ex emto iuditoria, vel ex emto de peculio, vel ex emto de in rem verso: actor autem eligere unam potest, quumque omnes ex uno negotio sint, una in iudicium deducta, ceteræ perimuntur, l. 9. §. 1. de tribus, l. 4. §. ult. h. tit.

§. VI. VII. & VIII. Quæ hucusque de servis, ac dominis sunt dicta, eadem de filiis, & filiabus, & nepotibus, & neptibus, & patribus, avisque, quorum in potestate sunt, intelligi ait §. 6. Tribonianus. Illud de filiis familias peculiariter est cautum S. C. Macedoniano, ut si quis pecuniam eis mutuam dedit, denegetur ei actio tam adversus ipsam filiam filiamve, nepotem, neptemve, siue adhuc in potestate sint, siue morte parentis, vel emancipatione sua potestatis esse ceperint, quam adversus patrem avumve, siue eos habeat adhuc in potestate, siue emancipaverit, h. §. Creditori actionem Senatusconsulto denegari ait Tribonianus. At si creditori denegatur actio, quid opus fuit filiosfam. exceptione Macedoniam consulere? Si enim exceptio est actionis exclusio, l. 2. de except. præscript. & præjudic., ea certe actionem supponit. Rem ita explicat a Colla. Distinguit is inter exceptiones intentionis, & exceptiones actionis, quam distinctionem indigitari ait per duo illa Pandectarum capita, De exceptionibus, & Quam rem exceptio non detur, nam priore capite de his exceptionibus agi ait, quæ actionem jam datam submovent: posteriore de his, quæ opposita, quum petitur actio, impediunt ne detur. Hujus generis esse inquit exceptionem Macedoniam, non enim actionem jam datam supponit, sed facit, ne detur actio, quæ proinde dicitur denegari. Atque huc refert illud Ulpiani in l. 1. de S. C. Maced., actio peritioque denegatur. Præstat sic sentire cum Jano a Colla, quam cum Vinnio dicere, denegari actionem, si contra Senatus-

Senatusconsultum factum esse appareat; quod si de eo ambigatur, exceptionem adversus actionem dari; nam apertissime obstat Ulp. d. l. 1. §. 1., ubi in ambiguo denegari actionem scribit his verbis, *Si pendens, an sit in potestate filius, ut puta quoniam patrem apud hostes habere in pendenti est, an in Senatusconsultum sit commissum; nam si reciderit in potestatem, Senatusconsulto locus est, si minus, cessat. Interim igitur deneganda est actio.* Præterea nihil referre ait Tribonianus, num adhuc sint liberi in potestate, an post acceptam mutuo pecuniam suæ potestatis effecti sint, nam initium spectatur l. 1. §. 1. l. 3. §. ult. l. 14. cod. Ad hæc neque sexum, neque gradum, neque conditionem liberorum designat Tribonianus, ut confectionem sit illud, idem semper jus esse, quales quales sint liberi. V. l. 1. §. ult. At cessare Senatusconsultum in eo, qui castrensē vel quasi castrensē peculium habet, usque ad quantitatem peculii, scriptum est d. §. ult. & l. 2., quam filiosam, in eo peculio vice patrumfam. fungantur. Profus autem cessare in eo, qui militiæ nomen dedit, traditum est l. ult. §. ult. Cod. ed. Denique cum solum hoc Senatusconsultum ostendere, Ulpianus inquit l. 3. §. 3., qui mutuum pecuniam filiosam. dedit, non qui alias contraxit, puta vendidit, locavit. Et ideo est in creditum adit filiosam. vel ex causa emptionis, vel ex alio contractu, in quo pecuniam non numeravi; & si stipulatus sim, licet capere esse mutuum pecuniam; tamen, quia pecunie numeratio non concurret, cessat Senatusconsultum. Quod ita demum erit dicendum, si non fraus Senatusconsulto sit cogitata: ut, qui credere non potuit, magis ei venderet, ut ille rei pretium haberet in mutui vicem. Nunc in occasionem, causam, ac tempus Senatusconsulti pro meo nunquid inquiram. Causas continent ipsa Senatusconsulti verba apud Ulp. d. l. 1., eum inter ceteras sceleris causas Macedo, quas illi natura administrabat, etiam æ alienum adhibuisset, & sæpe materiam peccandi malis moribus præstaret, qui pecuniam (ne quid amplius diceretur) incertis (d) nominibus crederet: placere, ne ei, qui filiosfamilias mutuum pecuniam dedisset, etiam post mortem parentis ejus, cujus in potestate fuisset, actio passioque daretur; ut scirent, qui pessimo exemplo sternerent, nullius posse filiosfam. bonum nomen expectata patris morte fieri. Occasionem igitur Senatusconsulto dedit Macedo. Hunc Theophilus, eumque sequutus Maranus in Parat. filiosfamilias fuisse arbitrantur, quod cum æ alienum, adhibuisse Senatusconsulto scriptum sit, puta æ feceratoribus debitum, l. 1. §. 3. cum

l. (d). Incerta nomina interpretatur Merillus §. Obs. 38., occultum sceleris, ut Horatius loquitur lib. 1. ep. 1. v. 80. Occultum autem sceleris erat grave supra civilem modum, quod indicare videtur Horatius ibi, Multis occulto crescit refovere. Hinc certa nomina, apud eundem lib. 2. ep. 1. exponit Porphyrius nomina idonea ac legitima. Macedonis (si fecerator is fuit) incerta erant nomina, gravitus enim usus is pecuniam credebatur per filios post parentum exitum dissolvendis. Non videtur ablatere Corinthus Nondi, qui lib. 2. de sum. & usur. c. 13. nomina certa apud Horatium interpretatur esse, quibus iura credi possent, quo scilicet certum huminem dixit Cicer. 3. ad Att. ep. ult., incerta vero apud Ulp. d. l. 2. qua mala sunt. Cuiusvis Parat. C. & ff. ad h. tit. incertibus nominibus credere exponit, credere suppressa causa mutui, celatque visulo crediti. & factio favore; atque, ut ipse loquitur, lud tunica, & in lina. Ego magis ad Merillum accedo.

*l. 113. de V. S.*; at vero Fabrotus alique fœneratorem pessimum fuisse contendunt, qui pecuniam incertis nominibus credidisse dicitur Senatusconsulto. Et recte dici potest improbus fœnerator ut alienum adhibere, quum immoquas usuras stipulatur, sive quaternas centesimas, uti olim Scaptius, de quo Cicero *lib. 5. ep. ult. ad Att.*, sive quincuplicem centesimam, uti olim Fundius, de quo Horat. *lib. 1. sat. 2. v. 12.*, nam quod legitimum usurarum modum excedit, ut alienum non improprie appellatur. Quod si Macedonem cum Theophilo filiumfam. dixeris, verba Senatusconsulti sic sunt accipienda, ut illa, quum inter ceteras sceleris causas Macedo, quas illi natura administrabat, etiam ut alienum adhibuisset, ad filiumfamilias perditissimum referantur, atque unam Senatusconsulti causam sive occasionem contineant; hæc vero, & sæpe materiam peccandi &c. ad fœneratorem spectent, alteramque exhibeant causam Senatusconsulti. Id si ita accipias cum Heinæcio in *Antiq. post. edit.*, non intercedo. Præcipua autem Senatusconsulti causa fuit odium fœneratorum, *l. 40. de condit. indeb.*, in quorum pecuniam introductum dicitur, *l. 9. §. pen. de S. C. Maced.*, & savor præterea patris, *h. §.* unde optime colligunt interpretes, posse mulieres Vellejano renunciare, utpote in ipsarum gratiam introducto, filiosfam. Macedoniano non posse. De tempore hujus S. C. sic Tacitus *11. Annal. 13.* *Lege lata servitiam creditorum coercuit* (Claudius), ut in mortem parentum pecunias filiosfamiliarum favori darent, hic enim mos erat fœneratorum pecuniam filiosfam. fœnori dare collata in mortem patrum solutione. Contra Suetonius de Vespasiano inquit, *Auctor Senatui fuit discernendi; ut filiorumfamilias fœneratoribus exigendi crediti juri unquam esset: hoc est, ne post patrum quidem mortem.* Placet, quod Tortentius ad Suetonium habet, Claudii legem sub Nerone obsoletam Vespasianum restituisse; quo sensu ejus Senatusconsulti ad hoc appellatur, non enim desunt ejus loquutionis exempla. V. Brummerum ad *L. Cinc. 3.* Qui ajunt, Suetonium in ea re memoriam defecisse, illi diligentiam Suetonii non bene norunt; maxime quum illud constet, multo ante Imperii tempora fuisse legem veterem, ne filiosfamilias pecuniæ mutæ darentur, idemque pluries sub Imperio sic ferente hominum malicia Senatusconsultis confirmatum. Terentius Phorm. *act. 1. sc. 5.*

OE. Non ratio, verum argentum deeras. DE. Sumeros

Alicunde. OE. Alicunde. Nihil est dicto facilius.

DE. Postremo, si nullo alio pacto, sanore.

OE. Hui, dixti putera, si quidem quisquam crederes

Termino.

Ad quem locum EUGRAPHIUS; *Negavit licere filiosfamilias mutuam pecuniam credi.* Scholiastes ad Horatium *1. sat. 2.* Non licebat per Senatusconsulta cironibus fœnerari; ne bona patrum na prodigerent. Grot. *ff. spars. ad l. 1. ff. de S. C. Maced.* Petri Fabri conciliatio, quam tanti facit Heinæcius, jam fuit a nobis explosa ad *tit. 1. lib. 3.* Demum illud monet §. 8. Tribonianus, licere non indirectis tantum actionibus in patrem ac dominum agere, sed etiam directis, tanquam si directe cum patre ac domino negotium gestum esset. Sic si servus tuus jussu tuo mutuam a me pecuniam accepit, non solum actione, quod injus agam contra te, sed etiam conditione ex mutuo, *l. ult. ff. pro soc.*, *l. ult. ff. quod juss.*, *l. 19. de reb. cred.*, *l. 17. §. 1. & ult. de inst. ass.* At enim quid opus erat indirectis, ubi jam fuerant productæ directæ? Tu vel dic, id factum, quo pluribus actionibus pater ac dominus tenerentur, sicque raro servorum ac filiorumfam. negotiationes fraudi essent creditoribus; vel, quod verosimilius est,

directas actiones post accommodatas a Prætorē indirectas prodidisse eo nomine, quod gestum cum filio aut servo iussu, aut voluntate patris vel domini, cum ipso patre vel domino gestum intelligeretur, *l. 5. Interdum etiam de rebus jam antea civili jure constitutis edicebant Prætores, arg. l. 1. ff. commod.*

## DE NOXALIBUS

### Actionibus,

#### TITULUS VIII

9. ff. 4. 3. G. 41.

**E**X maleficiis servorum, veluti si factum fecerint, aut bona rapuerint, aut damnum dederint, aut injuriam commiserint, noxales actiones proditæ sunt, quibus domino damnum permittitur, aut litiæ æstimationem sufferre, aut hominem (a) noxæ dedere.

1. Noxa autem est ipsum corpus, quod nocuit, id est, servus: noxia ipsum maleficiū, veluti furtum, damnum, rapina, injuria.

2. Summa autem ratione permittum est noxæ deditioe fungi. Namque erat iniquum, nequitiam eorum ultra ipsorum corpora dominis damnosam esse.

3. Dominus noxali iudicio servi sui nomine conventus servum actori noxæ dedendo liberatur: nec minus in perpetuum ejus servi dominium a domino transfertur. Sin autem damnum ei, cui deditus est, servus resarcierit quaesita pecunia: auxilio Prætoris invito domino manumittetur.

4. Sunt autem constitutæ noxales actiones aut legibus, aut edicto Prætoris. Legibus: veluti furti ex lege duodecim tabularum, damni injuriæ ex lege Aquilia. Edicto Prætoris, veluti injuriarum, & vi bonorum raptorum.

5. Omnis autem noxalis actio caput sequitur. Nam si servus tuus (b) noxam commiserit, quamdiu in tua potestate sit, tecum est actio. Si autem in alterius potestatem pervenerit, cum illo incipit actio esse. At (c) si manumissus fuerit: directo ipse tenetur, & extinguitur noxæ deditio. Ex diverso quoque directa actio noxalis esse incipit. Nam si liber homo noxiam commiserit, & is servus tuus esse coeperit, quod quibusdam casibus effecti primo libro tradidimus, incipit tecum esse noxalis actio, quæ ante directa fuisset.

6. Si servus domino noxiam commiserit, actio nulla nascitur. Namque inter dominum, & eum, qui in potestate ejus est, nulla obligatio nasci potest. Ideoque & si in alienam potestatem servus pervenerit, aut manumissus fuerit, neque cum ipso, neque cum eo, cujus nunc in potestate sit, agi potest. Unde si alienus servus noxiam tibi commiserit, & is postea in potestatem

- (a) In vulgata est ipsum hominem: alibi etiam, hunc hominem.  
 (b) In omnibus Charonda Codicibus est, noxiam.  
 (c) Aut si habens Charonda Codices.

re tua esse coeperit, interdicat (d) actio: quia in eum calum deducta sit, in quo consistere non potuit. Ideoque licet exierit de tua potestate, agere non potes: quemadmodum si dominus in servum suum aliquid commiserit, nec si manumissus, aut alienatus fuerit, servus ullam actionem contra dominum habere potest.

¶ Sed veteres quidem hoc in filiis familiarum masculis, & foeminis admittere: nova autem hominum conversatio hujusmodi adspirationem recte respiciendam esse existimavit, & ab usu communi hoc penitus recessit. Quis enim, patitur, filium suum, & maxime filiam, in noxam alii dare: ut pene per filii (e), corpus pater magis, quam filius periclitetur: quum in filiabus etiam pudicitiae favor hoc bene excludat. Et ideo placuit, in servos tantummodo noxales actiones esse proponendas: quum apud veteres legum commentatores invenimus saepius dictum, ipsos filios familiarum pro suis delictis posse conveniri.

(d) Ita legisse videtur Theophilus. Ita etiam habent quidam Charondas. Vulgata habet, interdicatur.

(e) Tis filii abesse debet, uti abest a Theophilo: quod & monuit Accursius.

## COMMENTARIUS.

**P**R. Tit. usq. ad §. III. Non modo ex contrahibus, sed ex maleficiis (a) etiam servorum in dominos agitur, atque ut ex contrahibus, ita ex maleficiis actiones indirectae dantur, & magis actionum adjectiones (b), quam

(a) Id de privatis delictis intelligendum, ex publicis enim noxales in dominos dari, publica disciplina vetat. Unde eorum nomine servi ipsi tenentur, l. 12. §. 4. de accusationibus, & inscript. Imo quandoque ex privatis etiam delictis in servos ipsos agitur, puta de albo corrupto, l. 7. §. 1. de iurisd., de damno in turba dato, l. 4. §. pen. ff. de vi bon. rapt., & de damno ex incendio, ruina, naufragio, rade, nave expugnata, l. 1. de incendio. ruin. Verum haec actiones non penas pecuniarias spectant, quibus generi non possunt servi, sed eo spectant, ut eorum corpora torquantur. Labuntur autem, qui noxales esse ajunt privatas tantum actiones ex privatis delictis descendentes, non populares, aut publicas, nam sunt privatae quaedam non noxales, ut res modo descriptae, & sunt quaedam populares noxales, cujusmodi est actio de decessis, & effusis per servum ignorante domino, l. 1. §. 1. l. 5. §. 6. de his, qui de jure & popularis de sepulchro violato, l. 3. §. pen. de sepulch. viol. Noxales igitur & non noxales non genus delicti, sed lex ipsa distinguit, qua alias noxales fecit, alias non fecit. A Cossa l. 1.

(b) Hinc in libris juris actio noxalis furti, l. 2. §. 1. b. 1., noxalis de dolo, de damno injuria, arborum furtim casarum, l. 6. ad exhib., l. 9. §. 4. de del. mal., l. 19. & 20. b. 1., l. pen. eodem., l. ult. C. de furtis, l. 7. §. pen. ff. arbor. furt. cas.

quam propriæ actiones sunt. Quæ ex delicto competunt, *noxales* dicuntur, nam si servus furtum fecerit, aut bona raperit, aut injuriam commiserit, domino damnum permittitur aut litis æstimationem sufferre, aut hominem noxæ dedere, *pr. h. 1.* Noxam esse inquit §. 1. Tribonianus ipsum corpus, quod nocuit, id est, servum ipsum; noxiam ipsum maleficio. Hoc nomine cum *animal Lingua Latina imperisissimum* vocat Hotomannus, cum consentiunt Salmasius, Loensis, & alii, quod inauditum sit, noxam, esse corpus, quod nocuit. Et sane veteres sic loqui solitos constat, *noxam dedere*, ut vel ipse Tribonianus *pr. h. 1.* loquutus est, ad noxam dare, in *noxam dare*: quæ loquutiones jam satis ostendunt, noxam non esse hominem, qui nocuit. Verum non jure vapulat Tribonianus, nam & in lege 12. Tab. scriptum est, *Dominus noxam dedito*, male enim eo loco legit Festus, *noxam dedito*, ut bene Marcellus ad *LL. 12. Tab. c. 62.*, & veteres Jurisconsulti, quorum in Latino sermone haud est contemnenda auctoritas, *noxam dedere* dixerunt, *l. 1. ff. h. 1.*, *l. 1. de his, qui dejecti*, *l. 20. §. 3. de her. pet.*, *l. 1. §. pen. si quadrup. paup.*, *l. 6. §. 1. de re jud.*; & Servius ad illud Virgilii *Æneid. Unius ob noxam &c.* Quidam, inquit, noxa, quæ nocuit, noxia id quod nocuit, accipiunt. Quid si quis noxam pro nocente dicat, ut sapiens ipse Latinus dictus carcer, mesallum, crimen, scelus? Certe loquitur is ex ingenio Romani sermonis. V. Duker de *Latin. Jurisf. p. 15. seqq.* Latine igitur dicimus *noxam dedere*, noxa pro maleficio accepta, hoc est, *noxam nominare*, quemadmodum dicimus *damni infecti cavere*, nisi quis malit noxam interpretari prænam, quo sensu Latinis dictum, in *noxam*. & ad *noxam dare*, & præterea Latine dicimus *noxam dedere*, hoc est, cum ipsum, qui noxiosus est. Noxali igitur actione dominus, nisi vellet litis æstimationem sufferre, hominem ipsum dedere compellitur. Optionem domino lex dedit, quia is ex servi delicto lucrum non capit, *l. 3. §. 12. de pec.*, nec ferendum, ut in servi potestate sit delicto suo dominum ad inopiam redigere. Hinc actor eam formulam pronunciabat, *Ajo Stichum Marvii servum furto (rapi-na, arboribus furtim cassi) noxiam mihi nascisse, & Marvium aut æstimationem sufferre, aut Stichum noxam mihi dedere oportere: ad eundem modum Index, Marvium L. Titio in x. aureos condemnare, aut noxam dedere*. At ita condemnatus iudicati in decem tenetur, in eumque iudicati in decem agitur, noxæ enim deductio in solutione est, quæ a lege tribuitur; atque hoc est, quod Ulpianus inquit *l. 6. §. 1. de re jud.*, iudicium solius noxæ deductionis nullum esse, sed pecuniariam condemnationem sequi Cujac. *l. 13. Obs. c. 9.* Ea vero deditione liberatur §. 3. *h. 1.*, erat enim iniquum, nequitiam fervorum ultra ipsorum corpora dominiis damnosam esse, §. 2. *h. 1.* Et quamquam natura non magis peccasse videatur dominus, quod servus ejus alteri nocuerit, quam dominus navis, quæ vento percussa navi alterius nocuit: quæ comparatione Grotius utitur *lib. 2. c. 17. §. 21.*; tamen in frustra suis alia, quæ contra Grotium edisserit Pufendorfius *lib. 3. c. 1. §. 6.*, certe publica utilitas noxæ deditionem probat. V. Menken de *æquitate L. L. Rom. circa noxam dediti*, Barbeirac. in *not. ad Grot.*, & Pufend., & Otton. ad *Pufendorf. de off. hom. & civ. lib. 1. c. 6. §. 11.* Servus autem noxæ deductus a domino suo in perpetuum abire, transireque ad eum, cui nocuit est, in ejusque bonis esse incipit, id est, bonitatio ejus domino cedit, quum deductio quiritarium dominum non faciat, *l. 20. §. ult. h. 1.*, *l. 3. in fin. si ex nox. caus. ag.*, & si jure novissimo Justiniani discrimen illud inter quiritarium, & bonitarium dominium sit omnino sublatum; hunc G.



*de nud. jur. Quir. toll.* Quod si damnum ei, cui deditus est, servus resarcierit quæsitæ pecunia, auxilio Prætoris invito domino manumittetur, *d. §. 3.* Species hæc plane singularis, ejusque ea ratio, quod jam prior dominus dedendo servum, quem poterat data æstimatione litis apud se retinere, domini animum deposuit, jamque posteriori, qui satisfieri sibi petiit, servus quæsitæ pecunia satisfacit. V. Cujac. *lib. 12. Obs. c. 91.* & *lib. 21. c. 8.* Pecuniam comparabilis servus aut defraudato genio, ut dictum *tit. præc.* aut mutuo a cognatis in causam manumissionis accepto, qua de re dictum etiam alibi.

§. IV. Noxæ deditio est ex lege 12. Tab., sibi, *Dominus noxam deditum* leges aliz, & Prætorum Edicta noxæ deditioem comprobant, unde Tribonianus §. 4. constitutas ait noxales actiones aut legibus, aut Edicto Prætoris. Legibus, veluti furti lege 12. Tab., damni injuriæ lege Aquilia; Edicto Prætoris, veluti injuriarum, & vi bonorum raptorum. Accursus, eumque sequitur Cujacius, Concius, & Charondas noxalem furti actionem, ex lege 12. tab. interpretantur actionem furti nec manifesti, nam idem ipse Tribonianus *tit. 12. præf. de perpetuis, ac temp. act.* inquit, furti manifesti actionem ex Prætoris jurisdictione proficisci. Verum & nec manifesti, & manifesti furti actio ex lege 12. tab. descendit, nam *tit. 12.* manifestis etiam furibus sive liberis, sive servis poenam irrogat. Neque obstat Triboniani locus *dist. præ.*, nam poena pecuniaria ex Edicto Prætoris est. Hic vero actionis origo spectatur, non poena. Feraud. Adducent. 2. *Explicat. 35.*

§. V. & VI. Regula juris est, noxam caput sequi, hoc est, noxalem actionem ipsum servum noxæ auctorem, quocumque abeat, sequi *l. 20. l. ult. b. r. l. 1. C. eod. l. 21. in fin. ff. commod. l. 1. §. 18. ff. depos. l. 1. in fin. de priv. delict. l. 18. de furt. l. 4. C. an serv. pro suo fact.* Unde Edictio Edicto cautum, ut qui mancipia vendunt, certiores faciant emtores, quid morbi vitæ cuique sit, quis fugitivus, error sit, NOXAE SOLUTUS non sit, *l. 1. §. 1. de Edictis.* Edictum, ne servi nocentis emtor noxali judicio teneatur. Eadem regula locum habet, servo manumisso, *d. l. 1. §. 18. ff. depos. & d. l. 4. C. an serv. pro suo fact.*; quoniam vero manumissus sui juris fit, extingui noxæ deditioem, & directio ipsum tenersi, ait §. 5. Tribonianus, perinde ac si tempore noxæ liber fuisset, *l. 15. de condit. furt. & d. l. 4.*, sicque actio initio noxalis manumisso servo directa fit, quemadmodum ex adverso si quis post delictum servus tuus esse incipiat, noxalis fit actio contracto, quæ initio directa erat in servum, *tit. §.* Quod vero servus ex contractu in servientem inito ne manumissus quidem teneatur, *l. 1. 2. & 5. Cod. eod. excepta peculiari specie in l. 5. C. eod.*; id nihil obstat; qui enim cum servo contrahit, contrahere cum ipso domino videtur, ut proinde agere cum eo debeat, quem initio spectavit: at noxæ servi conscius non est dominus, ut proinde debeat poena caput ipsum servile sequi; & sequitur quidem tempore servitutis, nam noxæ deditio poena est. Ne pecuniaria poenam subeat, status ipse servilis facit: quem obicem ut primum amovit manumissio, directa in eum actio rectissime intenditur. Hæc vera sunt, si servus extraneo nocuit, nam si domino suo noxiam commisit, actio nulla nascitur jure potestatis, *l. 1. C. b. r. & l. ult. C. an serv. pro suo fact.*, nec post commissam noxiam aliud domino est reliquum, quam nocentem domi convenire, ut belle dictum in *d. l. ult.*, hoc est, verbis castigare. Hinc duo consequuntur, I. si in alienam potestatem servus pervenerit, aut manumissus fuerit, neque cum ipso, neque cum novo domino actionem esse, quemadmodum si quid



dominus in servum commisit, nec si manumissus aut alienatus fuerit servus, ullam actionem contra dominum habere potest. 11. si alienus servus tibi noxiam commisit, & is postea in potestate tua esse coepit, interciedere actionem, quia in eum casum deducta est, in quo consistere non potuit, *l. si alienus 37. h. t., d. l. ult. C. an serv. pro suo fact.*

§. VII. Hæc novo jure de servis scripta sunt. Sed hoc idem veteres in filiisfamilias utriusque sexus admiserunt, *l. 3. pen. de O. & A., l. 3. §. 4. de lib. hom. exhib. & h. s.* Facit & locus Papiniani apud Auct. Collat. *LL. de saec. & Rom. tit. 2. §. 3.* ad quem vide Pithæum, & Persei Orationem apud Liv. *lib. 40.* Filiosfam. noxæ dedebat pater jure potestatis, quæ olim Quiritarium dominium erat, ut late traditum *lib. 1. ad tit. 9.* Erat tamen olim maximum inter servos & liberos noxæ deditos discrimen, nam servi deditione in potestatem ejus, cui fuerat nocitum, ita transibant, ut servi ejus fierent, liberi vero serviebant quidem, sed non fiebant servi, erantque proprie addicti homines, quos liberos fuisse contra Salsamum probat nostra *de Addictis disertatio*, ubi fulissime de hac re. V. Cujac. 13. *Obs. 9.* Nova autem hominum conversatio, inquit hic Trib., hoc est, posteriorum temporum usus eam adspexitatem sustulit, filii enim noxæ deditis pater magis periclitari quam filius videbatur, & præterea filiarum pudicitia in periculum adducebatur,

## SI QUADRUPES PAUPERIEM

fecisse dicatur.

### TITULUS IX.

9. ff. 1.

**A** Nimalium nomine, quæ ratione carent, si qua (a) lascivia, aut servore (b), aut feritate pauperiem fecerint, noxalis actio lege duodecim tabularum prodita est. Quæ animalia si noxæ dedantur, proficiunt reo ad liberationem: quia ita lex duodecim tabularum scripta est, ut puta (c), si equus calcitrosus calce percusserit, aut bos cornu petere solitus cornu petierit. Hæc autem actio in iis, quæ contra naturam moventur, locum habet. Ceterum si genitalis sit feritas, cessat actio. Denique si ursus fugerit a domino, & si nocuerit, non potest quondam dominus conveniri: quia desit (d) dominus esse, ubi fera evasit. Pauperies autem est damnum sine injuria facientis datum. Nec enim potest animal injuriam fecisse dici, quod sensu caret. Hæc quidem (e) ad noxalem pertinent actionem.

1 Ce.

(a) Charvenda Codices habent, siquidem.

(b) Fervore omnes Charvenda. Male vulgo pavore. V. Comm. nostr.

(c) Verba, si equus &c. in quibusdam Codicibus literis majoribus scripta leguntur. Perperam factum, haud enim sunt legie 12. tab. verba. Vide quoque super eorum translatione Cujac. 14. *Obs. 11.*, & Hor. 1. *Obs. 13.*

(d) Alibi, desinit.

(e) Alibi, Hæc sunt quæ: alibi, Hæc quidem,

Ceterum sciendum est, Adilitio edicto prohiberi nos canem, verrem, aptum, ursum, leonem ibi habere, qua vulgo iter fit, & si adversus ea factum erit, & nocitum libero homini esse dicatur, quod (f) bonum, & æquum iudici videretur, cani dominus condemnatur: ceterarum vero rerum, quanti clamnum datum sit, dupli. Præter has autem adilitias actiones, & de pauperie locum habebit: Nunquam enim actiones, præsertim poenales, de eadem re concurrentes, alia aliam consumit.

(f) Quanti apud Theophil., & in MS. quibusdam.

## COMMENTARIUS.

**P**R. Tit. Bruta injuriam non faciunt, quia nulla est injuria nisi a consilio profecta, ut bene Seneca 2. de ira 26., sed nocere nobis possunt, ut ferrum. *Et lapis.* Hinc recte Jurisconsulti animantia bruta facere pauperiem ajunt, nam pauperies, ut est apud Festum, *damnum dicitur, quod quadrupes facit.* Animalium igitur nomine, quæ ratione carent, si quæ lascivia, aut fervore, aut feritate sine culpa domini pauperiem fecerint, voxalis in dominum actio lege 12. Tab. prodita est, qua teneatur dominus, nisi noxam faciat, id est, damnum præster, animal in noxam dedere, hoc est, vivum tradere, l. 7. de nox., quia ita lex 12. Tab. scripta est, quæ est ratio ejus juris 2. Tribonianus hic tradita de more veterum Jurisconsultorum, qui, quam de jure certo agebatur, legem ipsam pro ratione laudabant. Exemplum habes in l. 12. §. 1. qui & a quib. man., & alia apud Julium Rufinum Desig. sent. v. apophasis. Noxalis hujus actionis origo a Mosaica lege de bove petulo Exod. 21. v. 28.; unde & lex Solonis (a) de cane in noxam dedendo apud Plæarchum in Solen. v. 40., & lex demum 12. Tab. profecta. (b) Verba legis Decemviralis fuere hæc, Si quadrupes pauperiem faxit, dominus noxia astimians offert, si velit, quod noxia dato, l. 1. pr. §. 1. & 2. h. t. De quadrupede scripta lex est, unde hanc actionem verbo uno quadrupedariam dixere Basilica lib. 60. tit. 1., nec nisi quadrupedis in Digestorum & Codicis rubrica

(a) At Paulus lib. 1. sent. tit. 15., Quod etiam lege Pefulania de cane cavetur. In libro Luceia edito curante Almarico Bouchardo biennio ante Basilicensem Sichardi editionem legitur, Pefolonia. Cujacius vero mavult, Solonia, ac spectare huc Pauli locum inquit Solonis legem de cane. Hanc Jacobus Cujacii conjecturam probat Aut. Augustinus de LL. Rom., ex eaque Pauli textum refutavit, Ritterhusius. Verum eam non satis probat Schultingius ad Pauli; quum quia vocis terminatio magis Romanam eo loco preponi, quam Atticam, legem suadet; tum quoniam non est verisimile, Paulum ex libro, quo juris Romani elementa quam brevissime tradit, ad Atticam legem digredi voluisse. Præstat igitur communem lectionem tenere, legemque Pefulaniam interpretari Plebifectum interea ætatis Pefulano quodam auctore factum, quo generale jus 12. Tab. de quadrupedibus ad canes etiam productum.

(b) Non est tamen, cur de legis Decemviralis ratione quisquam despectu

ca sic mentio. Quod si bipes animal pauperiem fecerit, ejus rei exemplum in gallina exhibet Plutarchus *lib. de coh. iracund.*; nullis actio in dominum datur, *l. 4. ff. eod.* Sed non omnes quadrupedes lege Decemvirali comprehensæ, unde proditam lege 12. Tab. actionem ait Tribonianus earum quadrupedum nomine, quæ *lascivia*, aut *fervere*, aut *feritate* pauperiem fecerint. Lascivia est, quam in hominibus petulantiam & insolentiam dicimus. Fervor est naturalis in venerem impetus & male in nonnullis Codicibus est *pavor*, nam pavor esse potest aliunde quam a natura, ut a panno rubro: quo casu Aquila locum habet, ut bene monet ad *h. l. Marcilius*. Feritas non est hic *genitalis* feritas, ut loquitur Trib., id est, nativa, (ad hanc sententiam Trebatius apud Gel. *lib. 2. c. 1.* mulierem a principio *genitali* sterilem dixit, unde non video, cur dubitet Hotomanus, num pro *genitalis* legendum potius sit, *ingenita talis*) nam ferarum bestiarum nomine non datur hæc actio, *h. §.* & *l. 1. §. 10. h. t.*, sed feritas vitio quodam contra naturam, hoc est, contra naturalem mansuetudinem contracta, quo pertinent exempla equi calcitrosi, & bovis cornu petere soliti, quibus utitur Tribonianus, & præterea illud, *Hæc actio in his, quæ contra naturam moventur, locum habet*. De feris bestiis nihil a Decemviris cautum, forte quia veterum Romanorum frugalitas ferum illud animantium brutorum genus ad spectacula potius factum, quam ad usum vitæ habere non patiebatur, quæ conjectura est Jani a Costa.

§. I. Sed crescente in dies Romanorum luxurie feræ bestię ludorum causa, vel ad speciem frequentes Romam advectæ, unde Juvenalis *sat. 7. v. 76.*

*Nec desuit illi;*

*Unde emeret multa pascendum carno lionem*

*Jam domitum.*

Et *Lact. lib. 6. Div. inst. c. 12.*

*Unde feræ pasci, pauperes ale.* Hinc sapientes Ediles utpote viarum curatores edixerunt, ne quis canem, verrem, aprum, ursum, leonem ibi haberet, qua vulgo iter fieret: & si adversus ea factum esset, nocitumque libero homini, quod bonum & æquum judici videretur, tanti dominus condemnaretur: ceterarum rerum, quanti (e) damnum datum esset, dupli. Tribonianus *h. §.* Quod Edilibus tribuit Tribonianus, id Prætori tribuit Paulus *l. 1. sent. tit. 15. §. 2.*, *Feram bestiam in ea parte, qua populi iter est, colligi*

*vet, etsi enim naturalis ratio vetet, ne bruta pœnam subeant, quod nihil intelligant, haud tamen vetat, ne dominus, qui ex brutorum usu suum sentit, damnum quoque sentiat: & æquius est, ut animantis bruti factum derivamento sit domino suo, quam alii. Interdum ad terrorem bruta pœnis subjiciunt.* V. Otton. ad Pufendorf. *de off. hom. l. 1. c. 6. §. 12.*

(c) *At vero aliam pœnam proponit Paulus lib. 1. sent. tit. 15. §. 2.* Feram bestiam in ea parte, qua populi iter est, colligari Prætor prohibet. Et ideo si ab ipsa, sive propter eam ab alio alteri damnum datum fuerit, pro modo admitti extra ordinem actio in dominum, vel custodem datur, maxime si ex eo homo perierit, vel fuerit læsus. Sed acute deprehendit Schulzinger, pœnam tantummodo extraordinariam a Paulo proponi, quæ alibi in jure non reperitur, non pœnariam, qualis ea est, quam Ediles constituerunt.

At

# SI QUADRUPES PAUPEREM FECISSE DICATUR.

121

*colligari* (d) Prætor prohibet. Prætorum eo loco pro Edili accipi, scribit Cuiacius ad Paul., in Edicto enim perpetuo ceteris Edictis Prætoris Adilicia quædam Edicta accesserunt, ut non male quod Adilitium est, Prætorum quoque dicatur, inquit a Colla ad h. §. Adiles de cane etiam edixerunt, nempe de cane acri, ut Phædrus loquitur 3. fab. 7. v. 8., unde merito sic ab eo metuendum. Hinc si qui olim mordaces canes domi haberent, ad Adilium parietes adligabant, inscribebantque januis, *Cave canem*. Popp. *de oper. serv. v. offitarii*, Putean. *pr. dier. pental.* Festive dictum a Varrone in Eumen., *Quod hodie mea est præditiō, in janua cave cave canem inscribi jubet*, nempe ut ea inscriptione qui ad se erant prandii causa venturi, detererentur. Varronis etiam Menippæa satyra est *Cave canem* inscripta, quæ maledicos homines perstringit. Jam præter Adilitiam uxorem, datur quoque in domum noxalis de pauperie, nunquam enim actiones, præsertim poenales, de eadem re concurrentes alia aliam consumit, h. §., & l. *pendo* 9. §. A., l. *nunquam* 130. de reg. jur., l. 2. de priv. delicti., quod verum est, si non idem sit factum, hoc est, si in eadem re duo facta concurrant, ut in hac specie, V. Cujac. 8. Obs. 24. Verum haud constare sibi videtur Tribonianus, qui *pr. h. t.* scripsit, si gentilis sit feritas, qualis est feritas ursi, ac leonis, actionem de pauperie cessare. Ajunt nonnulli, cum Adilitia uxori concurrere actionem de pauperie non directam, sed utilem, modo bestia quæ nocuit, adhuc sit in potestate; cessare vero cani actionem, si fera domini manum evasit. Ita Marcellus & Vinilius hic. Aliud visum Jano a Colla ad hunc §. quem vide.

*At quid illud est? Prætor extraordinarium poenam infligit, quum tamen eam coercionem Prætores aut Ediles usquequo mereo imperio destituti infligere non possissent, sed Præfatus Urbi Roma. Difficultas facile removeretur, si ea verba, Et ideo &c. non accipiuntur tanquam confessanea eorum, Feram bestiam &c. Priora verba Prætorium, seu Adilitium Edictum continent & posteriora poenam extraordinariam.* V. Schulting. ad Paul.

(d) *Consuevere Romani feram noctu dimittere, interdum colligare.* Var. de re rust. lib. 1. c. 21. *Capis apud Phædrum lib. 3. fab. 7. v. 18.*  
Quia videor acer, adligant me interdum.

## DE IIS PER QUOS AGERE

possumus.

### TITULUS X

**N**unc admonendi sumus, agere posse quemlibet hominem, aut suo nomine, aut alieno. Alieno, veluti procuratorio, tutorio, curatorio: cum olim in usu fuisset, alterius nomine agere non posse, nisi pro populo, pro libertate, pro tutela. Præterea lege Hostilia permissum erat furti agere eorum nomine, qui apud hostes essent, aut reipublicæ causa absissent, quive in eo

lib. 17.

Q

rum

rum cujus tutela essent. Sed quia hoc non minimam incommoditatem habebat, quod alieno nomine neque agere, neque excipere actionem licebat: ceperunt homines per procuratores litigare. Nam & morbus, & ætas, & necessaria peregrinatio, itemque aliz multæ causæ sæpe hominibus impedimento sunt, quo minus rem suam ipsi exequi possint.

1 Procurator neque certis verbis, neque præsentem semper adversario, imo plerumque eo ignorante constituitur. Cuiusque enim permiseris rem tuam agere, aut defendere, is tuus procurator intelligitur.

2 Tutores, & curatores quemadmodum constituantur, primo libro expositum est.

## COMMENTARIUS.

**P**R. Tit. Antiquissimis Romæ temporibus nemo poterat alieno nomine iudicia agere: & quod adeo verum erat, ut ne vocato quidem in jus, cui morbus & vitæ vitium esset, a iudicio abesse, ac vicaria uti alterius opera liceret, si in jus vocato (a) sēbant Decemviri apud Gell. lib. 20. c. 17. morbus & vitæ vitium esset (a), qui in jus vocabit, jumentum (b. c. vehiculum) dato: si noler, arceram (i. e. plostrum tectum undique & munitum) ne sternito. (b) Neminem igitur pro alio agere voluerunt Decemviri (c) Græcos in hæc, ut in multis, imitasti: quod tradit Quintilianus lib. 2. c. 17: fuitque jus illud ita scriptum, diuque servatum Romæ, primum, quia si agere per alium liceret, quod nobis sententia iudicis cederet, id per extraneum acquireretur, quod in iure absurdum, §. 5. per quas persi. adquir., l. 26. §. 2. ad V. O. l. 73. §. ult. de R. J.; deinde quia, quum veteri more institutoque Romanorum actiones omnes, atque exceptiones in stipulationem deducērentur, debuisset procurator extraneus alieno nomine stipulari: quod non licebat per leges, l. 38. §. 17. de V. O. Addunt & tertiam rationem nonnulli, quibus novissime subscripsit Heinec. in Antiq. ad h. t., quia erant actiones omnes certis formulis solemnibusque verbis conclusæ, eratque formulæ ita conceptræ, ut unusquisque quod suum esset, petere posset: ut vero peteret quis alteri debitum, nulla erat prodita jure civili actio. At vero tertia hæc ratio haud satis apta videtur mihi, minus enim proprie de jure 12. Tab. diducimus ex formulis actionum, quas novissi post constitutum, jus illud excogitatas accep-

(a) Alia Gellii editio habet, Si in jus vocat: (i. e. actor) si morbus & vitæ vitium esset, nemp, in jus vocato. Hanc lectionem ex editione Aldi retinimus ad tit. 6. pr.

(b) Caput hoc 12. Tab. sic legi posse scribit Hotomannus, jumentum dato, si voler, arceramve sternito. Sed & ipse Hotomannus addit, sequutum fuisse Gellium priorem scripturam hoc sensu, Si noler arceram sternere, ne sternat sed jumentum tamen det: qui sensus satis est bonus.

(c) Verum, quid causæ est, cur jure etiam Pandectarum, qui jure frequentius erat Procuratorum usus, diverse cautum sit, neminem alieno nomine legē agere posse, ut scriptum est apud Ulpianum l. 123. de R. J. Video ego interpretum, plerosque secum hunc Ulpiani sic accipere, neminem posse pro alio agere, quia actiones sunt actiones legis, l. 2. §. 6. de O. J. quæ præinde nec alieni

acceptus. Agi alieno nomine olim poterat tribus casuum de causis, pro populo, pro libertate, pro auctoritate, pr. h. s., quod favor Reip., libertatis, ac tutelæ induxit, præterquam quod neque civitas universa iudicio adesse, nec servus, nec pupillus potest. Ridendus hic Theophilus, qui, quod Tribonianus ait hic de tutela, accipit de duobus, qui de tutelâ disceptant, quum pro tutela agere sit hic agere nomine pupilli. Tutelam pro pupillo dixit etiam Masurius Sabinus lib. 3. juris civilis apud Gellium lib. 5. c. 12., in officiis apud majores ita observatum est, primum tutelâ, deinde hospitii, deinde clientis, tum cognato, postea affini. Tractu temporis lata est Romæ lex Hostilia, qua pro iis, qui Reip. causa aberant, quique erant apud hostes, furti nomine agi permissum est, & ideo tantum furti, quia, ut suspicatur Horatius, neque tam facile homines ad ceteras injurias absentibus inferendas impelluntur, quam ad furtum, cujus absente domino summa facultas est, & quasi propolita impunitas, nec tam difficile reversi homines ceteras injurias persequuntur, quam furtum. Legis Hostiliæ auctor, ac tempus ignoratur. Pacius in notis marginalibus eam tribuit A. Hostilio, qui anno Urbis 580. cum A. Atilio Consulatum gessit. Certe ea ab aliquo Hostilio est: plures autem Hostilii Consules in Romana antiquitate occurrunt. V. l. ult. de Legat. Josephi Nerii opinio i. Analest. 26., Hostilium ab Hoste dictam, quod nomine eorum, qui apud hostes essent, agi per eam liceret, quodque apud Tribonianum hoc loco complures antiqui Codices lege Hostili habeant, non, lege Hostilia; Criticis risum, mihi stomachum quoque facit. Annus enim, qui Reip. causa abscent, in manu hostium erant, ut iis etiam Hostili lege consulatur. Quod vero in compluribus libris scriptum est, lege Hostili, id vel librariorum vitio vertendum, vel ad Hostili explicandum Hostili de more veterum Latiuorum, quod Nersius ipse non diffidet. Tandem quia hoc non minimam incommoditatem habebat, quod alieno nomine neque agere, neque excipere actionem licebat, accepisse homines, addit Tribonianus; per procuratores litigare; & ne procuratores aliis adquirere viderentur, quod a Romano jure abhorrebat, suxerunt Jurisconsulti, dominium litis in eos transire, id est, facultatem quandam, ut cujus actio ita alicujus propria videretur, ut illam quasi suo nomine movere posset, ac peragere, l. 4. §. 3. ff. de alienat. jud. mutand. caus., l. 4. §. fin. de appellat. Ait autem Macer d. l. 1. §. ult. de appell., procuratorem litis contestata dominum litis effici, nam litis contestatione, quasi contrahi cum adversario videbatur. V. Rævard. ad l. 84. §. quoties, de R. J., & Boehmer Dissert. de domin. lit. c. 12.

§. I. Procurator neque certis verbis, neque præsentem semper adversario, imo

nec conditionem, nec procuratorem admittant. At locus ille sic acceptus cum jure Pandectarum non congruit. Sarius est igitur cum in hanc sententiam interpretari cum Marcilio, neminem posse alieno nomine apud Magistratum agere ab aliquo legitimo, ut adoptare, emancipare, manumittere, in jure cedere, & quæ genus alia expedire, quæ inter adus legitimæ enumerantur, l. 77. de reg. jur. Atque hæc non simpliciter actiones, sed legitimæ actiones dicæ, l. 4. de adopt., l. 2. de off. Procons., l. 1. de off. jurid., & alius legitimi, d. l. 77. Et lege agere dicebatur, & qui apud Magistratum agebat, & Magistratus ipso. Cujac. 16. Obs. 15. Ulpianus igitur non de æquitate nomine alieno, sed de ætate, legi nomine alieno intelligendus est.



imo & plerumque eo ignorante constituitur; cuiusque enim permiseris rem suam agere, aut defendere, is tuus procurator intelligitur, inquit h. 6. Trib. Nulla ad procuratorem constituendum solennitate est opus: satis est, si ei dominus procreationem permittat, qui enim sine mandato gerit, is negotiorum gestor est, l. 1. de procur. & tot. tit. de neg. gest. Sunt tamen nonnulli, qui iure singulari procuratores sunt sine mandato, l. 35. & 40. §. ult. de procurat. & desep. Alii a Procuratoribus erant Cognitores, de quibus apud Paulum 1. sent. 2., & in Cod. Th. Eos sic distinguit Cujacius ad Paulum, Procurator causam agit absente litigatore, Cognitor litigatore presente, idque ex Festo, & Alconio colligi ait. Verum, ut recte observat Schultingius, nihil opus fuit, ut cognitor litigatore presente causam ageret. Festus id tantum inquit, cognitori causam a domino presente committi: quo facto bene is poterat abesse, uti non obscure tradit Cic. pro Rose. c. 11., ad quem locum id ipsum movet Jac. Menard. Facit illud Horatii lib. 1. sat. 3. v. 38.

*Ire domum, atque*

*Pelliculam curare iube, si cognitor ipse.*

Eo potius a procuratore distabat cognitor, quod cognitor causas status ageret, alias quaecumque procurator. Donatus ad illud Terent. Eunuch. act. 4. sc. 7. v. 35.

*Principio eam dico esse liberam, civem Atticam,  
Sororem meam*

In tria, inquit, officium defensionis suae divisi, in ADSEKTORIS: principio eam dico esse liberam, in COGNITORIS: civem Atticam, in FRATRIS: meam sororem.

§. II. De tutoribus & curatoribus constituendis dictum lib. 1. tit. 12. & seqq.

## DE SATISDATIONIBUS.

### TITULUS XI.

2. ff. 8.

2. C. 57.

**S**atisfactionum modus alius antiquitatis placuit, alium novitas per usum amplexa est. Olim enim si in rem agebatur, satisfidare possessor compellebatur, ut si victus esset, nec rem ipsam restitueret, nec litis estimationem, potestas esset petitori aut cum eo agendi, aut cum fidejussoribus ejus, quae satisfidario appellatur *judicium solvi*. Unde autem sic appelletur, facile est intelligere. Namque stipulabatur quis, ut solveretur sibi, quod fuisset (\*) indicatum. Multo magis is, qui in rem actione conveniebatur, satisfidare cogebatur, si alieno nomine iudicium accipiebat. Iple autem, qui in rem agebat, si suo nomine petebat, satisfidare non cogebatur: Procurator vero si in rem agebat, satisfidare jubebatur, rem ratam dominum habiturum. Periculosa enim erat, ne iurum dominus de eadem re experiretur. Tutores vero & curatores

(\*) *Vulgata fuisset: in nonnullis duo illa desunt.*



ratores eodem modo, quo & procuratores satisficere debere, verba Edicti faciebant: sed aliquando his agentibus satisfactio remittebatur. Hæc ita erant, si in rem agebatur.

1 Si vero in personam, ab actoris quidem parte eadem obtinebant, quæ diximus in actione, quæ in rem agitur: ab ejus vero parte, cum quo agitur, si quidem alieno nomine aliquis interveniret, omnimodo (b) satisfacere: quia nemo defensor in aliena re sine satisfactione idoneus esse creditur. Quod si proprio nomine aliquis iudicium accipiebat in personam, *iudicatum solvi* satisficere non cogebatur.

2 Sed hodie hæc aliter observantur. Sive enim quis in rem actione convellitur, sive personali suo nomine, nullam satisfactionem pro liti æstimatione dare compellitur: sed pro sua tantum persona, quod in iudicio (c) permaneat usque ad terminum liti, vel committitur suæ promissioni cum iurjurando, quam juratoriam cautionem vocant, vel nudam promissionem, vel satisfactionem (d) pro qualitate personæ suæ dare compellitur.

3 Sin autem per procuratorem lis vel inferatur, vel suscipiatur, in actoris quidem personam, si non mandatum actis insinuatum est, vel præsens dominus liti in iudicio procuratoris sui personam confirmaverit, ratam rem dominum habiturum, satisfactionem procurator dare compellitur, eodem observando, & si tutor, vel curator, vel aliæ tales personæ, quæ alienarum rerum gubernationem receperunt, litem quibusdam per alium inferunt.

4 Si vero aliquis convenitur, si quidem præsens procuratorem dare paratus est, potest vel ipse in iudicium venire, & sui procuratoris personam per *iudicatum solvi* satisfactionem (e) solenni stipulatione firmare, vel extra iudicium satisfactionem exponere, per quam ipse sui procuratoris fidejussor existat pro omnibus *iudicatum solvi* satisfactionis clausulis. Ubi & de hypothecæ suarum rerum convenire compellitur: sive in iudicio promiserit, sive extra iudicium caverit, ut tam ipse, quam heredes ejus obligentur. Alia in super cautela, vel satisfactione propter personam ipsius exponenda, quod tempore sententiæ recitandæ in iudicium veniet: vel si non venerit, omnia dabit (f) fidejussor, quæ in condemnatione continentur, nisi fuerit provocatum.

5 Si vero reus præsto ex quacumque causa non fuerit, & alius velit defensionem ejus subire; nulla differentia inter actiones in rem, vel personales introducenda, potest hoc facere: ita tamen, ut satisfactionem *iudicatum solvi* pro liti æstimatione præstet. Nemo enim secundum veterem regulam, ut jam dictum est, alienæ rei sine satisfactione defensor idoneus intelligitur.

6 Quæ omnia apertius, & perfectius a quotidiano iudiciorum usu in ipsarum documentis apparent.

7 Quam formam non solum in hac Regia Urbe, sed etiam in omnibus nostris

(b) Non est, cur hoc malis, omnino contra omnium Cod. fidem. Communis lectionis bonus est sensus. V. Com.

(c) Pertinebit in quibusdam Charondas.

(d) V. Comm. nostræ.

(e) V. Comm. nostræ.

(f) V. Comm. nostræ.

stris provinciis, etsi propter imperitiam forte aliter celebratur, obtinere censemus: cum necesse sit, omnes provincias caput omnium nostrarum civitatum, idest, hanc regiam urbem, ejusque observantiam sequi.

## COMMENTARIUS.

**P**R. Tit. Satisfacere Jurisconsultis proprie est aliquem *dati* fidejussoribus securum facere, l. 1. qui satisf. cog., & l. 3. C. de V. S., etsi reliquæ cautiones veteribus ante Paudectas ignotæ vel per nudam promissionem, vel per iuramentum, vel per pignora satisfactiones etiam quandoque appellebantur, l. 25. de const. pet., l. 49. de solut., l. 61. de V. S. Satisfactionum autem modus, inquit pr. h. 1. Tribonianus, alius antiquitari placuit, alium novitas per usum amplexa est. Olim si in rem agebatur, satisfacere possessor debebat, ut, si victus esset, nec rem ipsam restitueret, nec litis estimationem, potestas esset petitori aut cum eo agendi, aut cum fidejussoribus ejus. Idemque multo magis satisfacere cogebatur is, qui nomine possessoris judicium accipiebat, pr. h. 1., & l. 46. §. 2., & l. 53. de proc. In hanc igitur sententiam stipulabatur a possessore, vel ejus defensore actor, ut solveretur sibi, quod fuisset judicatum, unde dicta ea satisfactio judicatum solvi. Ejus stipulationis formulam dat Brissonius §. de Form., Si ea res secundum me heredes meum a Sempronio judico, quive in ejus locum substitutus erit, iudicata erit, quod ab eam rem se heredes meum dare, facere, prestare oportebit, quanti ea res erit, dare spondet. Quod si reus nollet satisfacere judicatum solvi, possessio in actorem transerebatur, l. 1. C. uti poss., Paul. lib. 1. sent. tit. 11. §. 1., quo tamen loco agit Paulus de satisfactione, quam prestat hereditatis possessor ei, qui petit hereditatem, ut proinde de satisfactione judicatum solvi accipi is locus non debeat; quum enim actio in rem generalis erat, veluti, hereditatis petitio, reus de non minuenda hereditate cavere tantum compellebatur, erat enim verendum, ne interea is causæ dissidens deteriorem possessionem faceret, recta disparet, & culta desereret, ut bene Asconius in Ver. 3. Discrimen hoc inter generalem & specialem rei vindicationem adstruit a Costa ex Ulpiano in l. 5. de her. pet. D. Pius rescripti, prohibendum possessorem hereditatis, de qua controversia erit, antequam lis inchoaretur, aliquid ex ea distrahere, nisi maluerit pro omni quantitate hereditatis, vel verum ejus restitutione satisfacere, hoc est, satisfacere judicatum solvi: quam satisfactionem prestare possessor non compellitur, nisi si quid velit ex hereditate distrahere. Causa autem cognita, & si non talis data sit satisfactio, sed solita (male alibi; solida) cautio, hoc est, cautio de non minuenda hereditate, etiam post litem captam diminutionem se concessurum Prætor edixit. Ipse autem, qui in rem agebat, si suo nomine petebat, satisfacere non cogebatur; cur enim satisfacere actor, qui non damnatur? procurator vero ejus, si in rem agebat, satisfacere jubebatur; rem ratam dominum habentem: quæ satisfactio de rato dicitur; periculum enim erat, ne iterum dominus eandem litem inferret. Verum hac satisfactione opus non erat, ubi procurator domini mandatum proferebat, l. 1. C. de procur., l. 3. §. 2. ut in poss. leg. l. 4. §. 63. de procur., & l. un. pr. Cod. de satisf. satis enim mandato sese prodit voluntas domini, neque est, quod sibi deinceps metuatur reus. Neque obstat, quod Ulpianus scribit l. 40. de procur., qui mandatum domini non habet, repelli, quamvis de rato offerat cautionem.

NAM

nam loquitur Ulpianus de personis sanguine conjunctis, in quibus mandatum non exigi ait, additque, etsi nihil sit opus eis, ut habeant voluntatem vel mandatum, opus tamen esse, ne contraria voluntas probeatur, quamvis de rato offerant cautionem. Ipsa conjunctio facit, ut, nisi evidens sit contra voluntatem eos experiri eorum, pro quibus interveniunt, non repellantur. Alii, si mandatum proferant, jam plus cautionis reo præstant, quam qui caveat de rato. Si vero mandatum non extet; aliqua tamen suppetat probabilis ratio, unde voluntas domini probeatur, in hac demum specie necessaria est cautio de rato; ad quem sensum explicandus hoc loco Tribonianus arg. l. 3. §. 2. *ut in poss. leg.*, & l. 1. C. de *procur.* Nec solum actoris procurator, sed & tutor, & curator eodem modo satisfacere jubebantur; generaliter enim Prætor edixerat: *Cujus nomine quis actionem dari sibi possulabit, is eum viri boni arbitratu defendat: & ei quo nomine ager id ratum habere eum, ad quem ea res pertinet, boni viri arbitratu.* Sed aliquando his agentibus satisfactionem remissam, inquit Tribonianus: idque sensum benigna prudentum interpretatione obtinuisse, scribit a Costa ob textum in l. 23. de *adm. tut.* ubi Ulpianus vulgo observari ait, ut tutor caveat, ratam rem pupillum habiturum: quæ duo Ulpiani verba usum contra legem introductum explicant, videbatur enim Prætor de iis Edicto cavisse, qui alienis sese negotiis miscuit, non de iis, qui pro munere suo agunt. At post nonnullos alios Vinnius, falsam esse ait Triboniani emendationem, idemque de tutoribus & curatoribus dicendum contendit, quod de procuratoribus dictum, nempe tum demum satisfacere de rato debere, quum de ipsis ambigitur, *ut l. 23. de adm. tut.* Hæc ita erant, si in rem agebatur.

§. I. Si vero in personam, ab actoris quidem parte eadem obtinebant, hoc est, si is nomine suo agebat, de rato non cavebat; cavebat tamen is, si alieno, l. 33. *in fin. de procur.*; ab ejus vero parte, cum quo agebatur, si quidem alieno nomine, aliquis interveniret, omnimodo satisfacere, quia nemo defensor in aliena re sine satisfactione idoneus esse creditur: quæ regula est juris, l. 5. & l. 46. §. 2. l. 53. de *procur.* & l. in eo, quod de R. J., ut crasse Alphenum Jurisconsultum appareat, quod negavit, *equum esse, procuratorem satisfacere, quod reus satisfacere non deberet, si adesset.* Cic. pro *Quint.* c. 7. Ait Trili., omnimodo, hoc est, si sine mandato, siue etiam cum mandato, l. 4. *in fin. C. de satisf.*, l. 21. ff. *rat. rem hab.* Hæc de cautione de rato. Cautio autem judicatum solvi non præstabatur ab eo, qui suo nomine actionem in personam suscipiebat, quod secus fuisse in judicio reali jam diximus. Discriminis ratio hæc videtur esse, quod actione in personam cum eo agimus, cum quo contraximus, ut proinde si initio fidem ejus nullo fidejussore adhibito sequenti sumus, ex postfacto duriores facere ejus conditionem non liceat: contra actione in rem cum eo agimus, qui nullo jure nobis est obligatus, ut merito liceat eum ad satisfactionem compellere, ne is rem, quam possidet, causa diffidens faciat deteriorem. Probabilis quoque est ea ratio, quod actione in rem corpus, actione in personam quantitas agitur. Hæc nunquam perit: illud vitio possessoris deterius fieri potest, & vero etiam perire. Hinc in hæc vindictarum, qui rem tenebat, nihil se deterius in possessione futurum satisfacere, Alconio recte ad *Verrin.* 3.

§. II. Hæc omnia jure veteri; aliud placuit jure novo. Reus enim siue in rem actione conveniatur, siue personali suo nomine, nullam satisfactionem pro *litis estimatione* dare compellitur, hoc est, non debet cavere *judicatum solvi*, sed pro sua tantum persona, quod in judicio permaneat usque  
ad

ad terminum litis. Verba hæc accipere videtur Meinecius in *Antiqu.* ad *h. 1. de cautione judicio fisci*: quæ etiam fuit sententia Glossæ, & quorundam veterum Interpretum. Sed male, nam ea cautione id agebatur, ut judicium reus acciperet, atque in judicium veniret, proindeque ante acceptum judicium interponebatur, *l. 19. ff. rei. rem hab.*, & ante contestatam litem committebatur, *l. 10. §. 2. si quis cau.*; ut proinde si reus promissio non staret, minus proprie litis desecret, proprie delictor vadimonii diceretur. Cautio de permanendo in judicio, utque ad terminum litis nova cautio est, videturque constare ex cautione *judicio fisci*, & ex una ex clausulis cautionis *judicatum solvi*, quæ est *de re defendenda*. Trifarjam vero nova hæc cautio præstatur, vel jurejurando, vel nuda promissione, vel satisfatione, hoc est dato fidejussore, quo scilicet satisfationem in specie passim usurpant Jurisconsulti *l. 1. qui satisf.*, *l. 3. C. de V.S.* Spectanda est igitur personæ ratio. Illustres personæ jurando cavent, *l. 19. C. de dign. lib. 42.* Jurant quoque tenuiores, adduntque illud juramento, non potuisse se locupletes fidejussores reperire, *auth. generaliter, C. de Episc. & Cler.* Nuda promissione cavent rerum immobilium possessores ex communi interpretum sententia, aliqui nullus esset nuda promissioni locus, etsi pauci quidem, in quibus est Everardus Otto ad *h. §.*, eam opinionem rideant, quum soli Clerici in nonnullis causis tantum promittant, *l. 25. §. 1. l. 33. §. 3. Cod. de Episc. & Cler.*, *l. ult. Cod. de sport.* Vid. *l. 1. de iussu reor.* Ceteri omnes datis fidejussoribus satisfaciunt. (a) Communis etiam est sententia, posse juratoria cautione desungi, qui fidejussores invenire non potuerunt, modo id primum jurati affirmant, tum juratoriam cautionem præstent: laudantque in hac sententiam interpretes secundum caput Nov. 121. Verum nihil est eo capite statutum de cautione judicio fisci: tantum agitur de satisfatione ab actore præstanda pro litium impensis. Olim reus, qui fidejussorem non inveniebat, in carcerem conjiciebatur, & in sequentem postulationis diem servabatur in jure sistendi causa. Probat id Ravardus ad *LL. 12. Tab. c. 5.* Plauti testimonio in *Perla ad A. 2. sc. 4. v. 18. S. A. Vadatur hic me, P. A. Usinam, vades desint, in carcere us sis.* Idem tempore Justiniani usurpatum adstruit Gerardus Noodt *lib. 2. Obs. c. 20. ex l. 19. C. de test.* ubi Justinianus, *Si quando de inuito testes in pecuniariis causis ex nostra lege aliquis trahere maluerit, siquidem sua sponte fidejussionem sue personæ sine damno præstare velint, hoc fieri: sin autem noluerint, nam carcerali custodia deirudi, sed sacramento eos committi censemus.* Si enim pro toto litis certamine jurejurando testium credendum esse putaverint hi, qui eos produxerint: multo magis præsentiam suam testibus sacramento eorum credere debent. Quibus verbis contineri ait Noodtius exceptionem in testibus ea ratione, quod absurdum sit, quibus jurantibus creditur pro toto litis certamine; ipsis non credi jurantibus, certo die se judicio adfuturos testimonii gratia. Quumque hæc sit in testibus exceptio, stare adhuc conjicit Noodtius veterem regulam in reis. V. Noodtium *loc. cit.*

S.III.

(a) Huc pertinent verba illa Triboniani, vel satisfationem pro qualitate personæ suæ dare compellitur, ut male Hofmannus ex quorundam notis eum liberorum auctoritate. Vel satisfationem expungat.

§. III. Quod si per procuratorem lis vel inferatur, vel suscipitur, actoris procurator, si mandatum extet, non satisfacit, *l. 69. de procur.*, si de mandato ambigatur, de rato cavet, *l. 1. C. de proc.*, si mandato caret, non admittitur, *l. 35. ff. l. 21. C. de proc.*, nisi vel dominus sit praesens, nam domini praesentia pro mandato est, vel procurator sit persona conjuncta, vel particeps litis. V. Breukman. *Euremai. Modoff. s. 2.* Idemque jus est, si per procuratorem lis inferatur a pupillo, vel adulto auctore tutore, vel consentiente curatore, *l. 11. C. eod.* Quod ait h. §. Tribonianus, procuratorem actoris satisfacere compelli, nisi praesens dominus litis in iudicio procuratoris sui personam confirmaveris, id accipit Marcilius de confirmatione per satisfactionem, nam judiciales satisfactiones personarum confirmationes sunt, *l. 2. §. 3. C. de jurej. prept. calumn. Nov. 113. c. ult.*

§. IV. Si vero quis convenitur, si quidem praesens procuratorem dare paratus est, potest ipse in iudicio venire, & sui procuratoris personam per iudicatum solvi satisfactionem (b) solvendi stipulatione firmare, vel extra iudicium satisfactionem exponere, per quam ipse sui procuratoris fideiussor existat pro omnibus iudicatum solvi satisfactionis clausulis, inquit h. §. Trib. At quid rei est hoc, dominum procuratoris sui fideiussorem existere? Hoc perinde est, ac sui fideiussorem esse: quod absurdissimum est, *l. 21. §. 2. ff. de fidejuss.* Cujacius hunc locum in jure singulare dicit. Alii fideiussorem interpretantur expromissorem, ut in *l. 30. §. 1. de pñt.* Sed expedita res est. Procurator, ut supra dictum, lite contestata fit dominus litis, unde in personam ejus concipitur sententia, *l. 23. de proc.* Recte igitur pro eo dominus ipse fideiubet, nam sic fideiubere pro alio videtur. A Costa hic. Dominus igitur, si velit procuratorem suum satisfactionis onere liberare, pro eo satisfabit iudicatum solvi vel in iudicio, vel extra. Sed & duas alias cautiones dare dominus debet, quas paullo obscurius exprimit h. §. Tribonianus. Alteram proponit his verbis, *Ubi & de hypotheca suarum rerum convenire compellitur: siue in iudicio promiserit, siue extra iudicium caverit: ut iam ipsa, quam heredes ejus (multi Codices habent, sui) obligentur.* Si prius illud *vel*, ubi & de hypotheca &c. sic restituatur, ubi & de hypotheca rerum suarum cavere compellitur, sensus erit planus, nempe, debere eorum bona sua hypothecae opponere. Alteram proponit his verbis, *Alia insuper cautela, vel satisfactio propter personam ipsius exponenda, quod tempore sententiae recitandae in iudicio invenietur (vulg., in iudicium veniet, quam lectionem male minus rectam dicit Everardus Otto, quum eam clare confirmet, quae continuo sequuntur, verba) 1. vel si non veneris, omnia dabis fideiussor, qua condemnatione continetur, nisi fueris provocatum.* Haec verba nonnulli post Accursium ad procuratorem referunt, hoc sensu, debere procuratorem rei ad eum modum cavere, laudantque in eam sen-

---

(b) Ita plerique Codices. At vero MS. omnes Consilii & Charonda, & quidam alii, quos vidit, ac sequutus est in priore editione Cujacius, habent, satisfactionis solennes stipulationes: ad quem etiam modum laqueatur Theophilus. Sunt autem solennes illae stipulationes idem quod satisfactionis iudicatum solvi clausulae, ut inquit h. eod. §. Trib., quae erant de re iudicata, de re defendenda, de dolo malo, *l. 6. ff. judic. solv.*

sententiam Theophilum, apud quem est, *apocruratore*. Verum id verbum, quod in Curtii versione Gothofredo probata extat, in Græco textu non est; & vel ipse hujus §. contextus palam facit, cautionem illam venturum se in judicium tempore sententiæ recitandæ ab ipso reo domino litis præstandam esse dato ad eam rem fidejussore, qui, si is non venerit, omnia dabit, quæ condemnatione contineantur. Unde etiam patet, vocem *fidejussor*, quam Codex Charondæ Dionysianus non habet, quamque Cujacius in *not. prior.* expuuxit, quod absurdum videretur, procuratorem pro reo præsentem cavere; omnino esse retinendam, ut vel ipse Cujacius in *not. post.* retinuit, maxime quum ea apud Theophilum extet, & respondeat *satisfactioni*, quam paullo ante meminerat Tribonianus. Hocomanum, qui ex Theophili auctoritate legit, *vel ipse, vel fidejussor*, ac fidejussorem ita additum inquit, ut ordinis beneficio abrenunciavit, falsum in ea re esse, ostendit Bachovius, quum quia absente reo non est ordinis beneficio locus: tum quoniam Justinianus post editas demum Institutiones beneficium illud indulsit Nov. 4. 3. quæ duo vera sunt.

§. V. VI. & VII. Si vero reus præsto ex quacumque causa non fuerit, & alius velit defensionem ejus subire, sive in rem, sive in personam agatur, potest id facere, modo satisfactionem judicatum solvi pro litis æstimatione præstet, *h. §.*, & *l. un. C. de satisfd.* Aliud est igitur alieno nomine agere, aliud aliquem defendere. Nemo præter paucos lege exceptos suæ mandato agere pro alio potest; id enim incivile est: ac publice interest, absentes a quocumque defendi, *l. 33. §. 2. de proc.* Reus quidem videre debet, num a falso procuratore conveniatur, potest enim dominus rursus cum eo agere: ac reum ab hoc vel illo defendi actoris nihil interest, qui satisfactione defensoris satis est tutus, defensor enim, ubi satisfecit, licet adhuc non contestata sit dominus litis, & judicari actione tenetur, *l. 76. de proc. l. 61. eod.*, & *l. 4. de re jud.* Accedunt duo illa hand certe prætereunda, unum, quod nemo sit, qui defendi recuset; ac non quilibet velit agere: alterum, quod qui alium defendit, deteriore facere conditionem ejus non possit; possit tamen, qui pro alio agit. Hiuc habes, labi Gothofredum ad Theophilum, qui ad §. 2. *h. r.* scribit, procuratorem sive actoris, sive etiam reus satisfdare debere, rem a domino ratam haberi. Plane id de procuratore vel falso affirmatur, nam is solam judicatum solvi satisfactionem præstat. Quæ omnia uso ipso & exercitatione forensi clarius addiscuntur, §. 6. *h. tit.* Deum ait §. *ult.* Tribonianus, eam satisfactionum formam & Romæ, & in Regia Urbe, hoc est, Constantinopoli, & in omnibus Imperii Provinciis servandam esse.



## DE PERPETUIS, ET TEMPORALIBUS

actionibus, & quæ ad heredes, & in  
heredes transeunt.

## TITULUS XII.

## 4. C. 1.

**H**Oc loco admonendi sumus, eas quidem actiones, quæ ex lege, Senatusve Consulto, sive ex sacris constitutionibus proficiuntur, perpetuo solere antiquitus competere: donec factæ constitutiones, tam in rem, quam in personam actionibus certos fines dederunt: eas vero, quæ ex propria Prætoris jurisdictione pendent, plerumque intra annum vivere: nam & ipsius Prætoris intra annum erat Imperium. Aliquando tamen & in perpetuum extenduntur, idest, usque ad finem ex constitutionibus introductum: quales sunt eæ, quas bonorum possessori, ceterisque, qui heredis loco sunt, accommodat. Furti quoque manifesti actio, quamvis ex ipsius Prætoris jurisdictione proficiatur, tamen perpetuo datur: absurdum enim esse existimavit, anno eam terminari.

1 Non autem omnes actiones, quæ in aliquem aut ipso jure competunt, aut a Prætoribus dantur, & in heredem æque competunt, aut dari solent. Est enim certissima juris regula, ex maleficiis poenales actiones in heredem rei (a) non competere, veluti (b) furti, vi bonorum raptorum, injuriarum, damni injuriæ. Sed heredibus hujusmodi actiones competunt, nec denegantur, excepta injuriarum actione, & si qua alia similis inveniat (c). Aliquando tamen etiam ex contractu actio contra heredem non competit: veluti quum testator dolose versatus sit, & ad heredem ejus nihil ex eo dolo pervenit. Poenales autem actiones, quas supra diximus, si ab ipsis principalibus personis fuerint contestatæ, & heredibus dantur, & contra heredes transeunt.

2 Superest, ut admoneamus, quod si ante rem judicatam is, cum quo actum est, satisfaciatur actori, officio judicis convenit eum absolvere, licet in ea causa fuisset judicii accipiendi tempore, ut damnari deberet: & hoc est, quod antea vulgo dicebatur, omnia judicia absolutoria esse.

(a) To rei in quibusdam Charonda non legitur, ut neque in Theophilo.

(b) To veluti non habens Charonda Codices.

(c) Theophilus hoc loco regulam addit, Ex contractibus venientes actiones heredibus, & in heredes dantur. Quo scilicet ut ea verba in Triboniani textum inserant nonnulli: sed bene Fabricius ad Theophilum monet, ea esse a Triboniano ableganda.



## COMMENTARIUS.

**P**R. Tit. Quod reliquum videbatur ad absolutam de actionibus tractationem, ut quænam perpetuæ essent, quænam temporariæ, & præterea, quænam hereditibus, & in heredes darentur, studiosis legum adolescentibus traderetur; id h. l. exequitur Tribonianus. Et principio quidem ait, eas actiones, quæ ex lege, sive Consulari, sive Tribunitia, Senatusveconsulto, aut ex sacris Constitutionibus profisciscuntur, antiquitus perpetuo datas. Quum enim civile jus perpetuum esset, nec usquam obligatio tempore perimeretur, l. 44. §. 1. de obl. & act., actiones quoque eo jure proditæ perpetuæ erant. Contra inquit Tribonianus, Prætorias actiones intra annum vivere solitas ea ratione, quod ipsius Prætoris annum esset imperium. Tandem vero, addit, sacra Constitutiones tam in rem, quam in personam actionibus certos fines dederunt. Verum quo primum tempore id factum? Certe, quantum ex libris juris coulat, Principes ab Hadriano jus antiquum in hac parte abrogarunt, instituta primum longi temporis præscriptione, cujus prima apud Cajum, & Julianum mentio l. 13. §. 1. de jurej., l. 54. pr. de evict., junctâ l. 76. §. ult. de contr. emt., & l. 21. de usurp., tum præscriptione annuorum 30. ex l. 3. C. de præscrip. 30. an. de cujus auctore dubitatur (a): sicque

(a) De præscriptione tricennali Constitutionem habemus in l. 3. C. de præscrip. 30. an., quam Cujacius lib. sing. de præscrip. t. 30. Theodosio Magno tribuit: at lib. 18. Obs. c. 26. Theodosio juniori adscribit. Prioris sententia momentum hoc est, quod Theodosius II., qui junior appellatur, & Valentinianus Nov. de 30. ann. præscrip. em. caus. opp. ejus præscriptionis auctorem facians Theodosium patrem, quo nomine antecessores Imperatoribus dicti, ut Antoninus Alexandro l. ult. C. de edend., & eidem Valentiniano Honorius in ead. Nov. V. quæque Valentiniani Nov. de Episc. jud. Hinc inscriptio dict. l. 3., quæ talis est, Honorius, & Theodosius Augusti Asclepiodoto Præfecto Prætorio; sic ex Codice Theodosiano restituenda, Theodolius A. Posterioris sententia momenta duo sunt, unum, quod ea Constitutio sit Asclepiodoto directâ, cui suas dirigere constitutiones Theodosius junior consuevit: alterum, quod in sua Nov. de 30. ann. præscrip. scribat Valentinianus, in Constitutione Theodosii Magni fuisse verbum, Omnia, quo nulla alio excluderetur: quale tamen verbum, nullum est in dict. 3., nec in l. 1. C. Th. de act. cert. temp. fin. Hinc etsi de tricennaria præscriptione ab Theodosio Magno cognatum aliquid, constitutumque concedatur, nusquam tamen extat ea constitutio, & forsan ea, qua concessura Cujacii est, nunquam suis in Occidente perlata, nec perferri potuit Eugenio successore Imperii Occidentalis. Posterioriorem hanc sententiam multo verosimiliorem existimo. Nec quidquam obscurat, quod in Nov. de præscr. Theodosius junior, & Valentinianus de Theodosio patre ajunt. Nam licet ejus Novella titulus utrumque Imperatorem præferat, id eo factum, quia tum simul Imperium habebant. Ceterum ea Novella solius Valentiniani est: quod satis prodiit subscriptio. Et quoniam Valentinianus suo tantum nomine legitur, vero inquit, hujus præscriptionis auctorem Theodosium patrem fuisse, nam ejus

fecit

seque actionibus in rem decennio, actionibus in personam tricennio præscriptum, l. 2. C. si advers. credit., l. 2. C. de præscript. long. temp., & d. l. 3. C. de præscript. 30. annor. Novi jûris ea fuit ratio, ut aliquis litibus poneretur modus, & aliquando possessores tuti essent: quod plane Reip. interesset. At enim vel ante Hadriani tempora, & inde usque a legibus 12. Tab. actioni in rem in re mobili anno, in re soli biennio præscriptum, liquet. Vero; sed id non eam habebat causam, quod in rem actio temporaria esset: actioni præscribebatur usucapione, quæ si forte non procederet, non erat ambigendum, perpetuas esse actiones. Post sacras autem Constitutiones tempore finire cœperunt, eoque sensu civiles omnes tam in rem, quam in personam perpetuæ dictæ sunt, quod longissimo tempore, hoc est, 30. annorum spatio perimerentur: adeo longum id spatium Jurisconsultis est visum: unde & 7<sup>ta</sup> generatio Græcis dictum, & brevius seculum Servio ad Virgil. lib. 8. v. 508. Dunt tamen civiles quædam actiones, quæ ad annos etiam quadraginta protenduntur, quales sunt omnes judicio semel inclusæ, l. 1. §. 1. in fin. C. de ann. exc., & hypothecaria, si in debitorem ipsum, heredemve ejus rei obligatæ possessores intendatur, l. 7. §. 1. C. de præscript. 30. ann., & d. l. 1. §. 1. in fin. C. de ann. exc.; nam si alius ab alterutro possessor sit, & bonæ fidei, 10. aut 20. annorum: si malæ fidei, 30. annorum præscriptionem opponit, l. 1. & 2. C. si adv. cred., l. 7. pr. C. de præscr. 30. ann. Denique rebus Ecclesiæ, & piis causis annis 40. præscribitur. Nov. 109. & 131. Contra & si Prætoriarum actionum sic ferret ingenium, ut nonnisi intra annum valerent, fuero tamen exceptæ nonnullæ, & sic ferente publica utilitate, in perpetuum productæ, idest, ut Tribonianus exponit, usque ad finem ex constitutionibus introductum, quales esse ait Tribonianus, quas bonorum possessori, ceterisque, qui heredis loco sunt, Prætor accomodat. Hæc sunt possessoria hereditatis petitio, & fideicommissaria petitio hereditatis, de quibus duo sunt in Pandectis capita. Excipiuntur actiones, quibus rescinditur aliquid jure civili validum, l. 35. in fin. de obl. & act., ut est actio æstimatoria, & redhibitoria, quarum priori sex, alteri duobus mensibus præscribitur, l. 21. & 38. de adilit. edit. Actio de dolo, cui præscribitur biennio, l. ult. C. de dol. mal. Restitutio in integrum, quæ finitur quadriennio, l. ult. Cod. de in integr. Querela inofficiosi, quæ quinquennio finitur, l. 8. §. ult. de inoff. Sunt tamen & aliz, quæ odium illud rescissionis non habent, ut quum actioni in rem, si mobilis sit, triennio, si immobilis, 10. vel 20. annis præscribitur, pr. tit. Inst. de usucap., & actioni de pecullo post emancipationem anno, tit. ff. quando de pecul. act. ann. est. Quantum ad actiones poenales, si Prætorizæ sunt, annales sunt, quia Prætoris officium annale est, unde Ciceroni *lex annua* dicitur, excepta furti manifesti, quæ est perpetua non ea ratione, quia quum furti nec manifesti actio perpetua esset

---

fecer fuit: qua etiam ratione Theodosius junior Valentinianum appellat filium Nov. 1. & 2. Ad eundem sensum explicatur ejusdem Valentiniani dictum in Nov. 12. de Episc. jud.: quod & visum Adriano Theodosiani Codicis Epitomatori ad tit. 3. De Episcopis Legislatore, qui primus tricennali præscriptioni vigo rem legis imposuisse dicitur Alexandro III. in cap. 3. de præscript. vide Gonz. Alex. & Everardum Ottonem Præfat. tom. 3. Thesaur. p. 3.

esset leg. 12. Tab., perpetua etiam esse debuit furti manifesti, quæ gravior est, ut nonnullis est visum; sed quia absurdum videbatur, actioni furti præscribi, quum nulla sit jure civili furtivæ rei præscriptio §. 2. *de usur. lit. 2.*, & maxime quia furti manifesti actio, et si Prætoria sit quantum ad pœnam, origine tamen ex jure Decemvirali est, ut dictum ad §. 4. *supr. de nexal.* Facit l. 1. §. 1. ff. *si sit*, qui test. lib. Perpetua etiam sunt actiones alie pœnales Prætorie, quæ cum furti actione affinitatem aliquam habent, cujusmodi sunt actio arborum furtim cæsarum, l. 7. §. 6. ff. *arbor. fori. cæsi.*, actio rerum amotarum, l. 21. §. 5. ff. *rer. amat.*, actio de effusis, & ejectis, l. 5. §. 5. *de his, qui effud.*, actio de servo corrupto, l. 13. *pr. de serv. corrupt.*, actio contra nautas caupones stabularios, l. 7. §. *fin. nautæ caup.* Est igitur id sedulo attendendum, num actiones origine civiles a Prætorie fuerint receptæ, an ab ipso Prætorie institutæ. Quo spectasse videtur mihi Tribonianus h. §., ubi ait, intra annum plerumque vivere actiones, quæ ex propria Prætoris jurisdictione pendunt. Si vero pœnales civiles sint, sunt perpetuæ. Donque criminales accusationes 20. ann. præscriptione tolluntur, l. 12. C. *ad L. Cornel. de fals.* Cujac. 4. Obs. 14., exceptis tribus, de adulterio l. 29. §. 5. 6. 7. *ad L. Jul. de adul.*, de peculatu l. 7. *ad L. Jul. pecul.*, & ex Senatusconsulto Silianiano l. 13. *ad S. C. Silianian.*

§. I. Actiones in rem non dantur adversus heredem, nisi quatenus is rem possidet: actionum autem in personam alie dantur heredibus & in heredes, uti omnes ex contractu & ex delicto rei persequuntur, l. 49. *de obl. & act.*, l. 157. §. *fin. de R. J.*, ea ratione, quod heredes defunctos referunt, quorum sunt heredes; quodque is qui contraxit, non modo sibi, sed etiam heredibus cavere voluit; ac proinde heredes etiam obligare: alie dantur heredibus, non in heredes, uti ex delictis pœnales & rei persequuntur, si nihil ad delinquentis heredes pervenit, l. 3. *de ser.*, l. 10. *comm. div.*, l. 20. *de pœn.* expeit enim, ut pœnæ suos teneant auctores, l. 10. & 16. *de pœn.*, l. 22. C. *ad L. 1. de pœn.* Sed neque heredibus, neque contra heredes datur actio injuriarum, l. 13. *pr. de injur.* quum quia hæc actio solam vindictam persequitur, nec ullo modo patrimonium minuit; cum quoniam defunctus, qui eam non iussit, eam dissimulasse videtur: quæ maxime ratio facit, ut ne heredibus quidem detur: quod ceteris pœnalibus actionibus commune non est. Huc respicit Ulpianus l. 28. *ead.*, ubi, *Injuriarum*, inquit, *actio in bonis nostris non computatur, antequam litem contessemur*, ut proinde nisi contestata lite ad heredes non transeat. Quod si tamen cadaveri illata sit injuria; eo casu datur heredi actio injuriarum, cujus interest defuncti existimationem purgare. Eodem jure censentur actiones actioni injuriarum similes, nempe, *Actio in factum* adversus eum, qui parentem vel patronum suum sine venia Prætoris in jus vocavit, Actio sepulcri violati, & Actio matris revocantis donationem factam liberis ingratiss, l. *pen. de in jus voc.*, l. 6. *Sp. de sepulcr. viol.*, l. 7. C. *de revoc. donat.* Nunc obicurus Triboniani locus accuratorem interpretationem desiderat. Aliquando, ait in §. 1. h. tit., etiam ex contractu actio in heredem non competit, quum testator dolo versatus sit, & ad heredem ejus nihil ex dolo pervenit. Est id contra regulam juris veteris, quam proponit Ulpianus l. 157. §. 2. *de R. J.* In contrahentibus successores ex dolo eorum, quibus successerunt, non tantum in id, quod pervenit, verum etiam in solidum tenentur, hoc est, (Gothofredus legi mavult, vel) unusquisque pro ea parte, qua heres est. Quæ est igitur Triboniani sententia? Theophilus hunc Triboniani locum exponit exemplo actionis depositi, si cuim depositum de-

fun-

functi dolo perierit, nulla actione teneri heredem ait. Idem Contio placuit, & Ottoni ad h. §. Sed nihil tam exploratum in jure, quam depositi actionem ex dolo defuncti in solidum dari adversus heredem, l. 7. §. 2. ff. de pos., l. 12. de O. & A. Nec recte depositi exemplum accipit Hocomanus de deposito miserabili, cujus actio, si dolo defuncti depositum perierit, in heredem non datur in duplum, uti in ipsam depositarium datur. Nam, ut ea sit mens Theophrasti, cetera in heredem datur actio in simplum, quod solidum est, nam quod in depositarium ipsum in duplum datur, est id ex *accidenti*, ut ajunt, quoque ultra simplum est, ultra solidum quoque est, & poenae loco, l. 1. §. 1. l. 12. de pos. Jacobus Cujacius 21. *Obs.* 2. huic locum refert ad eam speciem; quia nihil ad heredem ex dolo defuncti, imo etiam nihil ad ipsum defunctum pervenit, ut proinde non sit actoris jus deminutum, ejusque actionis exemplum ponit in heredibus tutorum, quorum ignorantiae succursus ait Paulus l. ult. de fidejuss. iur. Sed merito Bachovius ineptam dicit Cujacianam hanc interpretationem, primum enim confert hoc loco Tribonianus actionem ex contractu cum actione ex delicto, quae non datur in heredem, ad quem nihil pervenit, etiam si ex maleficio defuncti alterius patrimonium deterius sit factum: deinde jure actoris ad defuncti dolum deminuto, aliquid pervenisse ad heredem est opus, imo solidum ipsum pervenisse potest: nam nihil est, cur de ea specie dubitaretur, & quidquam super ea caverent Jurisconsulti. Antonius Faber Dec. 76. ar. 4. Triboniani incitiam carpit. Sed vetus est hoc Fabri perfugium, quod cavendum ne pateat. Hensicus a Suerin *reper. iud. jur. civ.* c. 1., & alii non pauci Tribonianum accipiunt non de actione ex contractu, sed de ipsa actione doli famosa, quae est ex dolo in contractu admissio, quaeque in heredem non datur: hinc *ut veluti* eradunt, ne quod continuo sequitur, ad exemplum proponi videatur. At quam durum est, *actionem ex contractu* interpretari actionem ex dolo in ipso contractu admissio! Bachovius & Vinnius loquutum hic Tribonianum ajunt de actione ex contractu non merz, sed de ea, cum qua delictum etiam concurrat, qualis est actio Tributoria, l. 7. §. ult. de trib. act. Petrus Perrennius 1. *Animadv.* 7. inter bonae fidei & stricti juris actiones distinguit, ut in l. ult. de fidej. iur., & l. 12. §. ult. de R. J. Tu cum Bachovio & Vinnio locum hunc interpretare.

§. II. Si ante rem judicatam reus actori satisfecerit, officio judicis convenit cum absolvere, h. §., quem Burgius 14. *Eleg. fugitivum* dicit, quippe qui ad tit. de Off. judicis pertinere videatur. Quod Tribonianus h. §. ait, *Et hoc est, quod ante vulgo dicebatur, omnia judicia absolutoria esse*, id jure civili non est adeo generaliter accipiendum, ut judicia stricti juris non excipiantur, quoniam enim in illis iudex formulæ adstringebatur, non poterat reum actori satisfacere paratum absolvere, nisi actor satisfactionem admitteret: quam tamen in actionibus arbitrariis non poterat recusare, Janus a Costa hic,

## DE EXCEPTIONIBUS.

## TITULUS XIII.

44. ff. 1. 8. G. 36.

**S**equitur, ut de exceptionibus dispiciamus. Comparatz autem sunt exceptiones defendendorum eorum gratia, cum quibus agitur. Sæpe enim accidit, ut licet ipsa persequentio, qua actor experitur, iusta sit; tamen iniusta sit adversus eum, cum quo agitur.

1 Verbi gratia, si metu coactus, aut dolo inductus, aut errore lapsus, stipulanti Titio promissisti, quod non debueras (a) promittere: palam est, jure civili te obligatum esse: & actio, qua intenditur dare te oportere, efficax est: sed iniquum est, te condemnari. Ideoque datur tibi exceptio, quod metus causa, aut doli mali, aut in factum (b) composita ad impugnandam actionem.

2 Idem juris est, si quis quasi (c) credendi causa pecuniam a te stipulatus fuerit, neque numeraverit. Nam eam pecuniam a te petere posse eum, certum est. Dare enim te oportet, quum ex stipulatione tenearis. Sed quia iniquum est, eo nomine te condemnari: placet exceptione pecuniæ non numeratz te defendi debere: cujus tempora nos (secundum quod jam superioribus libris scriptum est) constitutione nostra coarctavimus.

3 Præterea debitor si pactus fuerit cum creditore, ne a se pecunia peteretur, nihilominus obligatus manet: quia pacto convento obligationes non omnino dissolvuntur: i qua de causa efficax est adversus eum actio, quam actor intendit, si paret (d) eum dare oportere. Sed quia iniquum est, contra pactum condemnari, defenditur per exceptionem pacti conventi.

4 Neque si debitor creditore deferente juraverit, nihil se dare oportere, adhuc obligatus permanet: sed quia iniquum est de perjurio quæri, defenditur per exceptionem jurisjurandi. In iis quoque actionibus, quibus in rem agitur, æque necessariae sunt exceptiones: veluti si petitor deferente possessor juraverit eam rem suam esse, & nihilominus petitor eandem rem vindicare licet enim verum sit, quod intendit, id est, rem ejus esse: iniquum tamen est possessorem condemnari.

5 Item si in iudicio tecum actum fuerit, siue in rem, siue in personam, nihilominus obligatio (e) durat: & ideo ipso jure de eadem re postea adversus te agi potest, sed debes per exceptionem rei judicatz adjuvari.

6 Hæc

---

(a) Tò promittere neque in Theophilo est, neque in nonnullis Charonda.

(b) Alibi, in factum actio. Sed certe actio abesse debet.

(c) Ita plerique omnes, sed quidam Charonda τὸ quasi non habent.

(d) Vulgo, apparet. Sed Tò paret est ex ingenio veterum formulatorum.

(e) V. Comm. nostr.

6 Hæc exempli causa retulisse sufficit. Alioquin quam ex multis, variiſque cauſis, exceptiones neceſſariæ ſint, ex latioribus Digellorum, ſeu Pandectarum libris intelligi poteſt: quarum quædam ex legibus, vel ex iis, quæ legis vicem obtinent, vel ex ipſius Prætoris jurisdictione ſubſtantiâ capiuntur.

7 Appellantur autem exceptiones aliæ perpetuæ, & peremptoriæ, aliæ temporales, & dilatoriæ.

8 Perpetuæ, & peremptoriæ ſunt, quæ ſemper agentibus obſtant, & ſemper rem, de qua agitur, perimunt: qualis eſt exceptio doli mali, & quod metus cauſa factum eſt, & pacti conventi, quum ita convenerit, ne omnino pecunia peteretur.

9 Temporales, acque dilatoriæ ſunt, quæ ad tempus nocent & temporis dilationem tribuunt: qualis eſt pacti conventi, quum ita convenerit, ne intra certum tempus ageretur, veluti intra quinquennium. Nam finito eo tempore, non impeditur actor rem exequi. Ego ii, quibus intra certum tempus agere volentibus obijciuntur exceptio aut pacti conventi, aut alia ſimilis, diſſerre debent actionem, & poſt tempus agere. Ideo enim & dilatoriæ iſtæ exceptiones appellantur. Alioquin ſi intra tempus egreſſi ſint, obſectaque ſit exceptio: neque eo iudicio quidquam conſequerentur propter exceptionem, neque poſt tempus olim agere poterant: quum temere rem in iudicium deducebant, & continebant: quæ ratiole rem amittebant. Hodie autem non ita ſtriſte hoc procedere volumus, ſed eum, qui a tempore actionis, vel obligationis litem interre auſus eſt, Zenonianæ conſtitutioni ſubacere censemus, quam ſacraſſimum legiſlator de iis, qui tempore plus petierint, protulit, ne & inducatur, quas ipſe actor ſponte (f) induſerit, vel natura actionis continet. ſi contemſerit, in duplum habent ii, qui talem injuriâ paſſi ſunt & poſt eas finitas non aliter litem ſuſcipiant, niſi omnes expenſas litis antea acceperint, ut actores tali poena perterriti, tempora litium doceantur obſervare.

10 Præterea etiam ex perſona ſunt dilatoriæ exceptiones, quales ſunt procuratoriæ: veluti ſi per militem, aut per mulierem agere quis velit. Nam militibus, nec pro patre, vel matre, vel uxore, nec ex ſacro reſcripto, procuratorio nomine experiri conceditur: ſuis vero negotiis ſuperelle ſine offenſa militaris diſciplinæ poſſunt. Eas vero exceptiones, quæ olim procuratoribus propter infamiam vel dantis, vel ipſius procuratoris opponebantur, quum in iudiciis frequentari nullo modo perſpeximus, conqueſcere ſauimus (g): ne, dum de iis altercatur, ipſius negotii diſcepatio proteletur.

(f) Quidam Charonda habent, forte.

(g) Vulgo, ſauimus: ſed minus recte.

## COMMENTARIUS.

**P**R. Tit. usque ad §. V. Quemadmodum olim actor a Pratore actionem, ita & a Pratore reus exceptionem postulabat. *Agit is*, verba sunt Tullii 2. de Inv. 20., cui manus præcisa est, injuriarum: *postulat is*, quocumque agitur, a Pratore exceptionem. Si reus nullo alio addito inficiabatur, quod actor agebat, pura dicebatur defensio: *conjecta* vero, si exceptionem addebatur. Sigon. 1. de jud. 21. It, qui agit, pergit Cic., *judicium purum postulat*: ille, quocumque agitur, exceptionem ait addi oportere. Exceptionis formulam dat Cicero ibid., *Extra quam in reum capitis præjudicium fiat*. Erat verbum illud, *extra quam* solennis exceptionum nota. Cic. c. 57., *Nisi eum illa exceptio*, *Extra quam si velint (male nolint) fame perire*. Et lib. 6. ad Att. ep. 1. *Extra quam si ita negotium gestum est, hoc est, præterquam si, vel nisi*. Adhibebantur etiam voculæ, *si, nisi, si non, ac si, aut si*, de quibus multa Cujacius lib. 4. Obs. c. 34., & Brissonius de Form. lib. 5.: hinc exceptiones vererbis Jurisconsultis dictæ conditiones, l. 22. h. s. Hoc discrimen erat inter bonæ fidei, arbitraria, & stricti juris judicium possum. In judiciis bonæ fidei contestata etiam lite opponi exceptiones poterant, imo & inesse illis dicebantur, l. 3. de rescind. vend. l. 84. §. 4. de leg. 1., l. 21. solut. matrim., unde neque in jure erant a Pratore impetrandæ, nec formulæ includendæ, quia in illis judiciis judex formula non adstringebatur, ut dictum ad §. 2. de off. del. At in judiciis stricti juris & arbitrariis continuo post propositam actionem excipiendum in jure erat. Hinc ut primum actor formulam dixerat, *Ajo, fundum ex jure Quiritium meum esse*, excipiebatur sic, *Et ego nego, quod jam res judicata sit* & tum propositis sponsonibus ab actore in hanc formulam, *Spondeſne quincientos, si fundus ex jure Quiritium meus sit* & a reo in hanc, *Tu vero spondeſne, si fundus tuus sit, sive res judicata sit* Prætor actionem & exceptionem includebat formulæ sic, *Si paret, fundum Mavii esse ex jure Quiritium, neque res judicata sit, condemna*. Exceptio est actionis exclusio, l. 1. ff. h. tit. Comparatæ sunt exceptiones, ait Trib. pr. h. tit. defendendorum eorum gratia, cum quibus agitur. Exceptiones sunt aut civiles, quæ ex jure civili, aut Prætorie, quæ ex Edicto dantur. Civiles sunt exceptiones Macedoniani, Vellejani, Fidei, Prætorie sunt doli, metus, pacti conventi, & aliz, quarum hic septem species tanquam insigniores enumerat Trib. I. *Quod metus causa*; qui enim, iusto metu coactus promissit, summo quidem jure obligatur, quia voluntas coacta voluntas est; quoniam vero liber consensus non est, actio exceptione metus eliditur, l. 1. ff. *quod metus causa*, quum nihil consensus tam conerarium sit, quam vis ac metus, l. 116. de R. J. II. *Doli mali*; nam etsi dolus actoris non faciat, quomibus reus teneatur, nisi dolus contrahentis causam dederit, tamen actor exceptione doli repellitur. In illis pactis, inquit Cic. 2. de Off. 10., non standum esse, quis non videt, quæ contractus, aut aolo receptus quis promiserit? quæ quidem pæragus jure Prætorio liberantur, nonnulla legibus. III. *In factum*; quæ impugnât actionem is, qui errore lapsus quid stipulanti promissit; quum non videatur consentire, qui errat; l. 2. §. 6. de dol. excepti., l. 46. §. ult. de R. J. His exceptionibus efficitur, actiones elidi ait §. 1. Tribonianus, nam summo quidem jure actiones intendi recte poterant, erantque efficaces non solum origine, ut Cujacius scribit, sed etiam iam



iam exitu, nisi exceptiones opponerentur, ut bene Joseph Neri: *l. 2. Ann. l. 6. 7.* Habes hic *jus*, quod iniquum est, & *jus* dicitur; sed *jus* tamen illud, quod *summam injuriam* esse dixerunt Jurisconsulti: quodque Theophilus naturæ opponit, ita enim exceptionem definit *allegationem quandam reo competentem aduersus actionem, quæ, si ius species, efficax sit, si naturam, citra injuriam ad effectum perducere nequeat.* IV. *Non numerata pecunie*, de qua actum supra, V. *Pacti conventi*, quæ datur debitori, qui cum creditore suo pactus est de non petenda pecunia, quam ei ex civili obligatione debebat, §. 3. *h. t.* VI. *Jurisjurandi*, nam & debitor, qui creditore deferente juravit, nihil se dare oportere, adhuc est obligatus, quia ut non pacto, ita nec juramento civilis tollitur obligatio, sed naturalis tantum, *l. 15. de except.* VII. *Rei judicata*, quæ competit etiam vero debitori, qui sententia judicis absolutus est ab actione, si eam actor minus intenter, uti potest, quia obligatio adhuc durat; quum sententia non sit modus tollendæ obligationis, §. *item si, h. t.*

*Reliqui §§.* Præterea exceptiones nonnullæ sunt perpetuæ, nempe quæ in perpetuum agentibus obstant, ita ut actio de eadem re nunquam repeti possit, exque dici etiam possunt perpetuæ, quod perpetuo durent, §. 8. & 9. *h. t.*, non enim sicut actionibus intendendis certa tempora præstintia sunt, sic exceptionibus opponendis, *l. 3. h. t.*, ne ex iis quidem causis, ex quibus actio temporaria est, unde axioma, *Quæ temporaria sunt, ad agendum, eadem perpetua sunt, ad excipiendum.* Sic actio de uolo biennio finitur, tamen exceptio doli perpetuo competit; actor enim pro suo arbitrio potest suo jure uti, & experiri; sed non potest reus, quum voluerit, conveniri, *l. 42. in fin. de R. J.* Perpetuæ sunt peremptoriæ, quia actionem omnino perimunt: qualis est exceptio pacti de non petendo in perpetuum. Nonnullæ sunt temporales ac dilatoriæ, quia ad tempus nocent, & temporis dilationem tribuunt, qualis est exceptio pacti, ne intra certum tempus agatur: quia conventionem habita si actor tempore commemorato agat, dilatoriæ pacti exceptione repellitur: si pure, incidit in Constitutionem Zenonis, de qua ad §. 33. *de act.* Sunt aliz exceptiones dilatoriæ, quæ non ex ipsa causa, ut exceptio pacti de non petendo intra certum tempus, sed ex personis descendit, ut si iudex non sit *proprius*, qui Jurisconsulti *compensens* dicitur, si procurator mandatum non habeat, vel si miles pro aliis postulet, aut mulier, *l. 1. §. 5. de post.*, *l. 7. C. de proc.*, *l. 31. C. de loc.* Exceptio infamiæ vel domini, vel procuratoris non obitat, §. *ult. h. t.*, quæ de re in Dissert. nostra de veteri conditione Procuratorum.

## DE REPLICATIONIBUS.

## TITULUS XIV.

**I**nterdum evenit, ut exceptio, quæ prima facie iusta videtur, tamen iniuste uoceat. Quod quum accidit, alia allegatione opus est, adjuvandi actoris gratia, quæ replicatio vocatur, quia per eam replicatur, atque resolvitur jus exceptionis: veluti quum pactus est aliquis cum debitore suo, ne ab eo pecuniam petat, deinde postea in contrarium pacti sunt, id est, ut creditori petere liceat; si creditor agat, & excipiat debitor, ut ita demum condemnatur, si non convenit, ne eam pecuniam creditor petat, nocet ei exceptio, convenit enim ita: namque nihilominus hoc verum manet, licet postea in contrarium pacti sint: sed quia iniquum est, creditorem excludi, replicatio ei dabitur ex posteriore pacto convento.

1. Rursum interdum evenit, ut replicatio, quæ prima facie iusta est, iniuste uoceat, quod quum accidit, alia allegatione opus est, adjuvandi rei gratia, quæ duplicatio vocatur.

2. Et si rursus ea prima facie iusta videatur, sed propter aliquam causam, actori iniuste uoceat, rursus alia allegatione opus est, qua actor adjuvetur quæ dicitur triplicatio.

3. Quorum omnium exceptionum usum interdum ulterius quam diximus varietas negotiorum introducit, quas omnes apertius ex Digestorum latiore volumine facile est agnoscere.

4. Exceptiones autem, quibus debitor defenditur, plerumque ad commodari solent etiam fidejussoribus ejus, & recte: quia quod ab iis petitur, id ab ipso debitore peti videtur: quia mandati iudicio redditurus est eis, quod si pro eo solverint. Quia ratione, & si de non petenda pecunia pactus quis cum eo fuerit, placuit perinde succurrendum esse per exceptionem pacti conventi illis quoque, qui pro eo obligati sunt; ac si etiam cum ipsis pactus esset, ne ab eis ea pecunia peteretur. Sane quædam exceptiones non solent his accommodari. Ecce enim debitor, si bonis suis cesserit, & cum eo creditor expectiatur, defenditur per exceptionem, nisi (a) bonis cesserit. Sed hæc exceptio fidejussoribus non datur; ideo scilicet, quia qui alios pro debitore obligat, hoc maxime prospicit, ut quum facultatibus lapsus fuerit debitor, possit ab iis, quos pro eo obligavit, sumum consequi.

## COMMENTARIUS.

**P**R. III. Quoniam interdum fit, ut quæ exceptio iusta in speciem videtur, ea iniqua sit, merito recepta replicatio, quæ exceptionis iniquitatem veluti testam reteggit, explicaturque, replicare enim Latine est plicatum, explicare. Atque hoc est, quod Tribonianus inquit; replicationem vocari, quia per eam replicatur, atque resolvitur jus exceptionis, seu, quod ex Theophilo Marcellus mavult, vis exceptionis. Hinc replicationes nihil aliud sunt quam exceptionum exceptiones, l. 2. §. 1. de excepti., hoc est, exclusiones exceptionum, d. l. 2. pr.; & quamquam a parte actoris veniant, ut loquitur Ulp. d. l. 2. §. 1., tamen magis exceptiones sunt, quam actiones, quia excipienti reo opponuntur, qui in exceptione actor est, l. 1. cod. Replicationes olim in iudiciis arbitriariis & stricti juris apud Prætores, & non dum contestata, litem, in bonæ fidei iudiciis etiam post contestatam litem in iudicio opponebantur, idemque in replicationibus atque in exceptionibus servabatur ritus. Confer ea, quæ de exceptionibus dicta sunt. Nunc enarrandum replicationis exemplum, quo utitur Tribonianus pr. h. t. *Quum pactus est aliquis cum debitore suo, ne ab eo pecuniam petat, deinde postea in contrarium pacti sunt, id est, ut creditori petere liceat; si creditor agat, & excipiat debitor, ut ita demum condemnetur, si non convenerit, ne eam pecuniam creditor petat, nōces ei exceptio, convenit enim ita; namque nihilominus hoc verum manet, licet postea in contrarium pacti sint: hoc est, quia nihilominus prius pactum stat adhuc, quum, non quemadmodum prior stipulatio posteriore novandi animo interposita, sic prius pactum posteriore tollitur ipso iure, l. 27. §. 2. de pacti., in stipulationibus enim jus continetur, in pactis factum versatur, d. d. l. 27.: quod vero factum est, posteriore facto infectum fieri nequit, l. 31. de R. J.: sed quia iniquum est, pergit Trib., creditorem excludi, replicatio ei dabitur ex posteriore pacto convento.*

§. I. II. & III. Quod de replicatione, idem de duplicatione, ac triplicatione cautum est. Exceptionem rei replicatio actoris excludit: hanc rei duplicatio, & rursus hanc triplicatio actoris, & deinceps multiplicatur nomina, dum aut reus aut actor objicit, d. l. 2. §. 3.; allegationum enim ex parte actoris & rei iure civili non definitus est modus. Hæc satis perspicua sunt. Nunc in illud inquiram, cur Tribonianus §. 1. h. t. replicationi duplicationem opponat, contra vero Ulpianus l. 2. §. 3. de excepti., & Julianus l. 7. de curat. furios. replicationi opponant triplicationem? Non desunt, qui Ulpiani locum, itemque locum Juliani ex hoc §. restituant. Sed næ isti faciunt contra omnes Codices, & præcipue Florentinum; ignorantque adeo veterum Jurisconsultorum loquutionem. Ante Tribonianum inauditum erat duplicationis nomen, quæque is duplicationem, eam veteres triplicationem dicebant; replicatio enim secunda plicatio est, idemque quod duplicatio, unde replicatura in glossis Philoxeni est *διπλασιασμός*; ut merito ei triplicatio sit opponenda. Marcell. hic. Ita quæ in §. 2. Triboniano dicitur *triplicatio*, et veteribus *quadruplicatio* dicta est. Sic certe scripsit Ulpianus d. l. 2., & contra triplicationem (quæ duplicatio est Triboniano) rursus quadruplicatio, & deinceps &c.; licet a Pisano Codice vitio librarium ablit et quadruplicatio.

§. IV. Quibus autem sive exceptionibus, sive duplicationibus defenditur

tur reus, iisdem plerumque fidejussores ejus defeudi, ait h. §. Tribonianus, ea ratione, quia quod ab iis petitur, id ab ipso debitore peti videtur, quia mandati judicio redditurus est eis, quod si pro eo solverint. Ait plerumque, interdum enim secus se res habet: Primum enim ratio ipsa, qua Tribonianus probat, exceptiones reorum fidejussoribus etiam adcommodari, si bene attendatur, illud quoque probat, si quando fidejussori contra debitorem mandati actio non datur, puta si fidejusserit animo donandi, aut in rem suam, aut pro invito, l. 32. de pact., l. 5. de liberat. leg., l. 40. ff. mandas., aut in alias causas, de quibus Cujac. 19. Obs. 29.; exceptiones reo competentes fidejussori non prodesse. Deinde si exceptiones non rei, seu causæ cohereant, quales esse Paulus scribit l. 7. §. 1. h. t., rei judicate, doli mali, jurisjurandi, quod metus causa factum est &c.; sed personæ, qualem esse ait idem Paulus pr., quam socius habet, quod facere possit: vel quam habet pater parronusve; tunc ad alios non transeunt, d. l. 7. Exceptionis personæ coherentis exemplum adfert Tribonianus proposita exceptione nisi bonis cesserit. (legendum enim nisi cum Theophilo, & veteribus libris, & Basilicis ad l. 3. C. de bon. aud. jud., non ut vulgo legitur, si. V. Cujac. Parat. Cod. eod.) Ea exceptione se reus, qui bonis cedit, contra creditorem tuetur, non autem fidejussor ejus, ideo quia qui alios pro debitore obligat, hoc maxime profpicit, ut quum facultatibus lapsus fuerit debitor, possit ab iis, quos pro eo obligavit, suum consequi, h. §.

## DE INTERDICTIS. (a)

## TITULUS XV.

43. ff. 1. 8. C. 1.

**S**equitur, ut discipiamus de Interdictis, seu actionibus, quæ pro his exercentur. Erant autem interdicta formæ, atque conceptiones verborum, quibus Prætor aut jubebat aliquid fieri, aut fieri prohibebat: quod tunc maxime faciebat (b), quum de possessione, aut quasi possessione inter aliquos contendebatur.

Summa autem divisio interdictorum hæc est: quod aut prohibitoria sunt, aut restitutoria, aut exhibitoria. Prohibitoria sunt, quibus Prætor vetat aliquid fieri, veluti vim sine vitio possidenti, vel mortuum inferenti, quo ei jus erat inferendi, vel in sacro loco ædificari, vel in flumine publico, ripave ejus aliquid fieri, quo pejus navigetur. Restitutoria sunt, quibus restitui aliquid jubet, veluti bonorum possessori possessionem eorum, quæ quis pro herede, aut pro possessore possidet, ex ea hereditate (c): aut quum jubet ei, qui

(a) Nonnulli ex ff. addunt, & actionibus, quæ pro his competunt. Sed omnes Codices obstant.

(b) Ita optimi quique Codices, & præ cæteris libri Consil. Vulgo, fiebat.

(c) Verba, ex ea hereditate, nec Theophilus, nec plures MS. Codices habent.

qui vi de possessione fundi dejectus sit, restitui possessionem. Exhibitoria sunt, per quæ jubet exhiberi: veluti eum, cujus de libertate agitur, aut libertum, cui patronus operas indicere velit, aut parenti liberos, qui in potestate ejus sunt. Sunt tamen, qui putent, proprie interdicta ea vocari, quæ prohibitoria sunt, quia interdicere sit denuntiare, & prohibere: restitutoria autem, & exhibitoria, proprie decreta vocari. Sed tamen obtinuit omnia interdicta appellari: quia inter duos dicuntur (d).

2 Sequens divisio interdictorum hæc est, quod quædam adipiscendæ possessionis causa comparata sunt, quædam retinendæ, quædam recuperandæ.

3 Adipiscendæ possessionis causa interdictum adcommodatur bonorum possessori, quod appellatur, *quorum bonorum*, ejusque vis, & potestas hæc est: ut quod ex his bonis quisque, quorum possessio alicui data est, pro herede, aut pro possessore possideat, id ei, cui bonorum possessio data est, restituere debeat. Pro herede autem possidere videtur, qui putat se heredem esse. Pro possessore is possidet, qui nullo jure rem hereditariam, vel etiam totam hereditatem, sciens ad se non pertinere, possidet. Ideo autem adipiscendæ possessionis vocatur interdictum, quia ei tantum utile est, qui nunc primum conatur adipisci rei possessionem. Itaque si quis adeptus possessionem, amisit eam, hoc interdictum ei inutile est. Interdictum quoque, quod appellatur Salvianum, adipiscendæ possessionis causa comparatum est: eoquod utitur domus fundi de rebus coloni, quas is pro mercedibus fundi pignori futuras pepigisset.

4 Retinendæ possessionis causa comparata sunt interdicta, *uti possideatis*, & *uirubi*: quum ab utraque parte de proprietate alicuius rei controversia sit: & ante queratur uter ex litigatoribus possidere, & uter petere debeat. Namque nisi ante exploratum fuerit, utrius eorum possessio sit, non potest petitoria (e) actio institui quia & civilis, & naturalis ratio facit, ut alius possideat, & alius a possidente petat. Et quia longe commodius est, potius (f) possidere, quam petere: ideo plerumque, & lere semper ingens existit contentio de ipsa possessione. Commodum autem possidendi in eo est, quod etiam si ejus res non sit, qui possidet: si modo actor non potuerit suam esse probare, remanet in suo loco possessio, propter quam causam quum obscura sunt utriusque jura, contra petitem judicari solet. Sed interdicto quidem, *uti possideatis*, de fundi, vel ædium possessione contenditur: *uirubi* vero interdicto de rerum mobilium possessione. Quorum vis, ac potestas plurimam inter se differentiam apud veteres habebat. Nam *uti possideatis* interdicto is vincebat, qui interdicti tempore possidebat: si modo nec vi, nec clam, nec precario nactus fuerat ab adversario possessionem; etiam si alium vi expulerat, aut clam arripuerat alienam possessionem, aut precario rogaverat aliquem, ut sibi possidere liceret: *uirubi* vero interdicto is vincebat, qui majore parte ejus anni nec vi, nec clam, nec precario ab adversario possidebat. Hodie tamen aliter observatur. Nam utriusque interdicti potestas, quantum ad possessionem perti-

(d) V. Comm. nostr.

(e) In Charonda libris est, petitoris.

(f) Male vulgo, commodius est & potius possidere.

pertinet, exæquata est: ut ille vincat, & in re soli, & in re mobili, qui possessionem nec vi, nec clam, nec precario ab adversario litis contestatæ tempore detinet.

5 Possidere autem videtur quisque, non solum si ipse possideat, sed & si ejus nomine aliquis in possessione sit, licet is ejus juri subiectus non sit, qualis est colonus, & inquilinus. Per eos quoque, apud quos deposuerit quis, aut quibus commodaverit, ipse possidere videtur. Et hoc est, quod dicitur, retinere possessionem posse aliquem per quemlibet, qui ejus nomine sit in possessione. Quin etiam animo quoque solo retineri possessionem placet; idest, ut quamvis neque ipse sit in possessione, neque ejus nomine alius, tamen si non derelinquenda possessionis animo, sed postea reversurus inde discesserit, retinere possessionem videatur. Adipisci vero possessionem, per quos aliquis potest, secundo libro exposuimus. Nec ulla dubitatio est, quin animo solo adipisci possessionem nemo possit.

6 Recuperandæ possessionis causa solet interdicti, si quis ex possessione fundi, vel ædium vi dejectus fuerit. Nam ei proponitur interdictum unde vi, per quod is, qui deiecit, cogitur ei restituere possessionem; licet is ab eo, qui vi deiecit, vi, vel clam, vel precario possideat. Sed ex Constitutionibus sacris, ut supra diximus, si quis rem per vim occupaverit, si quidem in bonis ejus est, dominio ejus privatur: si aliena, post ejus restitutionem etiam æstimationem rei dare vim passio compellitur. Qui autem aliquem de possessione per vim deiecerit, tenetur lege Julia de vi privata, aut de vi publica: sed de vi privata, si sine armis vim fecerit. Sin autem cum armis eum de possessione vi expulerit, de vi publica tenetur. Armorum autem appellatione non solum scuta, & gladios, & galeas, sed & fustes, & lapides significari intelligimus.

7 Tercia divisio interdictorum hæc est, quod aut simplicia sunt, aut duplicia. Simplicia sunt, veluti in quibus alter actor, alter reus est: qualia sunt omnia restitutoria, aut exhibitoria: Nam actor is est, qui desiderat aut exhiberi, aut restitui: reus autem is est, a quo desideratur, ut restituat, aut exhibeat. Prohibitoriorum autem interdictorum alia simplicia sunt, alia duplicia. Simplicia sunt, veluti quum Prætor prohibet in loco sacro, vel in flumine publico, ripæ ejus aliquid fieri. Nam actor est, qui desiderat, ne quid fiat: reus est, qui aliquid facere conatur. Duplicia sunt, veluti, *uti possideatis*, interdictum, & *ut rubi*. Ideo autem duplicia vocantur, quia par utriusque litigatoris in his conditio est, nec quisquam præcipue reus, vel actor intelligitur, sed unusquisque tam rei, quam actoris partes sustinet.

8 De ordine, & vetere exitu (æ) interdictorum supervacuum est hodie dicere. Nam quotiens extra ordinem jus dicitur (qualia sunt hodie omnia judicia), non est necesse reddi interdictum: sed perinde judicatur sine interdictis, ac si utilis actio ex causa interdicti reddita fuisset.

(g) *Hol. ritus.*

COM.



## COMMENTARIUS.

**P**R. Tit. Quum experimento compertum esset, in causis possessionum litigatores ad arma, & vulnera, & cædes profilice, ut Theophilus monet, publice interesse exitimavit Prætor varia de iis causis interdicta proponere, hoc est, polliceri se Edicto suo super iis interdicturum, ut vis omnis abesset præter vim illam civilem, quæ verbis fiebat, quam *sup. tit. 6.* ex Gellio, & Cicerone enarravimus. Hinc, si quando de possessione ambigeretur, litigatores ad interdictum veniebant, hoc est, ad Prætorum, qui solenni formula interdicere. Exemplum dat Festus v. *possesso* ex interdicto uti possideatis. *Uti nunc possidetis eum fundum, quo de agitur* (id enim sonant tres illæ notæ, q. d. a.), quod nec vi, nec clam, nec precario ab altero possidetis, ita possideatis; adversus ea vim fieri veto. Erat autem interdicere actoris æque ac Prætoris, eoque duplici sensu interdicti nomen a veteribus usurpatum. Quum interdicta actorum erant, quamquam latissima actionum significatione continerentur, l. 37. de *obl. & act.*, proprie tamen actio erat de proprietate, interdictum vel de vera, vel de quasi possessione. Hinc Tull. 7. ep. fam. 32. *Urbanitatis possessionem, amabo, quibusvis interdictis defendamus*: & quemadmodum actio & interdictum differabant, ita petere & interdicere. Qui jus iure persequabatur, petebat: qui vero possessionem, interdicebat. *Quintil. 3. Inst. Orat. 6.* Non debuisti interdicere, sed petere, antequam interdictum fieri, ambigitur. V. text. in l. 1. §. pen. de *via publ.*, & l. 3. de *tab. exhib.*, & l. pen. ne quid in loco publ. Quum ipse Prætor interdicere, hoc est, interdictum dare dicebatur, ut in l. ult. pr. ff. ut in *stum. publ.*, l. 1. §. 29. de *aqua quodlibet*, l. unic. pr. de *fonte*, eo sensu interdicta erant formulæ atque conceptiones verborum, quibus Prætor aut jubebat, aut fieri aliquid vetabat inter eos maxime, qui de possessione vel quasi contendebant, pr. h. tit. Aliiter desinit Theophil., aliter Cujac. in *Parat. ff. eod.*: ac omnes hæc definitiones non Justiniano, sed veteri juri conveniunt: quod & ipse Imp. ostendit his verbis, *erant, & jubeant*. Quare interdictum Justiniano jure inspecto est actio in personam Prætoris de possessione fere vel adipiscenda, vel retinenda & fruenda, vel recuperanda. Olim interdictum erat Prætoris formula, vel, ut loquitur Theoph. *judicium*, *Effatum*, *Pronunciatio*: nunc est actio, & quidem actio Prætoris in personam, l. 1. in *fine h. t.*, eoque a ceteris actionibus differt, quod hæc vel de rei proprietate sunt, vel de obligatione: interdicta vero maxime, ut Tribonianus hic loquitur, causam possessionis continent; atque hinc est, quod possessoria judicia passim dicantur, ut infra §. ult. Ait Trib., maxime, nam, Paulo teste l. 2. §. 2. h. t., quædam interdicta causam proprietatis continent: qualia esse Paulus inquit, interdictum de itinere actuque privato, de locis sacris, & religiosis, ac de liberis exhibendis. V. Cujac. ad d. l. 2. §. 5. Obs. 17. & 19. Sed & idem Cujac. ad tit. C. de *interdictis*. isthæc interdicta proprietatis esse non possessionis, ut ait Paulus, idem esse inquit, ac esse ea quidem possessionis, sed esse etiam proprietatis, ut si diceret, plus in eis esse possessionis, quam proprietatis; magis autem ea interdicta ad proprietatem accedere, quam cetera.

§. I. Summa autem interdictorum divisio hæc est, quod aut prohibitoria sunt, aut restitutoria, aut exhibitoria, §. 1. h. t., & l. 1. §. 1. eod. Prohibitoria sunt, quibus Prætor aliquid fieri vetat, ut ne vis fiat ei, qui sine

Lib. IV.

T

vicio,



vicio, idest nec vi, nec clam, nec precario possidet, l. 1. §. 1. *ne vis fiat ei*, vel quia missus in possessionem ex interdicto uti possidetis, vel utrubi, tit. ff. *uti possidetis*, & tit. ff. *utrubi*, aut quum vetat, ne vis fiat ei, qui mortuum inferre vult, quod religionis interst, cadavera sepeliri, l. 1. §. *interdictum*, de mortuo inf., vel ne in loco sacro edificetur, aut in flumine, ripave quid fiat, cujus gratia pejus navigetur, §. 1. h. t., & tit. ff. *ne quid in loco sacro*, & tit. ff. *de flum.* Restitutoria sunt, quibus Prætor aliquid restitui jubet, vel luti bonorum possessori possessionem eorum; quæ quis pro herede, aut pro possessore possidet ex ea hereditate, aut quum jubet, ei, qui de possessione fundi vi defectus sit, restitui possessionem, h. §. Exhibitoria sunt, per quæ jubet exhiberi, qualia sunt interdictum de libero homine exhibendo, quod tuenda libertatis gratia propositum est, l. 1. de lib. hom. exh., & interdictum de liberis exhibendis, quo exhiberi jubet parenti liberos, qui in potestate, ejus sunt, res. tit. ff. *de lib. exh.* Sunt tamen qui putant, addit Trib., proprie interdicta ea vocari, quæ prohibitoria sunt, quia interdicere est denunciare & prohibere; restitutoria autem & exhibitoria proprie decreta vocari; quod veri speciem habet. Illud plane ridiculum, quod continuo subdit, *Sed tamen opinus, omnia interdicta appellari, quia inter duos dicuntur.* Honorianus emendandum censet vel *inter duo*, ut sic intelligatur decretum Prætoris, & judicium, quod ex sponione sequitur, vel uno verbo, *interdicuntur*, quia in omnibus interdictis non minus quam in prohibitoriis per adversarios interdicuntur. Magis ad rei naturam accedit emendatio Alciati, qui ad l. 178. de V. S. reponit, *interim dicuntur*, quod idem adstruit Isidorus auctoritas, qui §. Orig. 25. interdicti nomen ab *interim* factum scribit, quod interim a Prætor dicatur, dum de proprietate erit disceptatio.

§. II. Altera Interdictorum divisio est, ut quædam adipiscendæ possessionis causis comparata sint, quædam retinendæ, quædam recuperandæ. At omisit videtur Tribonianus quartum Interdicti genus, quod certe huc pertinebat, nempe interdictum duplex tam recuperandæ, quam adipiscendæ possessionis; Paulus enim l. 1. §. 3. de interdict., ubi adipiscendæ, recuperandæ, & retinendæ possessionis interdicta recensuit, continuo addit, *Sunt interdicta, ut diximus, duplicia, tam recuperanda, quam adipiscenda possessionis.* Jacobus Cujac. 4. Obs. 11. verba hæc magui erroris suspecta esse, inquit; quum quia Paulus ait, *ut diximus*, quo verbo ostendit, se jam antea loquutum de interdictis duplicibus tam ad recuperandam, quam ad adipiscendam possessionem: de quibus tamen non est loquutus (initio enim legis id tantum Paulus dixit, interdicta *Uti possidetis*, & *Utrubi* duplicia esse; quæ tamen non ideo duplicia appellantur, quod sint & adipiscendæ, & recuperandæ possessionis, sed quia in eis uterque tam rei, quam actoris partes insinuat, l. si duo, §. 1. *uti possid.*, l. 1. §. 2. de superf.): tum quoniam prægnantia sunt possessionem recuperare, & simul eam adipisci, ut monstri instar sit, uno interdicto ad recuperandam, & simul ad adipiscendam possessionem agere. Suspiciatur igitur Cujacius, Paulum in d. §. 3., qui ejus legis est ultimus, positis interdictis retinendæ possessionis, scripsisse in hunc modum, *Sunt interdicta, vel, ut alibi legitur, Sunt autem interdicta, ut diximus, duplicia*; quod jam dixerat initio legis: ac vero errore librarii factum esse, ut verba illa, *tam recuperanda, quam adipiscenda possessionis*, in eum §. transferrentur ex l. seq., ubi ex Ulpiano nunc scriptum est, *In interdictis exinde ratio habetur fructuum, ex quo edita sunt, non vero*; scribi autem debuit. *In interdictis tam recuperanda, quam adipiscenda*

*de possessionis.* Et sane in interdictis retinendæ possessionis fructum ratio non habetur, sed in restitutoris tantum, qualia sunt adipiscendæ, & recuperandæ, l. videamus, §. in Fabiana, ff. de us. Alia est Marcellii conjectura, nempe hæc, Paulum ita scripsisse, *Retinenda possessionis sunt interdicta duplicia, ut Ut possideris, ut dicimus: simplicia tam recuperanda, quam adipiscenda possessionis*, hoc sensu, simplicia quædam esse recuperandæ possessionis, quædam adquirendæ: retinendæ autem possessionis & duplicia eadem esse. Si ad Pauli locum liceret emendatrices manus admovere, Cujacii potius conjecturam sequeretur, quam Marcellii. Nunc illud vetat omnium Codicum consensus.

§. III. Adipiscendæ possessionis interdicta duo, *Quorum bonorum*, & *Satranianum*. Interdictum quorum bonorum adcommodari ait Tribonianus bonorum possessori, ejusque vis, & potestas hæc est, ut quod quisque ex iis bonis, quorum possessio alicui data est, pro herede, aut pro possessore possideat, ideique cui bonorum possessio data est, restituere debeat. Bonorum possessorem exprimit Tribonianus, non heredem, juxta ipsius Interdicti verba, l. i. ff. quor. bonor., Prætor enim bonorum possessores tnetur, non heredes. Verum obstat videtur illud Severi, & Antonini in l. i. Cod. h. t. *Quamvis bonorum possessionem ut prateritis agnovisti, tamen interdicto quorum bonorum non aliter possessor constitui poteris, quam si te defuncti filium esse, & ad HEREDITATEM, vel bonorum possessionem animissum probaveris*, Cujacius in *Parat. Cod.* duo illa, ad hereditatem, vel bonorum possessionem, pro eodem sumit, ut in l. 3. §. 1. de bon. poss., quum frequens sit in libris juris hereditatis pro bonorum possessione acceptio, l. 138. de V. S., quæ de re dictum lib. 3. Ad eandem sententiam Gothofredus particulam vel in dicta l. i. adjectam inquit *et tunc paralytici*, quum certi juris sit, interdictum possessori bonorum dari, non heredi, qui jam civili jure est heres. Atque ita malo eum locum interpretari, quam cum nonnullis dicere, ex eo Imperatorum rescripto heredibus quoque utile interdictum dari. Jam datur hoc interdictum pro iis bonis, quæ in hereditate defuncti tempore mortis fuerunt, itemque pro iis, quæ ex his bonis usucapta sunt: quo spectant verba illa interdicti, *possideresve, si nihil usucapum esset, dict. l. i.* Datur præterea in eum, qui pro herede, aut pro possessore possidet, hoc est, in eum, qui se heredem dicit, quum tamen heres non sit, sive se heredem putet, sive se non heredem sciat, & qui aliam possidendi non habet causam, nisi ipsam possessionem, l. 11. 12. & 13. de her. per., & datur etiam in eum, qui dolo malo pro herede, aut possessore desit possidere: atque hunc designant verba illa interdicti, *quodque dolo malo fecisti, uti desines possidere, d. l. 1.*, regula enim juris est, pro possessore haberi, qui dolo malo desit possidere, l. parem, §. qui dolo, de R. J. Ideo autem adipiscendæ possessionis vocatur interdictum, addit Tribonianus, quia ei tantum utile est, qui *nunc primum conatur adipisci rei possessionem*. Verum sibi parum constare videtur Tribonianus, quod initio h. §. dixerit, interdictum hoc ei a Præatore adcomodari, qui jam bonorum possessor est: idque verum esse ostendunt verba illa Severi d. l. 1. *si te defuncti filium esse, & ad hereditatem, vel bonorum possessionem animissum probaveris*. Sed expedita res est, si duplicem facias possessionem, alteram juris, alteram facti. Possessio juris est jus persequendi retinendique patrimonii defuncti: possessio facti est ipsa rerum detentio. Possessionem juris dat Prætor ex Edicto de bonorum possessionibus, l. 3. §. 1. de bon. poss.; possessionem autem facti ex interdicto quorum bono-

honorum dat Praetor ei, qui jam possessor juris est ex Edicto, *dist. l. 1. quæ-  
ben.* Salvianum interdictum datur domino fundi de rebus coloni, quas is  
pro mercedibus fundi pignori futuras pepigisset, eoque id locator intendit,  
ut, quod sibi oppignoratam est, ejus sibi decernatur possessio, si a debitore  
fraudetur. At nomine quod interdictum præstat, idem quoque præstat Ser-  
viana? Discrepant dat Gordianus Imp. l. 1. *C. de precar.*, ubi scribit, Sal-  
vianum interdictum tantummodo adversus conductorem debitoremve compe-  
tere, Servianum autem etiam adversus eum, qui a conductore emit. Dis-  
criminis rationem belle tradit Hotomachus, quia certe favorabilior est  
caussa domini cum ipso colono agentis, quicum ipse contraxit, ut merito  
voluerit Praetor eam causam ipse suscipere, interdictoque consulere locato-  
ri, cui æquissimum est adjudicari possessionem: ubi vero domus cum ex-  
traneo agit, qui non contraxit cum eo, quique forsitan bona fide oppigno-  
ratas res emit, ac possidet; quoniam æquius non est, ut, donec iudicium  
exercent, possessio adjudicetur domino, quam penes extraneum posses-  
sorem sit, Praetori visum satis actione data domino favere. Sed quemadmodum  
ad exemplum Servianæ pro rebus aliorum debitorum oppignoratis quasi  
Serviana actio instituta est, ita pro aliorum debitorum rebus ex quacunque  
caussa obligatis utile interdictum est introductum, *d. l. 1. C. de prec.* Gor-  
diano videtur obflare Julianus l. 1. ff. *de Salv. interd.*, ait enim, *si colo-  
nus ancillam in fundo pignoris nomine duxerit & eam vendiderit: quod apud  
EMTOREM ex eo natum est, ejus apprehendendi gratia UTILE INTERDICTUM  
reddi oportere*; quum tamen diserte Gordianus scribat, adversus emtorem  
pignoris Servianam dant, non interdictum. Sed facilis est responsio. Gor-  
dianus de eo loquitur, qui a debitore, Julianus de eo, qui a colono emit.  
Quoniam adversus colonum datur directum interdictum, utile datur adver-  
sus emtorem: at quoniam adversus alium debitorem utile interdictum ac-  
commodatur, oportet, ut adversus emtorem competat Serviana. Salviani  
interdicti auctorem vulgo post Cujacium faciunt Salvium Julianum, qui E-  
dicti perpetui auctor fuit; argumentumquo in eam sententiam ducunt ex  
ipso nomine Salvii Juliani: argumentum sane leve, nam plures Salvii gens  
Praetores habuit, & Jurisconsultos, l. 6. *de legat. præst.*, l. 14. *ad S. C. Treb.*  
Sed & alium ab Edicti perpetui auctore interdicti Salviani auctorem fuisse,  
illud potissimum evincit, quod idem ipse Julianus in d. l. 1. interdictum  
hoc *Salvianum* appellat: id quod non obscuro argumento est, nomen illud  
satis antiquum, ac Julianum ejus interdicti interpretem fuisse, non auctorem;  
si enim recens, & ab ipsius Juliani nomine sumtum fuisset, certe Julianus,  
cujus præcipua laus modestia, haud illud tam parum verecunde dixisset  
*Salvianum*, sed, ut illud ab aliis interdictis distingueret, a se propositum  
verecundius dixisset. Non obstat, quod in Basilicis l. 60. r. 17. c. 18. ea lex  
prime Ulpiano tribuatur. Nam & eam Latini omnes Libri Juliano tribuunt,  
& præterea eam tribui Juliano debere ex eo patet, quod sumpta sic *ex libris  
Digestorum*, quos Julianum scripsisse, non Ulpianum accepimos. Restituen-  
dus est igitur Basilicorum locus, scribendumque *Ulp.*, pro quo imperitus  
librarius scripsit, *Ulp.*, vel *Ulp.*, maxime quum capitul, quod proxime se-  
quitur, Ulpiani nomen præscriptum sit, quum tamen si præcedentis capi-  
tis unus illdemque fuisset auctor, capituli 29. illud imponi debuisset, *O. autem  
vel v. autem*. Alia nonnulla contra vulgarem de Salviani interdicti auctore  
sententiam congerie Bynkersh. 1. *Obs.* 24, quem actio an satis feliciter res-  
sallat Wachtersius *Ab. Lips.* n. 1716 Jun.

§. IV. Duo etiam retinendæ possessionis interdicta recenset h. §. Tribonianus, *Uti possideis*, & *Utrubi*. Interdum in rei vindicationis iudicio, quod in possessorem datur, ut late dictum ad §. 1. de *act.*, uterque litigatorum se possidere ait, ut sic alterutrus tanquam possidentis potior conditio sit juxta juris regulam in l. 126., & l. 134. de *R. J.* In hac igitur controversia dat Prætor interdictum *Uti possideis*, si de fundi, vel ædium possessione queritur, interdictum vero *Utrubi*, si de rerum mobilium possessione. Quam differentiam ipsæ interdictorum formulæ demonstrant. Felt. lib. 14., l. 1. ff. *uti possid.*, l. un. ff. *utrubi*. His interdictis Prætor possessionem tueretur, si nullam ea vitium habeat, hoc est, si possessor nec vi, neque clam, nec precario nactus fuerit ab adversario possessionem. Ab adversario, inquam, possessio enim, quæ ab extraneo est, licet vi, aut clam, aut precario habeatur, tamen contra adversarium a Prætore defenditur, l. 1. §. ult., & l. 2. ff. *uti possid.* Facit l. ult. de *adq. poss.* Hæc quoque inter utrumque interdictum differentia erat posita jure veteri, quod *uti possideis* interdicti is vindicaret, qui interdicti tempore; *utrubi* autem interdicto, qui majore parte ejus anni sine vicio possidebat, id est non precario, aut vi, aut clam ab adversario. Sed hodie quantum ad possessionem eadem est utriusque interdicti potestas, nempe hæc, ut is vincat, qui litis contestatæ tempore possidet sine vicio, h. §. At nonne vel ipso Pandectarum jure utriusque interdicti exæquata potestas est? Certe id diserte affirmat Ulpianus l. un. §. 1. ff. *utrubi*. Marcilius, Vinus, & alii nonnulli ad h. §. scribunt, Tribonianum jus novum Ulpiani verbis adscripsisse; maxime quum Paulus Ulpiano coævus, l. 5. *seni*. c. 6. §. 1. jus vetus apertissime tradat.

§. V. Possidere autem videtur non solum is, qui ipse possidet, sed & qui per alium possidet, etiam si hic sub ejus potestate non sit, qualis est colonus, inquilinus, depositarius, commodatarius, procurator, hospes, amicus h. §. & l. 9. de *adq. poss.*: quam regulam tradit hic Trib. Qui suo nomine possidet, is proprie dicitur possidere, qui alieno, esse dicitur in possessore, l. 10. §. 1. *cod.*, & h. §. Verum Ulpianus in d. l. 10., ac Tribonianus hic loquuntur ex sententia Proculejanorum, qui duo illa distinguebant, unde & colonus, & fructuarius, & creditorem, cui pignus est traditum, possidere negabant, esse vero in possessione agebant, hoc est alienæ possessioni ministerium præstare, ut dicitur in l. quod mox 18. h. t., ejusque sententiæ id erat consecutaneum, non posse duos simul possidere, quam regulam tradunt Proculejanus Jurisconsultus, Labeo l. 3. §. ex contrario, h. t., Celsus l. 5. §. ult. ff. *commod.*, Pegasus l. 9. de *R. P.* Contra Sabiniani omnes, qui rem detinent, possidere agebant, sed alios naturaliter, alios civiliter, ut Sabinus l. pupillus 11. de *adq. rev. dem.*, & ex Sabinii Schola Javoleus l. quod servus 24. h. t., & Julianus l. 2. §. quod vulgo, ff. *pro hered.* Hinc recte poterant duo simul possidere, unus civiliter, & solo animo, ut dominus, alter naturaliter, & solo corpore, ut colonus, fructuarius &c., quod enim Proculejanis erat in possessione esse, id erat Sabinianis naturaliter possidere. Utilem certe operam præstitisset Tribonianus, si veteris dissidii vestigia non reliquisset in libris juris: sed is in Digestorum compositione temporis compendio studevit, non bono Jurisprudentiæ. V. Merill. 2. Obf. 31. Alteram de possessione regulam proponit h. §. Tribonianus, nempe, et si possessio non animo solum, sed etiam corpore adquiratur, solo tamen animo amitti, hoc est, si possidendi animus deponatur; eandemque regulam habes in l. 3. §. 6., l. 34., l. 44. §. ult. & r. Obstat Paulus lib. 65. ad Edictum in l. 153. de *R. J.*, *Quibus modis ad-*  
qui-

quirimus, *isidem in contrarium alit amittimus*. Ut igitur nulla possessio adquiri nisi animo & corpore potest, ita nulla amittitur, nisi in qua utrumque in contrarium alitum. Hanc pugnam sic diiimit Marcellius ad *h. §. Regulariter*, inquit, animo & corpore amittitur possessio, *d. l. 153.*; interduu tamen solo animo amittitur, estque hæc a regula exceptio, propter quam exceptionem adposita est in *d. l. 153.* particula *fere*. Confirmat opinionem hanc suam Marcellius verbis *d. l. 3. §. 3.*, *In amittenda quoque possessio adfectio ejus, qui possidet, intuenda est*. Itaque si in fundo sis, & tamen nolis eum possidere, proxinus amittes possessionem. Igitur amitti & animo solo potest. Quæ novissima verba apertissime exceptionem continent. Sed vix est, ut exceptionem dicas, quod passim, & ad modum regulæ in libris juris occurrit, & præcipue apud Ulpianum *l. 34. h. 2.* Præstat uti distinctione Bulgari, quam adeo probavit Placentinus, ut auctorem ejus *uo aureum* dixerit. Si possessionis amissio ab animo incipit, puta, si qui suo nomie possidet, a fundo non discedens incipiat alieno animo possidere, ut in *l. quod meo 18.*, & *l. si me in vacuum 34. h. 1.*; solo animo amittitur possessio. Si vero incipiat a corpore, puta, si possessor a fundo discedat; certe non solo corpore amittitur, sed animus quoque accedat necesse est: quo spectant textus in *l. quentadmodum h. 1.*, *l. fere*, & *l. nihil tam naturale*, de *R. J.* Hanc distinctionem respicit *eo fere* apud Paulum *d. l. 153.*

§. VI. Ad recuperandam possessionem propositum est interdictum *unde vi*, quod ad eos pertinere ait Ulpianus *l. 1. §. 3. de vi*, & *vi arm.*, qui *de possessione deiciuntur*. Non obstat, quod idem Ulpianus scribit §. 45., *non alii, quam ei, qui possidet, interdictum unde vi competere*; nam certe legendum *possedit* cum Grotio *ser.*, *sparsiff.*, & Rutgers. *lib. 6. var. Lect. c. ult.*: quod patet ex ipsa Ulpiani ratiocinatione, is enim dictum illud eo argumento confirmat, quod si quis me vi dejecerit, meos non dejecerit, non possum ego hoc interdicto experiri, quia per eos retineo possessionem, qui dejecti non sunt: quod quidem argumentum non obscure ostendit, hanc fuisse mentem Ulpiani, hoc interdictum non alii competere, quam ei, qui jam possedit, nunc vero, quod sit dejectus, non possidet. Eorum interpretatio, qui eum, qui possidet esse eum ajunt, qui dejectus certo potest possessionem recuperare, jam vides, quam sit inepta. Oportet igitur, fuisse aliquem de possessione dejectum, unde eum, qui neque animo, neque corpore possidebat, ingredi autem, & incipere possidere prohibeatur, verius esse, inquit Ulpianus §. 26., non videri dejectum, ut proinde injuriarum quidam actio detur ei, non interdictum. Sed Cicero tamen *pro Cæcina*, ut serviret causæ, clienti suo, qui prohibitus fuerat, non dejectus, interdictum competere multis contendit: & fuisse pro Cæcina judicatum, ipsa Cicero videtur innuere in *Oratore*. Præterea ad eos tantum hoc interdictum pertinet, qui de solo deiciuntur, utpote de fundo, sive ædificio, vel etiam de area, & generaliter de re solo coherenti, ac proinde etiam de insula superficiaria *d. l. 1. §. 3. 4. & 5.*; nam pro rebus mobilibus furti actio datur, aut ad exhibendum, aut vi bonorum raptorum, §. 31. Ex constitutione Justiniani in *l. ult. C. cod.* in eos quoque hoc interdictum competit, qui vacuum rei alienæ possessionem scientes occuparunt; quum tamen jure veteri tuoc demum in hac specie interdictum competere, quum reversus dominus ingredi videretur, *d. l. 1. §. 24.*, & *l. 6. in fin. de adq. poss.* Cogitur hoc interdicto is, qui deiecit, restituere possessionem, (est enim hoc judicium civile, nam de criminali judicio *de vi* agitur *tit. ult.*) licet is ab eo, qui vi dejecit, vi clam,

clam, vel precario possideat, *h. §.* & *l. 14. eod.*, quod secus est in interdicto *uti possidetis*: & forsitan ita cautum, ne tumultus fiat. Sed Cujacius, Hotomanus, ac Duarennus 1. *Diff.* 20. hunc locum de sola vi armata intelligunt, nam in vi quocidiana docere debebat dejectus, ita se possedisse, ne nec vi, nec clam, nec precario possederit, ut Cicero loquitur *Orat. pro Catin.*, & plane id Paulus tradit *§. sent. 6.*, *Qui vi, aut clam, aut precario possidet ab adversario, impune dejectus*. Sed Tribonianus nullum relinquit distinctioni locum. Vide quæ de pœna violentæ occupationis dicta sunt ad *§. 1. de vi bon. rapt.* Illud hic moneo, quod Tribonianus inquit *h. §.*, *Sed ex Constitutionibus sacris, si quis rem per vim occupaverit &c.*, perinde esse accipiendum, ac si scripisset, *Sed & ex*: qui loquendi modus haud rarus in libris juris, *l. 5. §. ult. ad L. Aquil. juncta l. 13. §. 4. ff. locat. l. 9. §. 1. de usufr. V. Comm. uostr. ad §. 4. sup. de injur.* Locum huic Tribonianus Ulpianus illustrat *l. 1. de vi & de vi arm.*, ubi enim dixerat *l. 1.*, *Hoc interdictum proponitur ei, qui vi dejectus est*, ita *§. 2.* inquit, *Ne quid autem per vim admittatur, etiam legibus Julis prospicitur publicorum & privatorum, nec non & constitutionibus Principum.* De vi publica dicendum suo loco ad *tit. ult. h. lib. (a)*

*§. VII.* Tertia interdictorum divisio est, quod aut simplicia sunt, aut duplicia. Simplex interdictum est, quum Prætor unum adloquitur, ut in hac formula, *Unde tu illum vi dejectus*: duplex vero, quum utrumque compellat, ut in hac formula, *Uti vos possidetis, L. 1. uti possid.* Fest. *v. possessio*: vel, ut Tribonianus hic, simplex est, quum alter est reus, alter actor: duplex, quum neuter proprie reus est, aut actor, sed par utriusque litigatoris conditio est. Simplicia sunt omnia restitutoria, & exhibitoria. Prohibitoriorum vero alia simplicia sunt, alia duplicia:

*§. VIII.* De ordine, & vetere exitu interdictorum supervacuum est hodie dicere, inquit Trib. *h. §.* Ordo est ritus, & forma reddendorum interdictorum: exitus est effectus, ut in *l. 10. §. 14. qua in fraud. cred.*, & *l. 35. de adq. poss.* Male Hotomanus pro exitu, legit ritum, nam ordo ritus est. V. Gulielm. Forner. 1. *Sechst.* 18. Interdicta olim reddebantur de veteri more judiciorum, de quo actum late ad *tit. 6. pr., l. 1. §. 2. ff. si ventr. nom.* At ex quo tempore cœpere judicia esse extraordinaria, qualia fuisse omnia sub Justiniano, scribit Trib. hic; non fuit necesse interdictum reddi, sed perinde judicari sine interdictis cœpit, ac si utilis actio ex causa interdicti reddita fuisset, sublato veteri ac solenni ritu. V. *l. 1. 3. & ult. C. h. t.*, & Janum a Costa ad *h. l. pr.*

---

(2) Ad hoc Romanorum interdictum proxime accedebat ἡ δίκη δίκην, de qua Atheniensium judicio v. Suid. in ἡδίκη, & in ἡδίκη δίκην, & in δίκην δίκην, & Demosth. *Orat. in Onesicrem.*



## DE POENA TEMERE

## Litigantium.

## TITULUS XVI.

**N**unc admonendi sumus, magnam curam egisse eos, qui jura sustinebant, ne facile homines ad litigandum procederent, quod & nobis studio est, idque eo maxime fieri potest, quod temeritas tam ageutium, quam eorum, cum quibus agitur, modo pecuniaria poena, modo jurisjurandi religione, modo infamiae metu coeretur.

1. Ecce enim iusjurandum omnibus, qui conveniuntur, ex Constitutione nostra deferretur. Nam reus non aliter suis allegationibus utitur, nisi prius juraverit, quod putans se bona instantia uti, ad contradicendum pervenit. At adversus inficientes, ex quibusdam causis dupli, vel tripli (\*) actio constituitur, veluti si damni injuriæ, aut legatorum locis venerabilibus relictorum nomine agatur. Statim autem ab initio plaris, quam simpli est actio: veluti furti manifesti, quadrupli: nec manifesti, dupli. Nam ex his, & aliis quibusdam causis (sive quis neget, sive fateatur) plaris, quam simpli, est actio. Item actoris quoque calumnia coeretur. Nam etiam actor pro calumnia jurare cogitur ex nostra Constitutione. Utriusque etiam partis advocati iusjurandum subeunt: quod alia nostra Constitutione comprehensum est. Hæc autem omnia pro veteri calumniæ actione introducta sunt, quæ in desuetudinem abiit; quia in partem decimam litis actores multabat, quod nusquam factum esse invenimus: sed pro his introductum est & præfatum iusjurandum, & ut inprobis litigator, & damnum, & impensas litis inferre adversario suo cogatur.

2. Ex quibusdam judiciis damnati ignominiosi sunt: veluti furti, vi bonorum raptorum, injuriarum, de dolo, item tutelæ, mandati, depositi, directis, non contrariis actionibus. Item pro socio, quæ ab utraque parte directa est: & ob id quilibet ex sociis eo iudicio damnatus ignominia notatur. Sed furti quidem, aut vi bonorum raptorum, aut injuriarum, aut de dolo, non solum damnati notantur ignominia, sed & pacti, & recte: plurimum enim interest, utrum ex delicto aliquis, an ex contractu debitor sit.

3. Omnium autem actionum instituendarum principium ab ea parte Edicti proficiscitur, qua Prætor edicit de in ius vocando. Utrique enim in primis adversarius in ius vocandus est, idest, ad eum vocandus, qui in ius dicturus sit. Qua parte Prætor parentibus, & patronis, item parentibus, liberisque patronorum; & patronarum hunc præstat honorem, ut non aliter liceat liberis, liberisque eos in ius vocare, quam si id ab ipso Prætoris postulaverint, & impetraverint. Et si quis aliter vocaverit, in eum poena solidorum, quinquaginta constituit.

---

(a) *V. Comm. nostr.*



## COMMENTARIUS.

**P**R. Tit. Veracundam cogitationem ejus, qui lites execratur, laudat Ul-  
pianus l. 4. §. 1. ff. de alien. jud. mut. ca. fact. Et sane nihil magis eam  
caritatem laedit, quā tanquam communē vitio lo civium animi continentur,  
quam litiū multitudo. Hinc legislatori cavendum, ut lites, ac judicia quam  
paucissima sint, monet post Isocratem ac Platonem Aristoteles in Polit. lib. 6.  
c. 5., datumque id vitio Aegyptiis, atque Atheniensibus, quod essent litiū  
amantes, Ammian. Marcellin. lib. 22. Thucyd. lib. 1. Romanis præter cete-  
ros litiū paucitas ac facilis exitus curæ fuit: idque eorum leges demon-  
strant, ac præcipue Caput hoc Institutionum, quo litigantium temeritas aut  
jurejurando, aut poena pecuniaria, aut turpi nota coercetur.

§. 1. Et juramento quidem calumniæ deterrentur homines à litigando.  
De hujus sacramenti auctore non eadem est Interpretum sententia. Veteres  
plerique glossographi, eoque sequutus Hubertus Giphanius ad l. 2. C. de  
juram. calum. ejus auctorem laudant Justinianum, quod in l. 1. 2. sic de eo  
loquatur, ut se illius auctorem non obscure prodāt. At alii vel tempore Pau-  
li sacramentum illud in judiciis usurpatum probant ex ipsomet Paulo l. inter  
coheredes 44. §. qui familia 4. ff. fam. ercisc. Et ideo jurare debent, se non ca-  
lumnia causa litem intendere, & non calumnia causa ad inficiās ire. Quod  
reponit Giphanius, fuisse Pauli textum à Triboniano interpolatum, quia  
phrasis illa ad inficiās ire minus elegans videtur, quam ut possit Pauli itylo  
congruere, id meo quidem judicio haud est Giphanio dignum; nam primum  
non tanta est in Paulo, quanta in plerisque omnibus Jurisconsultis, styli ele-  
gantia, quum sæpe Græco, sæpe etiam Hebraico more scribat, ut alibi est  
adnotatum ex Aut. Augustino lib. 4. Emend. cap. 3.: deinde non minus Latine  
dicitur, ad inficiās, quam inficiās ire, quemadmodum Latine dicitur Itā-  
liam ire, & ad Italiam; etsi modo frequentius suppressere, modo frequentius  
apponere præpositionem pro varia locorum ratione consueverint Latini. De-  
nium, si præpositio ad tam male sonat Giphanio, eam expungat is ex libris  
Florentinis, vulgatamque lectionem, unde abest, sequatur. Sed & idem  
Paulus lib. 2. sent. tit. 1. §. 2. ejusdem sacramenti meminit, Deferre jururan-  
dum prior auctor potest: contrarium autem de calumnia iurandum res com-  
petit. Accedit Senecæ locus 3. contr. 19. Se in eum calumniam juraturum (a).  
Verum ita se res habet. Certe Justiniano antiquius est calumniæ juramen-  
tum; sed illud tamen solus actor & in quibusdam tantummodo causis præ-  
stabat, ut in specie Pauli 2. sent. 1., & in specie l. 13. §. 3. de damn. infecti,  
in ceteris enim actor, qui contra jus in judicium venerat, ut loquitur Tul-  
lius

(a.) Petitum hoc iurandum non a jurejurando gladiatorum, quod Tur-  
nebo visum 28. Adver. 20.; sed a jurejurando Atheniensium, apud quos auctor  
& reus de calumnia iurabant. Et auctor quidem juramentum proprie dictum  
juramentum rei arripere dicebatur, licet quandoque auctor etiam juramentum  
Oraci arripere dixerint. Demost. in Mæart. Isocrat. de bigis. V. Pollux. in  
Onomastic.

Lib. IV.

V.

lius *pro Cacin.*, actione calumniæ tenebatur in decimam partem litis, §. 6., eratque ea actio ex stipulatu, nam initio non satisfactio, sed repromissio-  
ne cavebat actor, se, nisi vicisset, decimam partem ejus, quod petebat,  
reo præsticturum, unde *remedium repromissionis initio postulare* appellatur in  
Constitutione Diocletiani & Maximiani ad Quintianum in *Cod. Hermogenensis*.  
& *Calumniat.* Justinianus autem Constitutione sua iusjurandum illud, & ab  
utraq; parte, & in omnibus civilibus causis præstari iussit. Atque hoc uno  
suspectus videtur mihi Pauli locus in Pandectis, quod ibi & ab actore, &  
vero etiam ab ipso reo de calumnia jurari debere caveatur. Reus jurat, opi-  
nari se *bona instantia* uti. Quæ Latini *instantia*, Græcis est *ὑπόστασις* eadem  
significatione, quamque Latini Rhetores depulsionem, sive iunctionem,  
Hermogenes *ὑπόστασις*, h. e., *instantiam* dixit lib. 3. c. de *inventis*. & c. seq. Estque  
*bona instantia* idem ac *bona conscientia*, ut inquit ad h. §. Theophilus. Præ-  
terea ad reorum comertatem coercendam pertinet, quod addit hic Triboni-  
anus, adversus inficientes *dupli vel tripli* actionem ex quibusdam causis  
constitui, de quibus dictum ad §. 26. *sup. de act.* Sed quæ est ea causa, ex  
qua lis inficiatione crescit in triplum? Eam se ignorare ingenuè fateatur Con-  
tius. At Cujacius *not. post.* tripli actionem fuisse suspicatur actionem furti  
concepti vel oblati, quæ certe actiones in triplum fuere. *Gell. lib. 1. c. 18.*  
Verum duo obstant Cujacio, alterum, quod non constat, nec facile constare  
possit, eas actiones inficiatione crevisse; alterum, quod Tribonianus de  
actione tripli tanquam de re præsentis loquatur, quum tamen certum sit, eas  
actiones jam ante Justinianum interdixisse §. 3. *sup. de obl. qui ex delicto*. Alii,  
ex quibus est Everardus Otto, Tribonianum respexit opinantur ad actionem  
tripli in eum, qui majorem vera æstimatione quantitatem in libello con-  
ventionis inseruit, de qua in §. 24. *sup. de act.* Sed quis mihi ostendat, eam  
actionem ex inficiatione crevisse in triplum? Demum alii verba illa *vel tripli*  
expungunt, quod ea neque Contii, Russardi, & Chatouze Codices habeant,  
neque Theophilus. Scio, in veteribus nonnullis Theophili membranis ea ex-  
stare; glossema tamen esse hinc liquet; quod in plerisque non extant, in  
aliis autem pro *tripli* scriptum sit *quadrupli*. Quæ subdit continuo Triboni-  
anus, *Sciam ab initio pluri quam simpli est actio; veluti furti manifesti qua-*  
*drupli, nec manifesti dupli*, eo spectant, ut intelligas quædam, causarum  
rationem. In damnosa iniuria dato, in miserabili deposito, in legatis vete-  
rabilibus locis relictis duplicatur inficiatione lis, eaque poena reorum teme-  
ritas coercetur. In fureto manifesto, tur nec manifesto poena comertatem in-  
ficientis non coercet, nam ex *causis his*, ait Trib., & aliis quibusdam, sive  
quis neget, sive fateatur, pluri quam simpli est actio. Hæc de reo. Actor  
quoque jurat, se licet intendisse opinionem bonæ causæ h. §. Jam non actor  
solum & reus, sed & ipsi partium Advocati jurant ex alia Justiniani Con-  
stitutione, se bonæ fide causam suscepisse. V. l. 12. §. *patroni, C. de judic.* Quæ  
omnia constituisse Imperatorem, ait hic Tribonianus, quod vetus calumpniæ  
actio ex stipulatu in desuetudinem abiisset. Sed non video, cur scribat Tri-  
bonianus, quod nunquam factum esse invenimus, quum de ea multis certo iure  
cautum fuerit. Ut ut id sit, melius utilitati reorum prospectum præcavit  
Justinianus per juramentum calumpniæ, & præterea per damnationem, in da-  
mnum, & luctus litis, de qua vide l. 11. §. 6. *C. cod. V. quoque l. 4. Cod. de*  
*secul. & lit. expens.* & *Nov. 82. c. 10.* Sed & ipse Justinianus calumpniæ iura-  
mento hæc abolito veterem actionem restituit. *Nov. 112. c. 5.* eo addito, ut  
de decima solidato vel jurato caveatur. Cujac. ad d. *Nov. c. Nov. 69. De*  
*jura.*

juramento calumniæ vide Guilhelm. Forner. 2. *seleß.* 4.

§. II. Infamia quoque temere litigantes ex quibuscumque judiciis coercet, ut si quis damnetur furti; rapinæ, injuriarum, doli mali, ruelæ; mandati; depositi, pro socio: quæ octo judicia recenset hic Tribonianus ad exemplum, esse enim plura, quam octo, exploratum sit ex l. 4. §. ult., l. 3. §. 6. 7. de his, qui not. infam., l. 5. de pos. Ait autem Tribonianus, famosum esse, qui ruelæ; mandati, ac depositi damnetur *directis, non contrariis actionibus*. Cur ita? Quia contrariis de calculo, hoc est, de impensarum ratione agitur, non de perfidia, l. 6. §. ult. ff. qui not. inf. Ac vero in judicio societatis, quoniam actio ab utraque parte directa est, quilibet ex sociis damnatus ignominia notatur h. §. Interdum etiam in judicio mandati contraria actione de perfidia agitur, proindeque damnato turpis nota innotuit, d. l. 6. §. 5. eod. Et quoniam quatuor istos bonæ fidei contractus expressit Prætor, reliquos omisit, confectaneum est, a reliquis infamiam abesse, eaque forte fuit Edicti ratio, quia in quatuor illis sub specie amicitie peccatur: quod gravissimum scelus esse, ostendit Tullius pro Rosc. Amerin. c. 40. V. hæc super se Alciat. 2. Parerg. 36. Freher. de Infam., & Gudling. p. 2. Obs. c. 3. Addit illud Tribonianus, furti, aut vi bonorum raptorum, aut injuriarum, aut de dolo non solum damnatos ignominia notari, sed & passos, plurimum enim interest, utrum ex delicto aliquis, an ex contractu debitor sit. Interest autem hoc, quod de crimine pacili est crimen fateri, l. 3. eod., sicque damnati loco esse l. 1. de confess. modo pactum accipias eum, quicum pro eo quantumcumque passus est; alioquin & qui precibus impetravit, ne secum ageretur, erit notatus, nec erit venia ultra rarior quod est inhumanum; ad quem modum interpretatur Edictum Ulpianus l. 6. §. 3. eod. At vero de famola ex contractu actione non tam turpis est passio, quam ex superioribus, inquit Paulus l. 7., forsan quia potius de eo, quod adversarii interest, habita præsumitur, quam ex conscientia doli, ut Viunius scribit. Illud interpretes habet sollicitos, num ob dolum, an ob levem etiam culpam; ex quatuor descriptis contractibus damnati infames fiant. Cuius ex dolo tantum interrogari infamiam putavit, exceptique si duciam, in qua pro minimis rebus; & ex levi etiam culpa turpem notam olim adpersam, scripsit. Contra Coccejus ob culpam quoque infamia notari damnatos existimavit. Sed non video, quomodo Coccejus sententia duplici testimonio Ciceronis juvari possit, quod visum Ottoni, altero in Orat. pro Rosc. Amer. c. 40., altero in Orat. pro Rosc. Contad. c. 6., nam utroque loco Tullius de fraude loquitur, non de culpa. Non etiam video, quid Coccejus proste Edictum Prætoris in l. 1. de his, qui not. infam. Ego igitur potius ad Cuiacium accedo, nam fraudis, doli, ac perfidie mentio est; l. 6. §. ult. ff. eod., l. 5. de pos. §. 6. de suspell. tut. lib. v. & alibi; neque est æquum, ut pro levi negligentia, quæ in truci etiam homine accusari potest; l. prætorum 41. de V. S., adeo reformidanda infamie pœna irrogetur. Illud quoque haud est prætereundum; quod acute hic deprehendit Marcellus, vix ad hanc citationem pertinere ea, quæ Tribonianus habet h. §. Nam ex descriptis iudicibus damnati iam infames fiunt, quia ipsa judicia famosa sunt: ac erat hic agendum de infamia, quæ pœna est temerariæ litigationis, sicque non reorum infamia, de qua in tit. ff. de his, qui not. inf., sed actorum calumniæ damnatorum infamia ad hunc titulum pertinebat. Sic enim erat agendum hic de infamia reorum ex turpi pacto, de qua etiam in tit. ff. de his, qui not. sed de infamia actorum, qui super calumnia paciscuntur, l. 3. §. 2. de calumnia.

§. III. Omnium autem actionum instituendarum principium ab ea parte Edicti proficisci, ait Tribonianus, qua Prætor edicte de in jus vocando: qua de re dictum ad ius. 6. pr. Ac quinquaginta solidorum poena temeritatis eorum punitur, qui personas, quibus reverentia debetur, sine venia Prætoris vocant in jus: qua etiam de re dictum ad §. 12. tit. 6. In eo est consistendum, quod Tribonianus inquit, actionum instituendarum principium esse vocationem in jus, potest enim hinc facile inferri, primum fuisse reos in jus vocatos, tum edicam actionem. Et sane in Pandectis titulus de in jus vocando titulum de Edendo præcedit, & actor apud Plautum *Aulul. act. 4. sc. 10. v. 30.* reum vocat in jus, tum apud Prætores causam se dicturum ait,

*Jam quidem ad Prætores berile te rapiam, & tibi scribam dicam.*

Facit & locus Plauti *Perj. act. 4. c. 9. v. 8.* Contra in Codice titulum de edendo titulus de in jus vocando subsequitur, atque hunc fuisse Edicti perpetui ordinem ex lib. ad Edictum Ulpiani & Pauli adstruit Cujacius *Parat. Cod. de edend., & 10. diff. 10.* V. Gothofr. in *sent. jur. Razard. Protrib. 4.* & Breton *Ord. perant. jud. cap. 26.* Ita apud Tereuntium *Æschines, Adelph. act. 2. sc. 1.*

*Nam ego, inquit, liberali illam adfero causæ manu,*

*Nunc vide utrum vis argentum accipere, an causam meditari tuam.*

*Delibera hoc, dum ego redeo, leno.*

Janus a Costa nullam fuisse necessitatem prius edendæ actionis, consuevere enim actores, ut libitum, vel primum edere, tum vocare, vel primum vocare, tum edere. Et forte hœuettiorum mos fuit primum edere, tum vocare, quod fecit Æschines. Etiam si vero vocationem in jus edicto præcederet, verum quoque esset, actionum instituendarum principium esse vocationem in jus, nam, quod bene deprehendit a Costa, tunc proprie dicitur actio institui coepisse, quum reus vocatur in jus.

## DE OFFICIO JUDICIS.

### TITULUS XVII.

**S**upereff, ut de officio judicis dispiciamus. Et quidem in primis illud observare debet judex, ne aliter judicet, quam legibus, aut Constitutionibus, aut moribus prodicuntur.

1 Ideoque si noxali judicio aditus (a) est, observare debet, ut, si condemnandus videtur dominus, ita debeat condemnare, *Publium Mævium Latio Titio in decem aureis. (b)* condemnno, aut noxam dedere.

2 Et si in rem actum sit (c), sive contra petentem judicaverit, absolvere debet possessorem: sive contra possessorem, jubere ei (d) debet, ut rem ipsam

(a) *V. Comm. nostr.*

(b) *In Codicibus Charonda aureis.*

(c) *Vulgata, actum sit coram iudice. Sed alii Codices, ac Theophrilli paraphrasis ea verba non habet.*

(d) *In aliis cum: sicque Grammaticæ ratio videtur expersere. Sed vide pr. tit. de fidei her. lib. 2.*

ipsam restituat cum fructibus. Sed si possessor neget in presenti se restituere posse, & sine frustratione videbitur tempus restituendi causa petere, indulgendum est ei: ut tamen de litis estimatione caveat cum fidejussore, si intra tempus, quod ei datum est, non restituerit. Et si hereditas petita sit, eadem circa fructus interveuiunt, quæ diximus intervenire de singularum rerum petitione. Illorum autem fructuum, quos culpa sua possessor non percepit, (e) sive illorum, quos percepit, in utraque actione eadem ratio penæ habetur, si prædo fuerit. Si vero bonæ fidei possessor fuerit, non habent ratio neque consumtorum, neque non perceptorum. Post inchoatam autem petitionem etiam illorum fructuum ratio habetur, qui culpa possessoris percepti non sunt, vel percepti consumti sunt.

3 Si ad exhibendum actum fuerit, non sufficit, si exhibeat rem is, cum quo actum est: sed opus est, ut etiam rei causam debeat exhibere, id est, ut eam causam habeat actor, quam habiturus esset, si quum primum ad exhibendum egisset, exhibita res fuisset. Ideoque si inter moras exhibendi usquepeta sit res a possessore, nihilominus condemnabitur. Præterea fructuum medii temporis, id est ejus, quod post acceptum ad exhibendum judicium, ante rem judicatam intercesserit, rationem habere debet iudex. Quod si neget reus, cum quo ad exhibendum actum est, in presenti se exhibere posse, & tempus exhibendi causa petat, idque sine frustratione postulare videatur, dari ei debet, ut tamen caveat se restitutum: quod si neque statim, jussu iudicis rem exhibeat, neque postea exhibiturum se caveat: condemnandus sit in id, quod actoris intererat, si ab initio res exhibita esset.

4 Si familiae eriscundæ iudicio actum sit: singulas res singulis hereditibus adjudicare debet: & si in alterius persona prægravare videatur, adjudicatio: debet huic invicem coheredi certa pecunia (sicut jam dictum est) condemnare. Eo quoque nomine coheredi quisque suo condemnandus est, quod solus fructus hereditarii fundi percepit, aut rem hereditariam corruperit, aut consumserit. Quæ quidem similiter inter plures quoque, quam duos coheredes, subsequuntur.

5 Eadem interveniunt, & si communi dividundo de pluribus rebus actum sit. Quod si de una re, veluti de fundo, siquidem ille fundus commode regionibus divisionem recipiat: partes ejus singulis adjudicare debet, & si unus pars prægravare videbitur, is invicem certa pecunia alteri condemnandus est. Quod si commode dividi non possit, veluti si homo (s) forte, aut mulier erit, de quo actum sit, tunc totus uni adjudicandus est, & is invicem alteri certa pecunia condemnandus est.

6 Si finium regundorum actum fuerit, dispicere debet iudex, an necessaria sit adjudicatio: quæ sane uno casu necessaria est, si evidentioribus finibus distinguere agros commodius sit, quam olim fuissent distincti. Nam tunc necesse est ex alterius agro partem aliquam alterius agri domino adjudicari: quo casu conveniens est, ut is alteri certa pecunia debeat condemnari. Eo quoque nomine condemnandus est quisque hoc iudicio, quod forte circa fines aliquid malitiose commisit; verbi gratia, quia lapides finales furatus est.

(e) V. Comm. nostr.

(f) V. Comm. nostr.

est, vel arbores fructuales excidit. Contumaciae quoque nomine quisque eo iudicio condemnatur: veluti si quis iubente iudice metiri agros passus non fuerit.

7. Quod autem istis iudiciis alicui adjudicatum fuerit, id statim ejus sit, cui adjudicatum est.

## COMMENTARIUS.

**P. R. Tit.** Est hic titulus de officio dati iudicis, seu pedarii, de quo etate Gellii lib. x. extabant Graece, ac Latine scripti. Gell. lib. 14. c. 2. Et principio illud observandum iudici, quae aliter iudicet, quam quod legibus aut constitutionibus aut moribus proditum est. Olli ut primum is in Comitium venerat, aram senectus, hoc est, *pulsat Libonis*, de quo vide Piti. scum in *Lexic. Antiqu. Rom.* in leges jurabat. Ergo is, ait Cic. pro Flacco cap. 36., cui, si aram senectus jurares, crederet nemo, per epistolam, quod voles, injuratus probabit. Formula autem erat iudicaturum se ex animi sententia. Cic. 4. Acad. Quaes. 47. V. Cujacium 1. Obs. 21. Retinuit iustitiam illud Justinianus l. 1. §. C. de iudic., & Nov. 113. Et forte ab Atheniensibus istus ille ad Romanos traductus. Demosth. contra Midiam, & contra Timocrat. Aeschines contra Ctesiphont. Jam vero iudex in interpretandis legibus ita se geret. Si perspicua sit lex, etiamsi aliquanto ad spector videatur, tamen secundum eam iudicabit. Hoc perquam aurum est, aiebat de capite quodam legis Juliae de adulteriis Ulpianus in l. prospexit 12. ff. qui & a quib. mani. sed lex ita scripta est, namque non omnium, quae a maioribus tradita sunt, ratio reddi potest, Julianus l. non omnium 20. de leg. Si quid dubitationis lex habeat, ita tamen ut aliquis deus interpretationi locus, iudex se legis interpretem praestabit, praefertque semper summo iuri aequitatem, Servium Sulpicium, & Cajum Aquilium sequutus, quos eo nomine laudat Cic. Philip. 9., & pro Caecina, quod ius ad aequitatem facilitatemque semper traducere. Atque hoc sensu accipienda l. benignius 18. de leg. 1., l. in omnibus 90. de reg. jur., l. placuit C. de iudic. Demum si adeo obscura sit lex, ut iudex, quid sequatur, ignoret, adeundus est Princeps, qui quum solus possit leges condere, solus potest legum aenigmata aperire, ut loquitur Justinianus l. ult. C. de leg. Huc refer l. 9. C. cod. V. Vinnium 1. soleb. 2.

§. I. Iudicis officium multis exemplis enarrat Tribonianus. Ait b. §., si is noxali iudicio additus sit, & condemnandus videatur dominus, ita debet condemnare, P. Mavium: Lucio Titio in decem aureos condemno, aut noxam dedere. Duo disjunctim sententia iudicis complectitur, quia & duo disjunctim libellus actoris comprehendebat. V. dicta ad tit. de noxal., & ad §. curare 31. de off. iudicem noxali iudicio additum Tribonianus dixit forte ex Cajo, aut alio antiquo jurisconsulto; jam enim tempore Justiniani actiones impetrari, addicere iudices ex formula Praetoris desierant. Quae eadem ratio fecit, ut nonnulli potiorum haberent vulgatam lectionem *aditus*, maxime quod Valerius Maximus lib. 7. c. 2. n. 4. iudicem *aditum* dicat. At Cujacius mavult *additus*, vel, ut veteres libri excussu habent, *additur*. Verum non est de eo verbo laborandum, siue enim *additus*, siue *legas*, *aditus*, recte constat sententia, nam *additus* a Praetore iudex *adibatur*.

§. II. Si actione in rem agatur siue singulari, siue universali, parres iudicis haec sunt. Actore non probante possessorem absolvet ex pervulgata regu-



la juris, de qua ad §. 2. de arb.; actore autem probante, possessorem jubebit rem petitam restituere cum omni causa, hoc est, cum omni eo, quod possideri habebitur foret, si eo tempore quo iudicium accipiebatur, hoc est, litis contestatae tempore, restituta illi res fuisset. Cajus l. 20. de rei vind. Plus igitur sentit, quam expresse Tribonianus hoc §., ubi ait, possessorem restituere rem juberi cum fructibus. Quod si possessor neget, pergit Trib., in praesenti se restituere posse, & sine frustratione, id est, non frustratoriae dilationis causa, videbitur tempus restituendi causam petere, indulgendum est ei, ut tamen de litis estimatione caveat cum fideiussore, si intra tempus, quod edictum est, non restituerit. Quadrimestre spatium, quod l. ult. C. de exco. rei judic. reis damnatis indulgetur, non pertinere ad actiones reales, plerique interpretum tradidere. Sed est id cum Bachovio ita explicandum. Sive actio in rem sit, sive in personam, res controversa continuo est restituenda, si penes rem sit, proindeque praestari continuo possit: si vero de quantitate sit actum, quae demonstrari non potest, quadrimestre spatium reo datur, ut, quod debet, commodè paret: hæc enim videtur fuisse mens legis. Hæc de singul. ri in rem actione. Eadem penè obtinent quantum ad fructus, si hereditas petita sit. Verum id ita procedit. Reus aut male, aut bonæ fidei possessor est. Si male fidei possessor est, quem Tribonianus hic *prædonem* dicit ex Ulpiano l. 25. §. 1. de her. pet.; is in utraque actione quos percepit. (hoc est, de solo separavit, quæ est frequentissima in jure ejus verbi significatio, ut dictum. ad §. 33. de rer. div. lib. 2., vel etiam consumsit, quo sensu verbum illud accipitur in l. 15. de usuc., quoque sensu hoc loco accipiendum esse, probat illud, quod de bonæ fidei possessore subjicit Tribonianus) & porro quos culpa, vel dolo non percepit fructus, restituere jubendus est, l. 33. de rei vind. Veteres MS. Charondæ, quos Theophilus auctoritas confirmat, fructuum a prædone culpa sua non perceptorum meminere; ea verba, quæ vulgata hujus §. lectio habet: *Sive illorum, quos percepit*, non habent. Sed vulgatam sequitur Pardulphus Prætejus ad h. l., eamque laud esse continentiam scribit a Costa, nam continuo Tribonianus, bonæ fidei possessorem prædoni opponit, non modo non perceptorum, sed consumptorum fructuum meminit. Si bonæ fidei possessor est, is neque consumtos, neque non perceptos restituere compellitur, quod enim ad fructus attinet, loco domini est: quæ de re dictum ad cit. §. 33. lib. 2. Hæc verà sunt de fructibus, qui autè motam controversiam percepti sunt, vel culpa possessoris non percepti; ac fructus post inchoatam petitionem consumtos, vel culpa non perceptos bonæ etiam fidei possessor cogitur restituere, l. 22. C. de rei vind., l. 1. C. de petis. her., nam omnes bonæ fidei possessores non modo post contestatam litem, sed & post motam controversiam incipiunt male fidei esse, l. sed. C. si lego 25. §. 5. ante 7. ff. eod.; unde inchoata petitio apud Tribonianum est controversia jam mota, etiam si nondum contestata sit litis: quod discrete Ulpianus scribit l. §. 7. Nunc videndum, cur Tribonianus adverbio *penè* sit usus. Glossa, Cujacius, Vinicius, & alii satis multi opinantur; eo adverbio hanc differentiam indigari, quod in petitione hereditatis fructus vel culpa possessoris non percepti, vel percepti quidem, sed consumti ante litem contestatam veniunt ejusdem actionis vi: in speciali autem rei vindicatione non ejusdem actionis potentate, sed verbalia speciali, ut Glossa, vel iudicis officio, ut Cujacius, & Vinicius scribunt §. l. 20. §. 3., l. 40. §. 1. de her. pet. Verum qui Triboniani sententiam inspicit, is certe perspicit, Tribonianum non ad diversionem actionis vim spectasse, sed ad diversam possessoris in utroque iudicio obligationem.



gationem; is enim in petitione hereditatis non modo fructuum non perceptorum, aut consumtorum pretium præstat, sed etiam usuras, l. 40. §. 1. de heredi. legat. et si aliud in odium Fisci respondeat Papinianus l. 18. de her. qui ut in dign. ac in rei vindicatione is æstimationem quidem fructuum præstat, non autem usuras, ea ratione, quod in petitione hereditatis fructus sunt augmenta ac veluti partes hereditatis, in speciali vero petitione accessiones sunt l. 15. ff. de usur.; accessiois autem nulla est accessio, ut bene ad d. l. 15. Accursius monet. Ex præfati juris formulis, ut ait l. 1. Cod. Th. de usur. rei jud., hoc est, ut bene interpretatur Cujacius 9. Obs. 19. ex duodecim tabulis maxime fidei possessor duplos fructus præstabat. Sed hæc de duplis fructibus actio defuevit. Dupli fructus sunt, qui majores in l. 6. §. ult. ff. mandag., & l. res scriptum §. 1. de distr. pign., & ampliores dicuntur in l. 3. §. 1. C. de neg. gest.

§. III. Idem, quod in actione in rem, Judicis officium est in actione ad exhibendum. Exhibere, inquit Paulus l. 1. ad exhib., est facere in publico possessionem, ut et, qui agit, experiri si copia. Plus igitur est restituere, nam restituere est possessionem transferre, remque tradere cum omni causâ, l. 35. de V. S. Quam vero de actione ad exhibendum agitur, exhibere omnem causam continet, quoniam non de restituendo, sed de exhibendo agatur; Ulpi. l. 9. §. 1. ad exhib. quo factum, ut in eo titulo idem sit restituere, æque exhibere, adnotante Cujacio ad l. 11. de V. S. Hoc sensu possessor rem actoris habebitur exhibere, hoc est, rem, & rei causam, seu commodam rei externam l. 9. §. pen. & ult. ff. ad exhib., ut sit eam causam habeat actor, quam habentur esset, si, quam primum ad exhibendum egisset, exhibita res fuisset, h. §.; & d. l. 9. §. 3. Hinc si inter moras exhibendi usucapra sit res a possessore, nihilominus condemnari eum, ait Tribonianus: quod verum est non solum jure novo, quo sublato inter præscriptionem & usucapionem discrimine litis contestatio usucapioni obest, sed etiam jure veteri, quo etiam post litem contestatam, quousque penderet, usucapio procedebat, l. 13. §. 10. de rei vind.; licet præscriptio longi temporis contestatione litis interumperetur, l. 10. §. 10. de usucap. poss. l. 1. §. 10. C. de long. temp. prescrip., nam re usucapra victus iudicio possessor exhibere condemnabatur. Fructuum quoque temporis inter litem contestatam, ac sententiam meditationem iudex habebit, d. l. 9. §. pen. Si reus sine frustratione tempus ad exhibendum poscat, dari ei debet, ut tamen careat, se restituendum, h. §., ubi nihil est causæ, cur Præter legendum contendat, exhibendum, quod ita esse legendum res ipsa, & vis effectusque actionis ad exhibendum admonent. Nam exhibere in hac actione restituere est, ut dictum. Quod si reus neque statim iussu iudicis exhibeat, neque se exhibendum caveat, est in id omne condemnandus, quod actoris intererat, si ab initio res exhibita esset, h. §.; & d. l. 9. §. pen. & ult. §. 10. & seq. ad exhib.

§. IV. & V. Iudicis officium in actione familiaris eriscundæ, & communis dividendæ in eo versatur, ut æqualis sit communium rerum partitio, servata tamen, si qua sit habita, conventio, aut voluntate testatoris. Nec solum divisio rerum, sed & personales præstationes in duo hæc iudicia veniunt, quæ de re dictum ad §. 3. de obl. quæ quæ ex contr., & §. 10. de off. Si res dividi commodè possunt, singulas singulis partes iudex adjudicabit. Quod si in alterius persona prægravare videatur adjudicatio, debet iudex hunc in eum coheredi contra personam condemnare, §. 4. d. 1., idque adeo verum est, ut si divisio tam difficilis sit, ut pene impossibilis esse videatur, possit iudex in unius personam totam condemnationem conferre, & adjudicare omnes res, l. 13. ff. de div. her. §. 1.

*fam. ereit.*, pensatione tamen condemnationis facta, l. 52. §. 2. *cod. Aliam*, dividendæ hereditatis rationem dat Cic. 11. *ad Att.* 15., nempe ut *ex pars*, qua videtur esse minor, licitatione expleatur, ad quem locum v. Manut. Dico autem apud Virg. lib. 1. sorte controversiam diimebat. Eadem de judicio communi dividundo scripta sunt §. 5., ubi illud in fine ait Tribonianus, si de dividenda re agatur, quæ divisione ipsa peit, qualis est homo, aut mulus, tunc rem totam uni adjudicandam, eumque alteri certa pecunia condemnandam. Ita Cascellius Jurisconsultus *consultori dicenti, navem dividere volo: perdes, inquit*, ut est apud Quintil. lib. 6. c. 4. V. Macrobb. 2. *far.* 11. Sed pro iis, *veluti si homo*, malunt alii, *vel si homo*, ex Theophilo, & omnibus libris Charondæ, eo sensu, torius fieri debere adjudicationem, vel quum res dividi commodè non potest, vel quum prorsus non potest.

§. VI. Aliud jus est in finium regundorum judicio, non enim de re communi dividenda agitur, sed de re, quam quisque suam esse ait, unde hæc actio *pro vindicatione rei* esse dicitur Paulo l. 1. *fin. reg.*, licet in personam sit. Eo casu ait Tribonianus necessariam esse adjudicationem juxta ea faciendam, quæ in judiciis *fam. erciscundæ*, & communi dividundo dicta sunt, si evidentioribus finibus distingui agros commodius sit, quam olim fuissent distincti, hoc enim casu ex alterius agro pars aliqua alterius agri domino adjudicari. Eo quoque nomine condemnandum hoc judicio contermini agri dominum inquit Tribonianus, quod forte circa fines aliquid malitiose commisit, puta lapides finales furatus est, vel arbores finales excidit: aut quod contumax fuit, puta si jubente iudice metiri agros passus non fuerit, l. 4. §. 3. *cod.* Damnatur autem is in id, quod interest adversarii, nam, ut bene monet hic Vinnius, multam pro contumacia irrogare magistratus est, non iudicis. De multæ dicendæ potestate videbis Brisson. lib. 3. *Antiquæ. c. 4.*

§. VII. Quod autem istis judiciis alicui adjudicatum fuerit, id statim ejus sit, cui adjudicatum est, his verbis titulum claudit Tribonianus. Est adjudicatio modus civilis acquirendi dominii, de quo dictum ad *tit. 1. lib. 2. §. 11.* Sed cave ne hinc conficias, sententia judicis dominium transferri, quod multæ colligunt ex hoc loco. Primum enim id de tribus istis judiciis cautum est, ut id omnino peculiare illis dicendum sit. Deinde, quod est sedulo advertendum, non iudicis sententia, sed adjudicatione dominium transfertur, lex enim 12. Tab. adjudicationem traditioni similem fecit, l. 6. §. 3. *de statulib.* Denique in istis tantum judiciis adjudicatur: in aliis judicatur; Tribonianus vero adjudicatione dominium transferri ait h. §. Sententia judicis non dominum facit, sed aliquid alicui competere declarat, ut proinde ej per sententiam non nisi in personam actio adquiratur. Quod si sententia judicis dominum faceret, judicati actionem in rem esse oporteret; quæ tamen certe in personam est. V. Fabrum *Decad.* 98. *er.* 7., & contra Fabrum non latè feliciter disputantem Bachoyium,

## DE PUBLICIS JUDICIIS.

## TITULUS XVIII.

48. ff. 1.

**P**ublica judicia neque per actiones ordiuntur, neque omnino quidquam simile habent cum ceteris judiciis, de quibus loquuti sumus, magnaque diversitas eorum est & in instituendis, & in exercendis. (a).

1 Publica autem dicta sunt, quod cuivis ex populo exequutio eorum plerumque datur.

2 Publicorum judiciorum quædam capitalia sunt, quædam non capitalia. Capitalia dicimus, quæ ultimo supplicio afficiunt homines, vel etiam æquæ, & ignis interdictione, vel deportatione, vel metallo. Cetera, si quam infamiam irrogant cum damno pecuniario, hæc publica quidem sunt, non tamen capitalia.

3 Publica autem judicia hæc sunt: lex Julia majestatis, quæ in eos, qui contra Imperatorem, vel Rempublicam aliquid moliti sunt, suum vigorem extendit. Hujus poenæ animæ amissionem sustinet, & memoria rei etiam post mortem damnatur.

4 Item lex Julia de adulteriis coercendis, quæ non solum temeratores alienarum nuptiarum gladio punit, sed & eos, qui cum masculis nefandam libidinem exercere audent. Sed eadem lege Julia etiam stupri flagitium puniuntur, quum quis sine vi vel virginem, vel viduam honeste viventem stupraverit. Poenam autem eadem lex irrogat peccatoribus (b), si honesti sunt, publicationem partis dimidiæ bonorum; si humiles, corporis coercionem cum relegatione.

5 Item lex Cornelia de sicariis, quæ homicidas ultore ferro persequitur, vel eos, qui hominis occideudi causa cum telo ambulant. Telum autem (ut Cajus noster in (c) interpretatione legum duodecim tabularum scriptum reliquit) vulgo quidem id appellatur, quod ab arcu mittitur, sed & omne significat, quod manu cujusdam mittitur (d); sequitur ergo, ut lignum, & lapis, & ferrum hoc nomine continueatur & dictum ab eo, quod in longinquum mittitur, a Græca voce *τελός* figuratum. Ex hanc significationem invenire possumus & in Græco nomine. Nam quod nos telum appellamus, illi *βίλος* appellant *βίλος* τὸ βάλλειν. Admonet nos Xenophon, nam ita scribit, (e), *καὶ τὰ βίλας ὡς σφίγγει, λόγχῃ, τριβύματι, σφιδόντι, πέλιδι ἢ λίθῳ*. i. Ex hujusmodi tela simul ab eis ferebantur, lancea, spicula, funda, plurimi autem & lapi-

(a) *Præstat ita legere, quam cum Accursio in instituendo, & in exercendo.*

(b) *V. Comm. nostr.*

(c) *Alibi ex.*

(d) *Vulgo cujusque jactur.*

(e) *V. Comm. nostr.*

*Lapides* (f). Sicarii autem appellantur a sica, quod significat ferreum cultum, Eadem lege & venefici capite damnantur, qui viribus odiosis, tam venenis, quam futuris magicis homines occiderint, vel mala medicamenta publice vendiderint.

6 Alia deinde lex aspersum crimen nova poena persequitur, quæ Pompeja de parricidiis vocatur: qua cavetur, ut si quis parentis, aut filii, aut omnino affectionis ejus (g), quæ nuncupatione parricidii continetur, fata propperaverit (h), sive clam, sive palam id ausus fuerit, nec non is, cujus dolo malo id factum est, vel conscius criminis exiit, licet extraneus sit, poena parricidii puniatur, & neque gladio, neque ignibus, neque ulli alii, solenni poena subijciatur, sed insutus culeo cum Cane, & Gallo gallinaceo, & Vipera, & Simia, & inter eas ferales angustias comprehensus, secundum quod regionis qualitas tulerit, vel in vicinum mare, vel in amnem projiciatur, ut omnium elementorum usu vivus carere incipiat, & ei cælum superstiti, & terra mortuo auferatur. Si quis autem alias cognatione, vel adfinitate personas conjunctas necaverit, poenam legis Corneliæ de sicariis sustinebit.

7 Item lex Cornelia de falsis, quæ etiam testamentaria vocatur, poenam irrogat ei, qui testamentum, vel aliud instrumentum falsum scripserit, si-guaverit, recitaverit, subjecerit, vel signum adulterinum fecerit, sculps-erit, exprefferit sciens dolo malo. Ejusque legis poena in servos, ultimum supplicium est, quod etiam in lege de sicariis, & veneficis servatur, in libe-ros vero deportatio.

8 Item lex Julia de vi publica, seu privata, adversus eos exoritur, qui vim vel armaram, vel sine armis commiserint. Sed si quidem armata vis arguatur, deportatio ei ex lege Julia de vi publica irrogatur; si vero sine armis, in tertiam partem bonorum suorum publicatio imponitur: sin autem per vim raptus virgineis, vel viduæ, vel sanctimonialis, vel alterius fuerit perpetratus, tunc & raptores, & ii, qui opem huic flagitio dederunt, capi-te puniuntur secundum nostræ Constitutionis definitionem, ex qua hoc aper-tius possibile est scire.

9 Item lex Julia peculatus eos punit, qui publicam pecuniam, vel rem sacram, vel religiosam furati fuerint. Sed si quidem ipsi judices tempore administrationis publicas pecunias subtraxerint, capitali animadversione puniuntur: & non solum hi, sed etiam qui ministerium eis ad hoc exhibuerint, vel qui subtractas ab his scientes susceperint. Alii vero, qui in hanc legem in-ciderint, poenæ deportationis subijciuntur.

10 Est & inter publica judicia lex Flavia de plagiaris, quæ interdum ca-pitis poenam ex sacris Constitutionibus irrogat, interdum deviore.

11 Sunt præterea publica judicia, lex Julia de ambitu, lex Julia repe-tundarum, & lex Julia de annona, & lex Julia de residuis, quæ de certis ca-pitulis loquuntur, & animæ quidem amissionem non irrogant: aliis autem poenis

(f) Latina verba Gratum locum explicans non sunt Tribeniani.

(g) V. Comm. nostr.

(h) V. Comm. nostr.

ponis eos subjiciunt, qui præcepta earum neglexerint. Sed de publicis judiciis hæc exposuimus, ut vobis possibile sit summo digito, & quasi per indidem ea tetigisse: alioqui diligentior eorum scientia vobis ex latioribus Digestorum, seu Pandectarum libris Deo propitio adventura est.

## COMMENTARIUS.

**P**R. Tit. Jam Tribonianus juri privato, de quo se acturnum initio promissit, superiore titulo de Officio Judicis finem imposuit. Sed operæ pretium, duxit aliqua de publicis judiciis in ultimum Caput conferre: quæ particula est juris publici. Ait autem *pr. h. l.*, publica judicia neque per actiones ordinari, neque omnino quidquam simile habere cum ceteris judiciis, de quibus loquutus est, magnamque diversitatem esse eorum, & in instituendis, & in exercendis. Nos, quoniam de veteri privatorum judiciorum ritu nonnulla edisseruimus, arrepta ex hoc Triboniani loco occasione, quædam pauca de antiquo ritu publicorum judiciorum edisseramus. Qui acculare in animum induxerat, rei nomen ad Quæsitorem deferrebat, illudque recipi postulabat, edebatque subscriptionem. Quæstor dictus, qui lege aliqua de publico aliquo crimine lata quærebat. Initio Urbis apud Reges ipsos publica judicia agitantur. *Halic. lib. 2. p. 87. Liv. lib. 1. c. 55.* Tum Regibus exactis apud Bruttum Consulem judicium capitis agitarum prodit *Liv. lib. 2. c. 5.* Sed lata mox per P. Valerium Poplicolam lege de provocatione, factum est, ut publicis Quæstionibus præessent, quos præesse Populus juberet, eisque, quod causa rerum capitalium crearentur, *Quæstiones parviciidii* appellatos scribit Vellus *v. Quæstiones*. Facto igitur SC., quo ferre ad plebem de hac aut illa quæstione jubebantur Tribuni, teste Livio *lib. 4. c. 51.*, hi sic ferebant ad plebem, *Velitis jubeatis, ut quæretur, quæ pecunia capta, ablata, coacta ab Rege Antiocho, quod ad publicum relatum non est, uti de ea Ser. Sulpicius Prætor Urbanus ad Senatum referat. Quem eam rem Senatus velis quærere, de iis, quæ Prætores nunc sunt: quæ formula apud Livium est lib. 38. c. 54.* Suffragante plebe Senatus Quæsitorem dabat vel Dictatorem, vel Consulem, vel Prætorem. De Jugurtina Conjuratone quæsiisse Consulem, tradit Cic. *in Brut.*: idemque Orat. *pro Rabir.* se de pecuniis repetundis accusasse, judicem sedisse, ac Prætorem quæsiisse, scribit. De Quæstione Dictatori demandata testimonium habes Livii *lib. 9. c. 26.* Stetit id usque ad an. 13014., quo anno *quæstiones (æ) perpetua constituta sunt* lata primum de pecuniis repetundis lege a L. Pisone Tribuno Plebis, ut Cicero inquit in *Brut.* c. 27. Quæstiones perpetuæ veteribus dictæ, quæ Prætori lege perpetuo deferrebantur ea formula, *De ea re Prætoris quæstio esto, vel ea, Prætor, qui ex hac lege quæret, faciso, ut &c.* Rogante igitur Pisone quæstio de repetundis perpetua facta est.

Pro.

(2) Corradus mavult Quæstiones publicæ, sique interpretatur notam P., quam in veteri MS. extare ait, ea ratione, quod quæstiones essent publicæ. Cujacius autem reponit, quæstiones pecuniarum repetundarum. Sed nihil est, cur a recepta lectione recedamus, maxime quum satis bonam sententiam continent.

Procedente tempore perpetuæ factæ tres aliz, *de peculatu*, *de majest. ate*, *de ambitu*. Sigon. 2. *de Judic.* 4. *Pollet.* 3. *For. Rom.* 7. Quumque eo tempore Prætores in Urbe essent numero sex, quatuor illas Quæstiones, Præturaque Urbana & Peregrinam sortiebantur. Sigon. *ibid.* Sed & quatuor alios adjunxit Prætores L. Cornelius Sulla pro quatuor aliis Quæstionibus, *de fœderis*, *veneficiis*, *falso*, & *parricidio*, L. 2. §. 32. *de O. J.* Quoniam vero vix erat Romanus alius supra octavum Prætor, Senatus, ut libitum, aut quæstiones duas, aut duas jurisdictiones, aut quæstionem simul & jurisdictionem uni vel alteri demandare consuevit. Sigon. *ibid.* Interdum Consules sic censente Senatu extra ordinem quærebant; testatur enim Cic. *in Brut.* c. 12., Scipionem, & Brutum Consules de atroci quadam cæde ex SC. quæsisse: interdum etiam alij. Cic. 2. *de Fin.* 16. Quod si cui novum, atque inauditum crimen intenderetur, cujus nulla esset lege constituta quæstio, nova quæstio constituebatur, ut factum in causa Miloniana. Hinc queritur Cic. *Phil.* 2. c. 9., quod nova lege de cæde hominis quæreretur, quum esset legitimæ quæstio constituta. Quæstori in curuli sella sedenti, gladiumque imperii indicem ante se positum habenti judices in subselliis adsidebant, quorum princeps *Judex quæstionis* dictus, de quo vide Pitiscum in *Lex. Rom. Antiqu.* Accusator autem Quæstore postulabat, ut liceret sibi rei nomen deferre. Coel. ad Cic. 8. ep. 6. Cic. *Divin. in Ver.* n. 20., quod reo etiam absente jure poterat postulare. Coel. *ibid.* Val. Max. lib. 3. c. 7. n. 9. Dicebatur dies, quo die accusator & reo præsentibus *delatio nominis* fiebat. Sed non poterat accusator deferre nomen, nisi juratus, *se calumnia causa non deferre*. Prædian. in Cic. *Cornelian.* p. 1300. Sic juratus accusator ea vel simili formula reum impetebat, *Ajo, te fœdus spoliasse, Ajo, te Clodium occidisse*. Reus, si taceret, victi loco erat; si negaret, a Magistratu dies inquirendorum criminum postulabatur. Atque hoc erat reum ab accusatore *legibus* interrogari, *Salust.* in *Castil. Conjur.* Cic. *Orat. pro Dom. sua.* Tacit. lib. 14., & lib. 16., idemque erat *lege* interrogari, ac *fieri reum*, auctore Asconio Prædiano apud Brisson. 2. *selest.* 1. Delatum nomen recipiebat Prætor, dicebaturque certum diem, & plerumque tricesimum ex L. Licinia & Julia, quo accusator & reus adessent. Cic. *in Vatin.* c. 13. Ex eo tempore reus in reatu esse dicebatur, eratque reatur tristis reorum conditio usque ad sententiam: & male Accusatus reatum interpretatus est crimen in L. C. qui, §. C. pater, ff. de mun. & hon. Per illud tempus sordidam vestem induebat reus, capillumque submittebat. Liv. lib. 3. c. 61. Cic. *pro Ligar.* c. 11. Gell. 3. *Noct.* 4. Idemque a propinquis, & amicis, imo & ab ipsis magistratibus factum accepimus, si egregii cujusquam civis salus ageretur. Cic. *post redit.* c. 5. Plutarch. in *vit. Græch.* P. Scipionem Africanum, quum reus esset, togam albam non posuisse, memoriz est prædium. Gell. 5. *Noct.* 4. Erat is status, si diutius esset, pars pœnæ, L. 25. *de pœn.*, ubi male Glossa reatum exponit carcerem. Erat autem opus, ut reus scripto quod intenderat profiteretur: idque cautum L. Julia publicorum, uti Paulus scribit L. 3. *pr. de accusat.* Libellorum inscriptionis conceptio talis erat auctore Paulo *ibidem*, *Consul C. dies.* Apud illum, Prætozem vel Proconsulem Lucius Titius professus est, se Mariam lege Julia, de adulteriis ream deferre: quod dicat, eam cum Cajo Seso in civitate illa, domo illius, mense illo, Consulibus illis adulterium commississe. Sed diem aut horam adscribere non oportebat, d. l. 1. Præterea, ne cui facile esset falsum crimen assignere, accedebat subscriptio, quam ad pœnam talionis dicunt, hoc est, debebat cavere accusator, se, nisi quod professus fuerat proba-

set,

let, eas poenas daturum, quibus fuisset reus lege coercendus, l. 1. c. de ex-  
hib. reis. Et quamquam Antoninus Imp. istius subscriptionis necessitatem re-  
mittere coepisset, uti referunt Valens, Gratianus, & Valentin. in l. ult. Cod.  
Th. ad l. Corn. de falsi, forte quia homines metuentes sibi, fontium quoque no-  
mina deferre reformidabant: quod in magnum Reip. malum evadebat; jure  
tamen Codicis Justiniani ea subscriptio restituta est. Ubi dictus a Quæstio-  
re dies venerat, accusator & reus per Præconem citabantur. Reo se non si-  
stenti exilium poena: at si præsentem reo non aderat accusator, receptum no-  
men de reis eximebatur. Alcon. in Milanian. p. 1323., & in Corneli. p. 1307.  
Si uterque adesset, judicium delectus habebatur, & plerumque sortito lege-  
bantur, omnium ejus anni judicium nominibus in urnam conjectis: quo refer-  
illud Virgilii de Minoe Æneid. 6. Quæstor Minos urnam moveret. Si quos re-  
jiceret accusator, aut reus, in relectorum locum alios Prætor, aut Judex  
quæstionis subfortiebat. Cic. *Ad. 1. in Ver. c. 6.* Alcon. in Verrin. 2. p. 1317.  
Quandoque judices edebantur, sique proinde editissimi dicti, quum eos accusa-  
tor & reus pro arbitrato suo deligebant. Cic. *pro Muran. c. 13.*, & *pro Planc. c. 15.* & 17. Utraque parte præsentem Oratoribus dicendi potestas fiebat; ac  
testes publice interrogabantur; quumque Oratores solenni illo verbo Dixi si-  
nem orationi fecissent, continuo Præco pronuntiabat, *Dixerunt.* Alcon. in  
Verrin. 2. p. 1313.; post quæ Prætor judices in consilium mittebat, hoc est, ut  
Alconius exponit in Verrin. 3. p. 1341., *dimittebat judices ad sententiam di-  
scendam.* Singuli ternas tabellas accipiebant, quarum uni inscriptum A, hoc  
est *Absolvo*: quo factum ut eam litteram Tullius *pro Milon. c. 6.* salutarem di-  
cat: alteri C, hoc est, *Condemno*: tertiz NL, hoc est *Non liquet*. Si de re  
levi ageretur, *palam ferebatur sententia*, id est, de tabulis; si de gravi caus-  
sa, *clam*; accedentes enim ad urnas judices quam vellent tabulam immitte-  
bant. Denique dirimebantur tabulæ, ac Prætor si pro numero suffragiorum  
absolvendus aut condemnandus videretur reus, absolvebat ea formula, *Non  
videtur fecisse*, vel ea, *Jure videtur fecisse*: condemnabat ea, *Videtur fecisse*,  
vel ea, *Non jure videtur fecisse*. Quandoque, ut erat suffragiorum nume-  
rus, *Amplius cognoscendum* pronuntiabat. Coel. ad Cic. 8. Ep. 8., Cic. *Acad. Quæst. lib. 4. c. 47.*, & 1. de fin. c. 7. Qui plura cupit adeat Brissonium, & Si-  
gonium *loc. cit.*, & Heineccium in *Antiqu. ad h. 1.*

§. I. Publica autem judicia dicta sunt, inquit hic Tribonianus, *quod cui-  
vis ex populo exequutio eorum plerumque datur.* Exequutio est publica accu-  
satio: quod ad eum modum dicitur, ad quem modum in privatis judiciis  
actor reum condemnare dicitur Jurisconsultis, & qui interdictum petit, *in-  
terdicere.* Lips. ad Senec. de Constant. Sap. 10. V. comm. nostri. *ad pr. iis. de  
Interd.* Vox plerumque non est eo adjecta, ut excipiantur partus suppositi ac-  
tio, quæ parentibus datur, præterea nemini l. 30. §. 1. ad l. Corn. de falsi,  
l. 30. c. ad l. Jul. de adul.: neque ut excipiantur l. Juliz de aunona, & l.  
Juliz de residuis judicia, quorum pecuniaria est exequutio, non criminalis.  
Nam contextus ipse orationis demonstrat, & plerumque exceptionem conti-  
nere ejus regulæ, cuius ex populo publicarum judiciorum exequutio datur, ut  
proinde, quod bene adnotavit ad h. §. Theophilus, ea sit mens Triboniani  
hoc loco, nonnullos esse, qui in publicis etiam judiciis vetantur agere. Huc  
pertinet illud Ulpiani l. 43. §. 10. de rit. nupt., *Publico judicio cuilibet ex po-  
pulo experiri licet, nisi cui lege aliqua accusandi publico judicio non est potestas.*  
V. Charond. 3. Verisim. 18. Jam quod ait Tribonianus, publica judicia dici,  
quod



quod cuius ex populo exequutio eorum plerumque datur, id perinde dictum videtur, ac si quis dicat, publicum locum dici, quod cuius ad eum pateat aditus: quod tamen falsum esse inquit Hotomanus, nam potius e contrario verum est, quod publicus sit locus, ideo cuius aditum patere. Scribit igitur in *Comm. verb. jur. v. iudicium publicum*, idcirco publica dici iudicia, quia causæ publicæ sunt, idest, quia universa Resp. læsa est, quo fit, ut unicuique de populo accusandi potestas permitta sit, quæ Hotomani sententia vera est: idemque visum Gravio in *Animadv. ad Sigon. tom. 2. Thesaur. Antiqu. Rom.* A publicis longe alia erant iudicia popularia, nam etsi in his etiam cuius de populo liceret agere, l. 1. §. 2. ff. de act. popul., l. 5. §. 5. de his, qui effudi, tamen primum non erant hæc, ut illa, ex lege certa, quæ defuissent poenæ, sed erant ex Edictis iis, de obl. quasi ex delictis: deinde horum finis erat multa civilis, quæ cedebat actori, excepta specie, l. 3. de term. mot., & specie l. 25. ad SC. Silan.: illorum publica vindicta. Cave tamen pro iisdem habeas popularia, aut publica iudicia, & iudicia populi: hæc enim, quod publicam vindictam spectarent, a popularibus differebant: quod vero non a pudentiores in foro cum consilio iudicium, sed apud ipsum populum comitiis principis cariatas, tum tributis etiam & centuriatis exercebantur, a publicis distabant. V. Hotom. in *Comm. verb. jur.*, & Brisson. de V. S., & Sigon. de iudic. 3.

§. II. Publicorum iudiciorum particio summa hæc est. Quædam capitalia sunt, quædam non capitalia. Capitalia sunt, quorum poena caput, & licet capitalis Latine loquentibus omnis causa exiliiationis videatur, tamen appellatio capitalis, mortis, vel amissionis civitatis (sive deportationis, sive servitutis civitas amittatur) intelligenda est, inquit Modestinus l. 103. de V. S. Hinc caute Cicero pro Q. Roscio Comæd. privata iudicia, quæ infamiam damnato irrogant, pene capitis esse dixit. Non capitalia sunt, quorum poena vel infamia cum damno pecuniario, vel aliqua corporis coercitio, l. 5. §. 1. ff. h. t., l. 6. §. ult., & l. 28 de pœn.

§. III. Primum capitale crimen est *Majestatis*, quod sacrilegio proximum dicitur Ulpiano l. 1. ad L. jul. Majest. Est autem maiestatis crimen illud, quod adversus Populum Romanum, vel adversus securitatem ejus committitur, d. l. 1. §. 1., ubi securitas est salus populi, ac tranquillitas, non, quod Bartolo & nonnullis post eum videtur, saluus conductus: eoque sensu Latini securitatem dixere. Duaren. 2. Disp. annu. 22. Jam Ulpiani verba non maiestatis crimen definiunt, sed ejus criminis speciem unam plane gravissimam, quam dicunt *perduellionem*, hoc est, conspationem hostili animo in Patriam, aut Principem factam, l. ult. ff. eod., qualis fuit conspiratio Juniorum, Vitelliorum, Aquiliorum, de qua Liv. lib. 2. c. 3. Verum non videtur ante occupatam a Cæsaribus Remplege distinctum inter perduellionem, & Maiestatis in specie crimen, cujus teneatur is, qui alio quolibet modo maiestatem minuit, l. 6. §. 4. eod., antiquitus enim quicumque atrox facinus in civem admitteret, perduellionis reus dicebatur. Sic cæsa ab Horatio (b) sorore Duum-

---

(b) Male, inquit Cujacius ad Paul. lib. 5. t. 24. Livius Horatii factum perduellionem appellat, nisi dicatur ex Charifio grammatico, contra Remp. gessisse, qui per tempus belli sororem occidit, Sed semerarium est dicere, Livium

Duumviri perduellionem judicare jussi apud Liv. lib. 1. v. 26. Idque tum maxime, si atroci facinore lœdi libertas videretur. Ita Rabirium *perduellionis* reum factum scimus, quod Saturninum Trib. Pl., licet seditiosum hominem, privata auctoritate evocasse diceretur, nam Tribuni, quod libertatis populi vindices essent, pro sanctis habui: quo etiam nomine Principum dignitas apud Romanos sancta, quod in eos Tribunicia cum aliis potestas concessit. Romæ primum de majestate Romulus cavita facta cuilibet potestate, proditores tanquam Diti sacros occidendi. Halic. 3. *Antiqu. p. 84.* Tum procecedente tempore aliis legibus de eadem re cautum, & lege 12. Tab. apud Porc. Latr. *Declam. ad v. Catilin. c. 19.*, & apud Marcianum l. 3. *ed.*, & lege Gabinia apud eundem Porc. *ibid.*, & lege Appuleja apud Cic. 2. *de Orat. 49.*, & lege Varia apud Val. Max. lib. 3. c. 7. n. 2., & l. 3. c. 6. n. 4., & lege Cornelia apud Sigon. 2. *de judic. 29.*, & lege Julia a C. Julio Cæsare lata, de qua Cic. *Philipp. 2.*, ac tandem lege Julia Majestatis lata ab Augusto, de qua in Pandectis, & h. s., ubi penam ejus hanc esse inquit Tribonianus, *animæ amissionem*, & *memoriæ etiam rei damnationem post mortem*. Opinatur autem nonnulli post Horomanum, & Vinnium, agi hoc loco de solo perduellionis crimine, primum quod sermo hic sit de eo, qui contra Imperatorem vel Remp. aliquid molitus est; deinde quod poena dicatur esse mors, & memoriæ post mortem damnatio; quum tamen majestatis proprie reus sit non qui summam Reip. labefactare, sed qui publicam dignitatem quomodolibet imminuere conatus est, & præterea majestatis crimen non morte, sed exilio muldetur. Verum hic Triboniani locus luculentior, latiorque interpretacionem desiderat. Ait is, legis Juliz poenam esse amissionem animæ, & memoriæ damnationem. At non obscure colligitur ex Paulo 5. *sent. 29.*, mitiorem fuisse poenam legis, ubi enim scripserat, lege Julia Majestatis teneri eos, quorum ope consilio adversus Imp., vel Remp. arma mota sunt &c., continuo illud addidit, *Mix quæ in perpetuum aqua & igni interdiceretur*: (quæ verba poenam legis Juliz continent) *nunc vero humiliores bestii obijciuntur, vel vi-vi exuruntur; honestiores capite puniuntur*. Eamque esse Pauli sententiam, compertum sit ex Cic. *Phil. 1.*, ubi legibus Cæsaris cautum scribit, ut de vi ac de majestate damnatis aqua & igni interdiceretur. Neque obtrubat quidquam, quod de lege Julia C. Julii Cæsaris loquatur Cicero, nam Julia, quam de majestate tulit Augustus, poenam prioris Juliz legis non immutavit: quod pater ex Tacit. 3. *Annal. 50.*, ubi de C. Luterio Prisco sub Tiberio majestatis postulato Mauvis Lepidus hæc ad Senatum habet, *Cedat urbe, & bonis amissis aqua & igni arceatur*: quod perinde censet, ac si lege majestatis teneretur. At procedente tempore legis Juliz poena adsuperior facta, & humiliores bestii obijci, vel exulti, honestiores capite mulctati: quæ poena ætate Pauli stabat. Sed quemadmodum Juliis legibus omne crimen Majestatis aquæ & ignis interdictione puniebatur, ita tempore Pauli omne Majestatis crimen capitale fuit, nam neque in Juliis legibus, neque apud Paulum inter ejus criminis species distinctum. Ulpianus etiam l. ult. h. 1, licet perduellionem crimine majestatis atrociorē faciat, quæ distinctio, ut dictum, post

---

*Livium in eo nomine errasse; quumque atrox quidquam facere in Romanum civem olim perinde esset, ac populi libertatem ledere, verisimile est, quodsumque atrocius factum perduellionem veteribus dixerunt,*

post Cæsares invaluit, majestatis vero crimen non exilio, sed morte multari ait, *Plane*; verba sunt Ulpiani, non quisque legis Julia majestatis reus est, in eadem conditione est: sed qui perduellionis reus est, hostili animo adversus Remp., vel Principem animatus. Caterum si quis ex alia causa legis Juliae Majestatis reus sit, morte crimine liberatur. Sed qua alia poena major illius perduellionis atrocitas puniatur? Fortasse explicandus Ulpiani locus ex hoc §. si, quod visum Hotomano in *Comm. verb. jur.*, ad perduellionem proprie referatur, quod de memoriz damnatione (c) ait hic Tribonianus: idque confirmant veteres membranz, ubi pro iis, & memoria rei etiam post mortem damnatur, legitur, *memoria tyranni*: eandemque lectionem comprobat Theophili paraphrasis ad b. 6., & ad §. 10. de *her. que ab int. lib. 3.* Tyrannus scilicet in jure nostro perduellem significat: ad quam sententiam accipiendus Codicis Theodosiani titulus *De infirm. his, que sub tyrannis*. Ex dictis patet, videri Tribonianum latuisse legis Juliz poenam. Sed duplex est ratio, qua excusari Tribonianus potest, altera, si dicamus, in iis verbis, *Hujus poena anima amissionem sustinet*, ut hujus non ad legem Juliam referri, sed ad factum ipsum, & proprie ad vocem *aliquid*, quæ præcedit. Altera, si dicamus, Tribonianum legem Juliam spectasse, non qualis fuit initio lata, sed qualis erat suo tempore, qui enim subsequuti sunt Principes, eam in multis mutarunt nunquam immutato nomine; nec novum est, ut ad leges publicorum judiciorum ea, quæ postea ætas mutavit, perinde transferantur, ac si ea ipsi legibus cauta initio fuissent: cujus rei exemplum habes in §. 4. & 5. *inf.* Tandem poena hujus criminis ad liberos etiam damnatorum producta per Arcadium & Honorium in *l. quisquis §. C. ad l. Jul. de majest.*, quam pedestri Commentario ornavit Jac. Gothofredus.

§. IV. Secundum publicum crimen est Adulterium. Ante Augustum, nulla lex certa de adulterii poena occurrit. Quantum ad adulteras, quoniam lege Regia uxor erat in manu viri, ut in manu patris filius, verisimile est, utrum ipsum advocatis propinquis in uxorem adulteram animadvertisse usque ad necem: quod confirmat Halicarnassæus, qui maritum lege Regia constitutum ait, *utrum an potius ut tyrannus, arbitrum magnitudinis poena*. Mos tamen obri-

---

(c) Perduellium memoria apud Romanos damnari solita. Ita de Seneca, quem ut perduellem damnavit Nero, Tacitus scribit 14., & 15. *Annal.* Ita de M. Manlio, quod Regnum adfisset, scribunt Cic. *Phil. 1. c. 13.*, & *Val. Max. lib. 6. c. 3.* Sed non uno modo damnari memoria consuevit. Interdum Senatusconsulto, aut lege cautum, ne quis perauellem nominaret: quod statutum in eum, qui Ephefia Diana templum incenderat, Gell. *lib. 2. c. 6.*, *Val. Max. lib. 8. c. 25.* in fin. *Macrob. 6. sat. 7.*, aut ne quis ex perduellis familia nomen ejus ferret, aut ne quis alius in domo ejus habitaret: quod statutum in Manlium Capitolinum scribit *Val. Max. 1. 6. c. 3.*, & *Plut. Probl. 91.* Interdum nomina perduellium, si Consules essent, e Fekis, & generaliter ex monumentis quum publicis: cum privatis expuncta, Cic. *pro Sext. c. 15.* *Lamprid. in Commod. circa fin. Di. Cbrysof. Orat. Rhodias.* Quandoque eorum statua atque imagines detractæ, *l. eorum 24. de pœn. Lamprid. ibid.*, & conspurcata, aut disrupta, *Suet. in Nero. c. 24.*, & in Domit. c. ult. *Tacit. 3. Annal. 14. Plin. in Panegy. Juven. sat. 1. v. 131. V. Forner. 2. Rer. quotid. c. 17.*

Lib. IV.

Y

obtinuit, ut uxores adulterii apud cognatos convictæ domo abirent, ac de-  
te multarentur, ut constat ex Plaut. *Amphitr.* Val. Max. l. 8. c. 2. Vide Lips. ad  
Tacit. l. 4. *Annal. excurs. 4.* De adulteris autem nihil certi cautum comperi-  
mus. Illud constat, moris fuisse, ut in adulterio deprehensis virilia ferro  
abscinderentur. Plaut. *Curcul.* att. l. 1. sc. 1. v. 88., & Mil. Glor. att. 5. sc. 5.  
v. 2. Terent. *Eunuch.* att. 5. sc. 4. Huc quoque pertinet illud. Plauti in *Pæ-  
nulo.*

*Facio, quod manifesti machi non solent,*

*Refero vasa salva.*

Ubi vasa sunt virilia: quo sensu *vascu-  
lum* Petronius *Satyric.* 24., & bene *vasator* dixit. Lampridius Heliogab. Pri-  
mus omniium Augustus certam de adulteriis coercendis legem tulit (d). Ho-  
rat. 4. *Carm.* 5. Suet. in *Aug.* 34., l. 1. ad L. *Jul. de adult.*, eaque lege nou de  
adulteriis modo, sed & de mascula venere, ac de stupro sancitum est, nam  
ad ea quoque *adulterii* vox producta, l. 6. §. 19. §. 1. h. t., & l. 10. §. 1. de  
V. S. (e) Jam alienarum nuptiarum temeratores, & qui masculis vitium interuert,  
lege Julia gladio puniri, ait hic Tribonianus. Sed id ad eum modum acci-  
piendum est, ad quem legis Julix maiestatis poenam interpretatus sum. Certe  
legis Julix poena capitalis non fuit, nam adulterii damnatus testamentum  
fecisse dicitur in l. *Glandius* 13. de his, quib. ut indign. 1. & adulterii damnatas  
duci uxores lege Julia vetari. scriptum est, l. 29. §. 1. h. t.: quorum unum  
fieri non potuisset, si Adulterium morte aut peregrinitate fuisset multatum,  
l. 2. §. 1. de *testam.*: alterum plane absurdum fuisset cavere; etsi Cuiac. 30.  
Obs. 18. leve esse argumentum puer ex *dist.* l. 29., nam addi potest condi-  
tio, quæ additur in l. *castitati*, Cod. h. t., si quocunque modo capitale  
poenam evaserit, puta vel gratia, vel legis auxilio, ut l. *denuntiasset*,  
§. ult. ff. *cod.* Sed apertissimus est in hanc sententiam Marciani locus l. 5. de  
*quæst.*, ubi ait Consultus, si quis viduam vel alii nuptam cognatam,  
cum qua nuptias contrahere non potest, corruperit, in insulam esse de-  
portandum, quia duplex crimen est, & incestum, & adulterium; ut hinc  
recte colligas, solius adulterii poenam nec mortem fuisse, nec deportatio-  
nem. Præterea Tacitus lib. 3. *Annal. cap.* 24. Augustum filiam ac uerptom  
adul-

(d). Hanc legem exhibent nota illa apud Valerium, L. I. D. A. C., hoc est,  
Lex Julia de adulteriis coercendis, quibus etiam verbis concipitur Caput in  
Pandeñis.

(e). Vinnius hic ait, sententiam Papiniani d. l. 29., & Modestini d. h. 101.  
non eam esse, quam nos Romanorum sequuti in Commentario expressimus, sed  
vere eam, stupri nomine leges adulterium comprehendisse, quum stupri qui-  
dem vox generis vox sit & speciei, adulterium vero de solo cum nupta concu-  
bitu dicatur. Sed certe Vinnius Papiniani locum in d. l. 29. non est assequutus.  
Ait Consultus, Quod ait lex, adulterii damnatam si quis duxerit uxorem,  
ea lege teneri, magis esse, ut & ad stuprum referatur. Quid clarius? Lex  
de muliere adulterii damnata loquuta est; Papinianus vero adulterii vocem  
produxit ad stuprum. Præterea lex Julia de adulteriis dicebatur, & tamet-  
ea de stupris etiam actum. Donique adulterate generaliter est corrumpere, un-  
de pecuniam adulterare apud Latinos, & adulter numus apud Apulej. lib. 10.  
de *Asin. aur.*, & adulterinz stateræ l. 6. §. ult. de extr. crim.

adulteras urbe depulisse inquit, adulterosque earum morte aut fuga punivisse; addit tamen, eum *clementiam majorem, suasque ipsum leges*, h. e., *Julias, egressum*. Et D. Augustinus 3. *de Civ. Dei* c. 5. adulterium apud veteres Romanos nunquam morte puerum tradit. Legitima adulterii poena fuit relegatio, unde Ovidius ejus criminiis reus relegatum se dici ait in *Tristibus*, non *exsulem*, & Centurionis adulteri exauctorati, ac relegati mentio est apud Plinium *lib. 6. ep. 31*. Quod si quandoque ab Imperatoribus atrocius actum cum adulteris; veluti ab Augusto apud Suet. *Octav. 3.*, Antonino Caracalla apud Dionem in *Excerpt. Periegr.*, ac Macrino, & Aureliano apud Capitolin. *Macrin. 12.*, & Vopisc. *Aurelian. 7.*; id præter leges & extra ordinem factum est. V. Noode. in Dioclet. & Maxim. c. 13. Primus adulterium capite mulctasse dicitur Constantinus Imp. l. *quamvis* 30. *Cod. L. Jul. de adult.*, ubi ita scriptum est §. 1., *Sacrilegos autem nuptiarum gladio puniri oportet*. Verum Cujacius 6. *Obs.* 11. priores ejus poenæ auctores fuisse scribit Constantium & Constantem, ea enim sententia Constantini non est, & sane deest in Codice Theodosiano, videturque Constitutioni Imp. Constantini adfusa ex l. 4. *C. Th. quor. appellat. non rec.* Sed vide Goth. ad C. Th. At vero jam tempore Diocletiani adulterium capitale crimen fuit, ait enim Diocletianus in l. *transfigere* 18. *C. de transact.*, *transfigere, vel pacisci de crimine capitali, exceptio adulterio, prohibitum non esse*. Temere tacit. *Hosomianus*, qui *illustr. quest.* 23. legit, *de crimine non capitali*; nam & omnium Codicum auctoritas obstat, & præterea l. *ult. de prævar.*, & l. 1. *de bon. eor. qui ant. sem.* Frustra est Marcellus ad h. §., ubi capitale crimen apud Diocletianum esse inquit non ultimum supplicium, sed deportationem, quam primus Tiberius in locum relegationis substituit, teste Tacit. 4. *Annal.*; nam capitale adulterii crimen opponit Diocletianus aliis publicis criminibus, quæ sanguinis poenam non ingerunt. Bene Cujacius *ibid.*, Brissonus *de Adult. c. 2.*, & Aut. Faber 2. *Conject.* 20. illud, *exceptio adulterio*, vel interpretis allucijus; vel Tribonianum additamentum esse opinantur ex Constantini, aut Constantii lege. Jure novissimo Justiniani adultera verberata in monasterium detruditur, ita tamen, ut si eam maritus velit intra biennium recipere, jure possit; biennio autem transacto, aut viro mortuo, ea tunc monasterio in perpetuum includatur, Nov. 134. c. 10., ad quam vide Petrum Fab. *lib. 3. semestr. c. 21.*, & 22. Quod facit ad adulterum, multa idem Justinianus cavet de jure mariti in adulterum Nov. 117. c. 5., non videtur tamen publicam poenam immutasse, vult enim, ut Provincie Præfres secundum leges poenam imponas legitimam. Late de adulteris mulieribus in Dissert. nostra *de Meretricibus ex jure & moribus Romanorum*. In prædicationes lata Romæ lex Scantinia, qua nonnullos damnasse Domitianum, scribit Suetonius in ejus *Vit. c. 8.* Stupratores decem millibus damnatos tradit Quintilianus *lib. 4. c. 2.*, & l. 7. c. 4. Brissonus autem *de Adult. c. 1.* addubitat, num ea poena scholasticæ exercitationis gratia a Quintiliano conficta sit, vel ex Græcorum legibus desumpta, quod prædicationes capitali supplicio damnatos memoret Val. Max. *lib. 6. c. 1.* Ego vero nec facile adduci possum ut credam, voluisse Quintilianum in Oratoriis Institutionibus exemplum contra legem confingere, quum id in Declamationibus quidem interdum, in libris vero Institutionum Oratoriarum nunquam certe, quantum scio, factum comperiat; nec video, cur maluerit is exemplum petere ex legibus Græcorum. Nihil absurdi dices, si dixeris, aliam alio tempore fuisse ejus flagitii poenam. Imperatores Constantius & Constans illud gladio ultore puniri jubent, l. 31. *C. h. t.*, quam legem belle illustrat Rævardus 4. *var.*

20., & Joh. Bapt. Pius Annot. *post. syllog.* 3. c. 53. Imperatores Valentinianus, Theodosius, & Arcadius l. 6. C. Th. cod., *spestante populo flammis vindictibus expiari iusserunt.* Extrat quoque ea Constitutio in *Gollan. LL. Mosais.* & Rom. tit. 5. §. 3., ad quem locum vide Pithœum, & Schulziug. Vide etiam plura de hac re in *Historia Legis Scentinæ*, quam docte perscriptit Joh. Frid. Christius, & apud Joh. Goth. not. ad Tertul. ad nation., l. 1. c. 16., & Reinel. *Var. lect.* l. 1. §. 22. *Sed eadem lege Julia etiam stupri singulum punitur, quum quis sine vi vel virginem, vel viduam honeste viventem suppraverit,* verba sunt Tribonianus h. 5. Ait *sine vi*, nam qui vim adhibet, lege Julia de vi tenetur, l. 29. §. ult. h. t., & l. 3. §. præterea, ff. ad L. Jul. de vi publ. V. Ant. Mat. ad lib. 48. ff. tit. 3. c. 5. n. 8. Ait, *viduam honeste viventem*, nam si impudica sit, meretricis loco est, cum qua concubere jure civili impune est, l. 22. C. h. t. Ad hanc sententiam accipe illud Plauti *Cureul.*

*Dum te abstineas nupta, vidua, virgine.*

Pœnam stupri addit Tribonianus his verbis, *Pœnam autem eadem lex irrogat peccatoribus, si honesti sunt, publicationem partis dimidia honorum si humiles, corporis coercionem cum relegatione.* Tribonianus peccatores dicit, quos propriis *stupratoribus* appellamus, de more Latinorum, qui *peccatum* pro *istupro*, & adulterio usurparunt: quod Horatii, & Martialis auctoritate adstruie, ad hunc locum Cujacius. Recte autem Contii & Charondæ MS. Codices habent *peccatoribus*, pro quo vulgata habet *stupratoribus*. Joh. Bapt. Pius, *conloc. cit. padicatoribus* hic legi mavult, non bene orationis Tribonianæ conq; textum advertit, nam Tribonianus de *padicatoribus* jam dixerat alia periendo, eisque pœnam gladii constituerat, ut *supervacaneum* fuisset, rursus de re eadem paucis interjectis agere, absurdum vero diversam pœnam irrogare Triboniano non obstat Paulus l. 1. §. ult. de *exar. crim.*, ubi qui *puero stuprum abducto* ab eo, vel corrupto comite, persuaserit, aut mulierem *puellam* *interpellaverit, quidve impudicitia gratia fecerit, donum praberis, pretiumve, quo is persuadeat, dederit, perfecto flagitio, puniri capite, imperfecto, in insulam deportari, ait.* Non, inquam, obstat, nam insidiosa ipsa persuasio, quæ, quod animum corrumpat, vi ipsa gravius puniebatur, adnotante ex *Lysia Duareno* ad h. t.; pœnam exasperat. Ant. Mat. n. 8. Et certe, potest stupri pœna ex adiunctis fieri gravior, ut lato *Matthæus*. Distinguit autem Tribonianus inter *honestos*, & *humiles*: quæ distinctio, ubi de pœnis agitur, passim occurrit. Sed non falsus viderur mihi *Horomanus*, quem *Vinnius* sequitur, *honestum* interpretans honestæ existimationis virum, *humilem* vero turpem hominem; etsi enim ubi de pœnis agitur, *honestos* dicant Jurisconsulti eos, qui nobili genere orti sunt, *humiles* eos, quorum vile genus; tamen aliam fuisse Tribonianus mentem hoc loco, demonstrat l. 7. C. de *incest. nupt.*

§. V. Tertium est homicidium antiquis Romanis *parricidium* ex instituto Romuli dictum: adeo atrox visum liberum hominem necare. Plut. in *Rom.* Et certe ex lege Romuli, vel, quod mavult *Festus*, ex lege Numæ est illud l. 2. Tab., *Qui malum carmen incantasset, malum venenum fecit, duxit, parricida esto.* Ex hac lege de homicidio apud Romanos quæsitum. Cic. 2. de *fin.* 16., & in *Brut.* 22. *Epit. Liv.* 68. Tum anno V. 671. lata Romæ a Lucio Sulla Dictatore lex *Cornelia de Sicariis (e), Veneficiis, & Parricidiis.* Cic. pro

{ e } *Sicarios a sicca dictos scribis hic Tribonianus, Sicam brevissimum fuisse.*

pro Cluent. 53., l. 2. §. 32. de O. J. Tribonianus h. §. duo ejus legis capita proponit, unum de Sicariis, alterum de Veneficiis: de Parricidis agit §. seq. ex lege Pompeja: sed & lege Cornelia de parricidio cautum, patet ex dist. l. 2. §. 32. ibi, Deinde Cornelius Sylla quaestiones publicas constituit, veluti de falso, de parricidio, de sicariis, & Praetores quatuor adiecit: quomodo locum ita supplet Pithœus ad Collat. l. l. Mosn. & Rom., de falso, de parricidio, de sicariis, de veneficiis. Venefici & Parricidae inter Sicarios sunt. Ferros venenum adjunxit Juvenalis. sat. 13.

Et parcos gladio vel pyxide nummos, ubi pyxis non est ficitillus, ex quo jactabantur tesserae, uti eum locum accipit Cujacius ad tit. C. de alea luf., & aleat., sed pyxis veneni dicitur Cic. Orat. pro Cae. Idem Cic. pro Rost. Amer. c. 5. judicium inter sicarios dixit, h. c., judicium inter parricidas. Diversa legis Corneliae capita fecere, ut de sicariis ac veneficis non una rogatione actum videretur, ut in l. 3. de bon. damn. V. Pithœum, loc. cit. Lex igitur Cornelia homicidas ultare ferro persequitur, vel eos, qui hominē occidendi causa cum telo (s) ambulant, h. §., & l. 1. pr. ad L. Corn. de sicar. Mirum videri potest, quod eadem poena sit homicidis constituta, atque his, qui occidendi animo cum telo ambulent, quum tamen conatus solus ordinaria poena non puniatur, excepto conatu veneno aliquem enecandi, quod adspicius sit cum eo agendum, qui per insidias, quam cum eo, qui aperte necem parat, l. 1. pr. & §. 7. l. 3. pr. h. t. Verum Sulla temporis suo consuluit, eratque plane æquum in summa cædium frequentia ea adspicere Reip. malo occurrere. Cic. pro Mil. c. 4. l. 7. & l. 4. eod. Cæterum jam antea vetitum Romanis cum telo intra Urbem ambulare. Plaut. Aulul. act. 3. sc. 2. v. 2.

EU. Quia ad Tres viros jam ego deferam tuum nomen. CON. Quamobrem?

EU. Quia cultrum habes. . . CON. Cœsum desce.

Hoc etiam loco Tribonianus poenam suo tempore usitatum legi Corneliae adscribit, Paulus enim lib. 5. Sent. tit. 23. §. 1., Lex, inquit, Cornelia poenam deportationis infligit. Sed & Paulus deportationem adscribit legi Corneliae, ejus tempore ignota deportatio, ut colligere est ex dictis ad §. 1. tit. 12. lib. 1. Et bene Cujacius ad Paulum scribit, legis Corneliae poenam fuisse aquæ

&c

---

se cultrum recurvum, & inflexum Persici cœnæus longitudine ex Cic. in Cati-  
lin., Suet. apud Ista. 18. Ætym. 13v, & Josepho lib. 20. Antiqu. 7. adstru-  
it Brissenus 2. de lo. 11. Sed producta vocabuli significatione homicida omnes di-  
xi Sicarios. Quintil. 10. Inst. 1.

(f) Telum, inquit Casus l. 23. §. 2. de V. S., vulgo quidem id appellatur, quod ab arcu mittitur. Sed nunc omne significatur, quod mittitur manu. Idem habet Nonius, Tela etiam lapides dici posse, auctoritas docuit, & omnia, quæ jaciuntur. Et generaliter, ubi de lege Cornelia agitur, omne armorum genus, & quodlibet instrumentum noxis teli nomini continetur non ex rei nominis, sed ex sententia legis. Telorum appellatione, verba sunt Pauli §. sent. 23. §. 7. non tantum ferrum continetur, sed omne, quod noxendi causa portatum est, vel, ut Rittershusius mavult, paratum est. Græca verba, quæ Tribonianus in hanc §. inferuit, belle enarras, perpenditque Albericus Gentilis ad d. l. 23. de V. S., quem vide.



& ignis interdictionem, cujus vice successit deportatio. Sed legis poena sub Imperatoribus adsuperior facta, teste quumprimis Paulo *ibidem*, *Qua omnia facinora in honestiores poena capitis vindicari placuit*, humiliores vero aut in crucem tollantur, aut bestiis obijciuntur. Verum ne cum Paulo pugnare videatur Modestinus l. 16. h. t., ubi viros in honore aliquo (g) postea ob eadem factam deportari solere ait; illud adverte, quos Modestinus in honore postea appellat, non eisdem esse, cum iis, qui honestiores dicuntur Paulo. An honore postea, quos Paulus omittit, quosque honestiore loco postea, & aliores dicit Marcianus l. 3. §. pen. sunt Magistratus, viri Civitatis principes, Decuriones (h), qui curiae suae Senatores appellantur, l. 33. C. de Decur. lib. 10. Virum in honore positum decreto Imperatoris, quod neci hominem dedisset, deportatum narrat Lucianus *Toxarid.* ubi verbum *antiquum* latine reddendum, deportatus est, non, ut minus proprie Luciani Intepretes, relegatus est. Quos vero Paulus honestiores appellat, Modestinus secundo gradu esse inquit, ibi, *Qui secundo gradu sunt capite puniuntur*. Denique humiliores intelligit Paulus, qui de foete sunt populi; atque hi vel bestiis obijci, vel in crucem sublaci, maxime si latrocinari consueverint, Petron. *Satyr.* c. 3., Seneca *ep.* 7. l. 28. §. 13. de pan., ubi pro cruce Tribonianum furem subtrahisse suspicatur Rævardus l. *Conjectan.* 16., abrogata, quod Sozomenus tradit l. *Hist.* 8. per Constantinum inter Christianos in Christi obsequium poena crucis. Ex hac Rævardi conjectura restituendus Marciani locus d. l. 3., *Humiliores solent vel bestiis subijci*, scripserat enim Marcianus, *vel in crucem tolli, vel bestiis subijci*: sed Tribonianus, quia omiserat, *vel in crucem tolli*, omittere etiam debebat alterum *vel*, quod nunc male abundat. Quod de sicariis, idem de veneficis cautum, nempe de iis, qui artibus odiosis, tam venenis, quam furtis magicis, homines occiderint, vel mala medicamenta publice venderint, h. §. Pertinet huc Senatusconsultum de malis sacrificiis, quod legi Corneliæ accessit l. 13. h. t., & locus Pauli §. sent. 23. §. 15. *Qui sacra impia, nocturnave, ut quem obeantarent, defigerent, obligarent, fecerint, faciendave curaverint, aut cruci suffiguntur, aut bestiis obijciuntur*: quem locum illustrant Cuiacius & Schulzingius. Tempore Triboniani sicariorum, & maleficorum nullo discrimine poena erat ultor gladius, h. 6.

§. VI. Quartum publicum crimen est Parricidium, adsperrimum sane crimen, & ultimum nefas, ut Seneca inquit l. de Clem. 23. Nullam parricidio poenam impotuisse dicitur Solon, id neminem facturum ratus, uti eum ea de re interrogatum respondisse, tradit Cic. pro Rosc. Amer. c. 25. Nulla quoque parricidii poena in legibus Romuli. Plut. in Rom. Hinc Quintil. decl. 299. *Citerius*, inquit, est poena, quam scelus. At in legibus 12. Tab. ejus poena culleus. Auctor ad Heren. lib. 1. Val. Max. lib. 1. c. 1. §. 13. Festus x. supras. Modestinus l. 9. ad L. Pompejam de parricid. Eam primus sensit an. Urb. 680. Publicius Malleolus. Liv. Epit. lib. 68.; etsi enim M. Tullium Duumvirum Tarquinii Regis jussu culleo insutum, dejectumque in mare, auctor sit Val. Max.

(g) Girardus Noodt 1. Obs. 1. pro aliquo manus legi alto. Sed Codices obstant, nec quidquam causa est, cur quidquam mutemus.

(h) De Decurionibus subobscurè loquitur Modestinus d. l. 16. Sed vide Ant. Schulzingium ad Paul. ibid.

Max. *ibid.*, haud tamen fuit Duumvir parricidii reus; subditque Valerius, *Idque supplicii genus non multo post parricidis lege* (12. tab.) *irrogatum est.* De parricidis etiam aliquid a Sulla cautum lege Cornelia, ut dictum §. *præced.* Sequuta est eam Lex Pompeja, de qua Trib. h. §. De hujus legis auctore non liquere, ait Aut. Augustinus de *Nom. prop. Pandect.*; sed forte is fuit Pompejus, qui an. Urb. 698. Consul cum Crasso fuit. Præterea de parricidiis constituta quædam ab Hadriano l. 9. ff. h. s. Paulus §. *sent.* 24. *Dosithe. lib.* 3, & Constantino l. un. C. de *his, qui par. vel lib. occid.* Culleus erat saccus de corio lupino, ut Auctor ad Herennium inquit, quo obvolvabatur, & obligabatur parricida cum caue, gallo, vipera, & simia in profluentem devehendus, l. *pen. h. t.* Cic. & Val. Max. *ibid.* Cur autem placuerit, ut parricida eas bestias haberet comites, explicat Gothofredus ad l. 9. h. s., quem vide. Serpentem quoque additum, tradidere Senec. 1. de *Clem.* 23. *Juven. sat.* 8. v. 214. & vetus interpret Anianus ad l. un. C. h. t. Antequam culleo iussuaretur, parricidam *virgis sanguineis* verberatum, scribe Modestinus d. l. 9., ubi male pro *sanguineis* legit *sagmineis* Corasius 1. *Miscell.* §, quum quia sic habent omnes Codices, tum quoniam non est credendum, voluisse Romanos parricidarum corpore sanguina sacram herbam contaminare. V. Turneb. 2. *Advers.* 23. Lex 12. tab. de eo cavet, qui *parentem suum* necasset, ut loquitur Auctor ad *Heren.* Cornelius Sulla eadem poena retenta (nam post eum cullei est mentio apud Tullium *loc. cit.*) ad alios etiam cognationis gradus parricidii poenam produxit: ad alios etiam Pompejus; cavisse enim eum scribe Marcianus l. 1. h. t., ut parricidii reus esset, qui *patrem, matrem, avum, aviam, fratrem, sororem, patruelem, matruclum, patruum, avunculum, amicum, consobrinum, consobrinam, uxorem, virum, generum, socrum, vitricum, privignum, privignam, patronum, patronam* occiderit, cujusque dolo male factum erit. Eadem quoque lege teneri voluit *matrem, quæ filium filiamve, & avum, qui nepotem occiderit, & præterea qui emis venenum, ut pater daret, quumvis non potuerit dare.* Nunc de poena legis Pompejæ videamus. Eam fuisse culleum scribe h. §. Tribonianus. Verum Franciscus Duarenius ad tit. ff. de *L. Pomp.*, & Jacobus Cujac. ad Paul. §. *sent.* 24. Tribonianum ajunt legi Pompejæ adscripsisse poenam cullei a Constantino restitutam, d. l. un. legis vero Pompejæ poenam fuisse non aliam, quam quæ fuit poena legis Corneliæ de Sicariis sublato cullei usu. Videtur hanc opinionem confirmare Marcianus d. l. 1. §, ubi lege Pompejæ caverat, ut qui patrem, matrem, & alios eo loco descriptos occiderit, *ea poena teneatur, quæ est legis Corneliæ de Sicariis.* Gerardus Noodt 1. *Prob.* 1. t. suspicatur, Marcianum in explicanda lege Corneliæ de parricidiis occupatum facile potuisse ad vicinum nomen Corneliæ de sicariis aberrare. Hinc legit, *ea poena teneatur, quæ est legis Corneliæ de parricidiis.* Heineccius *Antiq.* ad h. t. non esse inquit opus emendatione, nam potest Marcianus accipi de iis, qui remotiores cognatos vel adfines occiderint, ad quem modum distinguit etiam in fine h. §. Tribonianus, *Si quis autem alias cognatione vel adfinitate personas conjunctas necaverit, poenam legis Corneliæ de sicariis sustinebit.* At vero Heineccium Marciani locum legere pertæxum certe, nam si vel cursim legisset, is vidisset plane, scriptum eo loco, qui *patrem, matrem, avum, aviam occiderit, ea poena teneatur, quæ est legis Corneliæ de sicariis.* Quod addit Heineccius, quum lex Corneliæ de sicariis parricidas etiam persequuta sit, & quidem veteri poena cullei, ut modo dicere occupavimus, nihil esse opus emendatione; id quidem bono interprete dignum est. Culleum post jam latam Pompejam legem meminere Senec.

&amp; Ju:

& Juven. *loc. cit.* Xiphilin. in Neron., & alii satis multi. Cullei poena nullo discrimine ad Hadrianum recit. Hadrianus primum ita cullei poenam servari voluit, *si mare proximum esset*, alioqui parricidam beitiis obijci constituit. Modestinus *l. 9. h. s.* Post Hadrianum videtur prorsus ea poena in desuetudinem abiisse. Tandem eam restituit Constantinus *d. l. un.*; sed eos tantum culleo puniri voluit, qui in recta linea occidissent. V. Nerium *l. Analeth. 30.* Ad hanc sententiam loquutus videtur Tribonianus *h. s.*, ubi poenam cullei in eum constituit, qui parentis aut filii, *aus omni affeclione ejus, qua nuncupatione parricidis continetur facta properaveris*. Ita legendum ex *d. l. un.* Minus recte vulgata habet, *ad finitatis ejus, qua nuncupatione parentis continetur, facta preparaveris*. V. Hot. & Charond. In eum vero, qui alios uocaverit, poenam constituit legis Corneliae de sicariis.

§. VII. Quintum publicum crimen est *Falsum*, quod vindicavit lex Cornelia rogante C. Sulla an. Urb. 673. ad populum lata. Ante eam legem certe idem leges aliae praeterierunt, quarum tamen memoria intercederat, unde Cicero *l. in Ver. 42.* Cornelia lege non *jus aliquod novum consensum esse populo* inquit, *sed sanctum*, ut, *quod semper malum facinus fuerit, ejus questio ad Praetorem pertinere ex certo tempore*. Eam Cicero ibidem *testamentariam nuntiarum* vocat; nam uno capite de testamentis falsis, altero de numis adulterariis egit *l. 2. §. 32. de O. J.*, *l. 9. ad L. Corn. de falsi*, quo factum, ut nonnulli Legum Romanarum collectores duas Corneliae leges percussuerint, testamentariam unam, alteram numariam. Prius caput est apud Paulum *4. sent. 70.* *Qui testamentum falsum scripserit, recitaverit, subjecerit, signaverit, supprefferit, amoverit, resignaverit, delenerit, poena legis Corneliae de falsis senescitur*; ubi quatuor illa, *scripserit, recitaverit, subjecerit, signaverit* ad falsas quae vero sequuntur, ad vera pertinentur testamenta. Resignare est signa auferre, ac proinde aperire, ut in *§. 4. de test. mil. lib. 23. l. 23. qui test. fac.* Poenam Legis ait Paulus esse deportationem in insulam. Tu sic habe, aquae & ignis interdictionem fuisse lege Cornelia expressam, pro qua Paulus, ut erat ratio sui temporis, deportationem expresse. V. dicta ad *§. 5. h. tit.* Tribonianus poenam Legis esse inquit *in servos ultimum supplicium, in liberos deportationem*. Accesserunt Senatusconsulta, & Constitutiones nonnullae, quibus aliae falsi species adjectae. Pertinet huc egregius Ulpiani locus in Collat. *sic. §. 5. 7.* *Falsum est Senatusconsultum Statilio & Tauro Consulibus, (praeter legere eum Pithoro, & aliis, Statilio Tauro, & Scribonio Libone Coss., nam unus idemque est Statilius ac Taurus) quo poena legis Corneliae irrogatur ei, qui quid aliud quam testamentum sciens signaverit, signarive curaverit. Item qui falsas sessiones faciendas, testamentave falsa (maluit nonnulli, testimonio, ut in *l. 1. ff. eod.*, alii acciunt testamenta eodem sensu, quo illi testimonio respondent: quae de re amplius deliberandum) invicem dicenda, aut consignanda dolo malo curaverit. Licinio V. & Tauro Coss. (legunt quidam, & Calpurnio, quem fuisse Licinii collegam ex Tacito constat *4. Annal. 62.*; alii Taurum, susceptum Consulern fuisse suspicantur) item qui obstruendam advocatorem, testimonioque pecuniam acceperit, postulave fuerit, societatem coierit, aut aliquam delationem interposuerit. Item si quis coierit ad occisionem (alii obligationem, alii obsequium, alii accensationem. V. Pithœum, & Schulting. ad *h. l.*, & Bynkers. *3. Otfr. 19.*) Innocentium, Senatusconsulto, quod Cotta & Messala factum est, coercetur. Sed & si quis ob venundandum, vel denudandum non remittendumve testimonium (Cujacius emendat, denunciandum, vel non denunciandum, remittendumve) pecuniam acceperit, Ssio, quod duobus*

*Geminis Coss.* (C. Fufio Geminio, & L. Rubellio Geminio) *factum sit, panna-*  
*legis Cornelia adscitur.* V. Bynkersh. 3. *Off.* 18. 19. 20. 21. 22. & 4. *Off.* 21.

§. VIII. Sextum publicum crimen est *Pro publica & privata*. Initio leges de maiestate, & acariis vim, seu publicam, seu privatam vindicarunt. Primus de vi lege propria cavis an. Urb. 675. Catulo & Lepido Coss. P. Plan-  
 cius T. plebis, a quo lex Plautia de vi. Successerunt dux Julix leges de vi publica & privata, quarum prior Julium Cæsarem jam Dictatorem, altera Augustum habet auctorem. De priore Cicero *Phil.* 1. c. 9., nec præter eum, alius: de posteriore Tribonianus h. §., ubi ait, vim armatam deportatione, vim sine armis tertie partis bonorum publicatione puniri. V. Sigon. 2. *de judic.* 33. Paulus pro tempore suo scribit *lib. 5. sent. tit. 26.* vim publicam in humilioribus poena capitis, in honestioribus insulæ deportatione coerceri: vim vero privatam in honestioribus tertia bonorum parte, & in insulam relegatione, in humilioribus damnatione in metallum castigari ait §. 3.

§. IX. Septimum publicum crimen est *Peculatus*, qui, ut inquit Festus, *dictus est a pecore, quia, quum vetustissimi Romanorum nihil præter pecus haberent, ab eo initium ejus fraudis esse coepit, vel quia noxii pecore multabantur.* Plin. *lib. 8. c. 3.* Gell. *lib. 6. c. 1.* Labeo *lib. 38.* Post. apud Paulum *l. sacrilegi 9. b. t.* peculatum definit, *pecunia publica aut sacra furtum, non ab eo factum, cujus periculo fuit.* Initio crimen hoc frequens erat apud Græcos, apud Romanos autem rarum, teste vel ipso Græco homine Polybio *lib. 6. Hist.* Hinc, si quando Romanus Civis reus esset peculatus, nulla certa lege, nullo quæsitore cerco, sed extra ordinem ab eo damuabatur, cui Populus eam quætionem demandaverat, quod patet exemplo Scipionis Africanii apud Liv. *lib. 38. c. 6.* Quum vero crescente in dies temporum perfidia peculatus Romæ etiam increbresceret, lex de peculatu prodit, rogante nescio quo, & peculiaris constitutus est Prætor, qui de peculatoribus cognosceret, idque ante Sullanæ tempora. Sigon. 2. *de judic.* 28. Tum auctore, ut ajunt, C. Cornelio Tribuno Pl. lata est *Lex de Residuis*, de qua Ascon. Pædian. in *Cornelian.* p. 1311. Accessit denique *Lex Julia de Peculatu*, quam Giphanius ad h. §. Augusto, ejus tribuunt Julio Cæsari, quod verosimilius est. *Publica pecunia*, ut ad Labeonis definitionem redeamus, proprie est pecunia Populi Romani. Ulp. *l. 15. de V. S.* Sed & idem Ulp. *l. 17. eod.* diserte inter publicam habet, *si qua sunt Civitatum.* Ad rem Marcianus *l. 4. §. ult. ad L. Jul. Pecul.* Sed & §. inquit, *de re civitatis aliquid subripiatur, (vel subripiat, ut est in Florent.)* Constitutionibus Principum Divorum Trajani & Hadriani cavetur, *peculatus crimen committi & hoc jure utimur.* Obstat Papiniani locus in *l. 81. de furs.* ibi, *Ob pecuniam civitati subtractam, actione fursi, non crimine peculatus tenetur.* Scholiastes Basilicorum ad *l. 60. tit. 22. r. 81. lit. 8.* & ad *l. 60. tit. 45. c. 5. lit. E.* Papinianum loqui ait de custode, cujus periculo pecunia civitatis fuit; Marcianum vero de extraneo juxta textum in *cit. l. 9. §. 3. & r. de qua inferius.* Eodem quoque modo distinguit Charondas Not. Marg. ad *l. 81.*, licet se in ea re non sequutum Græcos affirmet. Glossa Latina ad *l. 81.*, & *l. 4. §. ult.* Marcianum de Civitate Romana, Papinianum de reliquis Civitatibus intelligit. Sed nihil est in oppositis legibus, quod aut Scholiasten juvet, aut Glossam. Duaren. *lib. 2. Disp. Annivers. c. 26.* & Jacob. Cocj. ad Papin. *l. 1. Resp. id d. l. 81.* post aliam Glossam in *d. l. 81.* Papinianum ajunt respectisse ad jus, hoc est, ad ipsam legem Juliam, quæ tantum est de pecunia Populi Romani; Marcianum autem ad Constitutiones Trajani & Hadriani, qui legem Julianam ad quuscumque civitatis pecuniam, ad *lib. 17.*

produxerunt: nec novum est, ut jus a Constitutionibus separatur, nam, ut de aliis tacemus, Edictum ex quibus causis majores, quod erat tantum de Civitate Romana, ad quasvunque Civitates porrectum est, *l. legati, ff. ex quib. caus. major.* Fere eadem habet Ant. Matth. ad tit. 13. lib. 48. ff. c. 1. n. 5. nempe Papinianum verborum proprietatem sequutum, contra vero Imperatores utilitatem magis, quam vim verborum; constat autem ex Ulp. in cit. l. 15. de V. S., bona civitatis abusive publica dici, sola enim ea proprie publicita dicenda sunt, quae Populi Romani sunt. Verum ego in hanc sententiam adduci non facile patiar, nam Marcianus Papiniano cœvus ait, ætate suæ sic receptum ex Constitutionibus Trajani & Hadriani, uti, si quis rem civitatis subriperet, crimine peculatus teneretur, ut vix credibile sit, voluisse Papinianum contra Imperatorum Constitutiones ex jure veteri respondere; præcipue quum illud Papiniani fragmentum sit ex libris Responsorum, in quibus non de jure secundum nimiam & miseram proprietatem verborum disputabat, sed ex recepto jure, & prope ex facto respondebat. Alio fœvertunt Jacobus Rævard. lib. 2. Var. c. 19., & Petrus Fab. lib. 1. Semestr. c. 222. ajunt enim, Marcianum loqui de re Civitatis, Papinianum de pecunia. At non video, quid distinet res & pecunia Civitatis. In his angustis placet ad antiquum exemplar confugere, ubi sic scriptum refert Alciat. lib. 1. Dispunct. c. 3. Ob pecuniam Civitatis subrallam actione furti, nec. nen crimine peculatus tenetur. Quod si Alciati fidem in dubitationem adducas, quod facit Bynk. lib. 4. Obs. c. 3. non erit abs re particulam, non, apud Papinianum pro non tantum accipere, ut accipit laudato loco Bynk., quæ loquutio multis Injurisconsultorum exemplis confirmatur, *l. lex Cornelia 2. §. domum 2. ff. de injuriis, l. unie. §. quod si 4. ff. furti advers. nav. anup. stabul. G. 4.* Neque obstat, quod opponebat Alciato Johannes Robert. lib. 2. except. l. 1. c. 2. non posse cum peculatu actionem furti conjungi præcipue ob textum in l. 5. h. t. & l. 7. §. 1. ff. de injuriis; nam in l. un. Cod. quando civ. all. crim. præjud. actio furti & judicium legis Fabiæ concurrunt. Præterea judicio legis Juliæ tenetur, qui in aurum, argentum, aut æs publicum aliquid indit, aut immiscet, quo id pejus fiat, *l. 1. h. t.*, qui cum in moneta publica operatur, extrinsecus sibi signat pecuniam forma publica, vel signatam faratur, *l. sacrilegii 6. §. 1. cod.* Extrinsecus, hoc est, præter eam, quam ad publicum usum faciunt; in publica tamen officina; si enim privatim id faciat, falsi tenetur, *l. 2. C. de falsi monet.*, qui ex metallis Casariæ aurum argentumve furatus fuerit, *d. 1. §. 6. §. ult.*, qui tabulam æneam, alias æream leges, alias legis, formamve agrorum (militibus assignatorum. Cujac. 20. Obs. 2.) aut quid aliud continentem refigerit, vel quid inde immutaverit, deleverit, induxerit, *l. qui tabulam 8. ff. h. t.*, qui in tabulis publicis minorem pecuniam, quam quid venierit, aut locatum fuerit, scripserit, aliudve quid simile commiserit, *l. hac lege, ff. cod. qui in jussu ejus, qui ei rei præsit, tabularum publicarum inspicendarum describendarumque potestatem fecerit, l. sacrilegi 9. §. Senatus, cod.*, qui prædam ab hostibus captam subripuit, *l. pen. h. t.*, qui ex publicis rationibus mutuum pecuniam dedit, vel accepit, *l. 1. C. de his, qui ex publ. rationib. 3* qui facit, ut quis publicam pecuniam auferat, quique furanti suum præbet, *l. 1. C. de 6. ff. cod.*, & *l. unie. C. cod.* Interdum tamen privata etiam pecunia peculatus facit, ut, si quis quod fisco debetur, simulans se fisci creditorum receperit, *l. sacrilegi 9. §. eodem, ff. h. t.* At peculatus nequaquam committitur, si exigam ab eo pecuniam, qui & mihi & fisco debet; præveniendo enim non peculor, et si privilegium fisci faciat, ut exacta pecunia reddatur, *l. peculatus*

*l. 12. eod.*, l. 5. C. de *privat. fidei*, l. de *ferre* 18. *§. ut de jur. fidei*. Contra nonnunquam pecunia publica *peculatum* non facit, puta si is pecuniam intervertat, cujus periculo fuit, d. l. 8. *§. ut de*, & *§. ita autem*, ff. h. t., nam eo ipso, quo quis pecuniz periculum in se incipit, quasi cum eo decidit de peculatu, ut bene Ant. Matt. loc. cit. Ad *peculatum* pertinet non modo publicæ rei, sed & rei sacræ furtum, ut in definitione *Lib. 1. c. 1. §. 1.* est, atque hoc propriè sacrilegium est. Quid si privata res in Ecclesia deprehendatur & ejus rei furtum non esse sacrilegium ait Martian. in l. 5. h. t. Divi Severus & Antoninus Cassio Festo rescripserunt, res privatarum si in eadem sacræ depositæ, surrepta fuerint, furti actionem, non sacrilegii esse. Idemque confirmat idem Marcianus in l. 4. pr., & Paulus in l. 9. §. 1. C. 2. eod., ubi rei sacræ mentio est. Obstat Saturninus in l. 16. §. 4. de *pœnis*, ibi: *Locus facit, ut eadem vel furtum vel sacrilegium sit*, & capite luendum, vel minore supplicio. Putat Cujaciis, ea de re disputatum olim fuisse inter Jurisconsultos, disputationem vero sustulisse Constitutione sua Severus & Antonium. V. Cujac. l. 13. Obs. c. 19., & Ant. Matt. *ibid.* c. 3. Verosimilius Bynk. lib. 1. observ. 8. hanc esse ait Saturnini sententiam, ob locum subreptionis esse furtum aut sacrilegium, ut qui rem sacræ furtum facturus, ex domo locoque privato abstulit, in quo forte inveniebatur, fur sit dumtaxat, quia non simpliciter, qui quid sacri abstulit, lege Julia tenetur, verum is dolo, qui dolo malo, l. 1. ff. h. t. hoc est gnarus rem, quam surripiebat, esse sacræ: quod in eo, qui ex loco non sacro abstulit, præsumi nequit, quod eo furandi an mo, non legendi sacra veniat. Igitur furti tenebitur, d. §. 4. Sin vero eandem rem sacræ ex loco sacro surripuisset, quia & sacra erat, & sciri debuit, in loco sacro esse solere sacra, utique sacrilegus est: d. l. 16. §. 4. Huc facit locus Auctoris ad Herenn. l. 1. c. 22. Si quis peculatus accusatur, quod vasa argentea publica de loco privato dicatur sustulisse, posset dicere, cum definitione sit usus, quid si furtum, quid peculatus, secum furti agi, non peculatus oportere. Verum Canones sacrilegium esse ajunt furtum rei non sacræ, quæ tamen de loco sacro aufertur. Johan. 8. c. 21. *causs.* 17. q. 4. ibi, *Sacrilegium committitur auferendo sacrum de sacro, vel non sacrum de sacro, sive sacrum de non sacro*. Quod tamen eo sensu intelligunt nonnulli, si res privata loci sacri tutelæ concedita sit. Hujus etiam criminis reus est, qui Divinæ legis sanctitatem aut nesciendo confundit, aut negligendo violat, l. 1. Cod. de *crimine sacrileg.* Divinam legem intelligit hic Quærens Principum Constitutiones. Sed quamquam Imperatoris leges & sacræ, & Divinæ dicantur, l. 9. C. de *leg.*, l. pen. C. ult. C. si *cont. jur. vel util. publ.*, & pro sacrilegiis habebantur, qui eas violant, l. 3. C. de *div. rescript.*, l. 1. C. ut *dign. ord. serv.*, verosimilius tamen est, in d. l. 1. Divinam legem esse ipsam Dei legem, ea enim l. 1. in Cod. Theod. posita est sub tit. de *Episc. & Cler.* l. 2. §. Hinc sacrilegi sunt blasphemæ, hæreses, apostata, l. 4. §. ult., l. 8. §. 2. C. de *hæres.*, l. 1. C. 4. C. de *apost.*, & qui reos ad Ecclesiam confugientes sua auctoritate abstrahunt, l. 2. C. de *his, qui ad Eccl.*, & qui intra eam Provinciam, unde ortum ducunt, aliquod officium administrandum suscipiunt, l. ult. C. h. tit., videntur enim hi sanctitatem legum in discrimen adducere ob gratiam aut concivium, aut consanguineorum.

§. X. Septimum publicum crimen est *Plagium*, quod lex Fabia incerti auctoris ac temporis vindicavit. Ejus meminit Cic. pro *Rabir.* 3. Reus plagii est, qui Civem Romanum ingenuum, libertinum, servumve alienum dolo malo celat, vendit, vincit, comparat, quive in eam rem socius est, tit. ff.

## ERRATA

## CORRIGE: 182

p. 8.	Ripem.	Ripem.
p. 63.	non fuisse.	fuisse.
<i>Ibid.</i>	pro re corporali experitur is, qui possidet: pro re incorporali is etiam qui non possidet.	pro re corporali experitur is, qui non possidet: pro re incorporali is etiam qui possidet.
p. 81.	<u>Lenonem.</u>	<u>Leonem.</u>
p. 90.	<u>publicæ.</u>	<u>publice.</u>
p. 99.	<u>taxativa.</u>	<u>taxativas.</u>
p. 101.	<u>l. 18. Cod. div. hæn.</u>	<u>l. 18. com. div.</u>
p. 103.	<u>res gesta est. Negociorum.</u>	<u>res gesta est; negociorum.</u>
p. 119.	alteram proponis.	alteram proponit.

*Levioribus mendis Lector ignoscat.*




AN  
1319524











xxii  
C16.